

১শে ভাগ।  
১ম সংখ্যা।

শ্রীবাণী।  
১৩১৬।



অনু নারায়ণ  
পূজনে  
মমতায়  
দেবতায়।

### সূচী।

বিষয়।	পৃষ্ঠা।
প্রার্থনা	১
মহিলার পঞ্চদশ বর্ষ বয়ঃক্রম	২
আকস্মিক ঘটনা ও সামান্য রোগাদির গৃহচিকিৎসা	২
দেবী জগন্মোহিনী	৮
মেয়েদের আদান প্রদান	১০
পুরীর বিশেষ দর্শনীয় বিষয় ও স্ত্রীস্বাধীনতা	১৩
হেলেন কেলার	১৭
মহিলার রচনা—চট্টগ্রাম ভগ্নীসমাজে পঠিত সংবাদ	২৩
	২৪



ডাকমাণ্ডল সহ অগ্রিম বাসিক মূল্য : টাকা মাত্র।



## যদি কেশের শোভা সম্পাদন করিতে চান

তাহা হইলে প্রতিদিন স্নানের সময় আমাদের "কুন্তলব্যা তৈল" ব্যবহার করুন। ইহা ব্যবহার করিলে কেশরাশি ভ্রমর কৃষ্ণবর্ণ ধারণ করে, এবং মাথায় সরাসরি ও খুস্কী প্রভৃতি জন্মতে পারে না। রমণীগণ যদি কবরী রচনার সময় "কুন্তলব্যা" সহায়তা গ্রহণ করেন, তাহা হইলে আর তাঁহাকে অন্তবিধ সুগন্ধি দ্রব্য ব্যবহার করিতে হয় না। এক কথায় "কুন্তলব্যা" কেশতৈল মধ্যে সর্কশ্রেষ্ঠ। মূল্য প্রতি শিশি এক টাকা। মায় ডাক মাণ্ডল ১১/০ তিন শিশি ২০, ডজন ২০ টাকা।

## সুরসুন্দরী বটিকার তত্ত্ব রাখেন কি ?

আমাদের সুরসুন্দরী বটিকা সর্কবিধ জীরোগে অর্থাৎ প্রদর, বাধক, রক্তের স্বল্পতা বা রক্তোদিক্য রক্তগুণ্ডা প্রভৃতি আরাম হয়। অতি ছুরিল বোগীও ইহা সেবনে বিগতরোগ হইয়া হৃষ্টপৃষ্টকায় হইতে পারেন। ঝাঁহাদের গৃহে ঐ সব রোগে মহিলারা কষ্ট পাইতেছেন, তাঁহারা একবার আমাদের "সুরসুন্দরী বটিকা" ব্যবহার করিতে দেন। প্রতি কোটা ২, ছই টাকা, ডাকমাণ্ডলসহ ২৮০।

ভৈষজ্যরত্নাবলী—(ষষ্ঠ সংস্করণ) বাহির হইয়াছে। গণির মধ্যে যেমন কৌস্তভ, জ্যোতিষ্কের মধ্যে—যেমন চন্দ্র, তেমনি সমস্ত আয়ুর্বেদীয় চিকিৎসা-গ্রন্থের মধ্যে "ভৈষজ্যরত্নাবলী"। ঋষিকল্প কবিরাজ বিনোদলাল সেন মহাশয়ের আজীবন-ব্যাপী পরিশ্রম গবেষণা—এই গ্রন্থ মধ্য নিহিত। আয়ুর্বেদ শিক্ষার্থী ও চিকিৎসকগণের পক্ষে ইহা মহামূল্য উপাদেয়-গ্রন্থ। পুস্তকখনি হাজার পৃষ্ঠা উপর। পুরু কাগজে সুন্দর ছাপ। এই একখানি পুস্তক পড়িয়াই উৎকৃষ্ট কবিরাজ ওয়া যায়। ইহা আমাদের কার্যালয় ভিন্ন আর কোথাও পাওয়া যায় না। সাবধান! নকল লইয়া ঠকিবেন না। মূল্য ৬, ছয় টাকা। ভিঃ পিঃতে ছয় টাকা দশ আনা মাত্র।

ঋষিকল্প কবিরাজ বিনোদলাল সেন মহাশয়ের

## আদি-আয়ুর্বেদ ঔষধালয়।

১৪৬ ও ৩৬নং লোয়ার চিংপুর রোড ফোজদারী বালাখানা, কলিকাতা।

টেলিগ্রাফিক ঠিকানা

প্রধান চিকিৎসক

ভীষকরাজ।

কবিরাজ শ্রীআশুতোষ সেন।

ও

কবিরাজ শ্রীপুলিনকৃষ্ণ সেন।

কলিকাতা

৩ নং রমানাথ মজুমদারের স্ট্রীট, "নন্দলগঞ্জ মিশন প্রেসে"

কে, পি ন্যাথ কর্তৃক ২০শে শ্রাবণ মুদ্রিত ও প্রকাশিত।



মাসিক পত্রিকা।

"যত্র নারীস্তু পূজ্যন্তে রমন্তে তত্র দৈবতাঃ।"

১৫শ ভাগ]

শ্রাবণ, ১৩১৬, আগষ্ট ১৯০৯।

[ ১ম সংখ্যা।

## প্রার্থনা।

বিধ্বজননি! নারীজাতি ও পুরুষজাতি উভয়েই তোমার সন্তান। উভয়ের প্রতি তোমার তুল্য মেহ প্রেম। কিন্তু উভয়ের প্রকৃতি তুমি ভিন্ন উপাদানে গঠিত করিয়াছ। নারী-প্রকৃতি কোমলতা প্রধান, তাহার মেহ প্রেমের মাধুর্যে সকলের মন আকৃষ্ট হয়। পুরুষ-প্রকৃতি দৃঢ়তা প্রধান। তাহার কার্যোদ্যম ও শ্রমশীলতা সকলের মনকে উৎসাহ ও উদ্যমে পূর্ণ করে। মা, প্রকৃতির এইরূপ ভিন্নতা জগৎ তুমি উভয়ের জীবনের কার্য্যও ভিন্ন নির্দিষ্ট করিয়াছ। তোমার কৃপা স্তম্ভদানে সম্মেহ যত্নে শিশুসন্তানদিগকে লালনপালন করিবেন, তিনি স্মমাতা হইবেন, তোমার এই প্রকার নির্দেশ। তুমি ইচ্ছা কর যেন তাঁহাকে সেরূপ শিক্ষা দান করা হয়। বাহার তাঁহাদের প্রকৃতির তারতম্যানুযায়িনী শিক্ষা দান না করিয়া পুরুষোচিত

শিক্ষা দিয়া তাঁহাদিগকে পুরুষ-প্রকৃতি করিয়া তোলে, তাহার তোমার নিকটে ঘোরতর অপরাধী। গৃহ কন্মাদিতে নারীর কর্তৃত্ব থাকে তোমার এইরূপ বিধি। তাঁহারা যেমন স্মমাতা হইবেন তদ্রূপ গৃহ-কন্ম নৈপুণ্যে স্মগৃহিণী হইবেন তুমি এইরূপ ইচ্ছা কর। বাহার গৃহকন্মাদি শিক্ষা না দিয়া কন্মাদিগের মন ভোগ বিলাস ও আলস্যের দিকে আকর্ষণ করে তাহার তাঁহাদের ভয়ানক শত্রু বলা যায়। তাহার তোমার বিধির বিরুদ্ধাচারী। পতি-সেবা ও পতির প্রতি শ্রদ্ধা প্রীতি শিক্ষা করিয়া প্রত্যেক কন্মাকে স্পন্নী হইতে হইবে। ইহাই তোমার আদেশ। মা, আমরা যেন আমাদের কন্মাগণ বাহাতে ভবিষ্যতে স্পন্নী হইতে পারেন তদ্রূপ শিক্ষা যত্নপূর্বক তাঁহাদিগকে দান করিতে পারি। তুমি এরূপ আশীর্বাদ আমাদের কর এবং শুভবুদ্ধি দান কর।



## মহিলার পঞ্চদশবর্ষ বয়ঃক্রম ।

মঙ্গলনিলয় পরমেশ্বরের রূপায় নানা বিঘ্ন বিপদ অতিক্রম করিয়া বর্তমান শ্রাবণ মাসে আমাদের প্রিয় মহিলা পঞ্চদশবর্ষে উপনীত হইলেন। যিনি প্রথম হইতে চতুর্দশ বৎসরের অধিকাংশ সময় পর্যন্ত মহিলা যোগে বঙ্গীয়া মহিলাদিগের সেবা করিয়াছেন তিনি দীর্ঘকালব্যাপী কষ্টজনক ঋসকৃচ্ছ, রোগে আক্রান্ত হওয়ায় তৎসম্পাদনে অক্ষম হইয়াছেন, অগত্যা তাহা সম্পাদনের ভার হস্তান্তরে গ্রহণ করিয়াছেন। একটা সুযোগ্য কথ্য ও সম্পাদন কার্যে তাঁহার সহায়তা করিতে ছেন। পূর্বে মহিলা প্রতি মাসের শেষ দিবসে প্রকাশিত হইত, পরে মহিলা নিয়মিতরূপে প্রতি মাসে প্রকাশিত হয় নাই। তাহা পরমাসের প্রথম পক্ষের মধ্যে গ্রাহক গ্রাহিকাদিগের নিকটে প্রেরিত হইয়াছে। এক্ষণে যেরূপ ব্যবস্থা, অতঃপর আরো বিলম্বে প্রকাশ হওয়ার সম্ভাবনা। কেননা যিনি বিশেষ ভাবে মহিলা সম্পাদনের ভার গ্রহণ করিয়াছেন, তাঁহাকে অল্প অনেক গুরুতর কার্য সম্পাদন করিতে হয়, এবং দূর হইতে প্রফ ও কাপি ইত্যাদি যোগাইতে হয়, সময় মত সেই সকল যোগান তাঁহার পক্ষে দুষ্কর। বর্তমান বৎসর হইতে মহিলার কিছু কিছু পরিবর্তন আবশ্যিক হইয়াছে। এক্ষণে হইতে প্রথম পৃষ্ঠায় স্ত্রীনীতিসারের পরিবর্তে একটা প্রার্থনা থাকিবে। গত মাসের মহিলাতেও প্রার্থনা প্রকাশিত হইয়াছে।

কোন একটা বিশেষ কবিতাও প্রার্থনার পরে প্রকাশিত হইতে পারে। বঙ্গমহিলাদিগের কল্যাণোদ্দেশ্যে যে সকল নারী হিতৈষী বন্ধু প্রবন্ধাদী প্রদান করিয়াছেন, আশা করি তাঁহারা নিয়মিতরূপে সেইরূপ অনুগ্রহ প্রকাশ করিবেন। তাঁহাদের অনুগ্রহের উপর মহিলার উন্নতি ও জীবন রক্ষা নির্ভর করে। মনস্বিনী মহিলাগণ যেরূপ সুন্দর সুন্দর গদ্য পদ্য প্রবন্ধ প্রদান করিয়া মহিলাদিগের রচনা স্তম্ভটি পূর্ণ করিয়াছেন, আমরা তাঁহাদের নিকটে সেই অনুগ্রহ ভিক্ষা করি। মহিলা তাঁহাদেরই পত্রিকা তাঁহাদের সেবাতেই নিযুক্ত। তাঁহারা উপেক্ষা করিলে বিশেষ ক্ষতি। মহিলার বর্তমান অবস্থা দেখিয়া আমরা জানি, অনেক পাঠক পাঠিকা বিশেষ সন্তুষ্ট হইয়াছেন। যাহাতে উত্তমরূপে মহিলার কার্য সম্পাদিত হইতে পারে তৎক্ষণাৎ আমরা বিশেষ যত্ন করিব। ভগবানের আশীর্বাদ ও গ্রাহক গ্রাহিকা-দিগের অনুগ্রহ আমাদের সম্বল।

## আকস্মিক ঘটনা ও সামান্য রোগাদির গৃহচিকিৎসা।

(পূর্বপ্রকাশিতের পর।)

পূর্বে উল্লেখ করিতে বিস্মৃত হইয়াছি যে সেকো বিষ, লাইকর আর্সেনিকরূপে ঔষধে ব্যবহার হইয়া থাকে, ডাক্তারেরা উহা পুরাতন জ্বর এবং চর্ম রোগাদিতে প্রয়োগ করিয়া থাকেন। উপযুক্ত কারণ-

## আকস্মিক ঘটনা ও সামান্য রোগাদির গৃহচিকিৎসা।

বশতঃ কেহ কেহ লাইকর আর্সেনিক গৃহে রাখিয়া থাকেন, এবং তাহাতে অনিষ্টোৎপত্তি হইতেও দেখা যায়। লেখকের এরূপ একটা ঘটনা মনে আছে। উত্তর পশ্চিমাঞ্চলের কোন স্থানে একটা ডেঃ মাজিষ্ট্রেটের বিশ বৎসর বয়স্ক পুত্র, ডাক্তারের উপদেশানুসারে পুরাতন জ্বরের জন্ম পাঁচ ফোঁটা করিয়া Liquor arsenic জলের সহিত মিশ্রিত করিয়া পান করিতেন। একটা শিশিতে এক আউন্স পরিমাণ ঔষধ তাহার কক্ষে রাখা ছিল। একদা তাঁহার একটা শিশু ভ্রাতা কোনরূপে সে শিশিটা প্রাপ্ত হইয়া প্রায় অর্ধেক ঔষধ পান করিয়া ফেলিয়াছিল, এবং কঠিনরূপে পীড়িত হইয়াছিল। এই ঔষধটীর দশ ফোঁটার অধিক পান করিলেই বিষের লক্ষণ উপস্থিত হইয়া থাকে।

লক্ষণ।—সেকো বিষ (সিমুলফার বা white arsenic) ভক্ষণ করিবার অর্ধ ঘণ্টা হইতে এক ঘণ্টার মধ্যে এবং কখন কখন তদপেক্ষা অল্প সময়ের মধ্যেই মুখে শুষ্কতা, পিপাসা এবং গলনলী ও পাকাশয়ে তীব্র জ্বালা ও বেদনানুভব হয়। উদরের উপরে চাপ দিলে বেদনা অসহ্য বোধ হয়। ইহার সঙ্গে সঙ্গেই বমন আরম্ভ হয়। পাকাশয়ে যাহা কিছু থাকে তাহা সমুদায় উঠিয়া গেলে পর পিত্ত ও রক্তমিশ্রিত জলীয় পদার্থ নির্গত হইতে থাকে। উদগীরণ পদার্থ একটু বিশেষরূপে লক্ষ করিয়া দেখিলে কখন কখন উহার মধ্যে সেকো বিষের ক্ষুদ্র ক্ষুদ্র স্বেতবর্ণ

কণিকা দেখিতে পাওয়া যায়। বমনের অব্যবহিত পরেই ভেদ আরম্ভ হয়। প্রথমে জল এবং পরে জলের ছায় তরল বাহ্যে হইতে থাকে। বাহ্যে হইবার সময়ে মলদ্বারে জ্বালা ও বেদনা অনুভব হয়, অনেক সময়ে বাহ্যের সহিত রক্তও নির্গত হয়। পাকাশয়ের বেদনা ক্রমশঃ সমস্ত উদরে ছড়াইয়া পড়ে, এবং হস্ত পদ ও উদরের মাংশপেশীতে আক্ষেপ উপস্থিত হয় বা “খাল ধরে”। এরূপে বারম্বার ভেদ ও বমন এবং আক্ষেপ ও বেদনা পীড়িত ব্যক্তি ক্রমে দুর্বল ও নিস্তেজ হইয়া পড়ে, তাহার স্বর ক্ষীণ হয়, নাড়ী দুর্বল, শরীর শীতল ও ঘর্মাক্ত হয়, চক্ষু কোটরস্থ এবং হস্ত পদের চর্ম কুঞ্চিত ও নখ নীলবর্ণ হয়।

সেকো বিষের লক্ষণ এবং ওলাউঠার লক্ষণে দুই একটা বিষয়ে কিছু বিভিন্নতা আছে, তাহা মনোযোগ পূর্বক লক্ষ করা আবশ্যিক। সেকো বিষ সেবনে পাকাশয়ে বে তীব্র জ্বালা ও বেদনা উৎপন্ন হয়, ওলাউঠাতে তাহা দেখা যায় না, এতদ্ভিন্ন ওলাউঠাতে মলদ্বারে জ্বালা বা বেদনা অনুভব হয় না এবং বাহ্যেতে রক্ত নির্গত হয় না। ওলাউঠাতে পেটের উপরে চাপিলে বেদনা বোধ হয় না।

প্রতীকার।—Dialysed iron নামে একটা ঔষধ আছে উহা সেকো বিষের আশু প্রতিষেধক। Dialysed iron এবং arsenic এই দুইটা দ্রব্য একত্রিত হইলে উহাদের রাসায়নিক সংযোগে একটা নূতন পদার্থের সৃষ্টি হয়, এই পদার্থটি



বিষ নেহে, এজন্ত arsenic সেবনের পর তৎক্ষণাৎ Dialysed iron সেবন করাইলে বিষের লক্ষণ বিদূরিত হয়। সেকো বিষ কেহ সেবন করিয়াছে তাহা স্পষ্টরূপে জানিতে পারিলে চিকিৎসকের অপেক্ষা না করিয়া নিকটস্থ ডিসপেনসারি হইতে এক আউন্স পরিমাণ dialysed iron আনাইয়া তাহা সমান পরিমাণ জলের সহিত মিশ্রিত করিয়া অবিলম্বে পান করাইয়া দিবে। তাহার পর অণ্ডের লালা এবং ছন্ধ কিম্বা নারিকেল বা তিল তৈল কিম্বা তিল বা তিসি ভিজান জল, কিম্বা ইসফগুল বা তোকমা জলে ভিজাইয়া খাইতে দিবে।

কাঠবিষ।—কাঠবিষ সচরাচর একো-নাইট, (aconite) বলিয়া আমাদের নিকটে পরিচিত। ডাক্তারেরা উহা অর এবং অচ্যন্ত রোগের জন্ত সর্বদা ব্যবহার করিয়া থাকেন। ইহা একটী ক্ষুদ্র বৃক্ষের মূল। এই মূল কিংবা ইহা হইতে প্রস্তুত করা আরক (Tincture Aconite) সেবন করিয়া মৃত্যু হইতে দেখা যায়। উক্তর পশ্চিমাঞ্চলে শুষ্ক মূলের চূর্ণ আটার সহিত মিশ্রিত করিয়া তদ্বারা রুটী প্রস্তুত করতঃ তাহা খাওয়াইয়া নরহত্যা করিতে দেখা যায়।

লক্ষণ।—কাঠবিষ সেবন করিবার অল্পক্ষণ পরেই ওষ্ঠে, মুখে জিহ্বাতে এবং গলনলী মধ্যে এক প্রকার “সুড়সুড়ী” অনুভূত হয় এবং কখন কখন বোধ হয় যেন অসংখ্য অসংখ্য সূচিদ্বারা ঐ সকল স্থান নানাধিকরূপে বিদ্ধ হইতেছে। এই

সূচিবিন্দু নব্যভাব সময়ে সময়ে সমস্ত শরীরেও অনুভূত হয়। কিছুক্ষণ এইরূপ হইয়া পরে ঐ সকল স্থান এবং কখন সর্বশরীর অসাড় হইয়া যায়। ইহার পর বিবমিসা এবং পাকাশয়ে জ্বালা এবং বেদনা অনুভব হয় এবং শীঘ্রই ভেদ ও বমন আরম্ভ হয়। বারম্বার ভেদ ও বমনের পর ক্রমশঃ দুর্বলতা এবং অবসাদের লক্ষণ উপস্থিত হয়, বক্ষে অত্যন্ত ভার বোধ হয় এবং নিশ্বাসে কষ্ট হয়, কিছু গলাধঃকরণ করিবার শক্তি থাকে না। অকস্মাৎ নিশ্বাস রোধ হইয়া মৃত্যু হয়।

প্রতীকার।—যথেষ্টরূপে বমন করান গরম চা বা কাফি পান করান শায়িত অবস্থাতে রাখা, এবং শরীর যাহাতে শীঘ্র শীতল হইয়া না যায় এরূপ ব্যবস্থা করা।

করবি ও কলিকা ফুলের মূল।

কখন কখন আত্মহত্যা করিবার জন্ত করবি বা কলিকা ফুলের মূল ব্যবহার করিতে দেখা যায়।

লক্ষণ।—করবি এবং কলিকা ফুলের মূলে একই প্রকার বিষ অবস্থান করে এবং উভয়েরই লক্ষণ একই প্রকার; যথা,—পাকাশয়ে দারুণ জ্বালা এবং বেদনা, বমন, মুখের মাংসপেশীতে আক্ষেপ, গলাধঃকরণ করিবার অক্ষমতা, নিশ্বাসের কষ্ট, শেষ অচেতনতা।

প্রতীকার।—গরম জলাদি পান করাইয়া যথেষ্টরূপে বমন করান, শয়ান অবস্থায় রাখা গরম চা বা কাফি, এবং নাড়ী

ক্ষীণ হইয়া আসিলে মধ্যে মধ্যে ত্রাণ্ডি পান করান।

তারপিন।

অনেক সময়ে আমাদের গৃহে তারপিন থাকে, এবং ভুলক্রমে উহা পান করিয়া কখন কখন কঠিনরূপে পীড়িত হইতেও দেখা গিয়াছে।

লক্ষণ।—মুখে তারপিনের গন্ধ পাওয়া যায়। প্রথমে এক প্রকার নেশার ভাব উপস্থিত হয়, পরে অচেতনতা—অচেতনতা অবস্থায় নিশ্বাসে ঘড়-ঘড় শব্দ হয়। মধ্যে মধ্যে মুখের ও হস্তের মাংসপেশীতে আক্ষেপ হয়। ঘন ঘন প্রস্রাব ত্যাগ করিবার ইচ্ছা হয় এবং উহা অতি অল্প পরিমাণেও কষ্টের সহিত নির্গত হয়। সময়ে সময়ে একেবারে প্রস্রাব বন্ধ হইয়া যায়।

প্রতীকার।—প্রথমে বমন করাইবে, পরে এক আউন্স সল্ট (Salt) বাহা ডিসপেনসারিতে Sulphate of Magnesia or Epsom Salt নামে বিক্রি হয় অর্ধ গ্রাস (জলপান করিবার গ্রাস) ঈষৎ জলের সহিত মিশ্রিত করিয়া পান করাইয়া দিবে। পরে ডিম্বের লালা ও ঈক্ষু, তিল বা তিসির জল, ইসফগুল, তোকমা ইত্যাদি খাইতে দিবে।

ফস্ফরস্।

মহিলার পাঠিকাগণের মধ্যে বোধ হয় সকলেই অবগত আছেন যে বিলাতী দিয়াসলাইর কাটিতে যে জলনীয় পদার্থটি লাগান থাকে, যাহা ঘর্ষণ করিলে দিয়া-

সলাই জলিয়া উঠে তাহা ফস্ফরস্ সংযোগে নিশ্চিত হইয়া থাকে। এইজন্ত সময়ে সময়ে শিশুদিগকে দিয়াসলাইর কাটি চুষিয়া ফস্ফরসের বিষলক্ষণাক্রান্ত হইতে দেখা যায়।

লক্ষণ।—মুখে রসুনের গন্ধের স্থায় এক প্রকার গন্ধ পাওয়া যায়। অন্ধকারে দেখিলে ওষ্ঠে সামান্য আলোকের আভা দৃষ্টিগোচর হয়। অধিকমাত্রা ফস্ফরস সেবন করিলে পেটে জ্বালা এবং বেদনা অনুভব হয় এবং বমন হয়। দুই চারিটী দিয়াসলাইর কাটি চুষিলেও বমন হইয়া থাকে। বমনে পরিত্যক্ত পদার্থ অন্ধকারে লইয়া গিয়া দেখিলে তাহা ঈষৎজ্বলা দেখায়।

প্রতীকার।—অধিক পরিমাণ ফস্ফরস্ সেবন না করিলে বিশেষ কিছু ক্ষতি হয় না এবং কোন চিকিৎসারও প্রয়োজন হয় না। শিশুরা দিয়াসলাইয়ের কাটি চুষিয়া প্রায়ই বমন করে এবং তাহাতেই অল্পক্ষণ সারিয়া যায়, তাহা যদি না হয় তবে অবিলম্বে চিকিৎসকের সাহায্য গ্রহণ করিবে।

কেরোসিন।

কেরোসিন আজকাল সকল গৃহেই থাকে, সময়ে সময়ে উহা পান করিয়া শিশুদিগকে কঠিনরূপে পীড়িত হইতে দেখা যায়, ইহাতে মৃত্যু হইতেও দেখা গিয়াছে।

লক্ষণ।—মুখে কেরোসিনের গন্ধ পাওয়া যায়। অধিক মাত্রা পান করিলে



মুখে ও গলনলীতে ও পাকাশয়ে জ্বালা অল্পভব হয়, ভেদ ও বমন হয়, এবং পিপাসা বোধ হয়। ভেদ ও বমনে নির্গত পদার্থে কেরোসিনের গন্ধ পাওয়া যায়, এবং তাহাতে তৈলবৎ পদার্থ দেখিতে পাওয়া যায়। ক্রমশঃ শিশু দুর্বল ও অচেতন হইয়া পড়ে, এই অচেতন শেষ মৃত্যুতে পরিণত হয়।

প্রতীকার।—প্রথমেই ঈষৎ গরম জল পান করাইয়া যথেষ্টরূপে বমন করাইবে। নাড়ী ক্ষীণ, শরীর শীতল এবং অচেতনের ভাব দেখিলে একটু ব্রাণ্ডি উষ্ণ জলের সহিত পান করাইবে, এবং শরীরের উত্তাপ সাহায্যে রক্ষিত হয়, তাহার চেষ্টা করিবে।

কর্পূর।

অধিক পরিমাণ কর্পূর খাইয়াও শিশুদিগকে পীড়িত হইতে দেখা যায়।

লক্ষণ।—মুখে কর্পূরের গন্ধ পাওয়া যায়। মুখে ও মস্তকে এবং কখন কখন সর্শরীরে জ্বালা বোধ হয়। মাথা ঘোরে, এবং কখন কখন মুচ্ছাও হয়। কোন কোন শিশুর ফিট বা Convulsion হইতে দেখা যায়। জ্বালা পর শরীর শীতল ও ঘর্মাক্ত হয়, নাড়ী দুর্বল হইতে থাকে এবং নিশ্বাস প্রশ্বাস ক্রিয়া কষ্টজনক হয়, ক্রমশঃ অচেতন উপস্থিত হয়, এবং শিশু গভীর নিদ্রাভিত্তিরে গিয়া পড়িয়া থাকে। কর্পূর সেবনে ভেদ বা বমন হয় না এবং পেটেও বেদনানুভব হয় না।

প্রতীকার। রাই বা লবণ মিশ্রিত

গরম জল পান করাইয়া বমন করান। মাথায় পর্যায়ক্রমে শীতল ও ঈষৎ জলের ধারা দেওয়া। শরীরের উত্তাপ রক্ষা করা।

ম্যাজিণ্টা।

একদা একটা ভদ্রলোক লালকালী প্রস্তুত করিবার জন্ত কাগজের পুরিয়া করিয়া কিছু ম্যাজিণ্টারচূর্ণ গৃহে আনিয়া রাখিয়াছিলেন, তাঁহার ছই বৎসরের কন্যা তাহা কোনরূপে প্রাপ্ত হইয়া প্রায় সমস্তটাই গলাধঃকরণ করিয়া ফেলিয়াছিল, এবং অবিলম্বে কঠিনরূপে পীড়িত হইয়াছিল। লেখক ইহার পূর্বে একরূপ ঘটনা কখন দেখেন নাই, পরেও দেখেন নাই। একরূপ ঘটনা নিতান্ত বিরল হইলেও অঘটনীয় নহে। বালিকার পিতা গৃহে ছিলেন না, মাতা বালিকার মুখে, ওষ্ঠে, জিহ্বায় ম্যাজিণ্টার রং দেখিতে পাইয়া তাহা ধুইয়া দিবার চেষ্টা করিতে করিতে বালিকা কয়েকবার বমন করিয়া নিস্তেজ ও নিদ্রাচ্ছন্নবৎ হইয়া পড়িল। এইরূপ অবস্থা দেখিয়া তিনি লেখকের নিকটে সংবাদ পাঠাইলেন। লেখক গিয়া দেখিলেন বালিকা অচেতন, নাড়ী অতি সামান্য মাত্র অল্পভূত হইতেছে, শরীর শীতল ও ঘর্মাক্ত হইয়াছে এবং নিশ্বাস কষ্টের সহিত সম্পন্ন হইতেছে। তিনি উত্তেজক ঔষধাদি প্রয়োগ করিয়া এবং মস্তকে শীতল জল সিক্তন করিয়া বালিকার চৈতন্য উৎপাদন করিতে চেষ্টা করিলেন, ইতিমধ্যে বালিকা আর একবার প্রচুর পরিমাণে বমন করিল, এবং তৎপরেই

ক্রমশঃ স্তম্ভ হইয়া উঠিল। বলা খাওয়া যে এস্থলে স্বাভাবিক বমনই ইহার জীবন রক্ষার প্রধান উপায় হইয়াছিল। ম্যাজিণ্টা যে একটা মারাত্মক বিষ তাহা পার্থিকাগণের গোচর করাই এই ঘটনাটি উল্লেখ করিবার প্রধান উদ্দেশ্য। এই দ্রব্যটি যে গৃহে শিশু আছে সে গৃহে সাবধানে রাখা উচিত।

সিন্দূর।

সিন্দূর প্রায় সকল গৃহেই থাকে, ইহাও একটা তীব্র বিষ। শিশুদের হস্তে যাহাতে ইহা কখন না পড়ে তৎসম্বন্ধে সাবধান থাকা উচিত।

লক্ষণ।—কোন শিশু সিন্দূর খাইয়া ফেলিলে তাহার ওষ্ঠে, মুখে ও জিহ্বাতে অবশ্য উহার রং দেখিতে পাওয়া যাইবে। সামান্য পরিমাণ খাইলে বিশেষ কিছু ক্ষতি হয় না, স্বভাবতঃ ছই একবার বমন হইয়া তাহা উঠিয়া যায়। অধিক পরিমাণ খাইলে, মুখের অভ্যন্তর হইতে পাকাশয় পর্যন্ত বেদনা হয়, এবং ভেদ ও বমন হয়। ভেদ ও বমনে নির্গত পদার্থে সিন্দূর ও রক্ত দেখিতে পাওয়া যায়। সময়ে সময়ে মলদ্বারে অত্যন্ত বেদনা হয়।

প্রতীকার।—অণ্ডের লাল জলের সহিত মিশ্রিত করিয়া কিম্বা ময়দা জলে গুলিয়া পান করাইবে, তৎপরে দুগ্ধ ও চুণের জুল সমান ভাগে মিশ্রিত করিয়া মধ্যে মধ্যে পান করিতে দিবে।

কোকেইন।

উপরিলিখিত মাদক দ্রব্যটি সম্প্রতি

আমাদের দেশে প্রচলিত হইয়াছে। মদ্য ও অহিফেন ইত্যাদির গ্ৰায় ইহাও প্রতিদিন ব্যবহার অনেকের অভ্যাস হইয়া উঠিয়াছে। ইহা সচরাচর পানের সহিত ব্যবহৃত হইয়া থাকে। অনেকদিন, যে কোন নেশার দ্রব্য ক্রমশঃ বর্ধিত পরিমাণে সেবন করিতে করিতে মানুষের যে অবস্থা হয়, কোকেইন সেবনেও তাহাই হইয়া থাকে, এবং অগ্ৰাণ্ড নেশার দ্রব্যের গ্ৰায় একেবারে অধিক মাত্রা সেবন করিলে ইহাতেও বিষের লক্ষণ উৎপন্ন হয় এবং মৃত্যুও ঘটে।

লক্ষণ।—অধিক মাত্রা কোকেইন সেবন করিলে অগ্ৰাণ্ড মাদক দ্রব্য সেবনের গ্ৰায় প্রথমে উত্তেজনা ও উল্লাসের ভাব উপস্থিত হয়, পরে শিরঃপীড়া মস্তকে অসাধারণ ভারবোধ ঘূর্ণা এবং কখন কখন বা মুচ্ছা হয়। উত্তেজনার অবস্থাতে শরীরের উত্তাপ এবং নাড়ীর গতি বর্ধিত হয়, মুখে শুষ্কতা এবং পিপাসা অল্পভব হয়। এই সমুদায় লক্ষণের পর ক্রমে অবসাদের ভাব উপস্থিত হয়। নাড়ী ক্ষীণ ও শরীর শীতল হইতে থাকে, কখন কখন ফিট হয় এবং হস্ত পদাদী অসাড় হইয়া যায়, পরে অচেতন ও মৃত্যু হয়।

প্রতীকার।—উত্তেজনার অবস্থাতে মস্তকে শীতল জলের ধারা দিবে, এবং বমন করাইবে। অবসাদের অবস্থাতে যাহাতে নাড়ী দুর্বল এবং শরীর শীতল হইয়া না যায় তাহার চেষ্টা করিবে। মধ্যে মধ্যে ব্রাণ্ডি ও গরম জল পান করাইবে।



## দেবী জগন্মোহিনী ।

জন্ম—২৬শে ডিসেম্বর ১৮৪৭ ।

স্বর্গারোহণ—১লা মার্চ ১৮৯৮ ।

(ভাই প্যারীমোহন চৌধুরী কর্তৃক রচিত ।)

“এই শরীর পড়িয়া রহিবে, জড় জগতে মিশিবে, পৃথিবীর দ্রব্য পৃথিবীতে রহিবে, অমরাত্মা উর্দ্ধে উঠিয়া যাইবে, নিশ্চয়ই যাইবে।”

কি সুন্দর কথা !! কেমন আশা এবং উৎসাহ-পূর্ণ বাণ্য !! “অমরাত্মা উর্দ্ধে উঠিয়া যাইবে, নিশ্চয়ই যাইবে।” ইহা অমরাত্মার স্বর্গারোহণের কথা। কে এই কথা বলিয়াছেন? কে ইহা লিখিয়াছেন? যিনি স্বর্গারোহণ করিয়াছেন, যে অমরাত্মা পৃথিবীর দ্রব্য নখর শরীর পৃথিবীতে রাখিয়া উর্দ্ধে অর্থাৎ স্বর্গে উঠিয়া গিয়াছেন তিনিই এই দিব্য কথা বলিয়া গিয়াছেন। এই সুন্দর কথা তিনি কোথায় পাইয়াছিলেন? ইহা কি কোন পুস্তকের কথা? কোন পুস্তকে তো এই কথা নাই। এই অমৃতমাথা অমরত্বের কথা তিনি কাহার কাছে শিখিয়াছিলেন? ইহা কি তিনি কাহার মুখে শুনিয়াছিলেন? তিনি কি মৈত্রেয়ীর গায় তাঁহার পতির নিকটে এই অমৃতত্বের কথা শুনিয়াছিলেন? রাজর্ষি জনকের কুলগুরু মহর্ষি যাজ্ঞবল্ক্যের সহধর্মিণী মৈত্রেয়ী পাতকে জিজ্ঞাসা করিয়াছিলেন, “হে ভগবন্, যদি ধনেতে পরিপূর্ণ এই সমুদয় পৃথিবী আমার হয়, তবে তদ্বারা কি আমি অমর হইতে পারি? পতি বলিলেন, “না, ধন দ্বারা

অমৃতত্ব লাভের আশা নাই।” মৈত্রেয়ী বলিলেন, “যদ্বারা আমি অমর হইতে না পারি, তাহা লইয়া কি করিব?” যাজ্ঞবল্ক্য স্পষ্টরূপে বলিয়াছিলেন, “যাঁহারা ব্রহ্মকে জানেন তাঁহারা অমর হইবেন। যে ব্যক্তি ব্রহ্মকে না জানিয়া ইহলোক হইতে অবসৃত হয়, সে রূপাপাত্র অতি দীন। আর যিনি ব্রহ্মকে জানিয়া ইহলোক হইতে অবসৃত হইলেন তিনিই ব্রাহ্মণ।” যিনি “অমরাত্মা উর্দ্ধে উঠিয়া যাইবে, নিশ্চয়ই যাইবে” এই কথা বলিয়াছিলেন কিম্বা লিখিয়াছিলেন তিনি ব্রহ্মকে জানিয়া পরলোকে গিয়াছেন, স্মৃতরাং মহর্ষি যাজ্ঞবল্ক্যের বাক্যানুসারে তিনি অমৃতের অধিকারিণী হইয়াছেন। ইনি আপনার প্রিয়তম পতির নিকটে প্রচুররূপে ব্রহ্মতত্ত্ব, আত্ম-তত্ত্ব, এবং পরলোক-তত্ত্ব শিক্ষা করিয়াছিলেন; কিন্তু ইহার এই কথাটা শিক্ষিত কথার মত মনে হয় না। “এই শরীর পড়িয়া রহিবে, জড় জগতে মিশিবে, পৃথিবীর দ্রব্য পৃথিবীতে রহিবে, অমরাত্মা উর্দ্ধে উঠিয়া যাইবে, নিশ্চয়ই যাইবে।” কি তেজের কথা! কি সুদৃঢ় বিশ্বাসের উক্তি! ইহা কোন ধর্মগ্রন্থ কিম্বা সাধুর নিকটে শিক্ষিত দুর্বল, নির্জীব কথা নহে। ইহা সর্বশক্তিমান্ জীবন্ত ঈশ্বরের প্রত্যক্ষ নিঃশ্বাস, সাক্ষাৎ প্রত্যাদেশ। পরলোকে লইয়া যাইবার কিছুকাল পূর্বে ব্রহ্ম স্বয়ং তাঁহার কণ্ঠার আত্মার কর্ণে নীরবে সুরবে অমরত্বের বিশ্বাস-পূর্ণ এই মহামন্ত্র উচ্চারণ করিয়াছিলেন। ধনু তাঁহারা যাঁহারা মনোনীত করিয়া এই মন্ত্রটা মা জগন্মোহি-

নীর্নর্গল, সুন্দর সমাধি-প্রস্তরে অঙ্কিত করিয়াছেন! এই ব্রহ্ম-বাণী দেবী জগন্মোহিনীর জীবনের—অনন্ত জীবনের কুক্ষিকা। ইহা ব্যবহার করিলেই তাঁহার স্বর্গীয় জীবন রহস্য উদ্ঘাটিত হইবে। দেবী জগন্মোহিনীর প্রিয়তম পতি নববিধানাচার্য্য ভারতবর্ষীয় ব্রহ্মমন্দিরে যে সকল জলন্ত প্রত্যাদেশ পূর্ণ উপদেশ প্রদান করিতেন তাহার প্রথম কয়েকটা তাঁহার অমৃত শ্রীমৎ কৃষ্ণবিহাী সেন লিপিবদ্ধ করিয়াছিলেন। পরে তিনি অগাধ কার্য্যে নিযুক্ত হওয়াতে মন্দিরের উপদেশগুলি আর লিখিতে পারিতেন না। উপদেশগুলি লেখা হইত না বলিয়া শ্রীমদাচার্য্য একদা তাঁহার মনের গভীর ব্যথা প্রকাশ করেন। উক্ত উপদেশগুলি বর্তমান লেখক দ্বারা লিপিবদ্ধ হইতেছে দেখিয়া শ্রীমদাচার্য্যদেব একদিন মহাস্বপনে বলিলেন, “ইনিই এখনকার ‘গণেশ’ অর্থাৎ প্রত্যাদেশ-লেখক।” এই কথা শুনিয়া দেবী জগন্মোহিনী তাঁহার পুত্র কণ্ঠাগণকে লেখককে “গণেশ দাদা” বলিয়া ডাকিতে শিখাইয়া দিলেন, এবং তিনি নিজে সর্বদাই লেখককে “ছেলে” বলিয়া সম্বোধন করিতেন (যেহেতু তাঁহার ঋগুরের নাম প্যারীমোহন)। “ধর্মতত্ত্ব” পত্রিকায় প্রকাশ করিবার জন্ত প্রার্থনাদি লেখকের হস্তে দিতেন। কয়েক বৎসর পরে সে সকল একত্র করিয়া একটা ক্ষুদ্র পুস্তকাকারে প্রকাশ করিতে লেখকের সক্ষম হইল। লেখক মাতা জগন্মোহিনী দেবীকে উক্ত পুস্তকের কি নাম দেওয়া হইবে জিজ্ঞাসা

করাতে দেবী প্রফুল্ল মনে বলিলেন, “উঁহাকে জিজ্ঞাসা করুন।” ভক্তিভাজন আচার্য্যদেব বলিলেন, “ভক্তি-কুমুম” এই নামে দেবীর প্রথম পুস্তক মুদ্রিত এবং প্রকাশিত হইল। আচার্য্যদেবের স্বর্গারোহণের পরে দেবী আচার্য্যের কতকগুলি প্রার্থনা পদ্যে অমৃতবাদ করেন। সে সকলও তিনি লেখকের হস্তে প্রদান করেন। লেখক কোন বিশেষ কারণে চট্টগ্রামে যাওয়ার পরে শ্রদ্ধাস্পদ প্রেরিত শ্রীবৃদ্ধ জৈলোক্যনাথ সান্ন্যাল মহাশয় সে সকল প্রার্থনা “প্রেম কুমুম” নামে মুদ্রিত এবং প্রকাশিত করেন। ইহা দেবীর দ্বিতীয় পুস্তক। ইহার পরে সিংহল দ্বীপ দর্শন করিয়া, এবং হিমালয়ে অবস্থানের সময় যে সকল সুন্দর ভাবময় প্রবন্ধ এবং ক্ষুদ্র ক্ষুদ্র কবিতা রচনা করিয়াছিলেন, সে সমস্তও পুস্তকাকারে প্রকাশ করিবার জন্ত লেখকের হস্তে দান করিয়াছিলেন। নানা কারণবশতঃ সে সমস্ত গ্রন্থাকারে মুদ্রিত হয় নাই। তাহার কতকগুলি “পরিচারিণী” প্রকাশিত হইয়াছে। দেবী জগন্মোহিনী কোন বালিকা কিম্বা নারী বিদ্যালয়ে রীতিপূর্বক শিক্ষা লাভ করেন নাই, অথচ কিরূপে তিনি অতি সুন্দর এবং স্বর্গীয় ভাবময় সঙ্গীত, কবিতা, এবং গদ্য প্রবন্ধাদি রচনা করিতেন ইহা চিন্তা করিলে মনে আশ্চর্য্য রসের সঞ্চার হয়। গভীররূপে আলোচনা করিলে ইহা প্রতীত হয়, জগদ্বিখ্যাত প্রিয়তম পতির প্রতি পুঁতিপ্রাধা সতী জগন্মোহিনী দেবীর নিগূঢ় অমরাগই তাঁহার এই মান-



সিক উচ্চাসের কারণ। কমলকুটীরের অদূরে আপারসাকুলার রোডের পূর্ব দিকস্থ বৃহৎ বাটীতে (ইদানীং ভগ্নভূত) যখন “ভারতশ্রম” ছিল, প্রতি শুক্রবার প্রাতে শ্রীমদাচার্য্য ব্রাহ্মিকাদিগের জন্ত বিশেষ ভাবে উপাসনা করিতেন এবং উপদেশ দান করিতেন। বর্তমান লেখক সে সকল উপদেশ লিপিবদ্ধ করিয়া “ব্রাহ্মিকাদিগের প্রতি উপদেশ” নামক পুস্তক মুদ্রিত করেন। অল্পহতাশ্রয়িত কিছুকালের জন্ত শ্রীমদাচার্য্য তাঁহার কলুটোলা ভবনে গিয়া বাস করেন; যাইবার সময়ে এই লেখককে “ভারতশ্রমে” প্রতি শুক্রবার প্রাতে ব্রাহ্মিকাসমাজের উপাসনা করিতে অনুরোধ করিয়া যান। লেখকের অনুরোধে এক দিন মাতা জগন্মোহিনী দেবী উপাসনা করেন। আচার্য্যদেব যে ভাবে এবং যে প্রণালীতে উপাসনা করিতেন দেবী জগন্মোহিনীও ঠিক সেইরূপে উপাসনা করিলেন দেখিয়া লেখক এই সত্য হৃদয়ঙ্গম করিলেন যে দেবী জগন্মোহিনী সত্য সত্যই ব্রহ্মানন্দ আচার্য্যদেবের প্রিয়তমা এবং উপযুক্ত সহধর্ম্মিণী। দেবীর প্রতি ক্রমশঃ লেখকের আন্তরিক শ্রদ্ধা বাড়িতে লাগিল। কিছুকাল পরে মাতৃদেবী লেখককে সঙ্গে লইয়া ব্রহ্মকল্যাণদিগের উপযোগী হয় এই ভাবে মধ্যে মধ্যে ব্রহ্মোপাসনা করিতেন। সেই ভাবের উপাসনা এবং নারীর পক্ষে নববিধানের আদর্শ চরিত্র আগামীবারে দেওয়া হইবে।

### মেয়েদের আদান প্রদান।

এই সজীব জগতের মধ্যে কতকগুলি নিয়ম কার্য্য করিতেছে দেখিতে পাই। তাহাদের মধ্যে প্রধান একটী, গ্রহণ ও দান। গ্রহণ ও দানেই জীবনের পূর্ণ বিকাশ বা পূর্ণতা হয়। যিনি অহঙ্কার করিয়া বলেন, আমি কাহারও নিকট ঋণী নই, এবং কাহাকেও দান করিয়া বাধিত করিতে চাহি না, তিনি ভ্রান্ত। কেহ কি একথা বলিতে পারেন, তিনি কাহারও নিকট ঋণী নন? কিম্বা কেহ কি কাহাকেও কিছু না দিয়া থাকিতে পারেন?

মনুষ্য জীবনকে দুই ভাগে বিভক্ত করিতে পারি, গ্রহণ ও দান। শিশু জন্মগ্রহণ করিয়া অবধি তাকে সকলের নিকট হইতে আশ্রয় লইতে হয়, শিথিতে হয়। সকলের সাহায্যে মেহ যত্নে তার জীবন রক্ষিত বর্দ্ধিত উন্নত হয়। পিতা মাতা, ভাই ভগিনী ও সমাজের নরনারীদের নিকট হইতে সকল শিক্ষা করে, বাক্য উচ্চারণ ব্যবহার রীতিনীতি সকলই শিক্ষা করে, সকলের নিকট হইতে লইয়া সে একটী মানুষ হয়। মানুষ শৈশবে যাহা শেখে, তাহাই সমস্ত জীবনের সঞ্চল। তারপরে বিদ্যালয়ে শিক্ষক সহপাঠী, সমাজে আচার্য্য উপদেষ্টা বন্ধু শুভাশঙ্কী ইহাদের সকলের নিকট হইতে ক্রমাগত আরও কত গ্রহণ করে, তাহার ইয়ত্তা নাই। এইরূপে সকলের নিকট হইতে গ্রহণ করে, তবে সে একটী মানুষ হয়।

যখন সে মানুষ হয়, তখন সে জীবনের আর এক বিভাগে এসে পড়ল, জীবনের অপরাধে উপনীত হইল। এখন শুধু গ্রহণ নয়, দান—এতদিন গ্রহণ করিলে, এখন দেবার সময়। এসময় স্বার্থপর হইলে, কৃপণতা করিলে হইবে না। যেমন অবিরাম, অযাচিতভাবে অপার্থ্যাপ্ত পরিমাণে পাইয়াছ সেইরূপ দান করিতে হইবে। একবার যখন ভাবি, কত লোকের নিকট হতে কত পাইয়াছি, শিথিয়াছি, হায়, কেনা দিয়াছে, কাহার কাছে না শিথিয়াছি, (প্রতিবেশী হইতে আরম্ভ করিয়া পৃথিবীর) কত দূর দেশের অজ্ঞাত অপরিচিত লোকের কত উপকার পাইয়াছি। কত দাস দাসী ভৃত্য পরিচারক, কত গ্রাম্য সরল কৃষক, কত শ্রমজীবী, কেনা আমাদের সেবা করিয়াছে। একবার এই জগতের বক্ষে আপনাকে স্থাপিত করে যদি ভাবি তখন বিস্মিত হই, দেখি, মণ্ডলাকারে চতুর্দিকে সকল উপকারী বন্ধু দ্বারা আমি বেষ্টিত। কাহার দ্বারা না উপকৃত হইলাম, কি মহা দানসাগরের মধ্যে বাস করিতেছি, সকলের দানের সমষ্টি আমার জীবন।

অবাধে সকলের দান গ্রহণ করিতেছি, তারপর দান করিবার কথা কি মনে হয়? যে এত পাইয়া কিছু দান করিল না, তার গ্রহণও স্থায়ী হইল না, সম্পূর্ণ হইল না। বৃক্ষের সঙ্গে মানবজীবনের অনেক সাদৃশ্য আছে, বৃক্ষ জন্মগ্রহণ করিয়া মাটি বাতাস হইতে আহাৰ গ্রহণ করিল, গ্রহণ করিয়া আপনার উন্নতি পুষ্টি সাধন করিল। তার

পরেই দান আরম্ভ হইল, ফুল ফল বীজ দান করিল! যে গাছ ফল ফুল না দেয় তাহা নিরর্থক, তাহাকে বিনাশ করা হয়। প্রথমতঃ নানা উপায়ে গ্রহণ করিয়া সংগ্রহ করিয়া পরে দান করা—আপনার বা কিছু সঞ্চয়, সঞ্চয়, সারশক্তি দেহ প্রাণ সকলই দান করা তার জীবন। দান করে বৃক্ষের পূর্ণ বিকাশ হয়। দান করা তার জীবনের এক অংশ, তাহা বিনা জীবন অসম্পূর্ণ থাকে। তেমনি দান করিলে আমাদেরও জীবন সম্পূর্ণ হয়, সার্থক সফল হয়। যে যাহা কিছু দেয়, সেইনামে সে পারিচিত, তাহারই জন্ত তাহার আদর। চন্দ্র সূর্য্য গ্রহ নক্ষত্রের দান করাই জীবন।

একবার যদি আমরা স্ব স্ব গৃহের চতুর্দিকে চাহিয়া দেখি, একবার যদি আমাদের আহাৰ পান স্নান স্বেচ্ছাধার দিকে চাহিয়া দেখি, কি দেখি, কিছুই আমার পরিশ্রম-লব্ধ বস্তু নয়। কত অগণ্য নরনারীর সেবা যত্ন পরিশ্রম বুদ্ধি শক্তি গ্রহণ করিতে হইয়াছে। গৃহ দ্বার অন্ত বস্তু সকলই অস্ত্রের দান—তাহা কি ভুলেও একবার মনে স্থান দি। সকলই অস্ত্রের প্রদত্ত,—না অস্ত্রানতা অহঙ্কারে মুগ্ধ হয়ে বলি “আমিত অর্থ দ্বারা এ সমুদায় ক্রয় করিয়াছি।” কাহারও কোন পরিশ্রম বা সেবার জন্ত যদি অর্থ দান করি তাহা হইলেই কি সব দেওয়া হইল? না, সে যে উপকার করিল, তাহা অমূল্য, তাহার ঋণ পরিশোধে অসমর্থ। দরিদ্র কৃষকেরা কত পরিশ্রম করিয়া কত রৌদ্র বৃষ্টি সহ্য করিয়া শস্য উৎপাদন করিল, আমরা অর্থ



দ্বারা ক্রয় করিয়া তাহার সম্পূর্ণ অধিকারী হইলাম তাহার নিকট ঋণ মুক্ত হইলাম। হয়তো সে নিজে উদর পরিয়া আহার পাইল না, সে নিজে না খাইয়া আমাকে খাওয়াইল, আমি তার জগু কি করিলাম। অকৃতজ্ঞ আমরা, জ্ঞান সভ্যতার অভি-  
মানে ক্ষীণ আমরা, আমাদের ধিক! সেই দরিদ্র কৃষকদের অনাহার চর্দশা অজ্ঞানতার কথা ভাবিলে চক্ষু জল আসে তাদের প্রতি অবিচার অত্যাচারের কথা ভাবিলে, মুখ হেঁট হয়। তাই বলি, ভগিনীগণ জাগো, সেই তোমাদের জীবন-  
রক্ষক দরিদ্র কৃষকদের অনাহার চর্দা ছরবস্থা অজ্ঞানতা হইতে রক্ষা করিতে অগ্রসর হও, বন্ধপরিষ্কার হও। সে প্রতি-  
দিন, নিয়মিত তোমার ক্ষুধার অন্ন আনিয়া যোগাইতেছে, তুমি তার কি করিলে, সেতো তাহার কাজ করিল, সে তোমাকে তার সম্পদ বা তাহা দান করিল, তুমি তাকে কি দিলে? পৃথিবীতে পরস্পরের সহায়তার পরস্পরের জীবনরক্ষা, সকলে সকলের অভাব পূর্ণ করে। পৃথিবীর অগ্রাণু জাতি, সমাজের রক্ষক এই দলের জগু কত কি করিল তাহাদের শিক্ষার ব্যবস্থা করিল কত নিরদোষ আমোদ আফ্লাদের ব্যবস্থা করিল। আমরা কি করিলাম, তাহাদের জ্ঞানের উন্নতির পথ কই পরিষ্কার করিলাম। তাই বলি ভগিনীগণ আমরাতো গ্রহণ করিলাম, কিন্তু কি দান করিলাম। যার বা জিনিষ আছে, তাহা সে অগ্রকে দিতে বাধ্য।

যে গ্রহণ ও দান উভয়ই করে সেই

যথার্থ জীবিত। আমরা যে বালাকালে, শিখিয়াছিলাম, “কতই করিবে দান তত দাবে বেড়ে” একথাটা খুবই সত্য। দান করিলেই গ্রহণ করিবার ক্ষমতা বাড়ে, তুমি যদি দান না কর, তোমার গ্রহণ করা কঠিন। তোমার বিদ্যা থাকে বিদ্যা দান কর, তোমার আরও বিদ্যার প্রয়োজন হইবে, আরও বিদ্যা-  
লাভ করিবার ইচ্ছা হইবে। ধর্ম, জ্ঞান, বিজ্ঞান চিত্রবিদ্যা সঙ্গীত, যাহাই বল না কেন, তুমি যদি তাহা বিতরণ কর, সেই বিতরণই তোমার উচ্চতর অধিকতর জ্ঞানলাভের কারণ হইবে। এইরূপে গ্রহণ তৎসঙ্গে দান, ইহাই উন্নতিশীল মানুষের জীবন, ইহার কোনদিন বিরাম হইবে না, অনন্ত জীবনই এইরূপ চলিবে। গ্রহণ করিবার সঙ্গে সঙ্গে দানের দারিত্ব হয়। গ্রহণ করারও অস্থ নাই, দান করারও প্রাপ্তি নাই।

অতিপূর্বে কালে, মানব জাতি যে প্রকারে পরস্পরের অভাব পূর্ণ করিত তাহাই স্বাভাবিক ও হিতকারী। এখন কোনও দ্রব্যের আকর্ষণ হইলে, কাজারে গিয়া দ্রব্যের মূল্য স্বরূপ কিছু অর্থ দিয়া, তাহা লইয়া আসি, কেতা অর্থ দিয়া ঋণ মুক্ত, বিক্রেতা অর্থ পাইয়া সন্তুষ্ট। মুদ্রা প্রচলিত হইবার পূর্বে সমাজে এই ব্যবস্থা ছিল, যে শস্ত উৎপন্ন করিল, তাহার বস্ত্রের প্রয়োজন সে আর এক ব্যক্তির নিকট গেল, যে বস্ত্র বয়ন করিয়াছে, কিন্তু শস্ত উৎপন্ন করে নাই, তখন পরস্পরের অর্জিত বস্ত্র বিনিময় করিয়া পরস্পর

অভাব মোচন করিল। সমাজে তাই দেখিতে পাই, একজন মানুষের কত শত রকমের অভাব, কত শত বস্ত্রের প্রয়োজন, কিন্তু সে নিজে কেবল এক প্রকার বস্ত্রের অধিকারী। তাহার কি করিতে হইবে, নিজের বা আছে, তাহা অল্প সকলকে দান করিতে হইবে, ও নিজের অগ্রাণু শত অভাব সমাজের শত ব্যক্তির নিকট হইতে প্রাপ্ত বস্ত্র দ্বারা পূর্ণ করিতে হইবে। ইহাই যথার্থ মানব সমাজ। কিন্তু সকল লোকে সকল বস্ত্রেতে এই নিয়ম পালিত হয় না। এখন অর্থ মধ্যবর্তী হইয়া দাঁড়াইয়া কোন কোন বিষয় দানের পথ বন্ধ করিয়াছে। এখানে এই একটা কথাই আমার বিশেষরূপে মনে হইতেছে, তাহারই উল্লেখ করিতেছি। কৃষকেরা শস্ত উৎপন্ন করিল, তারা তাহা জ্ঞানী বিদ্যানদের দান করিল, বিদ্যানেরা তাহাদের অর্জিত বিদ্যা সেই কৃষকদিগকে দান করিল। তোমার উদ-  
রানের জন্য তুমি চাষ করিলে না, তোমার হইয়া চাষ উহা করিল, সেই প্রকার তাহার মনের আহার আহারের জগু তোমার ব্যবস্থা করা উচিত।

শ্রাবণ মাসের প্রবাসীতে “আমেরিকা কৃষক ও মজুর” নামক একটা প্রবন্ধ বাহির হইয়াছে। সে দেশের কৃষক ও আমাদের দেশের কৃষকে কত প্রভেদ! সুসভ্য আমেরিকা মহাদেশ, নিজদেশের কৃষকদের জীবনের কত উন্নতি করিয়াছে। তাহাদের শিক্ষার কত ব্যবস্থা, তাহাদের বাসগৃহ কত

সুন্দর পরিষ্কার স্বাস্থ্যকর; বিজ্ঞান-  
সম্মত কোন প্রকার সুখ সুবিধা হইতে তাহারা বঞ্চিত নয়। তাহারা বিজ্ঞান-  
সম্মত উৎকৃষ্ট নূতনতন প্রণালীতে শস্ত উৎপাদন করে। তাহাদের সম্ভ্রামগণ বিদ্যাশিক্ষা করিতেছে, পল্লীগণ বিদ্যালয়ে শিক্ষিত, তাহাদের গৃহে ক্ষুদ্র ক্ষুদ্র পুস্তকা-  
লয় আছে, তাহারা সংবাদ পত্র পড়ে, নানা উপায়ে আপনাদের মনের উন্নতি করিতেছে, সঙ্গীত বাদ্য চিত্রবিদ্যা দ্বারা অবসর সময়ের সদ্যবহার করিতেছে। ভগিনীগণ তাই বলিতেছি, এস একবার ভাবিয়া দেখি, আমরা এদেশে দরিদ্র শ্রমজীৱ কৃষকদের জগু কি করিতে পারি।

### পুরীর বিশেষ দর্শনীয় বিষয় ও স্ত্রীস্বাধীনতা।

পুরীর দর্শনীয় বিষয়ের মধ্যে সর্ব প্রধান দর্শনীয় বিষয় জগন্নাথবিগ্রহ। জগন্নাথ কতকাল হইল প্রতিষ্ঠিত হইয়াছেন নিশ্চয় বলা যায় না। প্রকাণ্ড প্রস্তর বিনির্মিত মন্দিরে জগন্নাথদেব প্রতিষ্ঠিত। লোকে বলে পূর্বে উহা বুদ্ধবিগ্রহ ছিল, হিন্দুরা পরে তাকে হিন্দুবিগ্রহ রূপে পরি-  
ণত করিয়াছে। জগন্নাথদেব প্রতি দ্বাদশ বৎসরান্তে একবার নূতন কলেবর ধারণ করেন, এবং প্রতি বৎসর একবার করিয়া তাঁর অঙ্গরাগ করা হয়। জগন্নাথের রূপের বর্ণনা আর কি করিব, অনেকে জগন্নাথের পটেতেই তাহা দর্শন করিয়াছেন। এই জগন্নাথ দর্শনের আকাঙ্ক্ষায়



বহুদূর দূরান্তর দেশ হইতে যাত্রিকগণ আসিয়া থাকেন। গুজরাট, বোম্বে, পঞ্জাব, মাদ্রাজ প্রভৃতি দূরদেশ হইতে বহুকণ্ঠে বহু অর্থ ব্যয় করিয়া বৎসর বৎসর আষাঢ় মাসের রথের সময় নরনারীগণ দলে দলে এই পুরীধামে উপস্থিত হইয়া থাকেন। রথযাত্রার সময় লক্ষ লক্ষ লোক একত্র হয়। কত কত স্ত্রীলোক শিশুসন্তান ক্রোড়ে করিয়া মনের আগ্রহ উপস্থিত হন। ইহারা যে প্রকার আগ্রহ ও ব্যাকুলতাসহ জগন্নাথ দর্শনের জন্ত উপস্থিত হন, দেখিলে অবাক হইতে হয়। এবার নাকি রথযাত্রার সময় দেড়লক্ষ যাত্রিক উপস্থিত হইয়াছিলেন। জগন্নাথদেবের একটি বিশেষ মাহাত্ম্য যে, ওখানে প্রসাদ ভক্ষণে কোন জাতি বিচার নাই। ব্রাহ্মণ চণ্ডাল ওখানে একত্র প্রসাদ ভক্ষণ করিতেছেন। ব্রাহ্মণের মুখে চণ্ডালে অন্ন তুলিয়া দিতেছে, ইহাতে কোন দ্বৈধ ভাব নাই। ইহাতে কেহ ঘৃণা বা বিদ্বেষ করিতে পারেন না। ভারতে এই এক অপূর্ব দৃশ্য। অন্নবাজার বলিয়া একটি বাজার আছে, তাহাতে সর্বদা অন্ন বাজান বিক্রয় হইতেছে। যার ইচ্ছা সে ক্রয় করিতেছে, কোন বাধা নাই। কেবল হিন্দু বাতীত অপর জাতির তথায় প্রবেশাধিকার নাই। হিন্দুদের যে এত জাত বিচারের কঠিন শাসন, জগন্নাথদেবের প্রভাবে এখানে তাহা একবারে বিনষ্ট হইয়াছে। এই প্রসাদ আবার নিষ্ঠাবতী হিন্দুমহিলাগণ আপনাদের জপমালার আধারের ভিতর পুরিয়া রাখেন এবং সন্ধ্যা আহিকের পর

তাহার এক এক কণিকা মাত্র ভক্ষণ করিয়া আপনাদিগকে পবিত্র মনে করেন। এই প্রসাদ জগন্নাথদেবের ভোগের শুষ্ক অন্নমাত্র। জগন্নাথদেব একটি দারুণমুগ মূর্তি। জগন্নাথ বলরাম ও সুভদ্রা এই তিন বিগ্রহ মন্দিরে প্রতিষ্ঠিত। রথযাত্রার সময় এই তিন দেবতার জন্ত তিন খানা প্রকাণ্ড রথ প্রস্তুত হইয়া থাকে। তাহাতে এই তিন দেবতা আরোহণ করিয়া অর্ধ মাইল দূরে গুজরাটীতে যাইয়া কয়েকদিন অবস্থিতি করেন। আবার নির্দিষ্ট সময়ে নিজমন্দিরে আনীত হইয়া থাকেন। সেই রথযাত্রার সময় হাজার হাজার স্ত্রীলোক পুরুষ রথ ভক্তিসহকারে টানিয়া লইয়া যান। আবার প্রতিদিন সন্ধ্যার সময় মন্দিরে যে জগন্নাথদেবের আরাতি হয় তাহাতেও বহু স্ত্রী পুরুষ একত্র হইয়া, কত ভক্তিসহ প্রার্থনা স্তবস্তুতি করিয়া মনের আবেগে জগন্নাথ দর্শন করিয়া থাকেন। কতজন ভূমিষ্ঠ হইয়া গড়াগড়ি দিয়া অশ্রুপাত করেন, দেখিলে বাস্তবিক অভক্ত জনেরও মনে ভক্তির সঞ্চার হয়। কেহ চামর ব্যঞ্জন করিতেছে, কেহ ছুবাছ তুলিয়া 'জয় জগন্নাথ জয় জগন্নাথ' বলিয়া স্তব করিতেছে, কেহ বা প্রার্থনা করিতেছে, আর আনন্দে বিহ্বল হইয়া কেহ কেহ বা নৃত্য করিতেছে। এই সকল অতি চমৎকার দৃশ্য।

কোন কোন ভক্তিমান হিন্দু গরিব ছুখীদিগের জন্ত প্রতিদিন প্রসাদ ক্রয় করিয়া বিতরণ করিতেছেন। পুরীর লোক অধিকাংশই গরিব, এই ভিক্ষারই

তাহাদের একমাত্র জীবনোপায়। জগন্নাথের মন্দিরটি অতি প্রকাণ্ড। শুনেছি, ১২০ হাত উচ্চ। ইহার গঠন পারিপাট্য ও অতি সুন্দর।

তারপর দ্বিতীয় দর্শনীয় বিষয় ভক্তির অবতার মহাপ্রভু শ্রীগৌরান্দেবের সাধন স্থান প্রসিদ্ধ কাশীমিত্রের ভবন। যেখানে শ্রীগৌরান্দেব সাধন ভজন করিতেন, সেস্থানটীও একটি পবিত্র তীর্থস্থান। যেখানে বসিয়া সাধন করিতেন, সে গৃহটির নাম "গম্ভীরা।" ইহা একটি ক্ষুদ্র মন্দির এবং অতি নির্জন স্থান। সেখানে এখনও তাঁর ব্যবহারের ছিন্ন স্থার একখণ্ড অতি যত্নে কাচবারা আবৃত বাক্স মধ্যে রাখা হইয়াছে। এবং তাঁর ব্যবহারের ভগ্ন মৃৎয় কড়ঙ্গ ও জীর্ণ কাষ্ঠ পাছকা বর্তমান রহিয়াছে। তাহা কত ভক্তির সহিত রক্ষিত হইয়াছে। কেহ দেখিতে চাহিলে বাবাজিরা পূতবস্ত্র পরিধান করতঃ তাহা দেখাইয়া থাকেন। আজ ৪০০ বৎসর অতীত হইল, শ্রীগৌরান্দেব বঙ্গদেশে নবদ্বীপধামে জন্মগ্রহণ করিয়াছিলেন। তাঁর শেষ লীলাক্ষেত্র এই পুরুষোত্তমধাম। ২৪ বৎসর বয়সে তিনি সন্ন্যাসব্রত গ্রহণ করিয়া অবশিষ্ট ২৪ বৎসরের অধিকাংশ সময় সেস্থানেই যাপন করিয়াছেন। তাহারই পবিত্র চরিত্র-প্রভাবে সেদেশের অনেক লোক বৈষ্ণবধর্মে দীক্ষিত হইয়াছিলেন। কাশীমিত্রের বাড়ীটি সমগ্র মহাপ্রভু শ্রীগৌরান্দেবের নামে উৎসর্গ করা হইয়াছে। তথায় অনেকগুলি ভক্ত বৈষ্ণববাবাজি বাস

করেন ও সাধন-ভজন করিয়া জীবনকে সার্থক করিতেছেন। শ্রুত হওয়া গিয়াছে প্রায় ৬০ হাজার টাকার আয়ের সম্পত্তি সাধুসেবার জন্ত নির্দারিত আছে। এই পুরীতেই শ্রীগৌরান্দ লীলা শেষ করেন। সমুদ্র জলে ঝাঁপ দিয়া নাকি দেহত্যাগ করেন। তাঁর আর কোন সন্ধান পাওয়া যায় নাই।

আর একটি দর্শনীয় বিষয় "সিদ্ধ বকুল।" এখানে ভক্তপ্রধান হরিদাস ঠাকুর প্রতিদিন তিন লক্ষ হরিনাম সাধন করিতেন। তিনি যে তরুমূলে বসিয়া সাধন করিতেন, সেই বৃক্ষের নামই "সিদ্ধ বকুল।" সেই বকুল বৃক্ষ এখনও বর্তমান রহিয়াছে। অতি আশ্চর্য ব্যাপার, চারি শত বৎসরের সেই বকুল বৃক্ষটি এখনও সজীব রহিয়াছে। এখনও ফুল ফুটে, নূতন পাতা উদ্গত হয়, কোটি কোটি পাতা গাছে পূর্ণ রহিয়াছে। কিন্তু গাছের ভিতরকার সার অংশ কিছুই নাই, কেবল বকলের উপর গাছটি দণ্ডায়মান রহিয়াছে। এই হরিদাস ঠাকুর যবনকুলসম্বৃত। ইহার প্রথম সাধন স্থান শান্তিপুুরের নিকটবর্তী ফুলিয়া গ্রাম। এখনও সেই স্থানটি পবিত্র ভূমিরূপে বর্তমান রহিয়াছে। হরিদাস ঠাকুরের জীবনের শেষ সময় পুরীধামেই অবস্থিতি হয়, এবং সেখানেই তিনি দেহলীলা শেষ করেন। মহাপ্রভু স্বয়ং তাঁহার দেহের সংস্কার করেন এবং ভক্ত গোষ্ঠী লইয়া মহাসংকীর্তন করিয়া অস্ত্যস্তিক্রিয়া ও শ্রাদ্ধ কার্য সমাধা করেন। হরিদাস ঠাকুরের



সম্মানস্থান এখনও সমুদ্রকূলে বর্তমান আছে।

সার্কভৌম ভট্টাচার্য্য মহাশয়ের বাড়ীও একটি দর্শনীয় বিষয়। কথিত আছে এই সার্কভৌম ভট্টাচার্য্য সপ্ত দিবস পর্য্যন্ত বেদান্ত শাস্ত্র পড়িয়া শ্রীগৌরানন্দকে শুনাইয়াছিলেন। কিন্তু তিনি হাঁ কি না, সাত দিন পর্য্যন্ত কিছুই বলেন নাই। তৎপর ভট্টাচার্য্য মহাশয় জিজ্ঞাসা করিলেন, আমি সাত দিন তোমাকে বেদান্ত শুনাইতেছি। কিন্তু তুমি হাঁ কি না কিছুই বলিতেছ না, ইহার তাৎপর্য্য কি কিছুই বুঝিতে পারিতেছি না। তখন শ্রীগৌরানন্দ বলিলেন, তুমি যে শ্লোক পড় তাহা ত উত্তম বুঝিতেছি, কিন্তু ব্যাখ্যা দ্বারা বিপরীত অর্থ করিতেছ। মেঘ যেমন সূর্য্যকে আচ্ছাদন করে, তোমার ব্যাখ্যা সেইরূপ মূল অর্থকে আচ্ছাদন করিয়া ফেলিতেছে। তখন পণ্ডিত অবাঙ্ক হইলেন এবং তাঁর অমৃতময় কথা শুনিয়া অদ্বৈতবাদ পরিত্যাগপূর্ব্বক ভক্তির ধর্ম গ্রহণ করিয়া শ্রীচৈতন্যের শিষ্যত্বস্বীকার করিলেন। সেই স্থানটি এখনও বর্তমান রহিয়াছে। এক দিকে শ্রীগৌরানন্দের ছবি ও অপর দিকে সার্কভৌম ভট্টাচার্য্যের ছবি বর্তমান। এই সকল দর্শন করিলে ভক্তদের বড়ই আনন্দ উথলিয়া উঠে।

তারপর দর্শনীয় বিষয় সমুদ্র। সমুদ্রের কথা আর বলিবার কি আছে? দিবা রাত্রি গভীর গর্জনে কর্ণ বধীর হইতেছে। এই সাগরের গভীর গর্জন ও আফালনে সকলকে প্রমত্ত করিয়া তুলিতেছে।

সাগরের বর্ণও এক এক সময় এক এক রূপ দেখা যায়। কখন গভীর ঘন কৃষ্ণবর্ণ কখনও সবুজ রঙ্গ, কখন বা ধূসর বর্ণ ধারণ করিয়া বিধ্বপতির বিচিত্র লীলা প্রকাশ করিতেছে। এমন প্রমত্ত নৃত্য আর কীর্ত্তন কে করিতে পারে। ইহাই ভারত মহাসাগর। ইহার প্রতি দৃষ্টি নিষ্ফল করিলে কূল কিনারা কিছুই দেখা যায় না। কেবল অনন্ত জলরাশি ধূ ধূ করিতেছে। ইহার সঙ্গে আবার প্রমত্ত বায়ু প্রবাহিত হইয়া সাগরের আফালনকে বৃদ্ধি করিয়া দিতেছে। সাগরের এই জলরাশি লবণাক্ত, কিন্তু স্বাস্থ্যকর। এতে স্নানাবগাহন করিলে আরাম ও স্বাস্থ্যলাভ হয়, কিন্তু পান করিবার সাধ্য নাই। আবার এই জলে অসংখ্য জলজন্তু সব আনন্দে বিচরণ করিতেছে, খেলা করিতেছে। তাহাদের কোনই ক্রেশ বোধ হয় না। বিধ্বপতির বিচিত্র লীলা বুঝে কার সাধ্য। এই সমুদ্রই আমাদের জীবনোপায়ের জন্ত শস্ত্রাদি উৎপাদনের জন্ত উপাদান প্রস্তুত করিয়া দিতেছে, অনবরত বাষ্প উৎপন্ন হইতেছে, তাহা হইতে মেঘজাল উৎপন্ন হইতেছে, সেই সব মেঘ হইতে বারিধারা বর্ষিত হইয়া নদনদী পূর্ণ করিতেছে, এবং তদ্বারা পৃথিবী ফল শস্ত্রে পূর্ণ হইতেছে। পুরীর নিকট নৌকা কি অর্ণব্যান তিষ্ঠিতে পারে না, ভয়ানক উত্তালতরঙ্গ। কিন্তু মাদ্রাজ দেশীয় জলজীবীরা সামান্য ছই তিন ঝণ্ড কাষ্ঠ একত্র ভেলার আকারে বন্ধন করতঃ তাহাদ্বারা সেই সকল সমুদ্রতরঙ্গ উল্লঙ্ঘন

পূর্ব্বক মৎস্তাদি শিকার করিয়া আনিয়া বিক্রয় করে। ইহাদের সাহস আশ্চর্য্য। পুরীর নিকটবর্ত্তী বালুখণ্ড নামক স্থানে গবর্ণমেন্ট হইতে ভূমি বন্দোবস্ত করিয়া লইয়া কলিকাতা অঞ্চলের ধনী লোকেরা অনেকে সুন্দর সুন্দর ইষ্টক ও প্রস্তরময় গৃহ নিৰ্ম্মাণ করিয়াছেন। অনেকে স্বাস্থ্যলাভের জন্ত পুরীতে আসিয়া সমুদ্রকূলে স্নান ও সমুদ্র বায়ু সেবনে অনেক উপকার লাভ করেন। শরীর ও মনের ক্ষুতি লাভের পক্ষে পুরী বিশেষ অনুকূল স্থান।

তারপর তথাকার স্ত্রী স্বাধীনতার বিষয় উল্লেখযোগ্য। এখানকার স্ত্রী লোকেরা বঙ্গদেশীয় স্ত্রীলোকের মত এত অবগুণ্ঠনে আবৃত্তা নহেন। ভদ্র পরিবারের যুবতী কন্যা ও বধূগণ অপর পুরুষের সঙ্গে কথোপকথন করেন। ভদ্র পরিবারের মেয়েরাও প্রকাশ্যভাবে রাস্তায় অবাধে গমনাগমন করেন, তাহাতে বিশেষ কোন সঙ্কোচের চিহ্ন দেখা যায় না। জগন্নাথের মন্দিরে কি সমুদ্রতটে সর্বদাই তথাকার স্থানীয় কি বিদেশীয় মহিলারা প্রকাশ্যভাবে বিচরণ করিতেছেন। বঙ্গদেশীয় মহিলারাও তথায় বাইরা বিলক্ষণ স্বাধীনত ভোগ করিয়া থাকেন। আর তথাকার শ্রমজীবী স্ত্রী পুরুষ উভয়েই সমান পরিশ্রম করিয়া থাকে। পুরুষেরা রোজ তিন আনা ও স্ত্রীলোকেরা ছই আনা পারিশ্রমিক লইয়া থাকে। বঙ্গদেশীয় স্ত্রীলোকের মত এই সকল শ্রমজীবী অধিকাংশ স্ত্রীলোকেরা চুরটের ধূম পান করিয়া থাকে। তবে বঙ্গদেশের

মত এত বড় চুরট প্রায় পুরীতে দৃষ্ট হয় না। আর কতকগুলি মাদ্রাজী লোক তথায় বাস করে, তাহারা প্রায়ই ঘন কৃষ্ণবর্ণ। গৌরবর্ণ স্ত্রী পুরুষ প্রায় দেখিতে পাওয়া যায় না। এদের ভাষাও এক স্বতন্ত্র রকমের, কিছুই বুঝা যায় না। পুরীর স্ত্রীলোকদের বস্ত্র পরিধান প্রণালী অতি কুৎসিত। আর কাংস পিত্তলাদি নিৰ্ম্মিত হস্তভূষণ মণিবন্ধ হইতে ককোনি পর্য্যন্ত হস্তকে আবৃত করিয়া রাখিয়াছে।

#### হেলেন কেলার। \*

উনবিংশ শতাব্দীতে ছইটি আশ্চর্য্য জীবন আমরা দেখিতে পাই। একজনের নাম সকলেই শুনেছেন, তাঁর নাম নেপোলিয়ন বোনাপার্ট। নেপোলিয়ন বোনাপার্টের মত আশ্চর্য্য ক্ষমতাসালী পুরুষ শুধু উনবিংশ শতাব্দীতে কেন, জগতের কোন সময়ের ইতিহাসেই দেখিতে পাওয়া যায় না। ফরাসী বিপ্লবের সময় এঁর অভ্যুদয় হয়। ইনি সামান্য সৈনিক থেকে ক্রমে সমস্ত ফরাসী সাম্রাজ্যের সম্রাট হইয়াছিলেন। ইনি যে কত যুদ্ধ জয় ক'রেছেন, যুদ্ধের আগে ইনি যে কি রকম আশ্চর্য্য ক্ষমতায় চারিদিকের অবস্থা সমস্ত ধারণা ক'রে নিয়ে যুদ্ধের ফলাফল ঠিক ক'রে রাখতেন, চারিদিক দেখে দৈন্ত সজ্জিত ক'রবার ইহার এমন আশ্চর্য্য ক্ষমতা ছিল, যে অনেক যুদ্ধে

\* মহিলাবিদ্যালয়ে অধ্যাপক শ্রীযুক্ত বিনয়েন্দ্রনাথ সেনের বক্তৃতার সার।



প্রকাণ্ড প্রকাণ্ড সৈন্যদলকে ইনি অনেক অল্প সৈন্য দ্বারা পরাজিত করতেন। ইংলণ্ড ছাড়া প্রায় সমস্ত ইউরোপকে এঁর কাছে বশতা স্বীকার করতে হ'য়েছিল। একদিকে এই যুদ্ধ জয় ও সাম্রাজ্যস্থাপন, আর একদিকে দেশের সকল রকম বিদ্যার, শিল্পের, উন্নতির জন্ত ইনি নানা উপায় ক'রেছিলেন। একজন লোকের ভিতরে এত শক্তি;—এত অদ্ভুত রকমের শক্তি কোথা থেকে এল যখন আমরা ভাবি, অবাক হয়ে যেতে হয়। যেমন এই তাঁর করবার ক্ষমতা, তেমনি তাঁর আশ্চর্য আকর্ষণী শক্তি ছিল। লোকের মনকে তিনি আশ্চর্য রকমে বশ করতে পারতেন। যখন তিনি যুদ্ধযাত্রা ক'রতেন তখন তাঁর সৈন্যদের বরফের ভেতরে, ক্ষুধা তৃষ্ণায় কত কষ্ট সহ্য ক'রতে হ'ত, কিন্তু তাঁর মুখের দু চারিটা কথায় তারা সকল কষ্ট ভুলে গিয়ে নূতন উৎসাহে উদ্বেজিত হ'য়ে উঠত। তারপরে যখন তিনি পরাজিত হ'য়ে এলবা দ্বীপে নিরাসিত হ'য়ে ৬ মাস পরে আবার সেখান থেকে গোপনে পলায়ন ক'রে ফ্রান্সে এসে উপস্থিত হন তখন তাঁর সঙ্গে লোক বেশী ছিল না। তখন ফ্রান্সে পুরাণ রাজবংশেরই একজন রাজা হয়েছিলেন; তিনি নেপোলিয়নের আসবার সংবাদ পেয়ে তাঁর বিরুদ্ধে অনেক সৈন্য পাঠালেন। যখন নেপোলিয়ন তাঁর দু চারিটা অশুচর নিয়ে প্যারিসের কাছে এসেছেন তখন রাজার সৈন্য এসে তাঁর গতিরোধ ক'রে দাঁড়ান। নেপোলিয়ন

খালি তাদের সামনে দাঁড়িয়ে বললেন, দেখ আমার সঙ্গী কেহ নেই, এই আমি তোমাদের সামনে বুক পেতে দিয়ে দাঁড়ালাম, তোমাদের ইচ্ছা হয় তো আমাকে মারতে পার। এক সময়ে সেই সৈন্যদের মধ্যে অনেকে নেপোলিয়নের অধীনে কাজ ক'রেছে; আর আজ তাঁকে একাকী নিরস্ত্র তাদের সামনে দাঁড়াতে দেখে তাদের মধ্যে একটা অদ্ভুত ভাবের তরঙ্গ বয়ে গেল; তখন সেই হাজার হাজার সৈন্য আপনাদের অস্ত্র নামিয়ে নেপোলিয়নের অধীনতা স্বীকার ক'রে তাঁর পক্ষ অবলম্বন ক'রলে, আর নেপোলিয়ন তাদের চালিয়ে নিয়ে প্যারিসের অভিমুখে যেতে লাগলেন। যে সব সৈন্য তাঁকে পরাজিত করবার জন্ত প্রেরিত হ'য়েছিল তারাই তাঁর অধীনে রাজার বিরুদ্ধে যুদ্ধ ক'রবার জন্য চলিল। সে রাজা তখন ফ্রান্স থেকে পালিয়ে কোন রকমে আত্মরক্ষা করেন;—পরে অবশ্য ইউরোপের সমস্ত রাজশক্তি একত্রিত হ'য়ে নেপোলিয়নকে হারিয়ে দিয়ে সেন্টহেলেনায় বন্দি করেন;—সে সব ইতিহাসের অনেক কথা। কিন্তু এঁর জীবনে আমরা দেখতে পাই কি রকম তাঁর আশ্চর্য ক্ষমতা ও প্রভাব ছিল।

উনবিংশ শতাব্দীতে এই একটা আশ্চর্য জীবন, আর একজন হচ্ছেন হেলেন কেলার; ইনি আঠার বছর বয়সের একটা বাগিকা, (এখন ইনি উনত্রিশ বছরের) এবং ইনি অন্ধ, মূক, ও বধির। এখানে প্রশ্ন হ'তে পারে এই দুইটা

জীবনে তুলনা সম্ভব কিসে? কিন্তু হেলেন কেলারের জীবন আলোচনা ক'রলে আমরা দেখতে পাই যে এঁর জীবন কম আশ্চর্য নয়, কম ক্ষমতাশালী নয়। ইনি নিজে আপনার জীবনী লিখেছেন; এঁর ভাষা এত মিষ্ট, এত কবিত্বপূর্ণ, প্রকৃতির বর্ণনা, তুলনা, সব এত সুন্দর যে পড়লে মনে হয় না যে ইনি অন্ধ। একজন আঠার বছরের অন্ধ, মূক বধির বালিকার লেখা পড়ে আশ্চর্য হ'য়ে যেতে হয়। এঁর জীবন পড়ে বুঝা যায় কি অদ্ভুত এঁর ক্ষমতা, কি আশ্চর্য প্রতিভা; আর এঁর শিক্ষক মিস সালিভানের প্রতিভাও আশ্চর্য, নতুবা এ রকম একজনকে শিক্ষা দেওয়া কম ক্ষমতার কথা নহে। মিস সালিভান নিজে অন্ধ ছিলেন; অন্ধদের জন্ত A Perkins Institution বলে একটা স্কুল আছে, তিনি প্রথমে সেই স্কুলে শিক্ষালাভ করেন, তারপরে তাঁর দৃষ্টিশক্তি ফিরে আসে। দৃষ্টি লাভ করে অন্ধদের শিক্ষা দেবার জন্ত তাঁর বড় আগ্রহ হয়, এবং হেলেন কেলারের নাম শুনে তাঁর শিক্ষাভার গ্রহণ করেন।

হেলেন কেলার জন্মাবধি অন্ধ ছিলেন না। এক বৎসর পর্যন্ত এঁর সকল ইন্দ্রিয়ের শক্তি খুব তীক্ষ্ণ ছিল; ছয়মাসে ইনি প্রথম কথা বলিতে শেখেন; Water, Tea, কথা ইনি প্রথম কথা বলিতে শেখেন; "How d'ye" মানে কেমন আছ এই কথাটিও বলতেন। দেড়বৎসর বয়সের সময় এঁর খুব কঠিন পীড়া হয়; ডাক্তারেরা সে রোগ ধরতে পারেননি।

তারপরে হঠাৎ একদিন আপনি আপনি জ্বর ছেড়ে গিয়ে তাঁর সব অসুখ ভাল হয়ে যায়; কিন্তু সেই সঙ্গে তাঁর চোখের দৃষ্টি, কথা কইবার ক্ষমতা, শ্রবণ শক্তি সব চলে গেল। প্রথমে তাঁর বাপ মা বা ডাক্তারেরা এ কথা বুঝতে পারেননি। কিন্তু হেলেন কেলার বলেন এই যে দেড় বছর এঁর সকল ইন্দ্রিয় তীক্ষ্ণ ছিল, সেই সময়ের স্মৃতি কিছু কিছু এঁর মনে ছিল; যেমন সেই ছয়মাসের সময় Water বলতে শিখেছিলেন,—হেলেন বলেন বাকশক্তি চলে যাবার পরেও তিনি ঐ কথাটা বলতে চেষ্টা করতেন, কিন্তু স্পষ্ট কথাতো বেরুত না, শুধু Wah, Wah শব্দটা বেরুত। অনেক সময় দেখা যায় অন্ধ বোবারা প্রায় একটু বেশী ছুঁই হয়। হেলেন কেলার নিজেই বলেন যে ইনি ছোটবেলায় খুব ছুঁই এবং রাগী ছিলেন। একদিন তাঁর মা ভাঁড়ার ঘরে ঢুকেছিলেন আর হেলেন বাইরে থেকে চাবি বন্ধ করে দিয়েছিলেন; বাড়ীর চাকরেরা তখন অগুদিকে ছিল, কেউ তাঁর ডাক শুনতে পায়নি; হেলেন কেলার বলেন, মা যে ক্রমাগত দরজায় ধাক্কা দিচ্ছিলেন তাতে তাঁর ভারি আনন্দ হচ্ছিল, তিনি অবশ্য শব্দ কিছু শুনতে পাননি, কিন্তু দরজায় যে খুব একটা আঘাত পড়ছে সেটা অনুভব করতে পারছিলেন। তারপরে চাকরেরা তিন ঘণ্টা পরে এসে তাঁকে দরজা খুলে দেয়। তাঁর শিক্ষয়িত্রী মিস সালিভানকেও তিনি ঘরে বন্ধ ক'রেছিলেন। এবং তার চাবি এমন জায়গায়



লুকিয়েছিলেন যে কেউ তা' খুঁজে বের করতে পারে নি; ছমাস পরে তিনি নিজে সেই চাবি বের ক'রে দেন। হেলেন বলেন যে ক্রমে তিনি যত বড় হতে লাগলেন তত তিনি বুঝতে পারতেন যে অন্ধ লোকদের সঙ্গে তাঁর অনেক প্রভেদ আছে। তাঁর কতকগুলি সংস্কৃত ছিল যা দিয়ে তিনি তাঁর মনের ভাব প্রকাশ করতেন,— যেমন হাঁ কি না বলতে হ'লে ঘাড় নেড়ে বলতেন, রুটী চাইতে হ'লে হাত দিয়ে রুটী কাটার নকল করতেন Ice cream খেতে ইচ্ছা হ'লে Ice cream এর কল ঘুরাবার নকল করিতেন এবং যেন খুব শীত হয়েছে এমনভাবে কাঁপতেন। কিন্তু ক্রমে ক্রমে তিনি বুঝতে লাগলেন যে তাঁর মা এবং অন্ধ লোকেরা কিছু চাইতে হ'লে তাঁর মত ইঙ্গিত ক'রে জানায় না, কিন্তু মুখ দিয়া কথা কয়। ছুজন লোকের কথাবার্তার সময় তিনি তাদের মধ্যে দাঁড়িয়ে হাত দ্বিগ্নে তাদের ঠোঁট নাড়া দেখতেন; কিন্তু তাঁর মানে কিছু বুঝতে পারতেন না, তাদের মত ঠোঁট নাড়তে চেষ্টা করতেন, তাতে কোন ফল হ'ত না, শেষে ভয়ানক রেগে গিয়ে হাত পা ছুড়ে কাঁদতে আরম্ভ করতেন। তিনি বলেন তাঁর মনে হ'ত যেন চারিদিক থেকে তাঁকে কে ধরে রেখেছে, আপনাকে ছাড়িয়ে নেবার জন্তে জোর করতে ইচ্ছা হ'ত, কিন্তু জোর ক'রে ত ফল হ'ত না তাই কান্না আসত, রাগ আসত। ক্রমে এই আন্ধার ও কান্না এত বেড়ে উঠল তাঁর বাপ মা বুঝতে পারলেন যে

তাঁকে শিক্ষা দেওয়া নিতান্ত দরকার। তাঁরা শুনেছিলেন তাঁদের মেয়ের মত Laura Bridgman ব'লে একটা মেয়ে বিদ্যা শিক্ষা ক'রেছিলেন। তিনি শুধু যে অন্ধ মূক বদীর ছিলেন তা' নয়, তাঁর আবার দ্রাবণশক্তি, স্বাদ গ্রহণ শক্তি ছিল না। কান্না বোবারা দ্রাবণশক্তি, স্পর্শশক্তি দিয়ে অনেক জিনিস বুঝতে পারে, তাদের এই ইন্দ্রিয়গুলি খুব তীক্ষ্ণ হয় সকলেই জানেন। কিন্তু Laura Bridgman সকল ইন্দ্রিয়ের মধ্যে কেবল একটীর সাহায্যেই জগতের সঙ্গে পরিচয় ক'রতে পেরেছিলেন; তাঁর স্পর্শশক্তি খুব তীক্ষ্ণ ছিল।

হেলেন কেলারের যখন সাত বৎসর বয়স তখন তাঁর শিক্ষয়িত্রী তাঁদের বাড়ীতে আসেন। Perkins Institution ব'লে যে অন্ধবিদ্যালয়ের কথা বলা হ'য়েছে সেই-খান থেকে তাঁকে আনান হয়। মিস্ সালিভ্যান আসবার পরদিন থেকেই হেলেনকে শেখাতে আরম্ভ ক'রলেন। অন্ধবিদ্যালয়ের ছেলে মেয়েরা হেলেনের জন্তে তাঁর কাছে একটা পুঁতুল দিয়েছিল। মিস্ সালিভ্যান সেই পুঁতুলটী হেলেনের হাতে দিয়ে তাঁর অন্ধ হাতে doll কথাটা লিখতে লাগলেন। অবশ্য এ লেখার মানে হেলেন কিছু বুঝলেন না, শুধু তাঁর হাতে একটা স্ফুড়স্ফুড়ী মত একটা অনুভূতি হ'ল। হেলেন তার মানে কিছু না বুঝলেও তাঁর অল্পকরণ করতে লাগলেন। তারপরে মিস্ সালিভ্যান Mug Water এই দুটা কথা শেখাতে লাগলেন;

কিন্তু কিছুতেই দুটা জিনিসের প্রভেদ তাঁকে বোঝাতে পারলেন না। সে দিন বিকালে তিনি হেলেনকে নিয়ে বেড়াতে বেরিয়েছেন সেই সময় সেখানে একটা কল থেকে জল প'ড়ছিল; মিস্ সালিভ্যান হেলেনের হাত ধ'রে সেই কলের তলায় পেতে দিলেন এবং অন্ধ হাতে লিখলেন Water। তখন হেলেনের মনে এই কথাটা আলোকের মতন প্রবেশ ক'রল যে এই যে জিনিসটা ঠাণ্ডা, তরল, এর নাম হ'চ্ছে Water;—অবশ্য ঠাণ্ডা, তরল ব'লে নাম গুলি হেলেন জানতেন না, শুধু জলের ঐ রকম স্পর্শ জানতেন;—আর সেই যে হাতে শিক্ষয়িত্রী সকাল বেলায় আর এক রকম স্ফুড়স্ফুড়ী বা সঙ্কত ক'রোছিলেন তার মানে হচ্ছে, বাতে জল রাখে Mug। সেই সঙ্গে এই সত্যটা তাঁর মনে প্রবেশ ক'রল যে, সকল জিনিসের নাম আছে! এরপর থেকেই ক্রমাগত সব জিনিসের নাম শেখবার জন্তে তাঁর ভারি একটা উৎসাহ ও আগ্রহ জন্মে গেল। শিশুরা অতি ছোটবেলা থেকেই চারিদিকে সকলের কথাবার্তা শুনে শুনে শেখে যে সকল জিনিসের একটা একটা নাম আছে; যখন সে নিজে কথা কইতে শেখেনি তখনও এ কথা সে জানে, আর যে অন্ধ বদীর সে ত কিছু দেখেনি শোনেও নি তাতে এই কথাটা জানান কি রকম শক্ত! কিন্তু একবার যখন এই সত্যটা তাঁর মনের মধ্যে প্রবেশ ক'রল তখন তাঁকে অন্ধ শিক্ষা দেওয়া অনেকটা সহজ

হ'য়ে এল। তারপরে এক দিনের মধ্যেই হেলেন অনেক জিনিসের নাম শিখে ফেলেছিলেন। মিস্ সালিভ্যান যে নিয়ম ক'রে হেলেনকে খানিকক্ষণ শেখাতেন তা নয়, সকল সময়েই হেলেনের হাতে লিখে লিখে তাঁর সঙ্গে কথা কইবার চেষ্টা ক'রতেন। একদিন হেলেনকে তিনি আদর ক'রতে চাইছিলেন, হেলেন কিন্তু কিছুতেই তাতে রাজী ছিলেন না, তখন মিস্ সালিভ্যান তার হাতে লিখলেন "I love Helen" (আমি হেলেনকে ভালবাসি।) হেলেন জিজ্ঞাসা ক'রলেন love কি? মিস্ সালিভ্যান তখন হেলেনের বুকে হাত দিয়ে দেখিয়ে ব'ললেন "এখানে"। কিন্তু হেলেন বুঝতে পারলেন না; কারণ তিনি তখন যে জিনিস স্পর্শ ক'রতে পেতেন না তার বিষয় কিছু বুঝতেন না। হেলেন বড় ফুল ভাল বাসতেন; মিস্ সালিভ্যানের হাতে ভায়লেট ফুলের গন্ধ পেয়ে জিজ্ঞাসা ক'রলেন "এই কি ভালবাসা"? শিক্ষয়িত্রী ব'ললেন "না"। তখন বেশ রোদ্দ ছিল, হেলেন রোদ্দ বড় ভালবাসতেন, হেলেন যেদিক থেকে সূর্যের উদ্ভাপ আসছিল সেইদিকে দেখিয়ে ইঙ্গিতে জিজ্ঞাসা ক'রলেন "এই কি ভালবাসা"? তারও উত্তর পেলেন "না"। সেদিন ভালবাসা কি তা আর তাঁর শেখা হ'ল না। তার দু এক দিন পরে হেলেন ব'সে ব'সে পুঁতি গাঁথছিলেন, দুটা ক'রে বড় পুঁতি তারপরে তিনটা ক'রে ছোট পুঁতি, এই রকম ক'রে গাঁথছিলেন। তাঁর



বার বারই ভুল হচ্ছিল, শিক্ষয়িত্রী তাঁকে সংশোধন করে দিচ্ছিলেন; আবার একবার ভুল বুঝতে পেলে হেলেন ব'সে ব'সে ভাবতে চেষ্টা করছিলেন; ঠিক এই সময়ে তাঁর শিক্ষয়িত্রী হেলেনের কপালে হাত দিয়ে তাঁর হাতে লিখলেন "think" তখনই মূর্ত্তমধ্যে হেলেন বুঝতে পারলেন এই যে তাঁর মনের মধ্যে ক্রিয়াটা হচ্ছে এর নাম হচ্ছে think চিন্তা করা। আবার তাঁর মনের মধ্যে যেন একটা নূতন আলো প্রবেশ করল। তিনি তখন পুঁথি গাঁথা ভুলে গিয়ে অনেকক্ষণ চুপ করে ব'সে ভাবতে লাগলেন যে সেদিন সেই love কথাটা হ'য়ে ছিল তার মানে কি। সেই সময় হঠাৎ মেঘমুক্ত হ'য়ে সূর্য্যের আলো ফুটে উঠল। তখন আবার তিনি শিক্ষয়িত্রীকে জিজ্ঞাসা করলেন "এই কি ভালবাসা?" মিস্ সালিভ্যান ব'ললেন "ভালবাসা কতকটা ঐ সব মেঘের মতন; মেঘকেও তুমি ছুঁতে পার না, কিন্তু সমস্তদিনের উত্তাপের পর যে রুষ্টি হয় তা তুমি স্পর্শ করতে পার এবং তাতে গাছপালা কত আনন্দলাভ করে তাও বুঝতে পার; সেই রকম ভালবাসাকেও তুমি স্পর্শ করতে পার না, কিন্তু ভালবাসা জীবনকে যে মিষ্ট করে তা অল্পভব করতে পার"। এই কথাটির পরে হেলেনের মনে এই মধুর সত্যটা জেগে উঠল যে তাঁর আত্মার সঙ্গে অল্প লোকদের আত্মার একটা যোগ আছে, সে যোগ চোক দিয়ে দেখা যায় না, হাত দিয়ে স্পর্শ করা যায় না। ক্রমে

মিস্ সালিভ্যান তাঁকে প'ড়তে শেখাতে লাগলেন। কতকগুলি কার্ডের উপর একটা একটা কথা উঁচু উঁচু অক্ষরে লেখা থাকত, যেমন doll ইত্যাদি। সে গুলি যে একটা একটা কথা তা হেলেন খুব শীঘ্রই শিখতে পেরেছিলেন, আর এ শিক্ষায় তাঁর খুব আমোদ ছিল। একদিন দেখা গেল তাঁর বিছানার উপরে তাঁর dollটিকে শুইয়ে তার পাশে is on bed কথাগুলি সাজিয়ে রেখেছেন, অর্থাৎ বলতে চান যে doll is on bed। আর এক দিন দেখা গেল girl লেখা এক খানি কার্ড নিজের পোষাকের উপর এঁটে wardrobe এর ভিতর গিয়ে দাঁড়িয়ে র'য়েছেন, আর তাকের উপর is in wardrobe কথাগুলি সাজিয়ে রেখে দিয়েছেন, অর্থাৎ ব'লতে চান girl is in wardrobe। এই রকম করে মিস্ সালিভ্যান তাঁকে এমন ভাবে শিক্ষা দিতে লাগলেন যে ব্যাকরণ প্রভৃতি যে সব শিক্ষা ছেলেদের কাছে কষ্টসাধ্য ও ভয়ের জিনিষ, হেলেন সে গুলি খেলার মধ্যে দিয়ে অতি সহজ ভাবেই শিখতে লাগলেন। এই রকম করে তিনি ভূগোল শিক্ষা করেছিলেন। অল্প ছেলেদের মতন তাঁকে কতকগুলি জিনিস মুখস্ত করে শিখতে হয়নি; মিস্ সালিভ্যান তাঁকে নদী প্রভৃতি সকল জিনিস স্পর্শ করিয়ে করিয়ে শেখাতেন, এবং যখন সে স্মৃতি হ'তনা তখন বাগানের ভিতরে হ্রদ, দ্বীপ, পাহাড় প্রভৃতি প্রস্তুত করতেন; মাটি দিয়ে উঁচু করে

ম্যাপ প্রস্তুত করে শেখাতেন। এই রকম করে সকল জিনিস স্পর্শ করে করে হেলেন Botany, zoology, প্রভৃতি অনেক বিদ্যা শিখেছেন।

মহিলার রচনা।

### চট্টগ্রাম ভগ্নীসমাজে পঠিত।

প্রিয় ভগ্নীগণ, সমাজে আমাদের কি কর্তব্য তাহা আমাদের সর্বদা মনে রাখিতে হইবে। কর্তব্যজ্ঞান মানব-উন্নতির একমাত্র উপায়। কর্তব্যজ্ঞান বিহীনের ইহ পর কোন কালেই সুখ নাই। শুষ্ক তৃণখণ্ড যেরূপ যেদিকে বায়ু সেই দিকে ধাবিত হয়, তাহার নিজের গতি কিছুই নাই, কর্তব্যজ্ঞান-বিহীন ব্যক্তিও সেইরূপ বাহিরের শক্তিদ্বারা অথবা স্বীয় মানসিক কাম ক্রোধাদি নীচ প্রতীকার সর্বদা চালিত হইয়া থাকে, আত্মার উন্নতি এরূপ মানবে অসম্ভব; অথচ আত্মার উন্নতি না হইলে প্রকৃত সুখ শান্তি লাভ হয় না।

বর্তমান সামাজিক নিয়মে অর্থোপার্জন সম্বন্ধে আমরা কিছুই নহি। কিন্তু অর্থই আমাদের সামাজিক উন্নতির একমাত্র সাধন নহে। শাস্ত্রকারেরা বলেন, আত্মা সচ্চিদানন্দ। জ্ঞান, আনন্দ ও নিয়মিত কার্যকরণ এই তিনটি মাত্র তাহার প্রকাশ। এই কারণে সর্বধর্মশাস্ত্র জ্ঞান, প্রেম ও কর্তব্য ইচ্ছা বৃদ্ধির পক্ষপাতী, এই তিনটি যত বর্ধিত হইবে, এবং যত বিশুদ্ধ হইবে আমাদের আত্মা তত উন্নত

হইবে। এই তিনটি ঋহার উন্নত তিন সংসারে দিনান্তে অর্ধাশনে ছিন্নবস্ত্রে থাকিলেও সতত অসীম শান্তি সুখে পরিপূর্ণ থাকেন।

অসুখ কাহাকে বলে তাহা তাঁহার অবিদিত। তাঁহাকে যে অসুখ্য রাখুন, যে কাজে নিযুক্ত করুন তিনি স্বীয় আত্মানন্দে পরিতৃপ্ত। সে সুখ যে কেবল তাঁহাকেই পরিতৃপ্ত করে তাহা নহে, যে ব্যক্তি তাঁহার সংস্পর্শে আসেন সে ব্যক্তির নিজের অশান্তির যত কারণই থাকুক না কেন, যতকাল তাঁহার সংস্পর্শে থাকেন ততকাল সেই আত্মতৃপ্তির অংশভাগী হন।

অতএব দেখুন, আত্মোন্নতির সহিত অর্থের সম্বন্ধ অতি সামান্য। এবং অর্থোপার্জন সম্বন্ধে পুরুষের সহিত আমাদের অংশ না থাকিলে ও প্রকৃত আত্মোন্নতি তাঁহাদের একচেটে নহে, বরং ইহার জন্ত তাঁহাদিগের অপেক্ষা আমাদের অধিকতর সুবিধা, কারণ অর্থোপার্জনে বহু ক্রেশ, বহু উদ্যম ও যত্নের প্রয়োজন। আমরা উহার হস্ত হইতে বিমুক্ত বলিয়া এ সকল অসুবিধার কিছুই আমাদের ভোগ করিতে হয় না, সাংসারিক কর্তব্য সমাধাতে বাকী সমস্ত সময়ই আমরা আত্মোন্নতির জন্ত দিতে পারি। যদি নিদ্রা, আলস্য পরচর্চা, বৃথা আহার বিহার, পরিচ্ছদ আভরণাদির প্রলোভন ও হিংসা ঘেষ পরিত্যাগ করিয়া আমরা পবিত্রভাবে আমাদের অবসরকাল সংশিক্ষা ও সংসঙ্গে আত্মোন্নতির জন্ত ব্যবহার করিতে পারি,



তাহা হইলে এ কথা অত্যাুক্তি নহে যে, আমরা অচিরাৎ এই সংসারকে স্বর্গধামে পরিণত করিতে পারিব। সংসারে প্রকৃত সুখ দুঃখ সম্বন্ধে আমাদেরই হস্ত অধিক। যে গৃহের গৃহিণী ধার্মিক, সে গৃহ দরিদ্র হইলেও সুখ ও শান্তির আলায়। মহা ধর্মীর গৃহিণী অধার্মিক ও হিংসা দেবাদির আশ্রিত হইলে সে গৃহে সুখ অপরিচিত।

পাশ্চাত্য সূক্ষ্মদর্শী বীরবর নেপোলিয়ন বলিয়াছেন, মাতৃগণের উন্নতিসাধন দেশোদ্ধারের এক মাত্র উপায়। আমরাই দেশের মাতা এবং মাতার ধর্মীপ্রবাহিত রক্তই গর্ভস্থ সন্তানের পরিপুষ্ট এবং তাঁহার ক্রোড়স্থ সন্তানের শরীর গঠনের একমাত্র উপাদান। আমরা কেবল সন্তানের স্থূল শরীরের উপাদানদাত্রী নহি। সন্তান যতদিন আমাদের আশ্রিত ততদিনই তাহার প্রকৃত শরীর ও স্বভাব গঠনের মুখ্যকাল। আমরা যে কেবল আমাদের রক্ত ও স্তন্য দ্বারা তাহাদের স্থূল শরীর গঠন করি তাহা নহে, তাহাদের মন ও স্বভাব অনেকাংশে আমাদের দ্বারাই গঠিত হয়। আমাদের ক্রোড়ে তাহারা যে উপদেশ পায় তাহাই তাহাদের স্বভাবের মূল সূত্র। কাজেই আমাদের যেরূপ স্বভাব সন্তানগণের সেইরূপ স্বভাবই প্রবল হয়। জগতের ধনী, দরিদ্র ভাল মন্দ সকল মানবই আমাদের হস্ত গঠিত। যিনি সমাজের সংস্কর্তা বলিয়া কালান্তরে পূজ্য হন, তিনিও আদিত্যে আমাদেরই সন্তান, তাঁহার উন্নতির ভিত্তি আমাদের হস্ত প্রোথিত।

অতএব আমাদের স্বভাব ও ধর্মপ্রবৃত্তি, আত্মার উন্নতি বা অবনতি শুদ্ধ আমাদের সাময়িক সাংসারিক সুখ দুঃখের কারণ তাহা নহে প্রকৃতপক্ষে আমরাই দেশের ও জগতের মঙ্গলামঙ্গলের জন্ত দায়ী।

শ্রীমোহিনী দাস।

### সংবাদ।

পেশোয়ার নগরের অর্ধ মাইল দূরে এক স্তম্ভের নীচে বুদ্ধদেবের অস্থি আবিষ্কৃত হইয়াছে। প্রায় ত্রিশ ফুট নিম্নে ক্ষটিক পাত্রে শ্রীবুদ্ধের তিন খনি অস্থি পাওয়া গিয়াছে। মার্শাল সাহেব ইহা বাহির করিয়াছেন। এ অস্থি কোন্ দেশে সংরক্ষিত হইবে ইহা লইয়া বিলক্ষণ আন্দোলন চলিয়াছে। ভারতীয় মহাপুরুষের অস্থিতে ভারতেরই দাবী বেশী।

শ্রীযুক্ত গিরিশচন্দ্র সেন মহাশয় এখনও পুরী বাস করিতেছেন। তাঁহার শরীর কখনও একটু ভাল, কখনও মন্দ। সেপ্টেম্বর মাসের মধ্যেই তিনি কলিকাতা আসিতে পারেন।

গত আষাঢ় মাসে মহিলার চতুর্দশ বর্ষ শেষ হইয়াছে। বাঁহাৎ এখনও মূল্য দেন নাই, তাঁহারা দয়া করিয়া সত্বর উহা প্রদান করিলে আমরা উপকৃত হইব।

ক্রমক্রমে মহিলার চতুর্দশ বৎসরের নির্ঘণ্ট গত সন্ধ্যায় প্রকাশিত হয় নাই। উহা এই সন্ধ্যায় প্রদত্ত হইল। পাঠক পাঠিকাগণ তাহা যথাস্থানে সংলগ্ন করিয়া লইবেন।

## মহিলার চতুর্দশ বর্ষের নির্ঘণ্ট।

১ম সংখ্যা, শ্রাবণ, ১৩১৫।


মহিলার চতুর্দশ বর্ষ বয়ঃক্রম	১	সংবাদ	৭৮
সাধ্বী মুক্তকেশী দেবী	৩	মহিলাবিদ্যালয়—জীবের শত্রু জীবাণু	৭৯
মতিবাবুর পারিবারিক অবস্থা	৭	৪র্থ সংখ্যা, কার্তিক।	
কেশবজননী সাধ্বী শারদা দেবী	১০	শ্রীনীতিসার	৮১
প্রাচীনকালের আর্ধ্যানারীদের জীবনের পরীক্ষা	১২	আমাদের অবস্থা	৮২
চতুর্দশাগ্রস্ত লোকের উদ্ধারকারিণী স্বর্গীয়া সারদাদেবী	১৫	মতিবাবুর পারিবারিক অবস্থা	৯৪
কল্যাণীয়া পসন্নতারা গুপ্ত	১৯	কেশবজননী সাধ্বী সারদাদেবী	৯৮
মহিলাদের রচনা—পার্কৃত্য প্রদেশ	২১	হামিদাদেবীর পত্র	১০১
পুনঃ সংসারে	২২	সংবাদ	১০২
সংবাদ	২২	৫ম সংখ্যা, অগ্রহায়ণ।	
মহিলাবিদ্যালয়—মিলিন্দ প্রশ্ন	২৫	শ্রীনীতিসার	১০৫
২য় সংখ্যা, ভাদ্র।		এদেশের নারীজাতির উন্নতি	১০৬
শ্রীনীতিসার	৩১	শ্রীশিক্ষা	১১০
নারীজীবনের দায়িত্ব	৩২	সীতা	১১২
প্রাচীনকালের আর্ধ্যানারীদের জীবনের পরীক্ষা	৩৩	জর্নৈক মহিলা	১১৪
আকস্মিক ঘটনা ও সামান্য রোগাদির গৃহচিকিৎসা	৩৬	মহিলাসমিতি	১১৫
সম্পাদকীয় মন্তব্য	৪০	হামিদাদেবীর পত্র	১১৭
স্বর্গগতা সাধ্বী মুক্তকেশী	৪৩	কেশবজননী সাধ্বী সারদাদেবী	১১৮
স্বদেশের দুর্গতির জন্ত মহিলাদের প্রার্থনা হয় কি	৪৭	দেবী গান্ধার্বী	১২১
মাসিকপত্রিকা গৃহলক্ষ্মী	৫২	মহিলার রচনা—সেবা	১২৪
সংবাদ	৫৩	সংবাদ	১২৬
মহিলাবিদ্যালয়—ইচ্ছাশক্তি	৫৫	প্রেরিত—কুচবিহারে শ্রীশিক্ষা	১২৮
৩য় সংখ্যা, আশ্বিন।		৬ষ্ঠ সংখ্যা, পৌষ।	
শ্রীনীতিসার	৫৭	শ্রীনীতিসার	১২৯
মাতৃশিক্ষা	৫৮	বিশেষ নারীর বিশেষ প্রতিভা	১৩০
কেশবজননী সাধ্বী সারদাদেবী	৬০	রক্ষন কার্য অতি পবিত্র কার্য	১৩১
দার্জিলিঙ্গ যাত্রিকের পত্র	৬৩	সীতা	১৩৪
স্বর্গগতা সাধ্বী মুক্তকেশী দেবী	৬৭	মতিবাবুর পারিবারিক অবস্থা	১৩৮
সমুদ্রপথে পুরী	৭২	জেনারেল বুথের পরিবার	১৪১
মুক্তিফৌজের নেতা জেনারেল বুথের	৭৪	দেবী গান্ধার্বী	১৪৪
শ্রীজাতিসম্বন্ধে নির্বন্ধ	৭৪	মহিলাদিগের রচনা—কোন কবি	
মহিলাদের রচনা—স্বর্গগত পিতৃদেবের উদ্দেশে	৭৬	ভগিনীর প্রতি	১৪৮
		আমি জানি	১৪৮
		ভ্রাতা ও ভগিনী	১৪৮
		সংবাদ	১৪৯
		৭ম সংখ্যা, মাঘ।	
		শ্রীনীতিসার	১৫৩



মেয়েদের জীবে দয়া	১৫৪	১০ম সংখ্যা, বৈশাখ, ১৩১৬।	
মহিলাগণের উচ্চাধিকার	১৫৯	স্ত্রীনীতিসার	২২৭
আকস্মিক ঘটনা ও সামান্য		সম্পাদক	২২৮
রোগাদির গৃহচিকিৎসা	১৬১	স্বর্গীয় ডাক্তার নকুডচন্দ্র বন্দ্যোপাধ্যায়	২২৯
নূতন পুস্তক	১৬৬	হ্যালিবার্টন পত্রীর জীবনের পরীক্ষা	২৩৩
আমাদের প্রতি মাতৃজাতির		নারীদিগের পরসেবাকার্য স্বর্গের	
সহানুভূতি	১৬৬	সোপান	২৩৭
কেশবজননী সাধ্বী শারদাদেবী	১৬৯	স্বনীতি কলেজের সাম্বৎসরিক	
মহিলার রচনা—প্রাকৃতিক সৌন্দর্য্য	১৭৫	পারিতোষিক বিতরণ	২৪০
সংবাদ	১৭৬	বোমার পত্র	২৪৭
৮ম সংখ্যা, ফাল্গুন।		জাগরণ	২৪৭
স্ত্রীনীতিসার	১৭৭	সংবাদ	২৪৯
মহিলাদিগের উচ্চাধিকার	১৭৮	১১শ সংখ্যা, জ্যৈষ্ঠ।	
আর্যনারীদের কথা বলা		স্ত্রীনীতিসার	২৫১
এবং কথা শোনা	১৮০	স্ত্রী ও পুরুষের আত্মার স্বাধীনতা	২৫২
সাধ্বী ক্যাথারাইনের জীবনের		একটি মোসলমান মহিলার মৃতদেহের	
কয়েকটি কথা	১৮৩	প্রতি সম্মান	২৫৫
নারীজাতির অধিকার	১৮৭	আকস্মিক ঘটনা ও সামান্য রোগাদির	
প্রাচীনা এবং নবীনা	১৮৯	গৃহচিকিৎসা	২৫৮
ভূতের ভয়	১৯৩	হ্যালিবার্টন পত্রীর জীবনের পরীক্ষা	২৬১
আত্মমর্য্যাদা	১৯৫	শিক্ষিতা মহিলার প্রতি	২৬৭
মহিলার রচনা—মহুয়া-জীবনের		জেবোরেসা	২৬৯
শ্রেষ্ঠত্ব	১৯৭	কেথারাইন্ উইলকিনসন্	২৭০
সংবাদ	১৯৮	জাগরণ	২৭৩
পেরিত—জীবের বন্ধ অনন্ত জীব-		সংবাদ	২৭৪
জীবন	১৯৯	১২শ সংখ্যা, আষাঢ়।	
মহিলাবিদ্যালয়—মানবের দায়িত্ব	২০১	প্রার্থনা	২৭৫
৯ম সংখ্যা, চৈত্র।		শ্রমশীলতা	২৭৬
স্ত্রীনীতিসার	২০৩	স্ত্রী-শিক্ষা	২৭৭
জমা খরচ	২০৪	নারীজাতির অধিকার	২৮৩
এতো চেনা লোক	২০৭	সীতা ঠাকুরাণী	২৮৬
মাতৃগণের প্রতি কৃতজ্ঞতা প্রকাশ	২১১	আকস্মিক ঘটনা ও সামান্য রোগাদির	
সীতাদেবী এবং গোপাদেবী	২১৬	গৃহচিকিৎসা	২৮৮
আহ্নিক	২১৯	হ্যালিবার্টন পত্রীর জীবনের পরীক্ষা	২৯২
স্বর্গীয়া বড়বধু ঠাকুরাণী	২২১	মহিলার রচনা—আত্মোন্নতির উপায়	২৯৭
মহিলাদিগের রচনা—স্বভাবোন্নতির		সংবাদ	২৯৮
উপায়	২২৩		
নববর্ষ	২২৪		
সংবাদ	২২৫		

১৫শ ভাগ।  
২য় সংখ্যা।


ভাদ্র।  
১৩১৬।



স্বপ্ন নাথক  
দুঃখিনী  
হাসিনী বল  
ইববায়

### সূচী।

বিষয়।	পৃষ্ঠা।
প্রার্থনা ... ..	২৫
নারীজনোচিত খেলা ... ..	২৬
নারীর উচ্চ অধিকার ... ..	২৮
কেশবজননী সাধ্বী শারদাদেবী ... ..	৩১
মাংসাহার ... ..	৩৪
চট্টগ্রাম ভগ্নীসমাজের অষ্টমবার্ষিক রিপোর্ট ... ..	৩৬
মহিলাদিগের রচনা—অঞ্জলী ... ..	৪১
” ” প্রার্থনা ... ..	৪২
” ” চট্টগ্রাম ভগ্নীসমাজে প্রতিষ্ঠা ... ..	৪৩
” ” পরোপকার ... ..	৪৪
” ” শিক্ষা ... ..	৪৬
সংবাদ ... ..	৪৭





## যদি কেশের শোভা সম্পাদন করিতে চান

তাহা হইলে প্রতিদিন স্নানের সময় আমাদের "কুন্তলব্যা তৈল" ব্যবহার করুন। ইহা ব্যবহার করিলে কেশরাশি ভ্রমর কৃষ্ণবর্ণ ধারণ করে, এবং মাথায় মরামাস ও খুস্কী প্রভৃতি জন্মতে পারে না। রণীগণ যদি কবরী রচনার সময় "কুন্তলবুধোর" সহায়তা গ্রহণ করেন, তাহা হইলে আর তাঁহাকে অত্রবিধ স্নগন্ধি দ্রব্য ব্যবহার করিতে হয় না। এক কথায় "কুন্তলবুধা" কেশতৈল মধ্যে সর্বশ্রেষ্ঠ। মূল্য প্রতি শিশি এক টাকা। মায় ডাক মাণ্ডল ১/০ তিন শিশি ২/০, ডজন ২/০ টাকা।

## সুরসুন্দরী বটিকার তত্ত্ব রাখেন কি?

আমাদের সুরসুন্দরী বটিকা সর্ববিধ স্ত্রীরোগে অর্থাৎ প্রদর, বাধক, রক্তের স্বল্পতা বা রক্তোপিক্য রক্তগুণ প্রভৃতি আরাম হয় অতি দুর্লভ রোগীও ইহা সেবনে বিগতরোগ হইয়া হৃষ্টপুষ্টি হইতে পারেন। ষাঁহাদের গৃহে এই সব রোগে মহিলারা কষ্ট পাইতেছেন, তাঁহারা একবার আমাদের "সুরসুন্দরী বটিকা" ব্যবহার করিতে দেন। প্রতি কোটা ২/ ছয় টাকা, ডাকমাণ্ডলসহ ২/০।

ভৈষজ্যরত্নাবলী—(ষষ্ঠ সংস্করণ) বাহির হইয়াছে। মণির মধ্যে যেমন কোস্তভ, জ্যোতিষ্কের মধ্যে—যেমন চন্দ্র, তেমন সমস্ত আয়ুর্বেদীয় চিকিৎসা-গ্রন্থের মধ্যে "ভৈষজ্যরত্নাবলী"। ঋষিকল্প কবিরাজ বিনোদলাল সেন মহাশয়ের আজীবন-ব্যাপী পরিশ্রম গবেষণা—এই গ্রন্থে মধ্য নিহিত। আয়ুর্বেদ শিক্ষার্থী ও চিকিৎসকগণের পক্ষে ইহা মহামূল্য উপাদেয়-গ্রন্থ। পুস্তকখনি হাজার পৃষ্ঠার উপর। পত্র কাগজে সুন্দর ছাপ। এই একখানি পুস্তক পড়িয়াই উৎকৃষ্ট কবিরাজ হওয়া যায়। ইহা আমাদের কার্যালয় ভিন্ন আর কোথাও পাওয়া যায় না। সাবধান! নকল লইয়া ঠকিবেন না। মূল্য ৬/ ছয় টাকা। ভিঃ পিঃতে ছয় টাকা দশ আনা মাত্র।

ঋষিকল্প কবিরাজ বিনোদলাল সেন মহাশয়ের

## আদি-আয়ুর্বেদ ঔষধালয়।

১৪৬ ও ৩৬নং লোয়ার চিৎপুর রোড, ফৌজদারী বালাখানা, কলিকাতা।

টেলিগ্রাফিক ঠিকানা

ভীষকরাজ।

প্রধান চিকিৎসক

কবিরাজ শ্রীআশুতোষ সেন।


ও

কবিরাজ শ্রীপুলিনকৃষ্ণ সেন।

কলিকাতা

৩ নং রমানাথ মজুমদারের স্ট্রিট, "মঙ্গলগঞ্জ মিশন প্রেসে"

কে. পি. নাথ কর্তৃক ১৩ই আশ্বিন মুদ্রিত ও প্রকাশিত।



## মাসিক পত্রিকা।

"যত্র নার্যস্তু পূজ্যন্তে বসন্তে তত্র দৈবতা:।"

১৫শ ভাগ ] ভাদ্র, ১৩১৬, সেপ্টেম্বর ১৯০৯। [ ২য় সংখ্যা।

## প্রার্থনা।

দুর্বলের বল, অনাথের নাথ পর-  
মেধর, আমরা দুর্বল অসহায় মোহাচ্ছন্ন  
হইয়া তোমার শরণাপন্ন হইতেছি।  
আমাদের মোহ এত গভীর যে শত  
আঘাতেও সে মোহ ভাঙে না। সংসারে  
কত দুঃখ বিপদ, শোক সন্তাপ আমা-  
দিগকে বেরিয়া রহিয়াছে। রোগ শোক  
ক্রমাগত আমাদের আঘাত করিতেছে,  
ভয়ানক আঘাত পাইলে একটু চমকিয়া  
উঠি, কিন্তু তাহাতে চৈতন্য হয় না।  
রোগে যখন মুমূর্ষুপ্রায় হই, ভাবি এবার  
আরোগ্য লাভ করিলে তোমার অহুগত  
হইয়া চলিব, আর অধর্মের পথে যাইব  
না, তোমারই প্রিয় কার্যে জীবন মন  
অর্পণ করিব। যাই রোগের হাত হইতে  
মুক্তি লাভ করি, আবার যে পুরাতন  
মোহাচ্ছন্ন জীব আমি সেই রূপ ধারণ  
করি। আমার এইরূপ যে ঘোর মোহের

অবস্থা ইহা তুমি ভিন্ন আর কে দূর  
করিতে পারে? তাই তোমার শরণাপন্ন  
হই, তোমার আশ্রয় গ্রহণ করি। তুমি  
তোমার অলৌকিক শক্তি প্রভাবে আমার  
মোহ ভাঙ্গিয়া দাও, আত্মাতে দিব্যজ্ঞানের  
সঞ্চার কর। যে জ্ঞানপ্রভাবে তোমার  
সঙ্গে আমার যে অচ্ছেদ্য সম্বন্ধ তাহা  
বৃদ্ধিতে পারিব। তুমি যে আমার পিতা  
মাতা আশ্রয়দাতা স্বামী সখা এসকল সম্বন্ধ  
অহুভব করিয়া তোমারই আশ্রিত হইয়া  
জীবন যাপন করিতে থাকিব। তোমাকে  
পিতা মাতা রূপে পাইলে আর আমার  
ভাবনা কি? তোমাকে স্বামী সখা রূপে  
পাইলে আমি চিরকুতার্থ হইব। সেই  
কুতার্থতা দান করাই তোমার অভি-  
প্রায়। তোমার অভিপ্রায় আমার জীবনে  
সুসিদ্ধ হউক!

শান্তি: শান্তি: শান্তি:।



## নারীজনোচিত খেলা।

“শরীরমাংগং খলুধর্মসাধনম্”

শরীরী জীবের পক্ষে শরীর-চিন্তা সর্বপ্রধান। যদিও শরীরের জন্ত মনুষ্যের প্রাধান্য নহে, তথাপি শরীরের স্বাস্থ্য ও বল রক্ষা করিতে না পারিলে ধর্মাতলে প্রত্যেক মনুষ্যের জীবনই অতি বিড়ম্বনার বিষয় হইয়া উঠে। স্ত্রীলোকদিগের স্বাস্থ্য অধুনা অস্বদেশে ক্রমে হীনদশা প্রাপ্ত হইতেছে। একথা প্রত্যক্ষ সত্য, যেমন হস্তের কঙ্কণ কেহ দর্পণে দর্শন করে না, তেমনি এদেশীয় নারীদিগের শারীরিক স্বাস্থ্যের হীনতারও প্রমাণ প্রয়োগ প্রদর্শনের প্রয়োজন নাই। এসময়ে যাহাদের সাংসারিক অবস্থা স্বচ্ছল, যাহাদের মধ্যে শিক্ষার বিস্তার, যাহারা সভ্যতার আলোক প্রাপ্ত, তাঁহাদের অধিকাংশের শরীরই কণ্ড ভগ্ন ও অপটু। যদি শিক্ষা সভ্যতা ও ধনাগমে স্বাস্থ্যের অপগম ঘটে, তবে পৃথিবীতে অধিবাসকালে শিক্ষা সভ্যতাদি কে স্পৃহা করিবে? পৃথিবীতে শারীরিক স্বাস্থ্য অপেক্ষা স্পৃহণীয় পদার্থ কিছুই নাই। অতএব যাহারা এদেশের মহিলাদিগের শিক্ষা সভ্যতা ও সাংসারিক সমৃদ্ধির বৃদ্ধি দেখিতে ইচ্ছুক, তাঁহারা সভ্য ও শিক্ষিতদিগের স্বাস্থ্যরক্ষার উপায় অবধারণের চিন্তা করুন। মানসিক উন্নতিতে যদি স্ত্রীলোকের দৈহিক অবনতি আনয়ন করে, জ্ঞানবলে যদি শরীরে হীনবল হয় তবে পৃথিবীতে তাহা আদর্শীয় হইবে না। শিক্ষা ও সভ্যতা বিস্তারের পূর্ববর্তী

## মহিলা।

অবস্থার সহিত তৎপরবর্তী নারীদিগের শারীরিক অবস্থার তুলনা করিলে আমরা কি দেখি? প্রত্যেকে স্ব স্ব পিতামহী মাতামহীদিগের শারীরিক শক্তি ও স্বাস্থ্য যদি স্মৃতিপটে দর্শন করেন, এবং বর্তমান সময়ের শিক্ষালোক প্রাপ্তা, সভ্যতার সুবেশযুক্তা রমণী দেহের প্রতি যদি নেত্রপাত করেন, তবে কি দেখিতে পান? পূর্ববর্তিনীদিগের দেহ প্রস্তুত মন্দিরবৎ; এবং পরবর্তিনীদিগের দেহ টিকা দেওয়া পর্ণকুটীর সদৃশ। পূর্ববর্তিনীগণ ঝড় ঝঞ্ঝা ভুকম্পে ও অটলা, পরবর্তিনীগণ স্তম্ভ দক্ষিণানিলের সামান্য আঘাতেই পংস্রমানা। শিক্ষা লীম্ব বার্কক্য আনয়ন করে, এপ্রকার মত অনেক নারীচিন্তে ইহারই মধ্যে বন্ধন হইতেছে। শারীরিক স্বাস্থ্যরক্ষায় অবহেলা জন্ত যে দৈহিক দুর্বলতা ও বিবিধ রোগ দেহমধ্যে উৎপন্ন হয় তাহা শিক্ষিতা স্ত্রীলোকগণও যেন বোঝেন না। স্মৃত্যরং তাঁহারা শিক্ষাকে অকালবার্কক্য ও বিবিধ রূপ দুর্বলতার প্রসূতি বলিয়া অনায়াসে অপসিদ্ধান্ত করেন। চুলপাকা, মাথাঘোরা চকিবেশে চলিশ, এবং চলিশে অশাতিবর্ষের অবস্থাপন্ন হওয়া যেন শিক্ষার অপরিহার্য ফল বলিয়া ভ্রান্তি জন্মিতেছে।

বর্তমান সময়ে এতদেশে জনসংখ্যার অল্পপারত অত্যন্ত সংখ্যক নারীই উচ্চশিক্ষা প্রাপ্ত হইতেছেন। পরন্তু সভ্যতার ফল তদপেক্ষা অধিক সংখ্যক স্ত্রীলোক উপভোগ করিয়া থাকেন। সেই সকল রমণী যদি অগ্রহ পূর্বক আপনাদের কায়িক

অধোগতির হেতু চিন্তা করিবার জন্ত অত্যন্ত কাল ব্যয় করেন, তবে দেখিবেন শরীরের প্রতি উদাস্ত, শারীরিক পরিশ্রমে আলস্য ও বিলাসে আসক্তি তাঁহাদের রোগ দুর্বলতা এবং অকালবার্কক্য ও দেহপাতের নিদান। শারীরিক অঙ্গ প্রত্যঙ্গ প্রতিদিন নিয়মিত রূপে পরিচালন না করিলে শরীর অবশ্যই অপটু, দুর্বল ও রোগাগার হইবে। প্রাকৃতিক নিয়ম লঙ্ঘন করিয়া শিক্ষার গরিমায় বিনাদেও কেহই পার পাইতে পারে না! পৃথিবীতে পুরুষেরা নারীর অনেক দোষ ক্ষমা করিতে পারেন; কিন্তু প্রকৃতি প্রাকৃতিক নিয়ম লঙ্ঘন রূপ পাপ কোন প্রকারে ও কোন অবলা মহিলাকেও ক্ষমা করেন না। অতএব যতদিন শরীর ধারণ করিবেন ততদিন মহিলাগণ শরীরের শক্তি রক্ষার নিয়ম পালনে সর্বপ্রযত্নে অবহিত থাকিবেন।

খেলা নারীর শক্তি বিকাশ ও সংরক্ষার জন্ত অতি আবশ্যিক। খেলাতে আমোদ, উৎসাহ এবং নিরালস্য জন্মে। যাহারা শরীর ব্যবহার পূর্বক সংসারে কর্ম না করে, যাহাদের অশন বসন প্রতিদিন অশ্রেয়োগ্য, তাহাদের শারীরিক জীবন রক্ষা ও ভোগের নিমিত্ত কোন না কোন রূপ ব্যয়াম না করিলে চলে না। আলস্য কেবল অশেষ দোষের আকর নহে, ইহা অসংখ্য রোগেরও আকর বটে। পৃথিবীতে যত পূর্বক যেমন জ্ঞান তেমনি স্বাস্থ্য ও আহরণ করিতে হয়। জ্ঞানোপার্জন করিলে যদি সঙ্গে সঙ্গে স্বাস্থ্যলাভ হইত, তবে স্বাস্থ্য অর্জনে যাহারা যত্নশীল,

তাহাদেরও বিনা যত্নে জ্ঞানলাভ হইত। কিন্তু তাহা পূর্বেও কাহারও ভাগ্যে ঘটে নাই, এখনও ঘটবে না। বিনা যত্নে কোন নারীর না নরের জ্ঞান, স্বাস্থ্য বা ধর্ম কিছুই উপার্জিত হইতে পারে না। পুত্রিকা যেমন বহু সহকারে ধীরে ধীরে মৃত্তিকা সঙ্কয়ে বন্যক নিৰ্ম্মাণ করে, তেমনি প্রত্যেক নারী নরকে বহু সহকারে শারীরিক শক্তি, জ্ঞান ও ধর্ম সঙ্কয় করিতে হইবে। ক্রীড়ামোদ উপেক্ষণীয় নহে। স্ত্রীলোক স্বভাবতঃ আমোদপ্রিয় কিন্তু অধিকাংশ স্ত্রীলোক (বর্তমান সময়ে বিশেষতঃ) আলস্যপ্রিয়ও বটে। বিলাসিতা এই অলসতাকে অধিকতর পরিবর্দ্ধিত করিয়াছে। সে জন্ত বর্তমান সময়ে রমণীর কমনীয় বপু রোগরাক্ষসের দংশন নিষ্পেষণে বিগতলাবণ্য ও হীনবল পরিতৃষ্ট হয়।

যে সকল রমণী গৃহকর্মে নিরত, তাঁহাদের সুখভোগ্য স্বাস্থ্য আহাৰ্য্য উদরস্থ না হইলেও শারীরিক নিয়মিত পরিশ্রমের গুণে স্বাস্থ্য সুরক্ষিত এবং শরীর রোগাক্রমণ পরিশূন্য; স্মৃত্যরং তাঁহাদের দেহে স্বাস্থ্যের সহিত লাভগত সংজ্ঞিত থাকে। যে সকল নারী গৃহকর্মে পরাস্থাপ, তাস বা কড়ি খেলার আমোদে মত্ত, তাঁহারা নানারূপ রোগশঙ্কটাপন্ন। এসকল শঙ্কট দূরীকরণের বহুও মহিলাদের অবশ্য কর্তব্য।

জ্ঞান গুণাদি মানসিক শক্তি বিস্তারের তুলনায় যদি উপযোগী ক্রীড়ামোদ ও শরীর পরিচালনার উপায় বিস্তার না হয়,



কখনই দেশে পার্থিব জীবনের উপযোগী শিক্ষা বিস্তার হইবে বলিতে পারিব না। এজ্ঞ খেলার প্রবর্তনা ও মহিলাসমাজে অলঙ্ঘনীয় রূপে আবশ্যক বলিয়া নির্দেশ করা যায়। আমাদের দেশের বালিকা এবং যুবতীদিগের জন্ম কি প্রকার ক্রীড়া-মোদ বিশুদ্ধ রূপে উপযোগী তাহাও চিন্তা করা উচিত। উপযোগিনী ক্রীড়ার উদ্ভাবন ও প্রবর্তন সহজ নহে। ক্রীড়ামোদ কেবল অল্প বয়স্ক বালিকাদিগেরই জন্ম প্রয়োজনীয় এমন নহে; যুবতী এবং বর্ষীয়সীদিগেরও উহাতে প্রয়োজন আছে।

তাম, পাশা, কড়ি প্রভৃতি খেলাতে যে অপকার তাহা বিশদরূপে জানবতী মহিলাগণ বালিকা ও যুবতীদিগকে বুঝাইতে চেষ্টা করিবেন। অদ্যাপি বঙ্গদেশে মহিলাদিগের মধ্যে তাশ কড়ি প্রভৃতি খেলার যথেষ্ট প্রচলন দেখা যায়। ব্রাহ্ম-সমাজে ঐ সকল খেলার প্রতি প্রথমকালে একটা ঘৃণা জন্মিয়াছিল। কিন্তু কালক্রমে সে ঘৃণা বিদূরিত প্রায়। অনেক ব্রাহ্মিকা কি তাশ কড়ি প্রভৃতি খেলায় অধুনাতন কালে বুঝা কালক্ষয় করেন না? উপযোগী ভাল খেলা ও আমোদের উপায় উদ্ভাবিত এবং প্রচলিত না করিলে হীনতর ও পরিত্যক্ত ক্রীড়ামোদ সকল পুনর্গৃহীত হইবে ইহাতে আর আশ্চর্য্য কি? ক্রীড়ার সঙ্গে শ্রম ও আমোদ উভয়ের যোগ থাকিলে তদ্বারা শরীর মন উভয়ই উপকৃত হয়। সংসারে শরীর মনের, মন শরীরের পরম সহায়। শরীর মন উভয়েই আনন্দবাদী। আনন্দই স্ফূর্তি। স্ফূর্তিতেই আনন্দ!

উৎসাহ, উদ্যম ও শক্তি যাহাতে বৃদ্ধি হয় অথচ মনটি সম্পূর্ণরূপে চিন্তাবিনির্মুক্ত থাকে, এপ্রকার ক্রীড়া প্রায় প্রতিদিন আবশ্যক। আমাদের শিক্ষিতা মহিলাগণ এরূপ ক্রীড়ামোদ কি জীবনের কর্তব্য সাধন জন্ম অতি আবশ্যকীয় বিবেচনা করেন না? তাঁহারা কি আমাদের দেশের উপযোগী উক্তবিধ ক্রীড়ার উদ্ভাবন জন্ম যত্ন ও চিন্তা করা কর্তব্য বোধ করেন না? শিক্ষিতা মহিলাদিগের জন্ম ক্রীড়া বা খেলাও একটি অভাব। এ অভাবের তিরোভাব ও মহিলাকুলের সর্বাঙ্গীণ উন্নতি পক্ষে আবশ্যক।

শ্রীক—

### নারীর উচ্চ অধিকার ।

পৃথিবীর পক্ষে সোভাগ্যের দিন আসিতেছে, মানবজাতির মাতৃবংশ আপনাদের গুরুতর দায়িত্ব হৃদয়ঙ্গম করিতে আরম্ভ করিয়াছেন। স্ত্রীজাতির অধিকার লইয়া ভিন্ন ভিন্ন দেশে ভিন্ন ভিন্ন রকমের আন্দোলন চলিয়াছে। কোথাও রাজনৈতিক ক্ষেত্রে স্ত্রীলোকের অধিকার লইয়া তুমুল সংগ্রাম, কোথাও বিষয় কর্মের ক্ষেত্রে তুল্যাধিকার লাভের চেষ্টা, কোথাও সামাজিক জীবনে সমান অধিকার লাভের উদ্যোগ। যাহারা ভীক প্রকৃতি রক্ষণ-শীল, তাঁহারা এ সকল নব উদ্যমের একান্ত বিরোধী; তাঁহারা মনে করেন, এতদ্বারা মহা সর্বনাশ উপস্থিত হইবে, মহা বিপ্লব ঘটবে। কিন্তু যাহারা ঈশ্বর-বিশ্বাসী-ভক্ত তাঁহারা কি দেখেন?

তাঁহারা দেখিতে পান, বিধাতা সামান্য বস্তুরও অপচয় হইতে দেন না। স্থূলদর্শী লোক যাহাকে অপচয় মনে করে, তদ্বারাও বিধাতা কোনও না কোনও প্রয়োজন সাধন করেন। মানবজাতির মধ্যে যখন যে কোনও বিষয়ে ঘোরতর ঝটিকা উখিত হইয়া সমাজকে ওলটপালট করিয়া দেয়, তারও ভিতরে বিধাতার লীলা পূর্ণমাত্রায় বিদ্যমান থাকে।

সমগ্র মহুষাজাতি একটা দেহ, নারী তাহার অর্ধাঙ্গ—যাহারা তাঁহাকে “উত্ত-মাঙ্গ” বলিয়াছেন, তাঁহারা স্ববুদ্ধির পরিচয় দিয়াছেন। এই অর্ধাঙ্গকে যাহারা অকর্মণ্য, অসাড়, ভোগ্যবস্তু, ক্রীড়ন সামগ্রী করিয়া রাখেন তাঁহারা মানবকুলের মহা অনিষ্টকারী। বিধাতা নর নারী দুইকে মিলাইয়া পৃথিবীতে সৃষ্টির ভূষণ নরজাতি সৃজন করিয়াছেন। অহঙ্কারী মানব, তুমি কে যে নারীকে হয় ভাবিয়া তাঁহাকে নীচে রাখিতে চাও? বিধাতা এমন সুদৃঢ় বন্ধনে নরনারীকে বাধিয়াছেন যে একের অভাবে অণ্ডের জীবনই অসম্ভব।

নারীর সঙ্গে নরের কত মিষ্ট মধুর সম্বন্ধ। নারী আমার গর্ভধারিণী জননী, তাঁর সুকোমল স্নেহক্রোড়ে লালিত-পালিত হইয়াছি, তাঁর স্তন্যসুধা-পানে আমার দেহ গঠিত হইয়াছে। নারী আমার স্নেহময়ী ভগ্নী, সোদর জ্ঞানে তিনি কত আমায় স্নেহ আদর করিয়া থাকেন। নারী আমার সহধর্মিণী, ধর্মপথে, সংঘের পথে তিনি আমার পরম সহায়; আমার কঠোর প্রাণ তাঁর পবিত্র প্রেমস্পর্শে

দ্রবীভূত হয়। নারী আমার কণ্ঠা, কত আদর যত্নে আমার সেবা করিয়া আমার আনন্দবর্ধন করিয়া থাকেন।

গত শ্রাবণ মাসের মহিলায় “মহিলার রচনা” স্তম্ভে চট্টগ্রাম ভগ্নীসমাজে পঠিত একটা মহিলার প্রবন্ধ পাঠে আনন্দিত হইলাম। তিনি লিখিয়াছেন, “আমরাই দেশের (মানবজাতির) মাতা, এবং মাতার ধমনীপ্রবাহিত রক্তই গর্ভস্থ সন্তানের পরিপুষ্টি এবং তাঁহার ক্রোড়স্থ সন্তানের শরীর গঠনের একমাত্র উপাদান।” “অমরা যে কেবল আমাদের রক্ত ও স্তন্য দ্বারা তাঁহাদের স্থূল শরীর গঠন করি তাহা নহে, তাহাদের মন ও স্বভাব অনেকাংশে আমাদের দ্বারাই গঠিত হয়।” বড়ই সুখের বিষয় যে আমাদের দেশের নারীরাও এই ভাবে আপনাদের অধিকারের বিষয় ভাবিতে আরম্ভ করিয়াছেন।

নারীকে যাহারা পুরুষ করিয়া তুলিতে চাহেন, তাঁহারা মহা ভ্রান্ত। আবার নারীকে যাহারা তাঁহার উচ্চ অধিকার দানে কুণ্ঠিত তাঁহারাও ভ্রান্ত। মানব পরিবারে নারী রাণীস্বরূপা, তিনি গৃহকর্ত্রী, গৃহলক্ষ্মী। মানুষ প্রস্তুত করিবার ভার তাঁহার হাতে। পৃথিবীতে যত মহাজন সাধু ভক্ত জন্মগ্রহণ করিয়াছেন, জ্ঞানী, গুণী, কর্মী, জনহিতৈষী বীরপুরুষ জন্মিয়াছেন, সকলই মাতৃ-গর্ভজাত। মাতার দেহ মন আত্মা তাঁহাদের পরিপোষক। মাতার চরিত্র-ভাব তাঁহাদের চরিত্রকে গঠন করিয়াছে। যে শাক্যসিংহের



সুপবিত্র চরিত্র ভারতাকাশে সমুদিত হইয়া এসিয়াখণ্ডকে আলোকিত করিয়াছিল, এখনও কোটি কোটি লোক তাঁহার প্রবর্তিত ধর্মের আশ্রিত, তিনি নারীশ্রেষ্ঠ মায়াদেবীর গর্ভ-সমুত। সে যিশুখৃষ্ট পালেস্তাইন দেশে জন্মগ্রহণ করিয়া ঈশ্বরের পুত্র চরিত্রের মধুর উজ্জ্বল জ্যোতিতে পৃথিবীকে আলোকিত করিয়াছিলেন, এখনও কোটি কোটি লোক তাঁহার ধর্ম আচরণ করিয়া কৃতার্থ, তিনি দেবী মেরির গর্ভজাত। যে গৌরচন্দ্র বঙ্গদেশে জন্মগ্রহণ করিয়া স্নিগ্ধ জ্যোতিতে অন্ধকারময় বাঙ্গলার মুখ উজ্জ্বল করিয়া গিয়াছেন, এখনও ভারতের কোটি কোটি লোক তাঁহার প্রচারিত হরিনাম-সুধা পান করিয়া কৃতার্থ, তিনি সচীদেবীর গর্ভজাত। যাবৎ মানবজাতি পৃথিবীতে বাস করিবে, তাবৎ এই সকল নারী নরজাতির ভক্তি শ্রদ্ধা প্রাপ্ত হইবেন। শাক্যের চরিত্রে তাঁর মাতার প্রভাব কত, তাহা কি পরিমাণ করা যায়! ঈশ্বার চরিত্রে তাঁর মাতার জীবন কত মিশ্রিত তাহা কি বর্ণনা করা যায়, গৌরচন্দ্রের চরিত্রে সচীর কত প্রভাব কে তাহা ওজন করিবে? মানব-চরিত্র, মানব-জীবন গঠনে নারীর কত বড় উচ্চ অধিকার একটু ভাবিয়া দেখিলে বুঝিতে পারা যায়। সেই নারীকে পিঞ্জরাবদ্ধ পাখীর ছায় যবনিকাবদ্ধ করিয়া রাখিয়া কোন্ কল্যাণ সাধিত হয়! সেই নারীকে কর্মক্ষেত্রে পুরুষের পার্শ্বে দাঁড়াইয়া আপনার কর্তব্যসাধনে বাধা দিলে কোন্ পুরুষার্থ সাধন হয়! বিংশশতাব্দীর জ্ঞান-

দীপ্ত সময়ে যদি তুমি বল, নারীর আত্মা নাই, সে কি ধর্ম সাধন করিবে, স্বামীর মনস্তৃষ্টি করাই তার কর্ম, ছায়ার ছায় স্বামীর অনুবর্তন করাই তার ধর্মকর্ম, এ কথা শুনিয়া বালক বালিকারাও হাস্য সম্বরণ করিতে পারিবে না।

ধর্মক্ষেত্রে চিরকাল নারী ধর্মপরায়ণ। পুরুষ নাস্তিক হয়, নাস্তিকতা প্রচার করে, কিন্তু কোনও নারী নাস্তিকের নাম তো শুনি নাই। ফেরোণের ছায় অহঙ্কারী পুরুষ পৃথিবীতে আত্ম-পূজা প্রতিষ্ঠার প্রয়াস পাইয়াছে, কিন্তু কোনও নারী আপনার পূজা প্রতিষ্ঠা করিতে চেষ্টা পান নাই। কত পুরুষ ঈশ্বরের অবতার মধ্যবর্তীরূপে দণ্ডায়মান হইয়া মানুষকে ঈশ্বর হইতে দূরে নিষ্ক্ষেপ করিয়াছেন, কিন্তু কোনও নারী এরূপ স্পর্ধা করেন নাই। এখানে কি নারীজাতির শ্রেষ্ঠত্ব লক্ষিত হয় না? প্রেম ভালবাসা সেবাতে নারীর শ্রেষ্ঠতা সকলেই স্বীকার করে। ভালবাসার অনুরোধে কত নারী আত্ম-বিসর্জন করিয়াছেন। সেবার শিক্ষয়িত্রী নারী। সহিসুতার সহিত কেমন করিয়া পরের সেবা করিতে হয় তাহা তিনিই জানেন ভাল। এমন কি যুদ্ধক্ষেত্রেও নারীকুলতিলক ফ্রোয়েন্স নাইটিঙ্গেল প্রভৃতি মহিলারা আহত সৈনিকদিগকে যেরূপ মায়ের মত সেবা করিয়াছেন, তাহা দেখিয়া জগৎ স্তম্ভিত হইয়াছে।

নারীকে ছাটিয়া ফেলিয়া কোথাও নরজাতির কল্যাণ নাই। নারীর সঙ্গে মিলিয়া কার্য করিলে সর্বত্রই কুশল-

লাভের সম্ভাবনা। কর্মক্ষেত্রে যে সকল কর্ম অতিশয় পরিশ্রমসাধ্য সে সকল পুরুষ সম্পন্ন করুন, সেখানে নারী ও পুরুষের তুল্য পরিশ্রম না করাই শ্রেয়ঃ কেন না তদ্বারা মাতৃস্বের হানি হইতে পারে। পুরুষের তুল্য গুরুভার বহনে তাঁর সামর্থ্য নাই, কৃষিক্ষেত্রে হল চালনাদি তাঁহার কর্ম নয়, নাবিকের কর্মে তাঁর কৃতিত্ব নাই। এ সকল না থাকাই প্রয়োজন। আবার সন্তান পালন প্রভৃতি কতকগুলি কার্য আছে, যাহা নারীর একচেটিয়া কার্য, পুরুষের তাহাতে অধিকার নাই।

শ্রীবৈ—

কেশবজন্মনী মাধ্বী শারদা দেবী ।

( ১৪শ ভাগ, ৭ম সখ্যা,  
১৭৫ পৃষ্ঠার পর। )

তোমাকে আগে এ কথাটা বলিতে ভুলিয়া গিয়াছি। আমার ষষ্ঠের মহাশয় কথায় কথায় “পর্যন্ত” বলিতেন কেশবের জন্মের পর বলিয়াছিলেন ( কেশবকে লক্ষ্য করিয়া ) “এই পর্যন্ত আমার মতন হইবে।” ইহাকে দিয়া তোমার খুব সুখ হইবে।” সুখ অবশ্য খুবই হইল, কিন্তু সে সুখ চোখের জলে পূর্ণ।

কেশবের যৌবনকাল ও প্রৌঢ়াবস্থার কথা অনেক বলিয়াছেন, তাহা আর এখানে বলিবার দরকার নাই। তবে এই কথা বলি তিনি যখন লিলিকটেজ করেন এবং এখান থেকে চলিয়া যান

তখন তাঁর ভাই বোনদের প্রতি কিম্বা আমার প্রতি একটুও মায়ী মমতা কমে নাই। লিলিকটেজে যজ্ঞের সময় ( নিমন্ত্রণ ) অনেকবার বাবুরা বোধ হয় ভুলক্রমে কৃষ্ণবিহারীকে বাদ দিতেন, শেষে কেশব তাহা জানিতে পারিলে কাহাকেও কিছুই বলিতেন না বটে, কিন্তু মনে মনে বড় কষ্ট পাইতেন। এক দিন আমি তাঁহাকে বলিয়াছিলাম তোমার ছোট ভাই তোমার এখানে আসিলে তাহাকে তুমি ভাল করিয়া খাওয়াইবে। সেই অবধি কৃষ্ণবিহারী তাঁহার কাছে যখন যাইতেন তিনি নিজের খাবার হইতে কৃষ্ণবিহারীকে অর্ধেক তুলিয়া খাওয়াইতেন। তিনি মাঝে মাঝে কত ভাল বাসিতেন তাহা তাঁহার শেষের ব্যমতে প্রকাশ পাইয়াছে। তাঁর যখন খুব রোগ বাড়িত আমি পাগলের মত তাঁর কাছে ছুটিয়া যাইতাম, তিনিও সব সময় মা মা করিতেন। বাবুরা কিন্তু সব সময় আমাকে তাঁর কাছে যাইতে দিতেন না। তাঁহারা বলিতেন ডাক্তারে মানা করিয়াছেন, আপনি যদি তাঁর নিকট যান তাহা হইলে তাঁর বায়ু বাড়িবে। আমি বলিতাম আমার এই নিশ্বাসে কেশবের জন্ম, আমার রক্তে কেশবের দেহ, আমার নিশ্বাসে কখনও কেশবের অসুখ করিবে না, আমাকে তাঁর কাছে যেতে দাও। আমি অনেক সময় তাঁর ঘরের পাশেই পড়িয়া থাকিতাম। কেশব এক এক বার জাগিয়া মা মা বলিয়া ডাকিয়া উঠিলে আমি ছুটিয়া যাইতাম। তিনি বলিতেন



মা আমার কাছে বোস, আমায় কোলে ক'রে নিয়ে শুয়ে থাক।" একদিন তিনি রোগ যন্ত্রণায় খুব অস্থির হইয়াছিলেন; আমি দুঃখ করিয়া বলিলাম, কেশব আমি কি পাপ করিয়াছি জানি না, তাহাতেই বুঝি তুমি এত কষ্ট পাইতেছ। এই কথা শুনিয়া সেই কষ্টের মধ্যেও তিনি বলিলেন, "না মা, তুমি আমার বড় ভাল মা, এ রকম মা কে পায়, আমার যা কিছু ভাল সব তোমার কাছ থেকে পাইয়াছি।" এই বলিয়া আমার পায়ের ধূলা মাথায় নিলেন।

তিনি আমার হাতে দুধ খেতেন, তাঁর ভয় ছিল পাছে অণু কেহ ঔষধের নাম করিয়া মাংসের জুস খাওয়াইয়া দেন। এক দিন কোনও এক প্রচারক, নাম করিব না শিশির ভিতর জুস ঔষধ বলিয়া আমার হাতে দিয়াছিলেন। কেশবের মুখে দিতেই তিনি তাহা ফেলিয়া দিলেন এবং বলিলেন, "মা তুমি আমাকে গু থাওয়ালে।" তারপর থেকে আর কাহারও হাতে খেলেন না। খাওয়া একেবারে বন্ধ করিলেন। মেজ বৌএর ও মহারাণীর হাতে তিনি আগে খাইতেন এই রকম দু'একবার জুস দেওয়াতে তাঁহাদের হাতে খাওয়া বন্ধ করিয়াছিলেন।

কেশব খুব অস্থির সময় বলিতেন, "মা তুমি কি দেখতে পাচ্ছ না, আমি কার কোলে শুয়ে আছি। তুমি যেমন আমায় দুধ খাওয়াচ্ছিলে, তিনিও আমায় তেমনি করে দুধ খাওয়াচ্ছেন।" এই ঘটনার দু'একদিন পরেই তিনি যান।

### কৃষ্ণবিহারী।

কেশবের আড়াই বছরের পর ফুলেশ্বরী, তার আড়াই বছরের পর চুণী এবং তার আড়াই বছরের পর পান্না। পান্নার আড়াই বছর পর এবং আমার ২৬ বছর বয়সে কৃষ্ণবিহারীর জন্ম হয়। এক অগ্রহায়ণে কৃষ্ণবিহারীর জন্ম হয়, ফিরে কার্তিকে আমার স্বামী মারা যান। কৃষ্ণবিহারী ঐ নীচের গলিটায় হইয়াছিল। সেখানে একটা লম্বা ঘর ছিল, সেই ঘরের দরজায় কৃষ্ণবিহারীর জন্ম হয়। সেখানে বেহারী গুপ্ত, ওপিন্ ও অশ্রাশ্র ছেলেরা হইয়াছিল। উপরকার যে ঘরে তোমার স্মশাস্ত হয় সেই ঘরে নরেন্দ্রের জন্ম হয়। মুরুলীধর সেনের এখন যেখানে রান্না হয়, তারই পাশে একটা চালা ছিল সেই খানে মহারাণীর জন্ম হয়। কৃষ্ণবিহারী ছোট বেলায় পিতৃহীন হইয়াছিল বলিয়া সকলেই তাঁহাকে ভালবাসিতেন, বিশেষ আমার ভাগুর কৃষ্ণবিহারীকে খুব ভালবাসিতেন, এবং সব সময় তাঁহাকে কোলে কোলে রাখিতেন। যেখানে যেতেন সঙ্গে সঙ্গে নিতেন। পূজার সময় রাশি রাশি কাপড় দিতেন। রাত্রে কাঁদিলে নিজের কাছে তুলিয়া লইয়া যাইতেন ও শান্ত করিতেন। সকলের আদর পাইয়া কৃষ্ণবিহারী কি রকম ছরস্তু হইয়া গেলেন। ছরস্তুপনা আর কাহারও সঙ্গে নয় শুধু আমার সঙ্গে ও আমার বড় বৌএর সঙ্গে। ছেলেবেলায় পড়িতে চাহিতেন না, আমিও ছোট ছেলে বলে কিছুই বলিতাম না। শেষে নবীন এক

দিন আমার বকিলেন, যে "তুমি ওকে মুখ করবে।" সেই সময় তাকে ধরিয়া স্কুলে দেওয়া গেল, কিন্তু আশ্চর্য্য সেই থেকে যে তার পড়ায় কি মন বসিল তার পর থেকে আর স্কুল কামাই করে নাই। কিম্বা পড়ায় অমনোযোগী হন নাই। কৃষ্ণবিহারী ছেলেবেলা হইতে খুব বুদ্ধিমান ছিলেন, স্কুলের যাওয়ার সময় হইতেই ফাষ্ট প্রাইজ পাইতে আরম্ভ করিলেন। ঐ বাড়ীর গোল সিঁড়িতে তেতলার ছাদে কেশব কৃষ্ণবিহারীকে লইয়া পড়িতেন, সেখানে আর কেহ বাইত না। কেশবের মত কৃষ্ণবিহারীর বৈষ্ণব ধর্মে দীক্ষা হয় নাই, কিন্তু হুজনের পৈতা হইয়াছিল। পৈতা হওয়ার পর থেকে কেশব ধর্মে (কুলধর্মে) মেতে গেলেন, এক বৎসর একাদশী করিয়াছিলেন, ভাত খেতেন না।

নবীন ও কেশবের সময় এত পাস ছিল না কিন্তু কৃষ্ণবিহারী একে একে সমস্ত পাস দিতে আরম্ভ করিলেন, চারিদিকে তাঁর নাম বেরুতে লাগিল।

আমার ভাগুরপো ওপিন্ ও রাজেশ্বরীর ছেলে বেহারীলাল গুপ্ত (ইনিও আমাদের বাড়ীতে থাকিতেন) এই তিন জনে বড় বন্ধুত্ব ছিল। ইহাদের নাম ছিল উচ্ছ (কৃষ্ণবিহারী) আলু (বেহারী গুপ্ত) পটল (উপেন)। কৃষ্ণবিহারী যখন লেখা পড়া শিখে বিদ্বান হইলেন, তখন তাঁহার বিলাত যাওয়ার কথা হইল, সমস্ত ঠিক, কৃষ্ণবিহারীও নিজে প্রস্তুত, কিন্তু আমি দিলাম না। কৃষ্ণবিহারী

বিলাত যাইবেন শুনে আমি মুচ্ছ। গিয়া ছিলাম। আমার অবস্থা দেখে কৃষ্ণবিহারী বিলাত যাওয়ার সংকল্প ত্যাগ করিলেন। আমার জন্ম কৃষ্ণবিহারীর সব গেল। চিরকালই তিনি আমার জন্ম কষ্ট পাইয়াছেন। আগেই বলিয়াছি কৃষ্ণবিহারী আমার সঙ্গে সব সময় আদর করিতেন; আমাকে রাগাবার জন্ম বলিতেন আমি টেবিলে বসে খানা খাব আর ঢগ্ ঢগ্ ক'রে মদ চাঙ্গা আর খাব। এ শুনে আমি ভয় খেতাম। আমি এত ভয় করিতাম যে তিনি যে দিন ঠাকুরদের বাড়ী যাইতেন, সেখান থেকে ফিরে এলে, যখন ঘুমাইতেন আমি তাঁর মুখ গুঁকে দেখতাম যে সতি মদ খাইয়াছেন কি না। কিন্তু ছেলেবেলা হইতে আমার ছেলেদের এত মনের বল ছিল যে, কতরকম লোকের সঙ্গে মিশেও এক দিনের জন্ম ভ্রমেও কুপথগামী হয়েন নাই। এই বিষয় আমি চিরকাল স্মৃতি। একটা পাস বাকী থাকিতে কৃষ্ণবিহারীর বিয়ে দিলাম, সে বিয়ে এক নূতন রকম। কৃষ্ণবিহারীর অনেক বড় বড় ঘর থেকে সম্বন্ধ আসে কিন্তু আমি একটি মেয়ে ঠিক করি তারপর যখন কৃষ্ণবিহারীকে বিয়ের কথা বলি, তখন কৃষ্ণবিহারী বলিলেন, "মা বিয়ে আবার লোকের কটা হয়?" আমি বলিলাম, তোমার আবার বিয়ে হইল কখন? কৃষ্ণবিহারী এই কথা শুনে বলিলেন, আমি পটলডাঙ্গার তারক সেনের বড় মেয়েকে মনে মনে বিয়ে করিয়াছি।



ভাণ্ডার ঐ মেয়ের পিতার কুলের বিষয় লইয়া বিবাহে ভয়ানক অমত করিলেন, কেন না তাঁহারা কুলে আমাদের চেয়ে ছোট ছিলেন। শেষে আমি এই বিবাহের জন্ত অনেক সাধ্য সাধনা করাতে মত দিলেন। আমাদের নিচু বাগানের ঝাণান ওয়ালা বাড়ীতে কৃষ্ণবিহারীর বিবাহ হয়। কৃষ্ণবিহারী চিরকালই গরিব ছিলেন, বিয়েও গরিবের মতন হইল। শেষে বৌ যখন এলেন এবং সেই বৌ লইয়া যখন ভাণ্ডারকে দেখান গেল, তখন তিনি বৌ দেখিয়া বলিলেন, এমন সুন্দর বৌ আমাদের বাড়ীতে একটীও হয় নাই। বিয়ের পর আমি নিজের কৃষ্ণবিহারীর বৌকে লইয়া গিয়া মন্দিরে কেশবের নিকট দীক্ষিত করাই। সেই সঙ্গে আনন্দ বসু ও তাঁর স্ত্রী এবং গোপাল রায় আরও কে কে দীক্ষিত হন।

দীক্ষার পর কৃষ্ণবিহারী একেবারে মাটির মানুষ হইয়া গেলেন। কৃষ্ণবিহারীর পড়ার উপর চিরকাল ঝোক ছিল, সব সময় বই মুখে মুখে থাকিত। তিনি ঐ বারও মুগ্ধ করিয়াছিলেন তাহাতে বাড়ীর বৌদের পড়াইতেন, বৌরা এক এক সময় ঠাট্টা করিতেন যে “তোমাকে আমরা হাতে করে মানুষ করিলাম, আবার তোমার কাছে পড়িব।” আবার বৌরা তাঁকে সব সময় মাষ্টার মাষ্টার বলিয়া ডাকিতেন।

আমার ভাণ্ডার কৃষ্ণবিহারীকে খুব স্নেহ করিতেন। তিনি আমার দেবর

মুকুলীধর সেনকে লিখিয়া গিয়াছিলেন যে তিনি কৃষ্ণবিহারীর গোবিন্দবাবুর ও মুকুলীধরের টাকা ধারেন, কিন্তু কৃষ্ণবিহারী চিরজুখী কিছু পায় নাই, সুতরাং কৃষ্ণবিহারীর টাকা আগে দিয়া তারপর যেন তাঁহারা দু'জনে টাকা লন। সেই কাগজ মুকুলীধর নিজের কাছে রাখিয়া দিয়াছিলেন পরে তমাদি হইলে সেই কাগজ কৃষ্ণবিহারীকে দেন। কৃষ্ণবিহারী একটা কথাও বলিলেন না। চিরকাল যেমন নীরবে সহ করিয়াছিলেন, তখনও সহ করিলেন। মুকুলীধরের মৃত্যুর পর কৃষ্ণবিহারীর যে কি কষ্ট হইয়াছিল তাহা বলা যায় না, ছেলে মানুষের মত খুড়ার জন্ত কাঁদিয়াছিলেন। খুড়াও মৃত্যুশয্যা অনবরত “কৃষ্ণবিহারী কৃষ্ণবিহারী” ছাড়া আর কোনও কথা ছিল না।

কৃষ্ণবিহারী চিরকালই কেশবের অসুগত ছিলেন, দীক্ষিত হওয়ার পর ছোট দাদা ছোট দাদা বলে ফেপিয়া গেলেন, কৃষ্ণবিহারীর জন্মপূরে বেশ বড় কাজ হইয়াছিল কিন্তু তিনি বড় স্বাধীন প্রকৃতি লোক ছিলেন বলিয়া সেই কাজ করিতে পারিলেন না। রাজার কাছে রোজ গিয়া বসিয়া থাকাকাটা তাঁর ভাল লাগিল না।

(ক্রমশঃ।)

### মাংসাহার ।

এতদেশের আধুনিক শিক্ষিত নর-নারীদের সংস্কার যে মাংসাহার ভিন্ন

দৈনিক উন্নতি সম্পূর্ণরূপে সাধিত হইতে পারে না, দেহকে বলবান ও পুষ্ট করিতে হইলে মাংস আহার একান্ত প্রয়োজন। ইয়োরোপ ও আমেরিকা প্রভৃতি দেশের লোকেরা মাংসভোজী, মাংস তাহাদের প্রধান খাদ্য, তাঁহাদের মধ্যে বিচক্ষণ ব্যক্তির পরীক্ষা করিয়া ইহার বিপরীত সিদ্ধান্তে উপনীত হইতেছেন, এবং মাংস আহার হ্রাস কিংবা পরিত্যাগ করিবার উপদেশ করিতেছেন।

“রিভিউ সাইন্টিফিক” পত্রিকা লিখিয়াছেন যে বাহারা মাংস খায় তাহাদের অপেক্ষা নিরামিষভোজীরা বিনা ক্লান্তিতে অধিকক্ষণ কাজ করিতে পারে।”

আমেরিকার অধ্যাপক আর্ভিং ফিশার এই সম্বন্ধে পরীক্ষা করিয়াছেন। তিনি বলেন—

“খাদ্য বিশেষে আমাদের শরীরে যুরিক অ্যাসিড অধিক পরিমাণে উৎপন্ন করে। এই যুরিক অ্যাসিডের একটা গুণ এই যে তাহা রক্তকে গাঢ় করে। রক্ত গাঢ়তর হইলে তাহাকে শরীরের সুস্থ শিরাগুলির মধ্য দিয়া চালনা করিতে গেলে ছাপিগুকে বেশি চাপ প্রয়োগ করিতে হয়। তাহাতে অনেকটা শক্তি খরচ হইয়া যায়। বাহারা অনেকক্ষণ পরিশ্রম করিতে পারে দেখা গিয়াছে তাহাদের রক্তের চাপ কম। মাংসভোজনে যে শরীরে যুরিক অ্যাসিড অধিক পরিমাণে জন্মে তাহা সকলের জানা আছে।

একটা মত চলিত আছে যে অতিরিক্ত শ্রমে শরীরে একটা বিষ জন্মে—সেই বিষে

জন্তকে ক্লান্ত করে। জন্তর মাংস খাইবার কালে সেই বিষকেও আমরা উদরস্থ করি। এই ক্লান্তিবিষ আমাদের শ্রমের ব্যাঘাতকর হয়।

এ সম্বন্ধে আর একটা মত আছে। তাত, গম, যব প্রভৃতি হইতে আমরা যে আহারিক পদার্থ সংগ্রহ করি তাহা এবং স্নেহপদার্থগুলি শরীরের দাহক্রিয়ায় সম্পূর্ণরূপে পুড়িতে পারে। পুড়িয়া তাহারা কার্বনিক অ্যাসিড ও জল আকারে পরিণত হইয়া আমাদের প্রাণস প্রভৃতির দ্বারা বহির্গত হইয়া যায়। কিন্তু মাংসে যে এনুসেমে পদার্থ আছে তাহা এমন করিয়া নিকাশ হইতে পারে না। শরীরে এই এনুসেমে এমন কতকগুলি অবশেষ রাখে বাহার দানা বাধিবার স্বভাব আছে। ইহাদের মধ্যে যুরিক অ্যাসিড একটা। ইহারাই শরীরে মসিয়া তাহাকে ক্লান্ত করিতে থাকে।

অতএব যে খাদ্য এনুসেমের অংশ অল্প তাহা আমাদের অধিক পরিমাণে শ্রমের উপযোগী করে। আধুনিক ডাক্তারেরা রোগীর পথ্য হইতে এই সকল কারণে মাংস বাদ দিতেছেন।

লেখক বলেন আজ কাল যুরোপে অনেকে তাঁহাদের সার্বাহ ভোজনে মাংস বর্জন করিতেছেন—তাহাতে তাঁহারা বিশেষ উপকার পাইয়াছেন। মাংসাহারে বাহারা অভ্যস্ত তাঁহারা তাহা একেবারে ত্যাগ করিলে সহ্য করিতে পারেন না কারণ পাকস্থলী হঠাৎ নূতন খাদ্য পরি-  
র্জনকে প্রসন্নভাবে গ্রহণ করে না, কিন্তু



ক্রমে সহাইয়া মাংস ভাগ করিলে যে উপকার হয় তাহাতে সন্দেহ নাই।"

### চট্টগ্রাম ভগ্নীসমাজের অষ্টম বার্ষিক রিপোর্ট ।

( ১৯০৮—৯ )

অনন্ত করুণাময়ী জননীর রূপায় আমাদের ভগ্নীসমাজ অদ্য অষ্টম বৎসর অতিক্রম করিয়া নবমবর্ষে পদার্পণ করিতেছেন। আজ ভগ্নীসমাজের শুভ জন্মোৎসব দিনে মাসের করুণা স্মরণ করি এবং ভক্তি ও কৃতজ্ঞতাভরে তাঁহার চরণে লুপ্তিত হই।

১৯০১ খ্রীষ্টাব্দের ১৭ই আগষ্ট ভগ্নীসমাজ সংস্থাপিত হইয়াছে। ১৯০১ খ্রীঃ হইতে ১৯০৮ খ্রীষ্টাব্দের ১৭ই আগষ্ট পর্যন্ত শ্রীযুক্তা আশালতা পট্টনায়ক হিহার সম্পাদিকা ছিলেন তিনি ৭ সাত বৎসর কাল ভগ্নীসমাজের কার্য সূচাক্রমে সম্পাদন করিয়া বিগত ১৯০৮ খ্রীষ্টাব্দের ২রা অক্টোবর পরিণীতা হইয়া স্থানান্তরে অবস্থিতি করিতেছেন। তিনি এককাল দেহ মন দিয়া ভগ্নী সমাজের সেবার নিযুক্ত ছিলেন, তাঁহারই যত্নে ভগ্নীসমাজ নিয়মিত রূপে চলিয়াছে। আজ শুভদিনে আমরা তাঁহাকে কৃতজ্ঞতা ও ধন্যবাদ প্রদান করি। যদিও তিনি স্থানান্তর গমনবশতঃ সম্পাদিকা পদ পরিত্যাগে বাধ্য হইয়াছেন তবুও এখন পর্যন্ত নিয়মমত চাঁদা দিয়া ভগ্নীসমাজের সাহায্য করিতেছেন এবং সর্বান্তঃকরণে ভগ্নীসমাজের উন্নতি ও

কল্যাণ কামনা করিতেছেন। আমরা পরম জননীর নিকট এই প্রার্থনা করি তিনি আমাদের ভগ্নীকে তাঁহার সেবার নিযুক্ত রাখিয়া চিরস্থখী করুন।

নানা প্রতিবন্ধকতার সেপ্টেম্বর ও অক্টোবর দুই মাস সমিতির অধিবেশন হয় নাই।

১৯০৮ খ্রীষ্টাব্দের ১লা নবেম্বর হইতে ১৯০৯ খ্রীষ্টাব্দের ১লা আগষ্ট পর্যন্ত ভগ্নীসমাজ অষ্টম বৎসরের কার্য-বিবরণ সংক্ষেপে বিবৃত করিতেছি।

১লা নবেম্বর হইতে ১৬ই মে পর্যন্ত সহকারিণী সম্পাদিকা শ্রীযুক্তা সরোজিনী চৌধুরী উৎসাহের সহিত সমিতির কার্য-ভার বহন করিয়া আমাদের ধন্যবাদ ও কৃতজ্ঞতাভাজন হইয়াছেন। মা তাঁহার কৃত্যকে তাঁহার কার্যে আরও উৎসাহ প্রদান করিয়া ধন্য করুন।

১৬ই মে ভগ্নীসমাজের কার্য নিম্ন-লিখিত রূপে বর্দ্ধিত ও বিভক্ত হয়। প্রত্যেক বিভাগের বিশেষ ভার এক এক জন ভগিনী গ্রহণ করেন।

১। ধর্ম ও নীতি বিভাগ—উপাসনা, পাঠ, আলোচনা, প্রবন্ধ লেখা ও পড়া পর্যায়ক্রমে সকলেই করিবেন, না করিলে তজ্জগৎ সম্পাদিকা দায়ী হইবেন।

২। সহকারিণী সম্পাদিকা শ্রীযুক্তা সরোজিনী চৌধুরী মহাশয়া কার্যবিবরণী লেখা ও পড়ার ভার গ্রহণ করিলেন।

৩। শ্রীযুক্তা রমাসুন্দরী গুপ্তা মহাশয়ার উপর লাইব্রেরীর ভার অর্পিত হইল। পুস্তক রক্ষা করা, যাহাতে সকলে

পুস্তক পড়েন তাহার চেষ্টা করা, পুস্তক ফিরাইয়া লওয়া লাইব্রেরীর পুস্তক বৃদ্ধি করা এই সব কাজ তিনি করিবেন।

৪। শিক্ষা-বিভাগ—ভগ্নী সমাজের প্রত্যেক ভগ্নী অপরকে লেখা পড়া ও সেলাই শিক্ষা দিতে দায়ী, যেক্রমে হটক অন্ততঃ এক জনকে প্রত্যেক ভগ্নী নিয়মিত রূপে শিক্ষা দান করিবেন। এ কাজ সকলে নিয়ম মত করিতেছেন কি না, কে কে কাহাকে কাহাকে কিরূপ শিক্ষা দান করিতেছেন তাহা দেখিবার জগ্ন এবং সে কাজ যাহাতে ভালরূপে চলে সে জগ্ন বিশেষ যত্ন নেওয়ার ভার শ্রীযুক্তা অনন্তময়ী দাস মহাশয়ার উপর অর্পিত হইল।

৫। শিল্প-বিভাগ—সেলাই শিখান, সেলাই দ্বারা আয় বৃদ্ধি করা, পুরানা ও নূতন কাপড় সেলাই করা প্রভৃতি কার্য সকল ভগ্নীই করিবেন এবং মাসান্তে একটি শিল্পজাত দ্রব্য ভগ্নীসমাজে দান করিবেন। তাহা সংগ্রহ করা ও রক্ষা করা এবং তাহা বিক্রয় করিয়া লব্ধ আয় দ্বারা পুনঃ বস্ত্র ক্রয় করিয়া ভগ্নীদিগকে দেওয়া, কে কে কি সেলাই দিলেন তাহারও আয় ব্যয়ের হিসাব রাখা, বিক্রয় লব্ধ আয় দ্বারা কি হইবে সে বিষয়ে ভগ্নীসমাজের পরামর্শ লওয়া এই সব কার্যভার শ্রীযুক্তা অমলা-বালা সেন মহাশয়ার উপর অর্পিত হইল।

৬। দাতব্য-বিভাগ—দান সংগ্রহ করা, বস্ত্র ও ঔষধ সংগ্রহ করা এবং সকলের মত নিয়া উপযুক্ত পাত্রে বিতরণ

করা এই সব কার্যভার শ্রীযুক্তা সাবিত্রী-বালা বিশ্বাস মহাশয়া গ্রহণ করিলেন।

৭। সেবা-বিভাগ—প্রত্যেক ভগিনী একরূপভাবে সেবা করিবেন। যেন তাহা দেখিয়া গৃহের শিশুগণ সেবা শিক্ষা করিতে পারে। অসহায়, অসহায়ী, রুগ্ন, দারিদ্র নরনারীর সেবার জগ্ন প্রত্যেক ভগিনী আপনাকে দায়ী মনে করিবেন এবং একরূপ নরনারীর সংবাদ পাইলে ভগ্নীসমাজে তাহা জ্ঞাপন করিবেন। ভগ্নীগণ তাহার সংক্ষেপে ইতি কর্তব্যতা নির্ধারণ করিবেন।

৮। দুই মাসে অন্ততঃ একবার এক এক জন উপযুক্ত লোক ভগ্নীসমাজে নিমন্ত্রিত হইবেন তাঁহারা নানা বিষয়ে বক্তৃতা করিয়া ভগ্নীদিগকে শিক্ষাদান করিবেন।

৯। প্রবন্ধগুলি পর্যায়ক্রমে লিখিত হইবে এবং তাহা পূজনীয় শ্রীযুক্ত রাজেশ্বর গুপ্ত মহাশয়কে দিতে হইবে।

১০। চিঠি বিলি করা, স্থানীয় এবং বিদেশীয় ভগ্নীদিগকে বিশেষ পত্র লেখা ভগ্নীসমাজের চাঁদা সংগ্রহ করা, গাড়ীর বন্দোবস্ত করা, আয় ব্যয়ের হিসাব ও সমস্ত বিভাগের কার্য বিবরণ রক্ষা করা প্রভৃতি কার্যভার সম্পাদিকা বহন করিবেন। বাধা বিঘ্ন সঙ্কে ও যাহাতে সমিতির কার্য নিয়মিত চলে সে জগ্ন বিশেষ চেষ্টা করিবেন।

১১। সভা সংখ্যা যাহাতে বৃদ্ধি হয় তজ্জগ্ন প্রত্যেক ভগ্নী বিশেষ চেষ্টা করিবেন।

মাসের রূপায় ভগ্নীসমাজের বর্তমান



সভা সংখ্যা ২৫ জন গত বৎসর দশজন ছিলেন। ৩টি ভগ্নী বিদেশে থাকিয়া ও নিয়ম মত চাঁদা দিয়া ও প্রবন্ধ লিখিয়া ভগ্নী সমাজের সহিত যোগ রক্ষা করিতেছেন। স্থানীয় একটী ভগ্নী চাঁদা দিয়া ও প্রবন্ধ লিখিয়া যোগ রক্ষা করিবেন, কিছুদিন উপস্থিত থাকিতে পারিবেন না জানাইয়াছেন তিনিও সভা প্রোগ্রামী হইল। অবশিষ্ট ১১টী ভগ্নী নিয়মিত সভা। গড় উপস্থিত সংখ্যা দশজন এবংসর এদেশের স্বাস্থ্য নিত্য খারাপ হওয়াতে ভগ্নীগণ ও সন্তান-গণ পীড়িত থাকা প্রযুক্ত উপস্থিত সংখ্যা বড় কম হইয়াছে। ১লা নবেম্বর হইতে ১লা আগষ্ট পর্যন্ত ১৭টী অধিবেশন ও একটী বিশেষ অধিবেশন মোট ১৮টী অধিবেশন হইয়াছে। গত বৎসর গড় উপস্থিত সংখ্যা দশজন ও ১২টী অধিবেশন হইয়াছিল। সম্পাদিকা দীর্ঘকাল পীড়িতা থাকায় সমিতির কার্যে মনোযোগ দিতে পারেন নাই, তজ্জন্মই ওরূপ হইয়াছিল।

উপাসনা।—ভক্তিভাজন শ্রীমুক্ত প্রকাশচন্দ্র রায় মহাশয় ১ দিন, শ্রীমুক্ত রাজেশ্বর গুপ্ত মহাশয় ১ দিন, শ্রীমুক্ত অনঙ্গচন্দ্র দত্ত মহাশয় ১ দিন, শ্রীমুক্ত বিন্দুবাসিনী সেন মহাশয়া ৩ দিন, শ্রীমুক্ত কামিনী স্কন্দরী গুপ্তা মহাশয়া ১ দিন ও সম্পাদিকা ৪ দিন করিয়াছেন। ১১ দিন উপাসনা হইয়াছে। ৭ দিন প্রার্থনা করিয়া কার্য আরম্ভ হইয়াছে।

আলোচ্যবিষয়।—(ক) সাধ্বী মীরা-বাইয়ের জীবনী। (খ) সভ্য বৃদ্ধি করা। (গ) ভূতপূর্ব সম্পাদিকাকে স্মৃতিচিহ্ন

উপহার দেওয়া। (ঘ) একাগ্রতা সাধন। (ঙ) ভগ্নীসমাজের কার্যের অভাব। (চ) সাধনা। (ছ) সেবা। (জ) ভগ্নীসমাজের কাজ কিরূপ হওয়া উচিত। (ঝ) নিত-ভাষিতা। (ঞ) সেনাই দ্বারা ভগ্নীসমা-জের আয় বৃদ্ধি করা। (ট) অশ্রুত সঙ্গুণ অন্বেষণ ও নিন্দা পরিহার। (ঠ) দক্ষ ধর্মের সাধু মহাজনদের প্রতি ভক্তি ও নিরীক্শেবে সকলকে পেম ও সমাদর করা। (ড) বিরক্ত হইলেও নীরবে থাকা ও ভাব ভঙ্গিতেও তাহা প্রকাশ না করিতে অভ্যাস করা। (ঢ) ভগ্নীসমাজের প্রতি আকর্ষণ ও উৎসাহ বৃদ্ধির উপায়। পর্যায়-ক্রমে উপাসনা করা ও উৎসব।

আলোচ্যবিষয়ই মধ্যে মধ্যে সাধনার জন্ম গ্রহণ করা হইয়াছে। নিম্নলিখিত বিষয়গুলি সাধনার জন্ম গ্রহণ করা হইয়াছিল।

১। মহিলা। ২। সেবা। ৩। নিত-ভাষিতা। ৪। সঙ্গুণ অন্বেষণ ও নিন্দা পরিহার। ৫। সাধু ভক্তি ও সকলের প্রতি প্রেম। ৬। বিরক্ত হইলেও প্রকাশ না করা।

প্রবন্ধ।—এবংসর ৬টী ভগ্নী কর্তৃক নিম্নলিখিত ৭টি বিষয়ে ৭টি প্রবন্ধ লিখিত ও পঠিত হইয়াছে।

১। প্রকৃত স্মৃতি কোথায়? ২। সন্তান পালন ও তদ্বারা জননীর শিক্ষা। ৩। ঋষির পরমাশ্রয়। ৪। জাগরণ। ৫। জীবনের দৃশ্য। ৬। আত্মোন্নতির উপায়। ৭। সমাজে নারীর দায়িত্ব। সবগুলি প্রবন্ধই স্মৃতিচিহ্ন ও শিক্ষা প্রদ হইয়াছে। এইরূপ

প্রবন্ধ পর্যায়ক্রমে লিখিত হইলে ভগ্নী-সমাজে বেশ শিক্ষালাভ করিতে পারেন এবং লেখিকাগণ ভগ্নীসমাজের ও দেশের হিত সম্পাদন করিয়া কৃতার্থ হইতে পারেন। সবগুলি প্রবন্ধই এত সুন্দর হইয়াছে যে ২টি প্রবন্ধ মাসিক পত্রিকায় মুদ্রিত হইয়াছে। অষ্টগুলিও মুদ্রিত হইবার উপস্থিত।

লাইব্রেরী।—এবংসর লাইব্রেরীর কোনও উন্নতি সাধিত হয় নাই পুস্তকাদিও ভগ্নীগণ লাইব্রেরী হইতে মিয়া পড়িতে সুযোগ প্রাপ্ত হন নাই। এবংসর দ্বিতীয় ১২টী ভগ্নী ১২ খানা পুস্তক পাঠার্থ গ্রহণ করিয়াছেন। লাইব্রেরীর উন্নতি সাধিত হওয়া বিশেষ প্রয়োজন। ভগ্নীগণের পাঠোপযোগী অধিক পুস্তক লাইব্রেরীতে নাই। সাধ্বী নারীদের জীবনী অধিক পরিমাণে আনয়ন করা অতাবশ্যক। লাইব্রেরীর কয়েক খানা পুস্তক পাওয়া বাইতেছে না। বাহাতে পুস্তকগুলি সম্বলে রক্ষিত হয় সেজন্ম বিশেষ সতর্ক হওয়া প্রয়োজন। ভগ্নীসমাজের জন্ম ২।১ খানি মাসিক পত্রিকা গ্রহণ করা নিত্য প্রয়োজন বোধ হইতেছে। ভগ্নীসমাজে নিয়ম মত প্রবন্ধ প্রেরণ করিলেই ৩ই এক খানি মাসিক পত্রিকার গ্রাহিকা হইতে পারেন। লাইব্রেরীতে মোট ৯১ খানা পুস্তক ছিল নিম্নলিখিত তিনখানা পুস্তক পাওয়া বাইতেছে না—১। মহর্ষির আত্ম-জীবনী। ২। হিম্মতের প্রার্থনা। ৩। ভারতবর্ষে ইংরেজ শাসন। উক্ত তিনখানা বাইত এখন মোট ৮৮ খানা বই লাই-

ব্রেরীতে আছে। আনরা কতকতার সহিত স্বীকার করিতেছি যে শ্রীমুক্ত জানকীনাথ দাস বি, এ, মহাশয় তাঁহার পিতার আদ্যশ্রাদ্ধোপলক্ষে লাইব্রেরীর জন্ম ২-৩ টী টাকা দান করিয়াছেন। এবং শ্রীমুক্ত শ্রীমুক্ত ইচ্ছানন্দী দাস মহা-শয় তাঁহার দ্বিতীয়া কন্যা, আমাদের মেয়ের ভগিনী শ্রীমতী তরুবারা শুভ বিবাহোপলক্ষে ভগ্নীসমাজে ২-৩ টী টাকা দান করিয়াছেন।

শিক্ষা-বিভাগ।—এবিভাগে এখন পর্যন্ত উল্লেখযোগ্য তেমন কোন কাজ হইতেছে না। বাহাকে এবিভাগের বিশেষ ভার অর্পণ করা হইয়াছিল তিনি কার্যভার গ্রহণে সক্ষম হইয়াও শারীরিক অসুস্থতা বশতঃ কার্যভার বহনে অক্ষম। আশা করি তিনি সুস্থ হইয়া তাঁহার কার্য উৎসাহের সহিত নিরীহ করিয়া ভগ্নী-সমাজের উন্নতি বিধান করিবেন। তবুও বলিতে পারি কোন কোন ভগ্নী আপনার সম্বন্ধদিগকে নিয়মিত শিক্ষাদান করিতেছেন। কেহ কেহ কোন কোন ভগ্নীকে দেলাইও শিক্ষা দিয়াছেন। তাঁহারা ইহা দ্বারা সমাজের উপকার করিয়াছেন সন্দেহ নাই।

শিল্প-বিভাগ।—এবিভাগের ভারপ্রাপ্ত ভগ্নীও দীর্ঘকাল পীড়িতা থাকতে নিজ কার্যে হস্তক্ষেপ করিতে পারেন নাই, এ বিভাগের কার্যও একরূপ বন্ধ রহিয়াছে। কেবলমাত্র দুই ভগ্নী (শ্রীমুক্তা পান্ডে ও বসু) অধিকারী ও শ্রীমুক্তা রনজিতরী গুপ্ত) দুইটী শিল্পপ্রদান করিয়া ভগ্নী-সমাজকে উপকৃত করিয়াছেন।



দাতব্য-বিভাগ।—ভারপ্রাপ্তা ভগিনী অতি অল্প দিন মাত্র কার্যভার গ্রহণ করিয়াছেন, তার উপর নিজেও অস্থূল ছিলেন, তাই এ বিভাগের কার্যও আশাহীন-রূপ হয় নাই অতি সামান্য চাঁদা সংগৃহীত হইয়াছে তাহা উৎসর্গ দিনের দান কার্যেই ব্যয়িত হইবে। আশা করি ভারপ্রাপ্তা ভগিনী এ বিভাগের যথেষ্ট উন্নতি সাধন করিয়া আমাদের সুখী করিবেন। আমরা কৃতজ্ঞতার সহিত স্বীকার করিতেছি যে দাতব্য বিভাগের জ্ঞান নিম্নলিখিত ব্যক্তিগণ কর্তৃক নিম্নলিখিত দান প্রাপ্ত হইয়াছে।

শ্রীযুক্তা রামপারী দেবী	১২
„ কুমুদিনী দেবী	১২
বালিকা স্কুলের কোন শিক্ষয়িত্রী	১২
বালিকা স্কুলের ছাত্রীগণ কর্তৃক বালিকা স্কুল হইতে সংগৃহীত	৪।০
সংগৃহীত ক্ষুদ্র দান	৫
শ্রীযুক্তা রামপারী দেবী কর্তৃক নিম্নলিখিত ভগিনীদিগের নিকট হইতে সংগৃহীত।	
শ্রীযুক্তা রাণী দেবী	১০
„ বিহঙ্গতা মিত্র	১০
„ হরসুন্দরী প্রজাপতি	১০
„ দিলজান বিবি	১০
„ মিশ্রিজান	১০
„ মাতাবজান	১০
„ জমিলা খাতুন	১০
„ জবেদা খাতুন	১০
„ মতিরনেছা	১০
সেবাবিভাগ।—কয়েকটা ভগ্নী বিশেষ	

ভাবে এবার সেবা কার্যে ব্যবহৃত হইয়াছেন। শ্রীযুক্তা জ্ঞানবালা দত্ত মহাশয়া ধাত্রীকার্যে স্ননিপুণা। তিনি কয়েক বৎসর যাবৎ একাধা করিয়া বিপন্ন প্রসূতিদিগের সেবা করিয়া মায়ের আশীর্বাদ ভাজন ও আমাদের ধন্যবাদার্থ হইয়াছেন। এ বৎসরও তিনি ঐরূপ সেবাকার্যে ব্যবহৃত হইয়া ধন্য হইয়াছেন। শ্রীযুক্তা মানদাবালা সেন মহাশয়া পীড়িতা ভগিনী অমলাবালাকে নিজগৃহে আনিয়া বিশেষ সেবা যত্ন করিয়া আরোগ্য করিয়াছেন। তিনি এই কার্য দ্বারা আমাদের কৃতজ্ঞতা প্রদর্শন ও আমাদের শ্রদ্ধা আকর্ষণ করিয়াছেন।

শ্রীযুক্তা রমাসুন্দরী গুপ্ত মহাশয়া প্রতিবেশীদের নানা প্রকার সেবা করিয়া আমাদের ধন্যবাদ ও কৃতজ্ঞতা ভাজন হইয়াছেন।

একটি অনাথ বালিকাকে আশ্রয় দিয়া তাহার সাপেক্ষিত জ্ঞান কিছু চেষ্টা করা হইয়াছিল কিন্তু কিছুদিন পরেই বালিকাটি হঠাৎ চলিয়া যাওয়াতে তাহার জ্ঞান কিছুই করা যায় নাই। ভগবান আমাদের সহায় হউন। আমরা তাঁহারই প্রীত্যার্থে জগতের সেবা করিয়া শুদ্ধ হই।

এবংসর তিনজন ভক্তিতাজন ভ্রাতা উপাসনা করিয়া ও উপদেশ দান করিয়া আমাদের কৃতজ্ঞতা করিয়াছেন আমরা এজ্ঞ তাঁহাদের নিকট কৃতজ্ঞ রহিলাম।

বিগত ৮ই জুন বেথুন কলেজের লেডী প্রিন্সিপাল শ্রীযুক্তা কুমুদিনী দাস বি, এ, মহাশয়ার চট্টগ্রাম আগমনোপলক্ষে বিশেষ

অধিবেশন ও তাঁহাকে উপদেশ দানার্থ অসুযোগ করা হইয়াছিল। তিনি আলোচনায় যোগ দান করিয়া ও আমাদের উপদেশ দিয়া সুখী করিয়াছিলেন, আমরা এজ্ঞ তাঁহার নিকট কৃতজ্ঞ আছি। তিনি ভগ্নীসমাজের কার্য দেখিয়া বিশেষ সন্তোষ প্রকাশ করিয়াছিলেন।

আম্র ব্যয়—বিগত বৎসর ৪১।১৭।। পয়সা আয় ৪৩৮।৭।। পয়সা ব্যয় হইয়াছে। ভূতপূর্ব সম্পাদিকাকে স্মৃতি উপহার দানার্থ ৫ টাকা সংগৃহীত হইয়াছিল; ছুংখের বিবরণ এপর্যন্ত তাঁহাকে কিছু দেওয়া হয় নাই।

৮ বৎসর পূর্ণ হইয়া গেল মা আমাদের জ্ঞান এই শিক্ষাক্ষেত্র খুলিয়াছেন এবং আমাদের নানারূপ শিক্ষাদানে ব্যস্ত রহিয়াছেন, এই ভগ্নীসমাজ মায়ের ব্যস্ততারই সিদর্শন। তিনি আমাদের উপযুক্ত কৃত্য করিয়া লইবার জ্ঞান কতই ব্যস্ত। কিন্তু আমরা এতই চঞ্চলচিত্ত ও অবাধ্য যে মায়ের শ্রীমুখের বাণী শ্রবণ করিতে ও তদনুসারে চলিতে প্রস্তুত নই। তাই এখনও আমরা মায়ের মনোমত সুকৃত্য হইয়া তাঁর সাধ মিটাইতে পারিতেছি না। কিন্তু সত্য সঙ্কল্প পরম জননী এই ক্ষুদ্র কৃত্যদিগকে লইয়া যে মহৎকার্য করিবেন সঙ্কল্প করিয়াছেন, তাহা নিশ্চয়ই করিবেন।

নববর্ষের প্রারম্ভে মা আমাদের উপদেশ দান করুন, আমরা যেন তাঁহার শ্রীমুখের কথা গুনিয়া নিত্য নব শিক্ষালাভ করি এবং তাঁর ইচ্ছা পালন করিয়া ধন্য

হইতে পারি। তিনিই আমাদের শক্তি, জীবন পথের একমাত্র আলো ও নেত্রী হউন।

শ্রী প্রফুল্লকুমারী চৌধুরী  
সম্পাদিকা।

মহিলাদিগের রচনা।

অঞ্জলী।

দিতে অঞ্জলী—

প্রভাতে উঠি,  
আবেগে ছুটি,  
যতনে লইয়া ডালি।  
হইল ভোর,  
ঠেলিয়া ঘোর,  
উড়িছে মধুপ গুলি ॥ ১

দিতে অঞ্জলী;—

জেগেছে পাখী,  
ছলিছে পাখী,  
ভারাই তুলেছে তান।  
অমিয় ভরিয়া,  
ললিত গাইয়া,  
আকুল করিছে প্রাণ ॥ ২

দিতে অঞ্জলী;—

উষার আলো,  
বায় পরিমল,  
ধায় ধরণী ব্যাপিয়া।  
পল্লব শিরে,  
শিক্ত শিশিরে,  
মুক্ত রয়েছে ঝাকিয়া ॥ ৩

দিতে অঞ্জলী;—

ভবন্ত প্রাণ  
গাহিয়া গান,



করিতে মঙ্গল আরতি ।  
উচ্ছ্বাস ধরা,  
উল্লাসে ভরা,  
কতই করিছে মিনতি ॥ ৩

দিতে অঞ্জলী ;—

ফুল সোহাগে,  
নব অনুরাগে,  
স্বভাব স্নন্দরে ভুলি ।  
কাননে তাই,  
তুলিতে যাই,  
নবীন প্রশ্নন কলি ॥ ৫

দিতে অঞ্জলী ;—

রচনা মাঝে,  
মোহন সাজে,  
কে হাঁসে দেখিতে পাই ।  
নিয়তি আসে,  
নয়ন ভাসে,  
নীরবে হরবে খুজিগো তাই ॥ ৬

দিতে অঞ্জলী ;—

কি আছে আর,  
সকলি তাঁর,  
যাহা কিছু এই জগত মাঝে ।  
করিছেন দান,  
মোদের প্রাণ,  
যেন গো তাঁহারি চরণে সাজে ॥ ৭

প্রার্থনা ।

(চট্টগ্রাম ভগ্নীসমাজের উৎসবে পঠিত ।)

প্রভো—তোমারি মহিমা,  
ওগো দয়াময়,  
তরুণ তপনে মাথা ।

তোমারি মহিমা,  
গাহে বনে পাখী,  
প্রফুল্ল বদনে জাঁক ।

তব রূপা বলে,  
ফুল ফুল দোলে,  
মৃহ মৃহ সমীরণে,

তোমারি মহিমা,  
মন প্রাণ খুলে,  
গায় যোগী ঋষিগণে ।

উনাসতী নিতি,  
গায় তব গীতি,  
নিহার লহর গলে ।

শীতল পবন,  
বহিয়ে সঘন,  
ভ্রমর চুমিয়ে ফুলে ।

কুলু কুলু নাদে,  
তোমারি মহিমা,  
তটিনী গাইছে ধীরে ।

ফুল কমলিনী,  
হয়ে মাতোয়ারা,  
নাচিছে সরসী নীরে ।

নধ্যাহ্ন তপন,  
বসিয়ে যখন,  
তোমারি মহিমা গায় ।

সন্ সন্ সন্,  
গুঞ্জরে পবন,  
মৃহল মধুর বায় ।

গায় যবে পাখী,  
বন আলো মাখী,  
কি মধুর বাজে প্রাণে ।

ইচ্ছা হয় শুধু,

পাখীটির মত,  
উড়ে উড়ে গাই বনে ।  
মলিন বসন,  
পল্লিয়ে যখন,  
সন্ধ্যাসতী খোলে আধি ।

হতাশ হৃদয়ে,  
আত্মহারা হয়ে,  
আমরা নিরর্থি থাকি ।

ক্ষীণপ্রভা করে,  
প্রথমি চাঁদিমা,  
অনিমেষ আড়ে ঢায় ।

গাইতে বসিল,  
তোমারি মহিমা,  
জোছনা মাথিয়ে গায় ।

জাগুক হৃদয়ে,  
তোমারি মহিমা,  
ধৃশ হোক এ হৃদয় ।

ছোট বড় মিলে,  
গাব মন খুলে,  
তোমারি করুণাচয় ।

শ্রী কুম্ভকামিনী গুহ  
চট্টগ্রাম  
৩১।০।৭ প্রীতিকুটীর ।

[ চট্টগ্রাম ভগ্নীসমাজে পঠিত ]

ভগ্নীসমাজে সম্মিলিত হইয়াও আমি  
অদ্যাপিও সকল ভগ্নীসমাজের সহিত পরিচিতা  
হইতে পারি নাই, কিন্তু আমিও একজন  
ভগ্নীসমাজের ভগ্নী, মায়ের কাজে একই  
উদ্দেশ্যে আমাদের মিলন । আমাদের  
প্রত্যেকের প্রতি প্রত্যেকের কি কর্তব্য,  
তাহার আলোচনা করা আবশ্যিক ।

স্বভাব মায়ার বশীভূত, শূণ্য প্রাণের  
কোন আকর্ষণী শক্তি থাকে না । ভাল-  
বাসাই মানুষের জীবনের বন্ধন, ভালবাসা  
হইতেই একতা, বিশ্বাস এবং আত্মবিনিময়  
হইয়া থাকে । একে অগ্নির সহিত  
আলাপ পরিচয়ে এবং সরল আত্মপ্রকাশে  
ও একে অগ্নির যথাসাধ্য উপকার করিলে  
ভালবাসার ভিত্তি স্থাপিত হয় । এবং  
ভগ্নীসমাজের প্রতি ভগ্নীসমাজের বোধ হয় ইহাই  
প্রথম কর্তব্য ।

আমাদের মা মায়াময়ী, আমরা তাঁহার  
আরাধনা করিয়া তাঁহার আশীর্বাদ  
লইয়া তাঁহারই কাজের অনুসরণ করিতে  
মনন করিয়াছি । সংসারে শান্তি ও  
পুণ্যের সম্মিলন করিতে আকাঙ্ক্ষিতা  
হইয়াছি, কিন্তু কার্যক্ষেত্রে কিছুই করিতে  
পারি না, মনের ইচ্ছা মনেই বিলীন হয়  
কেন ? মাতো তাঁহার স্নিগ্ধ মেহবারি  
আমাদিগের প্রাণে সতত সঞ্চার করিতে-  
ছেন আমরা কেন তাহার কণামাত্র  
জগতে প্রতিদান দিতে পারি না । শুধু  
গুণীর মধ্যে থাকিয়া পিতা মাতা ভাই  
বোন স্বামী পুত্র কন্যা প্রতিই আমাদের  
ভালবাসার উৎস বহিয়া যায় । জগৎ  
ভরিয়া যে আমরা এক মায়ের সন্তান  
তাহা এক বারও ভাবি না । জগৎকে  
ভাগ করিয়া অংশক্রমে নিজস্ব করিয়া  
আত্মপর ভাবে মনকে পরিপূর্ণ করিয়া  
রাখি । অহঙ্কার, আত্মগরিমা লইয়াই  
বিত্রত থাকি । মনের এই সকল সঙ্কীর্ণতা  
দূর করিয়া যেদিন আমরা এই বিস্তীর্ণ  
জগতে নিজকে বিস্তারিত করিতে পারিব,



যে দিন হইতে আমরা আমাদের গরীব ভাই বোন্দের হুঃখ হৃদয়ে ধারণ করিয়া পৃথকসাধ্য তাহাদের হুঃখ নিমোচন করিতে পারিব, যে দিন হইতে পরোপকার পরম ধর্ম এই জ্ঞান আমাদের কার্যে পরিণত হইবে, সেই দিন হইতে আমরা ভগিনী ভগিনী নামের যোগ্য হইব।

এ জগতে একা কোন কাজ হয় না, মিলন চাই। মিলন বাতিরেকে উৎসাহ হয় না, উৎসাহহীন কাজ কখনও প্রতিষ্ঠা লাভ করে না, তাই আমাদের এই শুভ সম্মিলন। আমরা সমসাময়িক মিলিত হইয়া আমাদের উদ্দেশ্যের আলোচনা করিলে নিশ্চয়ই একদিন আমরা সাধনাসিদ্ধ হইতে পারিব।

মায়ের নিকট ব্যাকুলতা জানাইয়া চূপ করিয়া বসিয়া থাকিলে ধর্ম হয় না। কর্মই ধর্মের সোপান, মা আমাদের কাজ করিতেই পৃথিবীতে পাঠাইয়াছেন, সংকাজে মা সন্তুষ্ট হন, মানুষ অমরত্ব লাভ করে, মহৎ কাজের স্মৃতিই মানুষের জীবন।

আমার ভগিনীগণ, সকলেই আজ মায়ের নিকট এই শক্তি ভিক্ষা চাই, যেন আমরাও এই শুভ সম্মিলনের কিছুমাত্র কাজ করিয়া একটু ক্ষুদ্র স্মৃতি রেখে যেতে পারি। প্রতিবাসী কি বিদেশী, পরিচিত কি অপরিচিত, গরীব, রুগ্ন, সকলকেই আমাদের ক্ষুদ্র হৃদয়ের নেহটুকু দান করিতে পারি!

বালিকার রচনা।

পরোপকার।

[ চট্টগ্রাম ভগ্নীসমাজে পঠিত। ]

শ্রদ্ধেয়া ভগিনী সম্প্রদায়! ভগিনী সমাজের এই অষ্টম সাপ্তাহিক উৎসবে আমার শ্রদ্ধমতি বালিকার পক্ষে প্রবন্ধ রচনা করা: ধৃষ্টতা প্রদর্শন মাত্র। কিন্তু গুরুজনের আদেশ অলঙ্ঘনীয়, এ জন্ত নিতান্ত অযোগ্যতা সত্ত্বেও নিম্নলিখিত প্রবন্ধটি রচনা করিলাম। আশা করি সহৃদয় ভগিনীগণ আমার সহস্র ক্রটি মার্জনা করিবেন। যে সকল সদগুণরাশি মহাত্মাদের চরিত্রকে অলঙ্কৃত করে পরোপকার তাহাদের অন্ততম। সমভাবে পরোপকার গুণ সকল দেশেই সমাদৃত। সমভাবে পরোপকার দ্বারা মানবের ঐহিক ও পারত্রিক উভয় প্রকার মঙ্গল সাধিত হয় বলিয়া সকল দেশের ধার্মিক ব্যক্তির মানবকে পরোপকারী হইতে উপদেশ দেন। পরোপকারী হইতে হইলে দয়া, মমতা, মহানুভবতা, প্রভৃতি কতকগুলি আনুষঙ্গিক গুণ থাকা দরকার, নিষ্ঠুর লোকেরা পরের হুঃখ বুঝিতে পারে না। সুতরাং কদাচিৎ তাহারা পরোপকার করিতে সমর্থ হয়। পরোপকার করিতে হইলে পরের হুঃখ কষ্ট বুঝিতে হইবে। পরের অভাব সমাক হৃদয়ঙ্গম করিতে হইবে ও তদনুসারে নিজের অক্লান্ত পরিশ্রম নিয়োগ করিতে হইবে। পূর্বেই বলিয়াছি মহাত্মারা সকলকেই পরোপকারী হইতে

বলেন। খ্রীষ্ট বলেন, “তোমরা সর্বস্ব বিক্রয় করিয়া দরিদ্রকে দান কর।”

হিন্দু ও বৌদ্ধদিগের ধর্মগ্রন্থ সকল পরোপকার সম্বন্ধে উপদেশে পরিপূর্ণ। অনেকে মনে করেন অর্থভিন্ন পরোপকার করিতে পারা যায় না, কিন্তু ইহা তাহাদের ভ্রান্ত সংস্কার। অর্থ ভিন্ন সহস্র উপায়েও পরোপকার করিতে পারা যায়। যিনি মনস্বী তিনি দয়িত্ব হইলেও পরের যথেষ্ট উপকার করিতে পারেন। পরোপকারী অন্নের সামান্য উপকারের জন্তও প্রাণ বিসর্জন করিতে প্রস্তুত। পরোপকারের সমান ধর্ম আর নাই। সাধু ব্যক্তির পরোপকার ব্রতে তাহাদের সমস্ত জীবন উদ্বাপিত করেন। পরোপকার করিতে পাইলেই তাহাদের মনে আনন্দ হয়। পরোপকারীরা অক্ষয় স্বর্গ লাভ করেন। এস্থলে পরোপকারের একটা জলন্ত দৃষ্টান্ত হিন্দু পুরাণ হইতে উদ্ধৃত করিলাম। পুরাকালে ব্রহ্মাসুর যখন ইন্দ্রাদি দেবগণকে স্বর্গপুরী হইতে বিতাড়িত করিয়া স্বর্গে আধিপত্য করিল, তখন সকল দেবতারা একত্র হইয়া গিয়া বিষ্ণুর নিকট নিজ নিজ হুঃখনিবেদন করিলেন। বিষ্ণু বলিলেন, তোমরা সকলে দধিচির মূনির নিকট গিয়া তাহার অস্থি প্রার্থনা কর। সেই অস্থি দ্বারা বজ্র অস্ত্র নির্মাণ করিলে সেই অস্ত্রে ব্রহ্মাসুর নিধন হইবে। তখন দধিচির নিকট গিয়া দেবতারা তাঁহার অস্থি প্রার্থনা করিলেন। মহামুনি তাহাদের হুঃখে হুঃখিত হইয়া বলিলেন, আমি মরিলে যখন দেবতারা রক্ষা পাই-

বেন তখন আমার এই ক্ষণস্থায়ী শরীর রাখিয়া কোনও প্রয়োজন নাই। এই বলিয়া আত্মত্যাগের জলন্ত দৃষ্টান্ত মহামুনি যোগাসনে বসিয়া প্রাণত্যাগ করিলেন। ফলতঃ পরোপকার করিতে হইলে সর্বাগ্রে স্বার্থ বিসর্জন শিক্ষা করিতে হইবে। আমাদের দেশে আজি কালিও পরোপকারের দৃষ্টান্ত নিতান্ত বিরল নহে। পরোপকারের মহৎ দৃষ্টান্ত বিদ্যাসাগর মহাশয়, পথ-পার্শ্ব-শায়ী বিহুটিকা রোগাক্রান্ত দীন-হীন কত লোককে বাড়ীতে লইয়া গিয়া চিকিৎসা করাইতেন। এক জন ধীবর পরের প্রাণ রক্ষার জন্ত কিরূপ ভাবে নিজের জীবন বিসর্জন দিতে প্রস্তুত হইয়াছিল তাহা ভাবিলে বিশ্বাসাগরে নিমগ্ন হইতে হয়। ১৩০৯ সালের প্রবল বর্ষণের কথা বোধ হয় সকলেই জ্ঞাত আছেন। সেই সময় কলিকাতা হইতে খুলনা পর্যন্ত যে রেলপথ গিয়াছে বৃষ্টির জলে তাহার একটি পুলের কিয়দংশ ভাঙ্গিয়া যায়। কর্তৃপক্ষ না জানিয়া রাত্রি নয়টার ট্রেন রওয়ানা করিয়া দিয়াছেন। একটা ধীবর পুলের নিকট দাঁড়াইয়া মাছ ধরিতেছিল, সে দেখিতে পাষ্টল গাড়ী যেরূপ দ্রুতবেগে আসিতেছে তাহাতে মুহূর্তমধ্যে পুলের উপর আসিয়া পড়িবে ও অসংখ্য জন প্রাণিসহ বিনষ্ট হইবে।

যেরূপ ঘর ঘর শব্দ হইতেছে তাহাতে শত ঢাক বাজাইলেও শ্রুতিগোচর হইবে না। তখন ধীবর কুলতিলক গাড়ীর রাস্তার উপর আসিয়া দাঁড়াইল এবং এক খণ্ড ঘণ্টা দ্বারা কাপড়ের অগ্রভাগ নাড়িতে



লাগিল। উদ্দেশ্য এই যে চালক তাহাকে দেখিতে পাইয়া গাড়ী থামাইবেন, নয় গাড়ী তাহার উপর দিয়া চলিয়া যাইবে এবং পরমুহূর্তেই গাড়ীর খাদে নিমগ্ন হইয়া অসংখ্য জন-প্রাণিসহ বিনষ্ট হইবে। ভগবান সদয় হইলেন। চালক ধীবরকে দেখিতে পাইয়া গাড়ী থামাইলেন এবং রাস্তার বিপদের কথা অবগত হইয়া ঈশ্বরকে ধন্যবাদ দিলেন। তখন সেই বিজন প্রান্তরে যে কি বিয়ল আনন্দের উদয় হইল তাহা বর্ণনা করা অসাধ্য। এই সামান্য ধীবর পরোপকারের যে অত্যাঙ্গুল দৃষ্টান্ত দেখাইল তাহা আমাদের সকলেরই শিক্ষা করা উচিত। আমরা ইচ্ছা করিলে সকল সময়েই পরোপকার করিতে পারি। উপকার পাইবার যোগ্য লোক এ সংসারে বিরল নহে। আমরা যখন দান করিব তখন সম্পূর্ণ নিঃস্বার্থ হইয়া দান করিব। নিঃস্বার্থ পরোপকারীরা দান করিয়া কৃতজ্ঞতা পাইবারও আশা করেন না। তাহা হইলে তাহাদের দানের আর্কিক ফল নষ্ট হয়। যে সকল ব্যক্তি নিজের স্বার্থসিদ্ধির অভিপ্রায়ে পরের উপকার করে তাহাদের দান নিষ্ফল ও তাহারা সকলের ছেয়। ফলাকাজ্ঞা না করিয়া নিঃস্বার্থভাবে পরোপকার করা উচিত। মহাত্মারা পরের উপকার করিয়া প্রত্যাশা পাপের উপকার করিয়াছেন তাহারা অকৃতজ্ঞতাসহকারে তাহাদের প্রতি ঈর্ষ্যা প্রদর্শন করিয়াছে। তথাপি তাহারা পরের উপকার করিতে বিরত হন নাই। স্বার্থ-শূন্যভাবে পরোপ-

কার করিলেই আমরা ধন্য হইব ও মানব নামের যোগ্য হইব। অতএব সকলেই পরোপকার ব্রতে ব্রতী হউন।

কুমারী বনলতা দাস।

### ভিক্ষা ।

প্রতিদিন মনে ভাবি প্রতিক্ষণে  
হে প্রভু পরমেশ্বর !  
কি হেতু স্বজিলে কেহবা পাঠালে  
আমারে এ ধরাপন্ন।  
দীনা হীনা আমি প্রেমময় স্বামী  
কেন কর এত স্নেহ  
চাহেনা তোমারে তুমি চাও তানে  
এমন কি আছে কেহ ?  
তুমি কত ভাবে দিতেছ অভাবে  
ভাবিয়া দেখিলে পরে  
নয়নেতে জল বরে অবিরল  
এত আর কেবা করে ?  
মৃৎ সমীরণ বহি অকৃষ্ণ  
বাঁচায় জীবের প্রাণ  
বৃষ্টি ধারা আসি ধরণী পরশি  
করিছে কত কল্যাণ।  
এরূপে নিয়ত সেবিছ দতত  
পাপী তাপী সবাকারে।  
আমি, জেনেও জানিনা বুঝেও বুঝিনা  
ভুবিয়া আছি সংসারে।  
ভুলে থাকি নিতি কেন এ বিশ্বাসি  
কেন এই মোহজাল  
রূপা ক'রে হরি দাও অপসারি  
অজ্ঞানতা অন্তরাল।  
করণা মমতা সুখ স্বচ্ছন্দতা  
যত পাই প্রতি পলে

ভুলে যাই তত ভালবাসা যত  
এক বিপরীত ফলে !  
এত ভুমি প্রভু করিতেছ তবু  
আরো এক ভিক্ষা আছে  
হে করুণাময় হইয়া নির্ভয়  
এসেছি তোমার কাছে।  
সুদিনে দুদিনে জীবনে মরণে  
মন যেন স্থির রহে  
শোকের ছুখে প্রাণ নহে ত্রিময়  
নির্ভিকার যেন রহে।  
সদানন্দ প্রাণ দয়াময় গান  
কর সদা মনে মনে  
যেন এ জীবন হয় সমাপন  
সুমধুর বিভূ গানে।  
শ্রীমতী মা—  
গাজীপুর।

### সংবাদ ।

শ্রীমান্ যতীন্দ্রনাথ সেন নামে একজন যুবক বরিশালের কুলকাটা নামক গ্রামের বাবু চণ্ডিচরণ রায় চৌধুরীর কন্যাকে বিবাহ করিতে আসিয়াছিল। এই বিবাহার্থী যুবক বিবাহের অব্যবহিত পূর্বে তাহার আত্মীয় কর্তৃপক্ষকে জানাইল যে, তাহারা কন্যাপক্ষ হইতে বোতুকাদিব্যাপদেশে যে টাকা লইয়াছেন, তাহা কন্যাপক্ষকে ফিরাইয়া না দিলে সে কিছুতেই বিবাহ করিবে না। বাধ্য হইয়া বয়কর্তী সমস্ত টাকা প্রত্যর্পণ করিলেন। এই যুবকের নির্লোভ সংসাহসকে আমরা প্রশংসা করি। যুবকগণ বৃথা বক্তৃতা ও হুজুক না করিয়া এইরূপ নিঃস্বার্থ

দেশহিতৈষণার কার্যে ব্রতী হইলে সমাজের কত কুপ্রথা কলঙ্ক দূর হইতে পারে।

সংবাদপত্রে প্রকাশ যে, ডাক্তার কুক এবং ক্যাপ্তান প্যারী উত্তর মেরু প্রদেশ আবিষ্কার করিয়াছেন। ছুজনের মধ্যে এ বিষয় লইয়া বিলক্ষণ দ্বন্দ্ব উপস্থিত হইয়াছে।

প্রতিবর্ষে ম্যালেরিয়া রোগে পৃথিবীর বহুসংখ্যক লোক কালগ্রাসে নিপতিত হইয়া থাকে। বঙ্গদেশে ইহার প্রাবল্য সকলেই প্রত্যক্ষ করিয়া থাকেন। ইয়োরোপ ও আমেরিকা প্রভৃতি দেশেও এ ব্যাধি প্রবেশ করিয়া বহুলোকের প্রাণ-হরণ করিয়াছে। সে সকল দেশের লোকেরা এ ব্যাধির কারণ ও নিবারণের উপায় উদ্ভাবন করিতেও তৎপর হইয়াছেন। অস্বদেশীয় লোকে অদৃষ্টের উপর দোষ চাপাইয়া এক প্রকার নীরবে মৃত্যুকে আলিঙ্গন করিয়া থাকে, কেহ কেহ বা হাঁতুড়ে ডাক্তারের ম্যালেরিয়া রোগের “অমোঘ” ঔষধি সেবন করিয়াই নিশ্চিন্ত! সৌভাগ্যের বিষয় যে এতকাল পরে আমাদের দয়ালু গভর্নমেন্ট সুযোগ্য ডাক্তারদের এক কনফারেন্স বসাইয়া ইহার প্রতিকারের ব্যবস্থা করিতে উদ্যোগী হইয়াছেন।

কলিকাতাতে এ বৎসর বেরি বেরি পীড়ার বিলক্ষণ প্রাদুর্ভাব হইয়াছে। মাঝে মাঝে পীড়া মারাত্মক হইতেছে। সাহেবদের উপর ইহার আক্রমণ নাই। মেয়েদের উপর যেন আক্রমণটা বেশী।



শ্রীযুক্ত গিরিশচন্দ্র সেন মহাশয় পুরী হইতে কলিকাতা আসিয়া প্রচারাশ্রমে বাস করিতেছেন । হাতে বাত ধরায় বড়ই কষ্ট পাইতেছেন ।

স্বথের বিষয় যে পূর্ববাঙ্গলা ও আসামী গভর্ণমেন্ট স্ত্রী শিক্ষায় অর্থব্যয় করিতে একটু মুক্তহস্ত হইয়াছেন । গত বৎসর ও প্রদেশে ছয়টি মেয়ে প্রবেশিকা পরীক্ষায় উত্তীর্ণ হইয়াছেন, সকলকেই কুড়ি টাকার বিশেষ বৃত্তি প্রদত্ত হইয়াছে ।

### মূল্যপ্রাপ্তি ।

একাদশবর্ষ ।

শ্রীমতী জগন্মোহিনী চৌধুরাণী,  
আদাঐর ১

„ তরঙ্গিনী দেবী, কুলটী ১

দ্বাদশবর্ষ ।

শ্রীমতী তরঙ্গিনী দেবী, কুলটী ২

„ জগন্মোহিনী চৌধুরাণী,  
আদাঐর ২

„ সজাতা সেন, রেঙ্গুন ২

শ্রীযুক্ত হেমেন্দ্রনাথ গুপ্ত, কুচবিহার ১০

„ প্রসন্নচন্দ্র চৌধুরী, ময়মনসিং ১

„ বৈকুণ্ঠনাথ দাস, বালেখর ২

ত্রয়োদশবর্ষ ।

শ্রীমতী জগন্মোহিনী চৌধুরাণী,  
আদাঐর ১

„ তরঙ্গিনী দেবী, কুলটী ১

„ ভূপেশনন্দিনী সেন, ১

„ নীশিতারা সেন, রাজসাহী ২

„ সুরবালা সেন, রেঙ্গুন ১০

„ ব্রজবালা সরকার, বালেখর ২

„ সরোজিনী রায় চৌধুরী, বাঁকা ২

„ বিনোদমণি গুপ্তা, রাঁচি ২

„ হেমলতা দাস, হাবড়া ২

„ সজাতা সেন, রেঙ্গুন ২

শ্রীযুক্ত সুরেন্দ্রনাথ দত্ত, কাছাড় ২

„ বৈকুণ্ঠনাথ দাস, বালেখর ২

„ দেওয়ান কালিকা দাস দত্ত

বাহাহুর C. I. E. কুচবিহার ২

„ হেমেন্দ্রনাথ গুপ্ত, কুচবিহার ১১০

„ অবিনাশ চন্দ্র রায়, ২

„ প্রসন্নচন্দ্র চৌধুরী, ময়মনসিং ১

চতুর্দশবর্ষ ।

শ্রীমতী ভূপেশনন্দিনী সেন, ১

„ সুরবালা সেন, রেঙ্গুন ১০

„ সরোজিনী রায় চৌধুরী, বাঁকা ২

„ কুমুমকুমারী রায়, পিঙ্গনা ২

„ বিনোদমণি গুপ্তা, রাঁচি ১

„ হৈমবতী দেবী, ভাগলপুর ২

„ হেমলতা দাস, হাবড়া ২

„ ক্ষীরদাসুন্দরী সেন, ঢাকা ২

„ ইন্দুমতি দাস, ঐ ২

„ সরস্বতী সেন, কলিকাতা ২

„ সরোজিনী রায়, ঐ ২

„ কুমুদিনী দাস, ঐ ২

শ্রীযুক্ত বিয়লানন্দ নাগ, ঐ ২

„ চুনীলাল বসু, ঐ ২

„ হরিসাধন চট্টোপাধ্যায়, ঐ ১০

„ সুরেন্দ্রনাথ দত্ত, কাছাড় ১০/১৫

„ মাধবচন্দ্র ঘটক, পাথরাইল ২

পঞ্চদশবর্ষ ।

শ্রীমতী সুরবোধবালা দেবী, টাঙ্গু ২

„ ইচ্ছাময়ী দাস, কলিকাতা ২

শ্রীযুক্ত হরিসাধন চট্টোপাধ্যায় ঐ ১১০

(ক্রমশঃ)

মহামায়ার শুভাগমনে ঘরে ঘরে

সুরমা ।



বালক-বন্ধ, যুবক-যুবতী, ধনী দরিদ্র সবারই মুখে একই কথা । সুরমা মেখে এ আনন্দের দিনে, এ বৎসর আমরা মায়ের পূজা দেখব । সপ্তবৎসরের পর স্বদেশী শিল্পের গৌরবকীর্তিস্বরূপ—সংস্র লোকের ব্যবহারের উপযোগী একটা সুন্দর কেশতৈল বেরিয়েছে—লোকে এতদিন ধরে যা খুঁজছিল, তাই পেয়েছে । সুরমা এ সেনার বাঙ্গলায়—শুভ সময়ের মরস কীর্তি । বাস্তবিকই এই “সুরমা” নিয়ে চারিদিকে একটা হলুদুল পড়ে গেছে । কেন না, একটা শ্রেষ্ঠ কেশতৈলে যা যা সমৃদ্ধ থাকে উচিত, “সুরমার” তার সবই আছে । “সুরমার” সুগন্ধ, শত শত যুথী, মল্লিকা, বেলাস সুগন্ধকে পরাজয় করে । “সুরমা” নিত্য মাথিলে, কেশাংশি কাল হয় । “সুরমা” মাথা ঠাণ্ডা রাখে । “সুরমা” গৃহাঙ্গনাদের

কবরী রচনার অতি সুলভ উপাদান । কাজেই এ আনন্দের দিনে, মহামায়ার শুভাগমনে ঘরে ঘরে “সুরমা” বিরাজিত হউক ।

মূল্যাদি।—বড় এক শিশির মূল্য ১০ বার আনা । ডাকমাণ্ডল ও প্যাকিং ১০ সাত আনা । বড় তিন শিশির মূল্য ২০ টুক টাকা । মাণ্ডলাদি ৫০ চৌদ্দ আনা ।

এস, পি, সেন কোম্পানীর অপূর্ব সৌরভ-সার ।

চম্পক।—চাপার তীব্রতা কেমন উজ্জ্বল-মধুরে পরিণত হইয়াছে তাহা দেখিবার জিনিষ ।

বেলা।—অবসন্ন গ্রীষ্মবেলায় বেলায় গন্ধ স্বর্গস্থ আনিয়া দেয় ।

যুথিকা।—আমাদের ঘরের যুথিকাই বিলাতীসাজে ‘জেসুমিন’ হইয়া উঠিয়াছে ।

কামিনী।—যামিনীর জ্যোৎস্ন কামিনীর সৌরভে মধুরতর হইয়া উঠে ।

মল্লিকা।—বেলা—যুথিকাদির সহিত মল্লিকা চিরদিনই একাসন অধিকার করে ।

প্রত্যেক পুষ্পসার বড় এক শিশি ১ এক টাকা । মাঝারি ৫ বার আনা ।

ছোট ১০ আট আনা প্রিয়জনের প্রীতি-উপহার জন্ত একত্র বড় তিন শিশি ১১০

আড়াই টাকা । মাঝারি তিন শিশি ২০ টুক টাকা । ছোট তিন শিশি ১১০ পাঁচ টাকা ।

মাণ্ডলাদি স্বতন্ত্র । আমাদের ল্যাভেগার ওয়াটার এক শিশি ৫ বার আনা, ডাক-মাণ্ডল ১/০ পাঁচ আনা । অডিকলোন এক শিশি ১০ আট আনা । মাণ্ডলাদি

১/০ পাঁচ আনা । আমাদের অটো ডিরোজ, তটো অব্ নিরোলী, তটো অব্ মতিয়া

ও অটো অব্ খসখস অতি উপাদেয় পদার্থ । মূল্য প্রতি শিশি ১ এক টাকা ।

মিল্ক অব্ রোজ।—ইহার মনোরম গন্ধ জগতে তুলনীয় । ব্যবহারে

শুকের কোমলতা ও মুখের লাবণ্য বৃদ্ধি পায় । ব্রণ, মেচেতা ছুলি ও ভূতি চন্দ্ররোগ

সকল ইহা দ্বারা অচিরে দূরীভূত হয় । মূল্য বড় শিশি ১০ আট আনা, মাণ্ডলাদি

১/০ পাঁচ আনা ।

এসেন্সপ্রস্তুতকারীদের জন্ত নানা প্রকার সুন্দর সুন্দর শিশি ও এসেন্সের অত্যন্ত

সমস্ত সাজসরঞ্জাম আমরা খুচরা ও পাইকারী বিক্রয় প্রচুর সংগ্রহ রাখিয়াছি । মূল্য

বাজার দর অপেক্ষা কম । পরীক্ষা প্রার্থনীয় ।

এস, পি, সেন এণ্ড কোং ।

ম্যানুফ্যাকচারিং কোম্পানী ।

১৯২ নং লোয়ার চিৎপুর রোড, কলিকাতা ।



## কুড়ানো চিঠির নকল।



নিম্নলিখিত পত্রখানি টামের মধ্যে পড়িয়াছিল। সাধারণের অবগতির জন্ত প্রকাশিত হইল। যাহার চিঠি, তিনি এতদনুসারে কাজ করিলে এই "কুড়ান-পত্রের" উদ্দেশ্যসিদ্ধি হইবে।

"শুনিলাম, কলিকাতায় তোমার স্বাস্থ্যের উন্নতি হইয়াছে। ভগবান তোমায় নীরোগ করুন। তুমি ভাল থাকিলে আমার সুখ।"

"আমার আবার সেইরূপ মাথাঘোর আরম্ভ হইয়াছে। দিন রাত মাথার ভিতর জ্বালা করে। তাহার উপর চুল টুটিয়া যাইতেছে। সেবার "কেশবজ্ঞান তৈল" মাথিয়া বড় উপকার হইয়াছিল। তোমার খরচ পত্র অনেক। সাংস করিয়া বলিতে পারি না, তবে আমার

উপস্থিত যত্নগণ হইতে রক্ষার জন্ত যদি এক শিশি স্মৃগন্ধি "কেশবজ্ঞান" কিনিয়া পাঠাও, তবে বড় উপকার হয়। ডাকে না পাঠাইয়া লোক মরফৎ পাঠাইও।"

মূল্যাদি—এক শিশির মূল্য ১/ এক টাকা। ডাকমাণ্ডল ১/০ পাঁচ আনা।

তিন শিশির মূল্য—২।০ দুই টাকা চারি আনা। মাণ্ডলাদি—১/০ এগার আনা।

ডজন ৯/ নয় টাকা ; মাণ্ডলাদি স্বতন্ত্র।

## প্রসূতারিষ্ঠ।

"প্রসূতারিষ্ঠ" স্মৃতিকারোগের মহৌষধ। প্রসবের পর যে সকল রোগ উপস্থিত হয় তাহাকে স্মৃতিকারোগ বলে। স্মৃতিকারোগমাত্রই নিতান্ত দুঃসাধ্য ও কষ্টজনক। এই ঔষধ অল্পদিন সেবন করিলেই মৃতবৎসাদোষ, জ্বর, উদরাময়, দুর্বলতা প্রভৃতি যাবতীয় ত্বরারোগা স্মৃতিকারোগ নিবারিত হইয়া থাকে। প্রসবের পূর্বে হইতে এই ঔষধ সেবন করিলে, যথাকালে নিক্সিলে সুপ্রসব হয় এবং স্মৃতিকারোগাদির আক্রমণের আশঙ্কা থাকে না। গর্ভের প্রথম অবস্থা হইতে এই ঔষধ সেবন করিলে, গর্ভকালীন বমন অরুচি, নানা প্রকার গ্লানি প্রভৃতি সকল প্রকার উপসর্গ নিবারিত হইয়া থাকে। এক্ষণ নিদোষ মহোপকারী ঔষধ প্রত্যেক গৃহস্থেরই সময়ে সংগ্রহ করিয়া রাখা উচিত।

এক শিশির মূল্য ১/ এক টাকা মাত্র। মাণ্ডলাদি ১/০ আনা।

বিনামূল্যে ব্যবস্থা।

মফঃস্বলের রোগীগণের অবস্থা অর্ধ আনার টিকিটমহ আনুপূর্বিক লিখিয়া পাঠাইলে ব্যবস্থা পাঠাইয়া থাকি।

গভর্নমেন্ট মেডিকেল ডিপ্লোমা প্রাপ্ত,

শ্রীযুক্ত নগেন্দ্রনাথ সেন কবিরাজের

আয়ুর্বেদীয় ঔষধালয়,

১৮১ ও ১৯ নং লোয়ার চিৎপুর রোড, টেরিটোজার কলিকাতা।

REG. No. C. 32

১৫শ ভাগ।

আশ্বিন।

৩য় সংখ্যা।

১৩১৬।

জন্ম বার্ষিক  
পূজার  
বৃন্দ বন  
ইব্বায়া

### সূচী।

বিষয়।	পৃষ্ঠা।
প্রার্থনা ... ..	৪৯
দেবী জগন্মোহিনী ... ..	৫০
কেশবজননী-সাক্ষী শারদাদেবী ... ..	৫৩
ব্রতকথা ... ..	৬০
আমাদের পারিবারিক সমিতি ... ..	৬৬
মহিলাদিগের রচনা—চটগ্রাম ভগ্নীসমাজে পঠিত ... ..	৬৯
... .. প্রার্থনা ... ..	৭২
সংবাদ ... ..	৭২

ডাকমাণ্ডল সহ অগ্রিম বার্ষিক মূল্য ২/ টাকা মাত্র।



## যদি কেশের শোভা সম্পাদন করিতে চান

তাহা হইলে প্রতিদিন স্নানের সময় আমাদের "কুস্তলবৃষা তৈল" ব্যবহার করুন। ইহা ব্যবহার করিলে কেশরাশি ভ্রমর কৃষ্ণবর্ণ ধারণ করে, এবং মাথায় মরামাস ও খুস্কী প্রভৃতি জন্মিতে পারে না। রমণীগণ যদি কবচী বচনার সময় "কুস্তলবৃষোর" সহায়তা গ্রহণ করেন, তাহা হইলে আর তাঁহাকে অত্রবিধ সুগন্ধি জল ব্যবহার করিতে হয় না। এক কথায় "কুস্তলবৃষা" কেশতৈল মধ্যে সর্কশ্রেষ্ঠ। মূল্য প্রতি শিশি এক টাকা। মায় ডাক মাণ্ডল ১৮/০ তিন শিশি ২১০, ডজন ৯ টাকা।

## সুরসুন্দরী বটিকার তত্ত্ব রাখেন কি?

আমাদের সুরসুন্দরী বটিকা সর্ববিধ স্ত্রীরোগ অর্থাৎ প্রদর, বাধক, রক্তের স্বল্পতা বা স্ফোটিকা রক্তশূন্য প্রভৃতি আরাম হয় অতি দ্রুতল রোগীও ইহা সেবনে বিগতরোগ হইয়া ছুটেপুটেই হইতে পারেন। ষাঁহাদের গৃহে এই সব রোগে মহিয়ারা কষ্ট পাইতেছেন, তাঁহারা একবার আমাদের "সুরসুন্দরী বটিকা" ব্যবহার করিতে দেন। প্রতি কোটা ২, ছুই টাকা, ডাকমাণ্ডলসহ ২৮০।

**ভৈষজ্যরত্নাবলী**—(ষষ্ঠ সংস্করণ) বাহির হইয়াছে। মণির মধ্যে যেমন কোস্তভ, জ্যোতিষের মধ্যে—যেমন চন্দ্র, তেমনি সমস্ত আয়ুর্বেদীয় চিকিৎসাগ্রন্থের মধ্যে "ভৈষজ্যরত্নাবলী"। ঋষিকল্প কবিরাজ বিনোদলাল সেন মহাশয়ের আজীবন-ব্যাপী পারিশ্রম গবেষণা—এই গ্রন্থ মধ্য নিহিত। আয়ুর্বেদ শিক্ষার্থী ও চিকিৎসকগণের পক্ষে ইহা মহামূল্য উপাদেয়-গ্রন্থ। পুস্তকখনি তাজার পৃষ্ঠার উপর। পুরু কাগজে সুন্দর ছাপ। এই একখানি পুস্তক পড়িয়াই উৎকৃষ্ট কবিরাজ হওয়া যায়। ইহা আমাদের কার্যালয় ভিন্ন আর কোথাও পাওয়া যায় না। সাবধান! নকল লইয়া ঠকিবেন না। মূল্য ৬ ছয় টাকা। ভিঃ পিঃতে ছয় টাকা দশ আনা মাত্র।

ঋষিকল্প কবিরাজ বিনোদলাল সেন মহাশয়ের

## আদি-আয়ুর্বেদ ঔষধালয়।

১৪৬ ও ১৪৭ নং লোয়ার চিৎপুর রোড, ফোজদারী বালাখানা, কলিকাতা।

টেলিগ্রাফিক ঠিকানা

ভীষকরাজ।

প্রধান চিকিৎসক

কবিরাজ শ্রীআশুতোষ সেন।


ও

কবিরাজ শ্রীপুলিনকৃষ্ণ সেন।

কলিকাতা

৩ নং রমানাথ মজুমদারের স্ট্রীট, "মঙ্গলগঙ্গা মিলন প্রেসে"

কে, পি নাথ কর্তৃক এই অগ্রহায়ণ যাত্রত ও প্রকাশিত।



মাসিক পত্রিকা।

"এব নার্য্যস্তু পূজ্যন্তে বসন্তে তত্র ইবলতাঃ।"

১৫শ ভাগ] আশ্বিন, ১৩১৬, অক্টোবর ১৯০৯। [৩য় সংখ্যা।

প্রার্থনা।

হে শান্ত মঙ্গলময় পরম দেবতা, তুমি এই বিশ্বসংসারের শ্রষ্টা, নিরস্ত্রা ও আশ্রয়। আমরা পৃথিবীতে আসিয়াছি তোমার ইচ্ছাতে এবং এখানে স্ত্রীপুরুষকে নানারূপ কর্তব্য ভার তুমিই দিয়াছ। পরিবারের যে মহৎ কার্যের ভার তুমি নারীর উপর দিয়াছ, তুমি নারীকে তাহার যোগ্যতা দিয়াছ বলিয়াই অবশ্য সে ভার দিয়াছ, কিন্তু হে সর্বদর্শী দেবতা, তোমার কৃপাগণ তোমা হইতে প্রেম প্রাপ্ত হইয়া প্রেম-পূর্ণ হইয়াছেন, কিন্তু তোমার প্রেম যে শাস্তি-পূর্ণ, ক্ষমাপূর্ণ, সহিষ্ণুতাপূর্ণ, নির্বিকার সে ভাব তোমার কৃপাগণ পাইতেছেন না, এই জগত্ই পরিবার হইতে অশান্তি ও দুঃখ কিছুতেই দূর হইতেছে না। তুমি দয়াময়ী জননী, তুমি তোমার কৃপাগণের হীন অবস্থা দর্শন করিয়া কখন নিশ্চেষ্ট থাকিতে পার না ত্রই জগত্ই তুমি তোমার কৃপাগণের সঙ্গে থাকিয়া তাঁহাদিগকে তোমার শান্ত

প্রেম শিক্ষা দিতেছ এবং অপর সকল নর-নারীর দ্বারাও প্রত্যেক কথাকে শিক্ষা দিতেছ যে কেবল ভালবাসা থাকিলেই নারীজীবনের উচ্চ কর্তব্য সকল সম্পাদন করা যায় না এবং তোমার শুদ্ধ সুন্দর প্রেমমুখ দর্শন করিয়া জীবনে কৃতকর্তব্য হওয়া যায় না। তুমি আমাদের মঙ্গলের জগত্ই দিবানিশি আমাদের দেখাইতেছ যে তোমার কৃপাগণ তোমার শাস্তিতে, তোমার জ্ঞানে, প্রতিষ্ঠিত না হইলে কখনও তোমার স্বর্গীয় প্রেমে পরিবারকে সুখী করিতে পারিবেন না। স্নেহময়ি জননি, তুমি তোমার কৃপাগণকে স্বর্গের একটি মহাধন দান করিয়া যখন সংসারকে স্বর্গ কারবার হুচনা করিয়াছ তখন অবশ্যই তুমি স্বর্গের অল্প সকল মণি নানিক্য দিবে, ইহা বিশ্বাস করিয়া বিনীত হৃদয়ে প্রার্থনা কর যে তুমি নারী হৃদয়ে সহিষ্ণুতা, ক্ষমা, ধৈর্য্য, তিতিক্ষা ও শাস্তিদান কর যেন প্রত্যেক পরিবার স্বর্গ সুখের আশ্বাদন



কমলা তাঁহার ঠাকুরমাকে গিয়া বলিল “ঠাকুরমা একজন ভিখেরী এনেছে, ভিক্ষে চায়, বল চাল কোথায়, চাল দিয়ে আসি”। বৃদ্ধা হাসিয়া বলিল “ভিখেরী কিরে, তোর বর বুঝি”। কমলা দ্বিত-মুখে বলিল, “কি জানাকি কর”। বৃদ্ধার মনে একটু আহ্লাদ হইয়াছে; তাঁহার দৃঢ় বিশ্বাসের লিপপূজার ফলে বর ছুটিবেই, স্বপ্ন ফলিয়াছে,—ভিক্ষুকের ছলে বর আসি ইরাছেন। তিনি হাসিয়া বলিলেন “আচ্ছা জিজ্ঞেস ক’রে আয় বিকির ভিখেরী, বামুনের ছেলে কিনা? আর কি রকম দেখতে তাও এসে বলি”। কমলার তাহাতে মুখ রক্তিম হইয়া উঠিল,—ক্ষণকালের জন্ত সরমখানি তাহার মরমখানি ছলিতে লাগিল।—পরে সহসা কি ভাবিয়া জ্বত ছুটিয়া গিয়া তাহাকে জিজ্ঞাসা করিল “তুমি কি গা বামুনের ছেলে?” ভিখেরী বলিল “হ্যাঁগো আমি বামুনের ছেলে, ছুটি ভিক্ষে দাও”। শুনিয়া কমলা যেন বিচলিত হইল, তাহার কোমল অন্তরে কনককান্ত রামকমলের মূর্তি মুহূর্তের মধ্যে মুদ্রিত হইয়া গেল।—মনে মনে কহিল “কত ভিখেরী দেখেছি এত ভিখেরী জন্মে দেখিনি।” ঠাকুরমাকে গিয়া বলিল “ভিখেরী, বামুনের ছেলে দেখতে খুব ভাল”। ঠাকুরমা বলিলেন “তোমার চেয়ে ভাল”? কমলা অপ্রতি হইয়া পলাইবার চান করিল, ক্ষণিকদূর যাইয়া ফের ফিরিয়া বলিল “চাল কোথায় আছে চাল দিয়ে আসি”। বৃদ্ধা বলিলেন “হাড়ির চাল নিয়ে গেছে, সেই বস্তাটার মধ্যে চাল আছে, নিয়ে আয়”।

কমলা তৎক্ষণাৎ ছুটিয়া গিয়া বস্তা হইতে চাল বাহির করিয়া তাহার ঠাকুরমার নিকটে আনিয়া। ঠাকুরমা বলিলেন “বা এইবার তাহার একবার এই উঠানে ডেকে নিয়ে আয় দিকি”। কমলা তাহাকে তাহার আনিয়া, কিন্তু এইবার ডাকিয়া আনিবার সময় কমলার একটু বাধা উপস্থিত হইয়াছিল।

ভিখেরী উঠানে প্রবেশ করিল। বৃদ্ধা তাহাকে ভিক্ষা দিলেন। কিছু দিনের সময় ভিক্ষুকের চেহারা দেখিয়া মোহিত হইয়া গেলেন, ভাবিলেন “কোন বড় লোকের ছেলে, তাহাকে বলিলেন “বাবা তুমি কাপড়ের দোকান তোমার কোথায় বাড়ী, তোমার এমন শরীর তুমি এই বয়সে কেন ভিক্ষা কোরো? তোমার নাম কি বাবা”? রামকমল বলিল “আমার নাম রাম

বাবা বাঁড়ুঘো, আমার বাপের নাম ৩রামজীবন বাঁড়ুঘো; তিনি আমের নাম হ’ল মারা গেছেন”। বৃদ্ধা চমকিত হইয়া উঠিলেন, বলিলেন “হ্যাঁ গা তুমি রামজীবন বাঁড়ুঘোর ছেলে! তুমি ভিক্ষে কোর্তে এসেছো! আহা আমার মনের সঙ্গে তোমার বাপের কত না ভাব ছিল; তাঁরা যেন হবিহরাত্মা যেন। অত বড় লোকের ছেলে হ’য়ে বাবা কেন ভিক্ষে করছে। আমার নামকে ভিক্ষে দিতেই লজ্জা কোরো”। রামকমল তাহাতে উত্তর দিল “আমি চিরদিন কি মানুষের এক রকম যার”? বৃদ্ধা বলিলেন “আমার নাম অমলা আমার কাছে রামজীবন বাঁড়ুঘোর কত প্রশংসা কোরো এসে, বলতো তাঁর ছেলেটি এরপরে অতুল বিষয়ের অবিকারী হবে। আর বলতো তার মেয়ের সঙ্গে তাঁর ছেলের বিয়ে দিবেন এই রামজীবনের ইচ্ছা?” কমলা দূরে একটী তক্তায় বসিয়া সব শুনিতেন।—শুনিয়া সহসা একটু বিচলিত, মুগ্ধ ও উৎফুল্ল ভাবে তথা হইতে পলাইয়া গেল; পলাইবার সময় রামকমল একবার তাহাকে না দেখিয়া থাকিতে পারিলেন না, কমলার সেই বিচলিত সরমখানি নিরীক্ষণ করিয়া চকিত্তে, যেন কমলস্থিত ভূতের ছায় মধু-মে মগ্ন হইয়া গেলেন।

কমলা পলাইয়া গেল, কিন্তু তাহার মন সেখান পড়িয়া রহিল। পুনর্বার হইল তথায় যাইয়া শোনে, কিন্তু এক্ষণে বাইতে কেমন বাধা-বাধা হইল, সেখানে যাইতে পারিল না, অপস এক প্রকোষ্ঠে গিয়া তাহার ঠাকুরমা ভিক্ষুকের কথাবার্তা শ্রীয়া শুনিতে লাগিল।—বৃদ্ধা কহিয়া যাইতে— “আমার ছেলেরও তাতে খুব ইচ্ছা ছিল। আহা সে থাকলে কমলার প্রশংসা হ’ত? এ মেয়েটির এ ছুঃখের দণ্ড হ’ত না”। এই সময়ে মুহূর্তের মধ্যে একবার রামকমল তাহার ফোটোগ্রাফের কথা ভাবিল, সঙ্গে কমলায় তাহার মনে জাগ্রত ভাব ধারণ করিল, মনে মনে বলিল “কমলা বাস্তবিকই ভাল।”

আবিতে ভাবিতে রামকমলের মনে অল্পরূপ বিকশিত হইয়া উঠিল, তাহার অন্তরে কমলা, সরোবরে কমলের ছায় শোভা পাইতে লাগিল।—এই সময় রামকমলের মুখের ভাবে তাহার মনের ভাব সম্ভবতঃ বৃদ্ধা কিঞ্চিৎ অনুভব করিতে সমর্থ হইয়াছিলেন, সুযোগী বুঝিয়া তাহাকে পুনরায় কহিলেন



১০ পবিত্রতা, ক্ষমা, বৈরাগ্য, উৎসাহ, বিনয়, পর-সেবা, সরলতা, দয়া, ছায়পারতা এই নব লক্ষণ আমি পবিত্রাত্মার নবরত্ন জানিয়া অতি যত্নের সহিত জীবনে পোষণ করি।

১১ আমি এক পরমাত্মারূপ ঈশ্বরে বিশ্বাস করি।

১২ প্রত্যেক মানবাত্মা অমর ইহাও আমি বিশ্বাস করি।

১৩ স্বর্গরাজ ঈশ্বর কাছাকাছেও অনন্ত নরকে নিক্ষেপ করেন না ; কিন্তু পাপীকে তাহার পাপের উপযুক্ত দণ্ড দান করিয়া অনন্ত স্বর্গরাজ্যের অধিকারী করেন, আমি দৃঢ়রূপে ইহা বিশ্বাস করি।

১৪ আমি বিশ্বাস-নয়নে নিরাকার ঈশ্বরকে দেখি, এবং বিবেক কর্ণে তাঁহার নীরব সুরব শুনি, ও ভক্তি-রসনার তাঁহার পবিত্র প্রেমরস পান করি। এবং তাঁহাকে “মা” বলিয়া ডাকি।

ফুলের সৌন্দর্য্য সংলগ্নই মন হরণ করে। ফুলের সৌরভ সকলকেই আমোদিত করে। বন উপবন এবং উদ্যানের ফুল সকলেই ভোগ করিতে পারে ; কিন্তু মনের ফুল অতি অল্প লোকেই দেখিতে পায়। সাধারণ লোকের অদৃষ্ট-রূপ গহন মনোবনের ভিতরে যে কত সুগন্ধ ও বিচিত্র সুন্দর ফুল সকল ফুটে তাহা কেবল ভাবুক কবি এবং প্রেমিক ভক্তেরাই দেখিতে পান। হৃদয় বাগানের পুষ্পচয় ভোগ করিতে পারিলে মানুষের মনে ইন্দ্রিয়-বিকার থাকিতে পারে না। আবার ইহাও সত্য যে

মানুষের মন কিম্বা পরিমাণে নির্মল না হইলে হৃদয়-বাগানে প্রবেশাধিকার জন্মে না। আজ আমরা আমাদের প্রিয় পাঠক পাঠিকাগণকে একটা ফুলের কথা বলিতে ইচ্ছা করিতেছি। সেই ফুলটির নাম ভক্তিকুসুম। জগতে এই ফুল কোথায় ফুটিয়াছে? ইহার সৌন্দর্য্যে জগত মুগ্ধ। ইহার সৌরভে জগত মেতেছে। এই জগতমোহন পদ্ম কোন্ সরোবরে ফুটেছে? জগতের উচ্চতম স্থান যোগ-গিরিরূপ হিমাচলের শৃঙ্গে মানস-সরোবরে এই জগন্মোহিনী ভক্তি বিকসিত। স্বয়ং ব্রহ্মাণ্ডের পতি শ্রীহরি এই আশ্চর্য্য কুসুমের সৌন্দর্য্যরস পান করিতেছেন, এবং ইহার সৌরভে আমোদিত হইতেছেন। যে ফুল ভগবানের প্রিয় এবং তাঁহার বিহারস্থান তাহা সামান্য নহে। পাঠক কিবা পাঠিকা, তুমি কি এই ফুল দেখিতে চাও? ফুল দেখিতে কাহার না ইচ্ছা হয়; কিন্তু কোথায় গেলে এই ফুল দেখিতে পাইবে? বাহিরে জড় জগতে এই ফুল ফুটে না; সাধারণ মানবপুঞ্জের মধ্যেও এই ফুল দেখা যায় না। সত্য সত্যই যদি এই ফুল দেখিতে চাও তবে ভগবানের অসাধারণ অথবা বিশেষ প্রেম উদ্যানে প্রবেশ করিতে হইবে। ঐ অতীন্দ্রিয় অজ্ঞেয় বাগানে পবিত্র প্রেম স্বর্য্যোদয়ে এই ছল্লভ ভক্তিকুসুম প্রস্ফুটত। দিব্য চক্ষুই কেবল ইহার সৌন্দর্য্য দেখিতে পায়; এবং দিব্য নাসাই কেবল ইহার সুঘ্রাণ গ্রহণ করে। পৃথিবীর বন উপবন ও বাগানে যে সকল

মধুসয় ফুল ফুটে, নানা জাতীয় মধুকর সকল আসিয়া সেই মধু পান ও আহরণ করে। বিষয়ের কীট অথবা পৃথিবীর পোকাময়রূপ সংসারাসক্ত পুরুষ এবং সংসারপরায়ণা নারীসকল এই স্বর্গীয় ভক্তিকুসুমের মধুপান করিতে পারে না। ইহার পবিত্র মধু ভগবানের ভোগ্য; এবং স্বয়ং ভগবান দয়া করিয়া তাঁহার-যে সন্তান প্রিয় ভক্ত পুত্র এবং প্রিয়া সতী কন্যাদিগকে এই কুসুমের রসামৃত পান করিতে অধিকার দেন, তাঁহারা ঐ অমৃত পান করিয়া অমর হ লাভ করেন। ভক্তিকুলের মধু না খাইলে কেহই অমর হইতে পারে না। বিষয়বিষ খাইয়া যাহারা হতচেতন হইয়াছে, এই মৃত্যুঞ্জয় নবজীবনপদ ভক্তিকুসুমের মধুপান ভিন্ন তাহাদের চৈতন্য-লাভের দ্বিতীয় উপায় নাই!

কেশবজননী সাধ্বী শারদাদেবী।

( ১৫শ ভাগ, ৭ম সজ্জা,

৩৪ পৃষ্ঠার পর্থা )

নবীন খুব তেজী ছিলেন, কিন্তু কেশব আর কৃষ্ণবিহারী ছোট বেলা থেকে বড় অভিমানী ছিলেন। কেশবের ছোটো লাকার আর দুই একটা কথা মনে হইল। আমি কখনও কখনও কেশবকে বলিতাম “তোমার জোঠার কাছ থেকে টাকা চেয়ে নিয়ে এস” তিনি কিছুতেই টাকা চাহিবার জন্ত যাইতে চাহিতেন না। অনেক বলার পর যদিবা যাইতেন ত ঐ সিঁড়ির কাছটীতে চুপ করিয়া দাঁড়াইয়া থাকিতেন। আমাকে

বলিতেন “মা আমি গিয়া টাকা চাইব তিনি বলবেন কশবা? তা আমি পারব না।” এই অভিমানের জন্ত দুই ভাইই জীবনে অনেক ভুগিয়াছেন। কেহ তাঁহাদের নিজের উপর জয়া অত্যাচার করিলে তাঁহারা একেবারে গম্ভীর হইয়া চুপ করিয়া থাকিতেন। আপনায় পক্ষে একটা কথাও বলিতেন না। এইজন্ত কেশব ছেলেবেলা আর একবার ভুগিয়াছিলেন। ছোট বেলায় যখন পড়িতেন সেই সময় আর একটা ছেলে কেবের কাছ থেকে কি একটা জানিবার জন্ত জিদ করিতেছিল। মাষ্টার টের পায়। কিন্তু যে ছেলে জিজ্ঞাসা করিতেছিল সে বেশ চেপে গেল কেশব কেই মাষ্টার দোষী মনে করিলেন। ইহাতে কেশবের অভিমান হইল তিনি একটা কথাও বলিলেন না। নিজে শাস্তি লইলেন তবুও নিজে যে নির্দোষী তাহা একটীবার বলিলেন না। কৃষ্ণবিহারী কেবের কথা-মত জয়পুরের কাজ ছাড়িয়া দিয়া এলবার্ট-স্কুলে গেলেন। তাঁর জয়পুরের চাকুরী ছাড়িবার আর কেটী উদ্দেশ্য যে কেশবের সঙ্গে সব সময় থাকা। ভাইকে এমন ভাল বাসিতেন কেউ পারে না। রাম লক্ষণ ছাড়া এমন ভালবাসার কথা শুনি নাই। লক্ষণ যেমন ভাইএর সঙ্গে সমুদায় সুখ সম্পদ ছাড়িয়া বন্যাসী হইলেন, আমার কৃষ্ণবিহারীও সেই রকম ভাইএর সঙ্গে সঙ্গে এ সোণার সংসার থেকে বেরিয়ে এসে ধর্ম্মের জন্ত জীবন উৎসর্গ করিলেন। যখন আমাদের বাড়ী-ভাগ হয় তখন কৃষ্ণবিহারী তাঁর এই বাড়ীটা অতি সুন্দর করিয়া মেরা-



মত করিয়া নূতন নূতন জিনিষ দিয়া ঘর সাজাইয়া একদিন ছোট বৌকে জিজ্ঞাসা করিলেন "বল দেখি এ ঘর কেন সাজাইলাম?" বৌ জিজ্ঞাসা করিলেন "কি জন্ত সাজাইলে?" কৃষ্ণবিহারী বলিলেন ছোট দাদা এসে যখন বাড়ী দেখবেন বলিবেন "বাঃ কৃষ্ণবিহারী বেশ সুন্দর বাড়ী করিয়াছে।" কৃষ্ণবিহারী ভাইকে এত ভাল বাসিতেন যে ভাইএর মুখে ঐ "বেশ" কথাটা শুনিবার জন্ত তিনি বাড়ী ঘর সাজাইলেন। গাড়ী ঘোড়াও কিনিয়াছিলেন বোজ ভাইকে দেপিবার জন্ত। কৃষ্ণবিহারী কেশবের ভিতরই তাঁর ধর্ম কথ্য সার করিয়াছিলেন। তাঁর তীর্থ সঙ্গীতের এই গানটা তিনি গাহিতেন এং এইটা তাঁর সাধনের অঙ্গ।

"কিনা চাপ হরি, করযোড় করি,  
এই মিনতি করি তোমার চরণে,  
কেশব চরিত, পবিত্র শোণিত,  
কর প্রবাহিত হৃদয় মাঝারে।  
এপাপ নয়ন, অন্ধ হয়ে যাবে,  
কেশব নয়ন ললাটে বসিবে,  
কেশব নয়নে, আনন্দিত মনে,  
দিবস রজনী হেরি তেমাঝে।  
এই কর্ণ মোর, বদীর হইবে,  
কেশব কর্ণ আসি এ কর্ণে বসিবে,  
শুনিব তোমার, সুমধুর স্বর,  
আম নিরন্তর অন্তর বাহিরে।  
ভাই ভাই করে তিনি জীবন দিলেন।  
একে ছোট বেলা থেকে তাঁর শরীর  
খারাপ, তার উপর কেশবের কাগজের  
দরুণ অনবরত রাত জেগে পরিশ্রম করা,

এদিকে তোমাদের ব্রাহ্মসমাজ থেকে গালাগালি, এই সব নানা কারণে এবং নবীন ও কেশবের শোকে তাঁর শরীর একেবারে ভাঙিয়া গেল। আমার এমন ছেপের প্রতি কি ঘরের কি বাহিরের কেহ ভাল ব্যবহার করিলেন না। এক এক দিন কৃষ্ণবিহারীর কাছে আমার বড় যত্ন হইত। আমি বলিতাম "তুমি আর কোনও কাজ করিও না এং কোনও কথাও থেকে না। যদি এসব পর তাহা হইলে আমি তোমার সঙ্গে কথা কহিব না।" কৃষ্ণবিহারী আমার এ কথা শুনিয়া বলিতেন "মা আমি কি পৃথিবীর অপমানের ভয়ে ছোটদাদার কাজ ছাড়িয়া দিব। আমাকে যদি হাজার রকমে অপমান করে তবুও আমি প্রাণ থাকিতে ছোটদাদার কাজ ছাড়িব না, আমাকে যত রকম অত্যাচার আছে করুক তবুও ছোটদাদার কাজ আমি ছাড়িব না।" কৃষ্ণবিহারী যে বুদ্ধের বিষয় লিখিয়াছিলেন, তিনিও যাইবার আগে একেবারে নিষ্কাম হইয়া গিয়াছিলেন। কোনও বিষয়ে ভাবিতেন না। জিজ্ঞাসা করিলে বলিতেন মা, আমি কিছু না ভেবে আছি এখন আমি কিছুই ভাবছি না। কৃষ্ণবিহারী একেবারে নিষ্কাম হইয়া গিয়াছিলেন, মৃত্যুর জন্ত সম্পূর্ণ প্রস্তুত ছিলেন। সংসারের কোনও কথা বলিতে গেলে চুপচুপ করে থাকিতেন। ইংরাজী খুবই জানিতেন। ফরাসী ও পালি-ভাষায় বেশ বিদ্যান ছিলেন। তিনি ফরাসী ও পালিভাষা থেকে যত ভাল ভাল বিষয় পড়িয়া আমাদের সকলকে শুনাই-

তেন। শেষে যাইবার কিছুদিন আগে জর্মানির ভাষা শিখিতে আরম্ভ করিয়াছিলেন, তাঁর নিষ্কাম ছিল জর্মানির ভাষা তিনি শেষ করিতে পারিবেন না। তার আগেই তাঁর মৃত্যু হইল। মহারাণী যে বড় ছুর্বিগ দিয়াছিলেন, সেই ছুর্বিগ হইয়া তিনি কত রাত্রি পর্যন্ত ছাদে বসিয়া থাকিতেন। কোন দিন, কোন নক্ষত্র, কোথায় থাকিবে আগে অঙ্ক করে দেখিতেন তারপর আমাদের বৃথাইয়া দিয়া শেষে তাহা ছুর্বিগ দিয়া দেখাইতেন। বড় লোকেরা যেমন-বৎসরের টাকা পয়সার হিসাব করিতেন, কৃষ্ণবিহারীও সেই রকম বৎসরে কত নূতন নূতন বই পড়িতেন তাহার আগে থেকে হিসাব রাখিতেন। হিসাবের সঙ্গে সঙ্গে মাঝে মাঝে মিলাইয়া দেখিতেন। এই রকমে তিনি নানা ভাষার নানা দেশের বই পড়িতেন। এই রকমে তিনি অনেক ভাষার নূতন নূতন বই বৎসরে প্রায় ১০০১৫০ পড়িতেন। দীনবাবু, রামেশ্বর, মুক্তেশ্বর ও রাজমোহন অনেক রাত পর্যন্ত তাঁর সঙ্গে নানা রকম ভাল ভাল কথা বলিতেন। দীনবাবু ও মুক্তেশ্বর কৃষ্ণবিহারীর আগেই যান। একজন কৃষ্ণবিহারীর আগেই যান। একজন তাঁর শেষ সময়ের বন্ধু ও ইহারা সকলে কেশবের পরম ভক্ত ছিলেন। জ্যোতি ঠাকুরের সঙ্গে কৃষ্ণবিহারীর খুব বন্ধু হইল। দুই জনে ভাইএর মতন ছিলেন। কৃষ্ণবিহারীর ভালবাসা বাহিরে প্রকাশ পাইত না। কত লোককে যে মানে মানে লুকিয়ে দান করিতেন, তাহা কেহ জানিত না, শুধু নরেশ জানিত, কারণ

নরেশের কাছেই টাকা থাকিত। দানের ভিতরে ছোট বেলায় যাহাদের সঙ্গে পড়িতেন, তাহারাও অনেকে ছিলেন। নরেশ চিরকাল ছোট মাগাকে দেবতার মত জানে।

পাশা যাওয়ার পর কৃষ্ণবিহারী বড় কাঁদিয়াছিলেন পাশা যাওয়ার এক বৎসর পর কৃষ্ণবিহারী গেলেন। শেষে যখন তিনি বুকিতে পারিলেন যে তাঁর যাওয়ার সময় হইয়াছে, তখন আমি যদি তাঁর কাছে কখনও যাইতাম, তিনি আমার দিকে তাকাইতেন না, কথা কহিতেন না, চোক বুঁজে পড়ে থাকতেন। তাঁর যাওয়ার পর মহারাণী ও মহারাজা কৃষ্ণবিহারীর পরিবারের খুবই উপকার করিয়াছেন।

এখন আমার শোক তাপের সময়, কৃষ্ণবিহারীর কত যে গুণ ছিল তাহা আর আমি বলিতে পারিতেছি না, ভাল মনেও আসছে না। তবে উমানাথ যে কৃষ্ণবিহারীর যাওয়ার পর শ্রদ্ধার সময় একটা বই লিখিয়াছিলেন, সেইটা পরে আমাকে কে একজন পড়িয়া শুনাইয়াছিল। তাহাতে উমানাথ লিখিয়াছিলেন যে কৃষ্ণবিহারী সকল বিষয়েই কেশবের ছোট ভাই। উমানাথ কৃষ্ণবিহারীকে ঠিকই বুঝিয়াছেন। কৃষ্ণবিহারী বাস্তবিকই কেশবের ছোট ভাই।

মহারাজী সুনীতি কেশবের বড় কন্যা। মহারাণী যখন আঁতুড়ে তখন ভয়ানক বাড় হয়। মহারাণী ছেলে বেলা থেকে বেশ ভাল ছিলেন। পড়া শুন্য করিতে



ভাল বাসিতেন। তিনি কাধারও সঙ্গে ঝগড়া করিতেন না, সকলের সঙ্গে ভাব রাখিতেন। ছেলে বেগা থেকে তাঁর দয়ার ভাব বেশী ছিল। গরিব দেখিলেই দান করিতেন। ছেলেবেলা থেকেই বেশ ধর্ম্মে কন্ঠে মন ছিল। কেশবের কুটীরের কথা যে তোমাকে বলিয়াছি, সেই কুটীরে কেশব যখন রাঁধিতে রাঁধিতে পাঠ করিতেন, সুনীতি সেই সময় তাঁর কাছে বসিয়া শুনিতেন। কেশবের খওয়া হইয়া গেলে মহারাণী তাঁর পাতের প্রসাদ প্রায় খেতেন। মহারাজাও কেশবকে এত ভক্তি করিতেন যে এক দিন কেশব খেয়ে উঠে গেলে তাঁহার পাত খাইতে বসিলেন।

কুচবিহারের বিবাহ ;—যাদব চক্রবর্তী বিয়ের সম্বন্ধ আনেন। কেশব রাজাকে দেখিতে চাহিলেন, দেখলেন, কি কি কথাবার্তা হইল, তাহা আমি ঠিক জানি না। আর একদিন যখন রাজা একলা এলেন, সেদিন রাজা সুনীতি আর আমি ছিলাম। রাজা মহারাণীকে পড়া শুনান কথা জিজ্ঞাসা করিয়া চলিয়া গেলেন। তারপর বিয়ের ঠিকঠাক এবং গোলযোগ আরম্ভ হইল। বিবাহের ঠিক হইলে জুড়ুনি এল। কলুটোলার বাড়ীতেই জুড়ুনি এল। কেশব এর আগে কলুটোলার বাড়ী হইতে যাইয়া নারিকেল ডাঙ্গায় বাড়ী করিয়াছিলেন। কেশব বলিয়াছিলেন জুড়ুনি আমার মার নিকট হইবে। জুড়ুনি দেওয়ার কিছুদিন পর আমরা কুচবিহার যাত্রা করিলাম। আমি

ফুলেশ্বরী, কুচবিহারী ও কুচবিহারীর ছেলে কুমুদ, নবাবের দুই ছেলে, সেজ মেয়ের ছেলে নরেশ ও সুরেশ, ফুলেশ্বরীর ছেলে হেম সুরি ও ব্রজ নরেন্দ্র ও তার ছেলে সত্যেন্দ্র! আমরা এই কয়জন কলুটোলা হইতে গেলাম। মহারাণী ও কেশবের পরিবার আমার সঙ্গে গিয়েন। আমরা কুচবিহারে পৌঁছিলে আমাদের থাকিনার জন্ত দুইটি বাড়ী দেওয়া হইল, একটিতে যেরা থাকিত, অপরটিতে পুরুষেরা থাকিতেন। গায়ে হলুদ হইয়া গেল। তখন মহারাণীর বয়স তের বৎসর ছয় মাস। খুব ঘটা হইল। অধিবাসের দিন সকালে আমরা খেয়ে দেয়ে বিয়ে বাড়ীতে গেলাম। বিয়ের জন্ত একটি আলাদা বাড়ী ছিল। সেইদিন রাত্রে সেইখানে রহিলাম। তারপর দিন বিয়ে। মহারাণীর নান্দীমুখের যোগাড় হইল, সারি সারি সিন্দুর মাখান মাছ, যেখানে রাখা হইয়াছে দেখিলাম, মহারাণী বরাবর আমার সঙ্গে ছিলেন। নান্দীমুখ মহারাজা করিয়াছিলেন কি না আমি জানি না। কিন্তু সুনীতি করে নাই, সে আমার আঁচল ধরিয়া সমস্তক্ষণ বসিয়া ছিল, আমাকে স্নান করিতে পর্যন্ত দেয় নাই। সে ভয়েতে জড় সড় হইয়া বলিতে লাগিল। “ঠাকুমা তুমি আমার কাছে থক ওর নিশ্চয় আমাকে কি করিবে।” আমি রহিলাম। নান্দীমুখের কাছে তাহাকে লইয়া গেল। রাজার ঠকুর মা এলেন, এসে পুরোহিতকে ডাকিলেন। তিনি পুরোহিতকে ডাকিতেই আমি বলিলাম

“পুরুত এখানে এসে কি করিবে?” তিনি একটা মোহর দেখাইয়া বলিলেন, এই মোহরটী আর ঐ জল তুলসী ইত্যাদি কতকগুলি জিনিষ পুরোহিতের হাতে কনেকে দিতে হইবে। এই বলে তিনি সে সব রাণীর হাতে তুলে দিলেন। আমি তৎক্ষণাৎ সে সমস্ত রাণীর হাত থেকে লইয়া ফেলিয়া দিলাম। আমি বলিলাম, তোমাদের গুণে নিয়ম? এ সব কুলক্ষণ করিতে নাই, ইহাতে তোমাদেরও অমঙ্গল আমাদেরও অমঙ্গল। আমি এ সব বলাতে তিনি বুঝিলেন এবং বলেন অচ্ছা থাক, কিন্তু রাণীকে বলিলেন তুমি মোহরটী পুরোহিতকে দাও, আমি মোহর দিতে দিলাম না, বলিলাম আপনিই দিন। কিন্তু তিনি শুনিলেন না, মোহরটী সুনীতির হাতে ছোঁয়াইয়া পুরোহিতকে দিলেন। তারপর আর কিছু হয় নাই, আমি বাড়ী গেলাম। খেয়ে দেয়ে বিকালে এলাম। রাত্রে বিয়েতে বড় গোল, সে সব কথা অনেকে বলিয়াছেন আর বলিবার দরকার নাই।

কেশবের মত কেশব উপাসনা করিয়া রাজারাণীর বিবাহ দিলেন। রাজাকে এনে ওরা আবার হোম ইত্যাদি করিয়াছিল। যদি রাজা হোমটী না করিতেন তবে এইটিকে খাঁড়ী ব্রাহ্মবিবাহ বলা যাইতে পারিত।

ব্রাহ্মমতে বিবাহ হইয়া যাইবার পরেই রাণীকে তুলিয়া আনা হইয়াছিল। বিবাহের পর রাজা যে হোম করিয়াছিলেন, রাণী তাহাতে একেবারে যোগ দেন নাই।

আমরা বিয়ের দুই দিন পরেই রাণীকে লইয়া কলিকাতায় চলিয়া আসি। কলিকাতায় আসার পর চারিদিক হইতে কেশবের উপর অত্যাচার আরম্ভ হইল। আমরা যে দিন এখানে আসি তার পরদিনই মহারাজা বিলাত চলিয়া গেলেন। রাণীর সঙ্গে আর দেখা হয় নাই। এই বিবাহের জন্ত কেশব যাহা সহ্য করিয়াছেন, লোকে তাহা পারে না। যে উদ্দেশ্যে কেশব এত সহ্য করিলেন কুচবিহার রাজ্যে তাহা পূর্ণ হোক।

বৌরা সব ভাল, আমার সম্ভানরা সব ভাল ছিলেন। বৌরা পরের মেয়ে, আমার ছেলের সঙ্গে একত্র হইয়া তাঁহাদের গুণে, সমস্ত ভাল হইয়া গেলেন। আমার যে ছেলের যে গুণ ছিল বৌরা ক্রমে ক্রমে সেই সব গুণের অংশ পাইয়াছিলেন।

প্রচারক ;—প্রচারক হইয়া যখন বাবুরা আসিতে লাগিলেন, আমি মনে করিতাম ইহারা দেবতা না আর কি? মনে হইত ইহারা সব মা বাপ ছাড়িয়া ধর্ম্মের জন্ত গ্রাণ দিতে আসিয়াছেন, ইহাদের বাহাতে ধর্ম্মের পথে ভাল হয় আমার তাই করা উচিত। আমি প্রচারকদের লুকিয়ে লুকিয়ে অনেক সময় ভাত রাঁধিয়া দিতাম। আমি ইহাদের চিরকালই ছেলের মতন দেখিয়া আসিতেছি। ইহাদের ঝগড়া বাটি দেখিয়া মনে হয় ছেলেরা নিজেদের পিতার সামান্য তুচ্ছ বিষয় লইয়া ঝগড়া করিতেছেন। তাহাতে আমি মা, আমার মায়ী কি মেহ কিছু মাত্র



কমে নাই। তাঁহারাও বোধ হয় আমাদের মতন দেখেন। বিজয় ও শিবনাথ কেশবকে ছাড়িয়া গেল বলিয়া আমার মনে তাহাদের প্রতি কখনও অশ্রু ভাব আসে নাই।

নাতবোরা ;—কৃষ্ণবিহারীর ছেলে কুমুদেীর বিবাহেতে এবং প্রফুল্লের বিবাহেতে আমার মনে প্রথম বড় কষ্ট হইয়াছিল, কিন্তু যখন বিবাহ হইয়া গেল এবং বোরা ঘরে আসিল তখন ক্রমে ক্রমে বোদের গুণ দেখিয়া আমি মোহিত হইয়া গেলাম। প্রফুল্লের বো ও কুমুদের বোকে আমি জাতের নৌএর চেয়ে কিছু কম ভাল বাসি না। মোহিনী স্কুলের চেয়ে বয়সে বড় ছিল, তাহাতে মেজ বোএর অমত হইলেও আমি কিছু ভাবি নাই। মোহিনীর গুণে ও ধর্মভাবে তাহাকে সকলেই ভালবাসত, কিন্তু অল্প দিনের ভিতর কুমুদের নৌ সরযূর পূর্বে ব্রাহ্মসমাজের সঙ্গে কিংবা ধর্মের সঙ্গে কোনও সম্পর্ক না রাখিয়াও কি করিয়া অত ধর্ম মতি হইল ইহাই আশ্চর্য। মোহিনীর চিরকাল আকাজক্ষা ছিল আমার মতন হয়। মোহিনী কিম্বা সংযুক্ত মুখে আমি কখন কাহারও নিন্দা শুনি নাই। মোহিনী কেশবকে সাক্ষাৎ দেবতার মতন দেখিতেন, সেই জন্ত তাহার একান্ত ইচ্ছা ছিল যে, কেশবের পরিবারের সঙ্গে এক হয়, তাহার যে সম্বন্ধ এসেছিল সেখানে বিবাহ করিলে সে রাজমুখে থাকিতে পারিত কিন্তু মোহিনী তাহা তুচ্ছ করিয়া কেশবের সঙ্গে এক হইল। এই বিবাহে মোহিনীর বাবা,

প্রতাপ প্রভৃতি সকলের অমত ছিল। কিন্তু মোহিনীর কেশবের প্রতি ভক্তি ও মোহিনী করুণার বিবাহের ইচ্ছা দেখিয়া আমি কেশব ও মহারাণী এই বিশাহ দিই। মোহিনীকে আমি খুবই ভাল বাসিতাম বলিয়াই তোমার (সরলা) বিবাহও আমি দিই।

পরমহংস ;—রামকৃষ্ণ পরমহংস মহাশয় একদিন আদিসমাজ দেখিতে গিয়াছিলেন। সেখানে তনুজন উপাসনা করিতেছিলেন। পরমহংস উপাসনার পর বলিলেন, এই তিন জনের ভিতর এক জনকে দেখে বুঝিতে পারিলাম ইহারই হইয়াছে। তারপর তিনি কেশবের সঙ্গে ভাব করেন। তারপর থেকে আমাদের বাড়ীতে আসিতেন, ঐ তেতলার ঘরে প্রথম আমি তাঁহাকে দেখি। কেশবের কাছে এসে তিনি কেশবের হাত ধরে নাচিতেন ও গান গাহিতেন। আর একদিন কমল কুটীরে মাঘোৎসবের সময় বরণের দিন সংকীর্্তনের পর আমি বলিলাম “আপনি কিছু পান” তিনি খানিকক্ষণ ভাবিয়া বলিলেন, হাঁ; মা বলিয়া দিয়াছিলেন, কেশবের বাড়ী থেকে এক খানি জিলিপি খেয়ে আসি।” আমি এক খান জিলিপি দিলাম তিনি হাত কাত করিয়া লইয়া খাইলেন, (তিনি হাত সোজা করিতে পারিতেন না) তারপর যখন চলিয়া যান কেশবকে বলিলেন, দেখ কেশব আমি যখন আসি মা বলিয়া দিয়াছিলেন কেশবের বাড়ীতে যাইতেছ একটি কুল্পী বরফ খেয়ে এসে। তখন সেখানে

কুল্পীওয়ারা ছিল না, কেশব কুল্পী কোথায় পান ভাবিতেছেন এমন সময় হঠাৎ একজন কুল্পীওয়ারা আসিল একটি কুল্পী কেশব দিলেন, তিনি খুব অস্বাদ করিয়া খাইলেন। সেই বরণের দিন সংকীর্্তনের সময় কেশব ও পরমহংস অনেকক্ষণ হাত ধরাধরি করিয়া নাচিলেন। কীর্্তন শেষ হইয়া গেলে তিনি আমায় বলিলেন “দ্যাখ মা তোমার বত নাড়িভুড়ি নিয়ে পৃথিবীর লোকে এর পরে নাচবে তোমার ঐ ভাণ্ড থেকে এই ছেলে বেরিয়েছে।”

তাঁহাকে আমার বড় ভাল লাগিত আমি প্রায়ই দক্ষিণেধরে যাইতাম। তিনি কত যে ভাল ভাল কথা বলিতেন তাহা এখন আমার সব মনে নাই। একবার বলিয়া ছিলেন—“দেখ মা ভায়ে ভায়ে দড়ি ধরে মাপে আর বলে এই দিকটা তোমার আর ঐ দিকটা আমার। কিন্তু কার যায়গা মাপছে আর কেই বা নেয় সেটা কিছু ঠিক করে না।” আর একদিন দক্ষিণেধরের বাগ সে আমি ও কেশব বাই, তিনি অনেক কথার পর আমায় বলিলেন “দ্যাখ মা আমি অনেক কষ্টে মাকে ধরেছি কিন্তু কেশবের সঙ্গে মিশে সেটুকু যায়, বুঝি আমি শেষে এসে মিরাকারে পড়ি।” এই রকম যে কত কথা হইত তার শেষ নাই। কিন্তু এখন সব মনে আসিতেছে না।

লেডি ডফারিণ;—কমলকুটীরে তাঁহার সঙ্গে দেখা হয়, মহারাণী যত ফুলের গহনা আনাইয়াছিলেন। আমি তাঁহাকে সমস্ত

গহনা এক একটা করিয়া পরাইয়া দিলাম, সমস্ত দেশী খাবার ইত্যাদি খাইলেন। লেডি ডফারিণ যে আমায় কত যত্ন করিলেন তাহা বলা যায় না। তাঁর কথার ভাবে বুঝা গেল আমাকে দেখে বড় খুসী হইয়াছেন।

আর একদিন তাঁর নিমন্ত্রণ মত মহারাণী সকলকে লইয়া বড়লাট সাহেবের বাড়ীতে গেলেন, আমার সঙ্গে সরলা ও বুলবুলি মহারাণীর কথামত গেল। সেখানে লেডি ডফারিণের আমার প্রতি এবং সমস্ত পরিবারের প্রতি কি আদর কি যত্ন তাহা বলা যায় না। মহারাণীকে যে লেডি ডফারিণ কত ভাল বাসিতেন তাহা তাঁর যত্নে আদরে বুঝা গেল।

মারো মাঝে বোম্বাই মাদ্রাজ ও এমেরিকা থেকে অনেক লোক আমার সঙ্গে দেখা করিতে আসিতেন। তার ভিতর সাণ্ডারলেণ্ড, হারউড, ধর্মপাল আরও কে কে সব মনে নাই। ধর্মপাল এবং আরও ১৪ জন সখুকে আমি নিজে রাখিয়া থাকিয়াইয়াছিলাম।

আমার এখনকার অবস্থা তুমি জানিতে চাচিত্তেছ। আমার শশুর দেওয়ান রামকমল সেনের পরিবার গুদ্র একত্র করিলে সমুদায় পরিবারের প্রায় ২০০ শতেরও অধিক হইবে, আমার নিজের পরিবারও প্রায় ১০০শত, এই বৃহৎ পরিবারের প্রতিদিন কোন স্থানে শোক দুঃখ বা কোনও স্থানে আনন্দোৎসব হইতেছে। এই সমস্ত শোক দুঃখ আনন্দোৎসবের খবর প্রায় রোজই আমার নিকট আসিতেছে। ভগ-



বানু আমাকে একেবারে আনন্দে কিম্বা একেবারে দুঃখে থাকিতে দিচ্ছেন না। সুখে এবং দুঃখে তিনি আমার পোড়াইতে পোড়াইতে সুখ দুঃখের বাহিরে লইয়া যাইতেছেন। আমার এক অংশ যেমন রাজসিংহাসনের উত্তরাধিকারী আর এক অংশ গৃহশূন্য অর্থহীন প্রায় পথের তিথারী, সূতারং সুখ সংবাদেও আমি উতলা হই না এবং দুঃখের সংবাদেও আমাকে কাতর করিতে পারে না। এই সমস্ত শীলাময় হরির খেলা মনে করি, এখন আমি এই প্রকাণ্ড পরিবারের মধ্যে বসিয়া, ভাই, এক চোখে হাসি এক চোখে কাঁদি।

### ব্রতকথা ।

হিন্দু রমণী চিরদিন ব্রতপরায়ণা। তাই হিন্দু সমাজে নানা প্রকার ব্রতানুষ্ঠান দেখিতে পাওয়া যায়। পঞ্চম বর্ষীয়া বালিকা হইতে অশীতিপর বৃদ্ধা পর্য্যন্ত সকলের জন্মই ব্রত নিদিষ্ট আছে। হিন্দু মহিলাগণ প্রতিমাসে কোন না কোন প্রকারের ব্রত অত্যন্ত নিষ্ঠার সহিত পালন করিয়া থাকেন। ব্রাহ্মসমাজে নারীগণের জন্ম কোন প্রকার বিধিবদ্ধ ব্রত নাই। কারণ ব্রাহ্মগণ প্রকৃতিবিরুদ্ধ কোন প্রকার বিধিবদ্ধ নিয়মের অধীন হইয়া চলা ধর্মবিরুদ্ধ মনে করেন। প্রকৃতি যে সময়ে যে প্রকার ব্রতগ্রহণ করিতে নির্দেশ করিবেন, তাহাই গ্রহণ করিতে হইবে। অনেকে ব্রতগ্রহণ করা প্রয়োজনীয় মনে করেন না। আমি

এ মতের পক্ষপাতী নহি, কারণ পরীক্ষা দ্বারা জানা গিয়াছে, ব্রতের দ্বারা চরিত্রের অনেক প্রকারের দোষ, ক্রটি এবং দুর্বলতা অপনীত হয়। মনকে ধর্মভাবাপন্ন করিবার জন্ম ব্রতগ্রহণ বিশেষ প্রয়োজন। হিন্দু রমণীগণ বাল্যে পুণ্যপুকুর, বমপুকুর, সৈঁ যতি, গোকল পুভতি ব্রতানুষ্ঠান করিয়া থাকেন। যৌবনে মঙ্গলবার, বৈশাখ মাসে ফলদান এবং প্রৌঢ়াবস্থায় তালনবমী, দুর্কাষ্টমী, অনন্ত চতুর্দশী ও আরও অনেক প্রকারের ব্রতপালন করেন। ব্রাহ্মসমাজের বালক বালিকাদিগের জন্ম নববিধানাচার্যা কেশব চন্দ্র চিত্রসাধন ব্রত নামক একটি ব্রতের বাবস্থা করিয়াছেন। বর্তমান প্রবন্ধে ব্রাহ্মসমাজের বালক বালিকাদিগের কোমল মনকে কোন প্রকারে বিকৃত হইতে না দিয়া যাহাতে তাহাদের মনে অল্পে অল্পে সদ্ভাবের বীজ অঙ্কুরিত হইতে পারে তাহারই আলোচনায় প্রবৃত্ত হওয়া যাইতেছে।

প্রত্যহ প্রাতে শয্যা হইতে উঠিয়া অল্পবয়স্ক বালক বালিকাগণ যাহাতে সরলভাবে ও ভাষায় ঈশ্বরের নিকট প্রার্থনা করে ও তাঁহার চরণে প্রণাম করে তদ্বিষয়ে তাহাদিগকে শিক্ষা দেওয়া প্রয়োজন। আমাদের জনৈক প্রচারক বন্ধু তাঁহার কথাকে এইরূপ করিতে শিক্ষা দিয়াছেন। বন্ধু অতি প্রত্যুষে উঠিয়া ব্রহ্মের অষ্টোত্তরশত নাম পাঠ করেন, তাহার পর তাঁহার বালিকা কন্যা নিম্ন-লিখিত প্রার্থনাটি পাঠ করে।

মা আমায় ভাল কর এই বর চাই।  
ভাল যদি হই ভাল বাসিবে সবাই ॥  
তুই বেলা ভক্তিভাবে গাব তব নাম।  
পিতা মাতা গুরুজনে করিব প্রণাম।  
গুরু কিম্বা রাজা রাজপ্রতিনিধি যাঁরা।  
নমি সবে জানি পিতামাতা সম তাঁরা।  
তাই ভগ্নী আদি সবে ভালবাসা দিব।  
দাস দাসী সবাকেই আদর করিব ॥  
দীন দুঃখী সবে সদা সদয় হইব।  
পশু পক্ষী আদি জীবে পালন করিব ॥  
প্রত্যুষে উঠিয়া নিজ কার্যে মন দিব।  
ভাল করে মন দিয়া লিখিব পড়িব ॥  
আলস্যে সময় ব্যথা নষ্ট না করিব।  
রাগ দ্বেষ মারামারি কভু না করিব ॥  
কব সদা সত্য কথা মিথ্যা না কহিব।  
ছাই কথা কদাপিও মুখে না আনিব ॥  
কদাপি কাহারও মনে ব্যথা নাহি দিব।  
লক্ষ্মী মেয়ে হয়ে সুখী সকলে করিব ॥  
দিবসেতে কাজ করি রাত্রে ঘুমাইব।  
অরিয়া তোমার দয়া ধন্যবাদ দিব ॥  
দাও বর করিতে প্রতিজ্ঞা পালন।  
বার বার নমি মাগো ধরিয়া চরণ ॥

ব্রাহ্মসমাজের বিশেষ ভাবে নববিধান মণ্ডলীর লোকেরা যদি এই প্রথাটি গ্রহণ করেন তাহা হইলে মন্দ হয় না। আমি মণ্ডলীর বালক বালিকাগণের পিতামাতা ও অভিভাবকবর্গকে এ বিষয়ে চিন্তা করিতে অনুরোধ করিতেছি। আমাদের জীবন ব্রতধারীর জীবন হইবে, কোন প্রকার স্বেচ্ছাচারিতা অথবা ধর্মবিরুদ্ধ ভাব তাহাতে স্থান পাইবে না। কিন্তু অনেক সময়ে আমরা আমাদের জীবন ও

দৈনন্দিন কার্যকলাপের মধ্যে ধর্মবিরুদ্ধ ভাবের আভাষ প্রাপ্ত হই। ইহার কারণ কি? ইহার কারণ আর কিছুই নয়, বাল্যকাল হইতে আমরা ব্রতধারীর জীবন যাপন করিতে শিক্ষিত অথবা অভ্যস্ত হই নাই। সেই জন্ম আমার মনে হয় বালক বালিকাদিগকে তাহাদের বয়সোপযোগী ব্রতাদিপালন করিতে শিক্ষা দেওয়া উচিত। আমাদের উপরোক্ত প্রচারক বন্ধু তাঁহার বালিকা কন্যাকে প্রতিদিন পারিবারিক দেবালয়ে উপাসনার আসন পাতা, কাঁট দেওয়া ধূনা দেওয়া ইত্যাদি সমস্ত কাজ করিতে শিখাইয়াছেন। বালিকা যখন প্রতিদিন প্রাতে অত্যন্ত নিষ্ঠার সহিত দেবালয়ে কাজ করে, তখন তাহা দেখিয়া আমার প্রাণে অত্যন্ত আনন্দ হয় এবং ইচ্ছা হয় যদি সমস্ত মণ্ডলীর পিতামাতাগণ এইরূপে তাঁহাদের কন্যাকে উপাসনাগৃহের প্রতি নিষ্ঠাব্রতপালনে শিক্ষা দেন তবে অত্যন্ত সুখের বিষয় হয়। আমার মাতৃদেবী প্রতিদিন শিবপূজা করিতেন। বাল্যকালে আমি প্রতিদিন প্রাতে ফুলের সাজী হাতে লইয়া প্রতিবেশীদিগের বাগান হইতে তাঁহার পূজার জন্য ফুল বিলপত্রাদি চয়ন করিয়া আনিতাম। মাতৃদেবী যখন আমার আনীত পুষ্পাদি দ্বারা তাঁহার ঈষ্টদেবতার পূজা করিতেন, তখন আমার মনে অত্যন্ত আনন্দ হইত। ব্রাহ্মপিতামাতাগণ যদি তাঁহাদের অল্পবয়স্ক পুত্রকন্যাগণকে এইরূপে পুষ্পাদি সংগ্রহ করিয়া উপাসনার গৃহ সাজাইতে শিক্ষা দেন, তবে তাহার দ্বারা তাঁদের মনে



বিশেষভাবে একটি পবিত্র ভাবের সঞ্চার হইতে পারে।

যদিও আমরা কোনপ্রকার বাহু পূজা অথবা ব্রতানুষ্ঠান পালন করি না, কিন্তু যাহাতে আমাদের পুত্রকন্যাগণ নীতি এবং সাধুভাব দ্বারা বর্ধিত হয় তাহার জন্ত আমরা আপনাদিগকে সর্বদা যত্নশীল হইতে হইবে। বালকবালিকাদিগের মনে প্রথমতঃ পিতা মাতা ভাই ভগ্নী, প্রতিবেশী এবং সহপাঠী ও খেলার সাথীদিগের ব্যবহারের একটি সংস্কার অঙ্কিত হয় এবং যদি বিশেষরূপ বাধাপ্রাপ্ত না হয় তবে সেই সংস্কার অনুসারেই তাহার ভাবী জীবন গঠিত হইতে থাকে। বালকবালিকাদিগকে সাধুভাবাপন্ন করিতে হইলে এবং সকল প্রকার কুসংস্কারের হাত হইতে রক্ষা করিতে হইলে সর্বপ্রথমে পিতামাতাকে নানাবিধ সংযমী ও ব্রতপরায়ণ হইতে হইবে। আমি একটি পরিবারে দেখিয়াছি, গৃহস্থানী ক্রুদ্ধ হইয়া স্বীয় পত্নীকে তিরস্কার করেন। তিরস্কারের সময় তিনি যে সকল ভাষা ব্যবহার করেন, তাহার বালক পুত্রও এক দিন ক্রুদ্ধ হইয়া তাহার জননীর প্রতি সেই সকল বাক্য প্রয়োগ করিতেছে। তাহা দেখিয়া আমি গৃহস্থানীকে বলিলাম, “আপনি স্বয়ং আপনার এই পুত্রটিকে নষ্ট করিতেছেন। যাহাতে পরিবার মধ্যে কোন প্রকারের হীনতার লেশমাত্র না থাকে তাহার জন্ত বিশেষভাবে যত্ন করিতে হইবে। নীতিশিক্ষা এবং নীতিপালন ইহাই বালকবালিকাগণের ব্রত। পিতামাতা এবং অভিভাবকগণ স্বীয় পুত্রকন্যাগণের

কৃতি, প্রকৃতি এবং সামর্থ্যানুসারে তাহাদিগকে নীতিশিক্ষা দিতে চেষ্টা করিবেন। অনেক সময়ে কঠোর নীতির অবলম্বনে কুফল ফলিয়া থাকে। হিন্দুপরিবারে প্রায় দেখিতে পাওয়া যায়, পুত্র কন্যাগণ কোন প্রকার মন্দ আচরণ করিলে পিতা মাতা অথবা অভিভাবকগণ তাহাদিগকে তাহাদের মন্দ আচরণের অনিষ্টকারিতা বুঝাইতে চেষ্টা করেন না অথবা তাহা জানেন না; কিন্তু প্রহার করিতে জানেন। তাহার ফলে পুত্র কন্যাগণ অনেক সময়ে কপটাচরণ শিক্ষা করে। পিতা মাতা অথবা গুরুজনদিগের অসাক্ষাতে মন্দাচরণ করে এবং ধরা পড়িলে মিথ্যা কথা বলিয়া তাহা গোপন করিতে চেষ্টা করে। আচার্য্য কেশবচন্দ্র বলিয়াছেন “সর্বদা পুত্রকন্যাগণের উপর হস্তপেক্ষ করিও না, কিন্তু যথোপযুক্ত যত্ন প্রভাবের অধীনে তাহাদিগের হিতকর উন্নতিলাভ করিতে দাও।

বালক বালিকাদিগকে নিম্নলিখিত কয়েকটি বিষয়ে সর্বদা সাধন ও পালন করিতে অভ্যাস করাইতে হইবে। সত্যবাদিতা, হিংসা না করা, পরিচ্ছন্নতা, ইত্যর প্রাণীগণের প্রতি দয়া, পরোপকার এবং সংস্কার। বালক বালিকাদিগের মনে যাহাতে অসত্যের প্রতি বিজাতীয় ঘৃণার উদ্বেক হয়, তাহার জন্ত অসত্যের অপকারিতা এবং সত্যের উপকারিতা সম্বন্ধে ক্ষুদ্র ক্ষুদ্র আখ্যায়িকা বর্ণনা করা ভাল। তদ্বিন্ন যখনই তাহাদের বাক্যে অথবা কার্য্যে কোন প্রকার অসত্যভাব প্রকাশ পাইবে, তখনই তাহাদিগকে সতর্ক করিয়া

দেওয়া উচিত। কোন কোন বালক বালিকা হিংসাপরায়ণ হয়। আপন ভাই ভগ্নী অথবা কোন আত্মীয় স্বজনের পুত্র কন্যা বাটীতে আসিলে তাহারা খাওয়া দাওয়া অথবা অশ্লীল বিষয়ে তাহাদের প্রতি হিংসা করে। পিতামাতা অথবা অভিভাবকগণ স্বীয় পুত্র কন্যাগণের এরূপ কোন ব্যবহার দেখিলে তৎক্ষণাতঃ তাহা সংশোধন করিতে যত্ন করিবেন। তাহাদের কোমল মনে যাহাতে বাল্যকাল হইতেই ব্রতভাবের সঞ্চার হয় তাহার প্রতি বিশেষ দৃষ্টি রাখিতে হইবে। আমাদের দেশে পরিষ্কার পরিচ্ছন্নতার অভাব বিশেষভাবে দৃষ্ট হয়। আমার মনে হয় ইহা প্রাচ্যজাতির একটি প্রকৃতিগত দোষ। এবিষয়ে আমরা পাশ্চাত্যজাতির বহুদূর পশ্চাতে পড়িয়া আছি। অনেকে বলেন পরিষ্কার পরিচ্ছন্নতা বিলাসিতার পরিচয়। পাশ্চাত্যজগতে তাহা কতক পরিমাণে সম্ভব হইতে পারে। কিন্তু আমাদের দেশে তাহা সাধারণতঃ একেবারেই অসম্ভব। কারণ আমাদের দেশে দরিদ্রলোকেরই সংখ্যা অধিক। কিন্তু তাহা বলিয়া অনেকে যেমন দরিদ্রতার ভান করিয়া পরিষ্কার পরিচ্ছন্নতাকে উপেক্ষা করিয়া থাকেন তাহাও ঠিক নহে। ইচ্ছা থাকিলে এবং চেষ্টা করিলে অতি অল্প ব্যয়েও পরিষ্কার পরিচ্ছন্ন হওয়া যায়। পুত্র কন্যাগণকে বহুমূল্য বস্ত্রালঙ্কার দ্বারা সজ্জিত করিবার প্রয়োজন নাই, সাদাসিধা মোটামুটি কাপড়ই যথেষ্ট। কিন্তু সেগুলি যাহাতে পরিষ্কার পরিচ্ছন্ন হয় তাহার জন্ত

যত্ন করিতে হইবে। অনেকে শীঘ্র ময়লা করিয়া ফেলিবার ভয়ে পুত্র কন্যাগণকে পরিষ্কার বস্ত্র সর্বদা পরিধান করিতে দেন না, কেবল কোথাও যাইতে হইলে অথবা নিমন্ত্রণাদি রক্ষা করিবার জন্ত কেবল শুভ্র পোষাকী বস্ত্র পরিধান করিতে দেন। আমি এ প্রথার অসম্মোদন করি না। সত্য বটে বালক বালিকাগণ ধূলাখেলা করিয়া বস্ত্র মলিন করিয়া ফেলে। কিন্তু যাহাতে তাহারা যে প্রকার খেলার দ্বারা বস্ত্র মলিন হয়, সে প্রকার খেলা না করে, তাহাই তাহাদিগকে শিক্ষা দেওয়া উচিত। ইংরাজ বালক বালিকাগণও খেলা করিয়া থাকে, কিন্তু তাহারা তাহাদের বস্ত্রাদি মলিন হইতে দেয় না। আমার মনে হয়, আমাদের দেশে যে সকল প্রাচীন ধরণের খেলা আছে তাহা আর বালক বালিকাগণকে না খেলিতে দেওয়া ভাল। খেলার প্রধান উদ্দেশ্য অঙ্গচালনা দ্বারা পরিপাক শক্তির বৃদ্ধি এবং তদ্বারা শারীরিক বলবৃদ্ধি। আমরা যেরূপ আহার করি তাহাতে আমাদের পক্ষে ভ্রমণ ও উৎসব ভাঁজা প্রভৃতি শারীরিক অঙ্গচালনার ব্যাপারই যথেষ্ট বলিয়া মনে হয়। ইহা ব্যতীত গৃহসংলগ্ন পুষ্প অথবা ফলের উত্থানে বালক বালিকাদিগকে সময়ে সময়ে অথবা নিয়মিতরূপে কিছু কিছু কাজ করিতে দেওয়া ভাল। তাহাতে ব্যায়াম ও শিক্ষা একাধারে হইতে পারে। এই সকল বিষয়ের দ্বারা বস্ত্রও মলিন হয় না এবং পরিপাকশক্তিও বর্ধিত হয়। বালক বালিকাদিগকে পরিষ্কার পরিচ্ছন্ন বস্ত্র



পরিধান করিতে দেওয়া এবং যাহাতে তাহার উহা সর্বদা পরিষ্কার পরিচ্ছন্ন রাখা তদ্বিষয়ে তাহাদিগকে শিক্ষা দেওয়া উচিত। প্রয়োজন হইলে যাহাতে তাহার সাবান দ্বারা আপনাদিগের পরিধেয় বস্ত্র প্রত্যহ ধৌত করে তদ্বিষয়েও তাহাদিগকে শিক্ষা দেওয়া ভাল, কারণ তাহার দ্বারা পরিষ্কার পরিচ্ছন্নতা এবং মিতব্যয়িতা একাধারে রক্ষিত হইতে পারে।

ইতর প্রাণিগণের প্রতি নিষ্ঠুরাচরণ করা যেন বালক বালিকাগণের একটি প্রকৃতিগত আমোদ। অনেক সময়ে দেখা যায় বর্ষাকালে কোন পুষ্করিণীতে ভেক ডাকিতেছে, আর কতকগুলি বালক তীরে দাঁড়াইয়া চেলি মারিতেছে অথবা পথের ধারে অনাহারক্রিপ্ত কুকুর দাঁড়াইয়া আছে, হঠাৎ কোথা হইতে একটি লোষ্ট্র খণ্ড আসিয়া তাহাকে আঘাত করিল, বেচারী যন্ত্রণায় অস্থির হইয়া চিৎকার করিতে করিতে পলায়ন করিল। পথের ধারে একটি কাঁচপোকা উড়িতেছে, বালিকা অতি সতর্কতার সহিত তাহার প্রাণবধ করিবার জন্ত কৌশল করিতেছে এবং তাহার প্রাণবিনাশ করিয়া তাহার অঙ্গ বিশেষের দ্বারা টিপ প্রস্তুত করিয়া স্মীয় কপোলের শোভা বর্দ্ধন করিতেছে। পুত্রকন্যাগণ যাহাতে এ প্রকার নিষ্ঠুরাচরণ না করে তাহার জন্ত পিতামাতাগণ যেন স্মীয় সন্তানসন্তৃতিকে বিশেষভাবে শিক্ষা দেন। লোকসমাজের বালকবালিকাগণ এ সকল নিষ্ঠুরাচরণ করে না সত্য, কিন্তু তাহাদিগের মনে পশু পক্ষী প্রভৃতি ইতর-

প্রাণীদিগের প্রতি সদয় ব্যবহার করিবার ভাব এখনও পূর্ণমাত্রায় ফুটিয়া উঠে নাই। প্রতিদিন নিয়ম করিয়া ইতর প্রাণীদিগকে খাদ্যদ্রব্য দান করা একটি ব্রত হইতে পারে। শ্রীমদাচার্য্য কেশবচন্দ্র প্রতি দিন চড়াই পক্ষীদিগকে কড়াই দিতেন। তাঁহার রচিত একটি কবিতা আছে, তাহার কত-কাংশ এখানে উদ্ধৃত করিয়া দেওয়া গেল।

আয়রে চড়াই, খাওরে কড়াই,  
আপন বুদ্ধিতে যে করে বড়াই,  
তার গালে খুব কসে চড়াই,  
চড়াই রে চড়াই, যেন তোর  
হরির চরণ পাই।

ইতর প্রাণীদিগকে খাদ্য দ্রব্য দান প্রভৃতি ব্রতসাধনে পিতামাতাদিগের স্মীয় পুত্র-কন্যাগণকে উৎসাহদান ও সাহায্য করা উচিত। তদ্বিষয় কোন ছুট বালক কোন ইতর প্রাণীর প্রতি অত্যাচার করিতেছে দেখিলে তাহাকে নিবৃত্ত করিবার জন্যও যত্ন করিতে হইবে। সকল প্রাণীই ঈশ্বরের সৃষ্ট জীব, তাহাদিগেরও সমান যাতনা বোধ আছে, এই শিক্ষা বিশেষভাবে তাহাদিগের অন্তঃকরণে মুদ্রিত করিয়া দিতে হইবে।

সকল ব্রতের শ্রেষ্ঠ ব্রত পরোপকার। যাহারা পরের সেবায় জীবন উৎসর্গ করেন তাঁহারা হই ধন্য। আচার্য্য কেশবচন্দ্র বলিয়াছেন, “ধন্য তাঁহারা যাহারা একটিরও মুখে অন্ন তুলিয়া দেন।” এই পরোপকার ব্রত বাল্যাবস্থা হইতে অভ্যস্ত না হইলে, পরিণত বয়সে ইহা পালন করা অত্যন্ত দুঃস্থ হইয়া পড়ে। কারণ যৌবন

ও বার্ককো অনেকেই স্ত্রী, পুত্র, পরিবার লইয়া একরূপ বিব্রত হইয়া পড়েন যে, ইচ্ছা সত্ত্বেও আর অপরের উপকার করিবার অবকাশ হইয়া উঠে না। পিতা মাতাকে পরোপকারব্রতপালনে ব্রত দেখিলে সন্তানগণও সহজে তদ্ভাবাপন্ন হইতে পারে। বালক বালিকাগণ যাহাতে তাহাদের ক্ষুদ্র ক্ষুদ্র চেষ্টা দ্বারা পরোপকারব্রত পালন করে সে বিষয়ে পিতামাতার উৎসাহ দেওয়া প্রয়োজন।

সঙ্গদোষ ভয়ানক সংক্রামক ব্যাধির স্থায় বালক বালিকাদিগকে আক্রমণ করে। অতএব তাহাদিগকে সংক্রামক ব্যাধির হাত হইতে রক্ষা করিবার জন্ত পিতামাতা যেকোন যত্ন করেন, সঙ্গদোষ হইতে স্মীয় পুত্র কন্যাগণকে রক্ষা করিবার জন্ত সেইরূপ যত্ন করিবেন। বালক-বালিকাগণ দাস দাসী, খেলার সাথী এবং বিদ্যালয়ের সহপাঠীদিগের নিকট হইতে নানাবিধ অসংবাক্য এবং অসদাচরণ সাধারণতঃ শিক্ষা করে। অসচ্চরিত্র দাস দাসীদিগকে গৃহ হইতে বিদায় করিয়া দিয়া, অসচ্চরিত্র বালকবালিকাদিগের সহিত মিশিতে না দিয়া কোন উপায়ে অসংসঙ্গের প্রভাব হইতে বালকবালিকা-দিগকে রক্ষা করা যায়; কিন্তু বিদ্যালয়ে নানা প্রকার বিভিন্ন চরিত্রের বালকবালিকা-দিগের সহিত সংমিশ্রণে কোমল স্বভাব বালকবালিকাদিগের চরিত্র বিগুণ্ড থাকি-কিন্তু তাহাতে কোন প্রকার অসংসঙ্গার মুদ্রিত মা হওয়া একেবারেই অসম্ভব। আমাদের গ্রামে জনৈক শিক্ষিত ভদ্রলোক

তাঁহার পুত্র কন্যাকে পাছে তাহারা অসংসর্গে পতিত হয় এই ভয়ে কখনও বাটীর বাহির হইতে দেন না অথবা গ্রামের কোন বালক বালিকাকে তাঁহার বাটীতে যাইতে দেন না। কিন্তু একদিন আমি তাঁহার এক পুত্রকে তাহার কোন সহ-পাঠীর সহিত বিদ্যালয় হইতে গৃহে প্রত্যাগমনকালে কোন অসং বিষয়ে প্রশংসা করিতে দেখিয়া আশ্চর্য্যান্বিত হইয়া গেলাম। ইহার দ্বারাই প্রমাণিত হই-তেছে যে গৃহে অসংসঙ্গের প্রভাব হইতে কোনরূপে রক্ষা পাইলেও বাহিরে ইহার প্রভাব হইতে রক্ষা পাওয়া অত্যন্ত দুঃস্থ ব্যাপার। যাহাতে বালকবালিকাদিগের মনে অসংসঙ্গের প্রতি আন্তরিক ঘৃণার উদ্বেক হয় তাহার জন্ত সর্বসাধ্য যত্ন করিতে হইবে। সহপাঠীদিগের দ্বারা তাহাদের মনকে এ বিষয়ে বিশেষরূপে প্রস্তুত করিতে হইবে।

এই প্রবন্ধে ব্রতের কথা লিখিতে গিয়া অনেক কথাই লেখা হইল। হিন্দু-সমাজে বালকবালিকাগণ যে সকল ব্রত-পালন করে তাহার দ্বারা তাহাদের কোন প্রকার নৈতিক উন্নতি হয় না। অনেক স্থলে তাহারা সেই সকল ব্রতপালনের অর্থ ও উদ্দেশ্য কি তাহাও জানে না, তাহাদের পিতামাতা ও অভিভাবকগণও তাহাদিগকে তাহা বুঝাইয়া দিত যত্ন করেন না। একরূপ স্থলে ব্রত পালন কেবল অহুষ্ঠানমাত্রেরই পর্য্যবসিত থাকিয়া যায়। তাহা না করিয়া বালক বালিকা-গণের পক্ষে যাহা অতীব প্রয়োজনীয়,



যাহার দ্বারা তাহাদের ভবিষ্যৎ জীবন উন্নত হইবে, একপ সকল নিয়ম যাহাতে তাহারা নিয়মিতরূপে পালন করে তাহার জন্ত পিতা মাতার যত্ন করা উচিত। এই প্রবন্ধে যে সকল নিয়ম ও প্রণালী বর্ণিত হইল তাহা কেবল ব্রাহ্মসমাজ কেন সকল সমাজের ব্যক্তিগণের পক্ষেই গ্রহণীয় হইতে পারে। এই প্রবন্ধে কেবল বালক বালিকাগণের সম্বন্ধে কিছু বলা হইল। বারাস্তরে যুবক যুবতী এবং প্রৌঢ় ও প্রৌঢ়গণের ব্রতগ্রহণ এবং পালন সম্বন্ধে কিছু আলোচনা করা যাইতে পারে।

শ্রীযতীন্দ্রনাথ বসু।

### আমাদের পারিবারিক সমিতি ।

আমাদের পরিবারের একটা সভা আছে, তাহার নাম আমরা “পারিবারিক সমিতি” রাখিয়াছি। পরিবারে যাহারা একটুকু বোঝে সোজে একপ সকলেই সেই সমিতির সভ্য। মাসে একবার করিয়া অধিবেশন হওয়ার ব্যবস্থা আছে। বালক বালিকা, যুবক যুবতী, বৃদ্ধ বৃদ্ধা সকলেই উপস্থিত থাকিতে হয়। পরিবারের কর্তা যিনি তিনিই সভাপতি। আমরা সকলেই প্রাণ খুলিয়া এখানে কথা বার্তা কহিয়া থাকি। মাসের প্রথম রবিবার মধ্যাহ্নে সমিতির অধিবেশন হইয়া থাকে। বাড়ীর একটা প্রশস্ত প্রকোষ্ঠে সভার স্থান নির্দিষ্ট আছে। নির্দিষ্ট সময়ে সভাপতি সভাগৃহে আসিয়া বসি। রাজ্য হইয়া সভার সময় স্থাচত করেন। কেহ বা আগে, কেহ বা

পরে সভাগৃহে আসিয়া মিলিত হই। সকলেরই স্থান নির্দিষ্ট আছে। মেয়েরা সভাপতির দক্ষিণদিকে এবং পুরুষেরা বাম দিকে বসিয়া থাকেন। গৃহকর্তী সভাপতিরই মুখামুখী হইয়া বসেন; সূতরাং মেয়েদিগকে তাঁহার বামদিকে এবং পুরুষদিগকে তাঁহার ডানদিকে বসিতে হয়। প্রথমে একটা সঙ্গীত হয়; যিনি যিনি পারেন, সঙ্গীতে যোগ দান করেন। সঙ্গীত সমাপ্ত হইলে সভাপতি পরিবারের কল্যাণ কামনা করিয়া গৃহদেবতার নিকটে প্রার্থনা করেন। প্রার্থনান্তে সম্পাদিকা কার্য-লিপি পুস্তক হইতে গত সভার কার্যবিবরণ পাঠ করেন। আমাদের বাড়ীর বড় বউ এখন সম্পাদিকা, সমিতি স্থাপনের সময়ে কিছুকাল একটা বয়স্ক কন্যা সম্পাদিকা ছিলেন। সভা স্থাপনের দিনে সভাপতি সমিতির উদ্দেশ্য এই ভাবে বলিয়া ছিলেন;—

আমাদের সমাজের পারিবারিক ব্যবস্থা অসুসারে গৃহকর্তাই সর্বসর্বা ছিলেন। গৃহকর্তী তাঁহারই অসুগত হইয়া অন্দর-মহলে কর্তৃত্ব করিতেন। সকলের ভাব, চরিত্র ও অভাববুঝিয়া এই উভয়কে কার্য করিতে হইত। পারিবারিক মান মর্যাদা ও কল্যাণকামনার ভার ইহাদের উপরেই অস্ত ছিল। ইচ্ছায় অনিচ্ছায় পরিবারের সকলকেই ইহাদের অসুগত হইয়া চলিতে হইত। অত্যাগ্রে মানসিক যাতনা সহ করিয়াও নীরবে বিবিধ কষ্ট বহন করিতে হইত। এই কষ্ট যন্ত্রণার ফলস্বরূপ

একান্তভুক্ত পরিবারের সকলেই সৌভাগ্য ও মানমর্যাদার সমান অধিকারী হইতেন। এখন আমাদের প্রাচীন সমাজ সূর্য্য অস্তাচলের আড়ালে পড়িয়াছে, তাহাকে পুনরায় উদ্ভিত করিবার চেষ্টা বা-তজ্জন্ত অপেক্ষা করা বিড়ম্বনা মাত্র। আমরা সে বৃথা চেষ্টা করিব না, অপেক্ষাও করিব না।

এইকাল কেবল আমাদের নয়, কেবল ভারতেরও নয়, সমগ্র পৃথিবীর শঙ্কর-যুগ শঙ্কর-যুগ এইজন্ত বলিতেছি এখন সর্বত্রই মিলেমিশে একটা নূতন সমাজ সৃষ্টি হইতেছে। কি আসিয়া, কি ইউরোপ, কি আফ্রিকা, কি আমেরিকা, কোথাও আর সেই চিরাগত সভ্যতা বা তাহারই ক্রম-বর্দ্ধনজাত সমাজ বা পরিবার নাই। নানা জাতির সংস্রবে এবং নানা জাতির জাতীয় সাহিত্যের প্রভাবে প্রত্যেক জাতির মধ্যেই নানা বহির্দিক হইতে তরঙ্গ আসিয়া এক গণনাভীত মহা তরঙ্গ উঠাইয়াছে। যাহারা জাতীয় সভ্যতার পাজি খুলিয়া এক এক জাতির সভ্যতার সীমানির্বাচন-উত্থান পত্তন স্থির করিতে-ছিলেন, তাহাদের সে গণনা লগ্নাচার্য্যের গণনার ভার নিষ্কল হইতেছে। তাহারা “কি হইল, কি হইল” বলিয়া আতঙ্কে কাঁপিয়া উঠিতেছেন। আমি বলি “ভয় নাই, ভয় নাই, ভূতভাবন ভগবান্ রাখিয়া-ছেন। তোমার গণনা আমার গণনা, সর্ব-প্রকার গণনা পরাহত করিয়া ভগবানের রাজ্য ও সভ্যতা, সমাজ ও পরিবার সর্বত্র এক নূতন ভিত্তিতে প্রতিষ্ঠিত হইতেছে,

তাহাই বিশ্বাস কর, তাহাই দর্শন কর।”

এই যুগ ব্যক্তিগত স্বাধীনতার যুগ। এই যুগে সকলেই স্ব স্ব প্রধান। এই স্বাধীনতার অপব্যবহারে স্বেচ্ছাচারিতা, পরস্পর দ্বন্দ্ব কলহ, সমাজে অশান্তি ও পরিবারে অপ্রেম আসিয়াছে, এবং আসিবে। শঙ্কর-যুগে এই সকল বিপৎ-পাত অবশ্যস্বাভাবী হইলেও তন্নিবারণার্থ আমরা নানা চেষ্টা ও বিবিধ উপায় গ্রহণ করিতে হইবে। আমাদের পরিবারের কল্যাণার্থ তোমাদের প্রত্যেকের ব্যক্তিগত স্বাধীনতা, আমার কর্তৃত্ব ও গৃহিণীর বহুদর্শিতামূলক প্রভাবের সমন্বয় করিতে হইবে। ইহার একটীরও অসম্মান হইলে পরিবারে স্বেচ্ছাচারিতার প্রশয় হইবে, অপ্রেম ও অশান্তি আসিবে। এই কাল যেমন শঙ্কর-যুগ, তেমনি সমন্বয়ের যুগ। তোমরা সর্বদাই সর্বকার্য্যে এই সত্য স্মরণ রাখিবে এবং অতুসরণ করিবে। পরিবারের সকলের ইচ্ছার সমন্বয় করিয়া কার্য্যে প্রবৃত্ত হইবে। ইহাতে গৃহ-দেবতা সন্তুষ্ট হইবেন, তাঁহার আশীর্ব্বাদে পরিবারের শান্তি ও বিবিধ উন্নতি হইবে।

তোমরা সর্ব-প্রবৃত্তে মঙ্গলময় গৃহ-দেবতাকে বিশ্বাস করিবে, এবং তাঁহারই প্রীতার্থ সমস্ত কার্য্য সম্পাদন করিবে। পরস্পরের প্রতি অমায়িক সরল ব্যবহার করিবে। প্রেম ও সেবা পরিবারের বন্ধন মধুময় বন্ধন। তোমরা এই রাখি-বন্ধন-ব্রত প্রতিদিন প্রতিপালন করিবে। এই সমিতিতে তোমরা প্রাণ খুলিয়া সমুদয় কথা বলিবে, কিছুই চাপা



দিয়া রাখিবে না, প্রতিজনকেই আপনার জন বলিয়া বিশ্বাস করিবে, সুখে সুখী দুঃখে দুঃখী বলিয়া জানিবে। তোমরা কোন কথা চাপা দিয়া গেলে সেখানেই বিষবৃক্ষের বীজ উৎপন্ন হইবে। কালে তাহা পরিবাররূপে সুখসম্মিলনের প্রাণনাশ করিবে। সময়ের ইচ্ছা থাকিলে তোমরা নিঃস্বার্থ বিরোধী ভাবের মধ্যে ও সম্মিলনের সূত্র পাইবে। ব্যক্তিগত না ব্যষ্টিগত ও সমষ্টিগত স্বাধীনতা ও ইচ্ছার সম্মিলন হইবে বলিয়াই এই যুগের এত মহাত্মা! তোমরা পরিবার মধ্যে এই যুগধর্ম রক্ষা করিতে সর্বদা যত্নপর হও, ভগবান তোমাদের সহায় হউন এবং এই সম্মিতিকে আশীর্বাদ করুন।

সভাপতির বক্তব্য শেষ হইলে সেইদিন এবং তৎপরবর্তী কয়েক অধিবেশনে কতকগুলি নিয়ম নির্ধারিত হইয়াছিল। সেই নিয়ম গুলির মর্ম এইরূপ :—

১। আমাদের মধ্যে একটী “আদর্শ পরিবার” গঠন করা সম্মিতির লক্ষ্য।

২। পরিবারের প্রতিজনের ব্যক্তিত্ব স্বীকার এবং সকলের ইচ্ছার সমন্বয় করিয়া সম্মিতির সমুদয় নির্ধারণ সর্ব সম্মতিমতে স্থিরীকৃত হইবে।

৩। গৃহ ও পরিবারের সমস্ত কার্য বিভাগ করিয়া এক একজন এক বা ততোধিক কার্যের ভার গ্রহণ করিবেন।

৪। এতদর্থে এই বিভাগগুলি হইল; (ক) আয়, (খ) ব্যয়, (গ) দ্রব্য ক্রয় ও বিক্রয়, (ঘ) ভাণ্ডার, (ঙ) পাক ও তৎসম্পর্কীয় কার্য, (চ) গৃহ ও গৃহদ্রব্য পরিষ্কার

পরিচ্ছন্ন রাখা, (ছ) সমস্ত বাড়ীর পরিষ্কার পরিচ্ছন্নতা রক্ষা, (জ) আয় ব্যয়ের বখা যথ হিসাব বা জমা খরচ রাখা, (ঝ) শিশুদের তত্ত্বাবধান, (ঞ) পরিবারের প্রত্যেকের লেখাপড়ার উন্নতির চেষ্টা ও বন্দোবস্ত করা, (ট) প্রতিজনের নীতি ও ধর্ম শিক্ষার বন্দোবস্ত করা, (ঠ) সমবেত পূজা ও পূজার ঘরের পবিত্রতা রক্ষা করা, (ড) রোগীর সেবা ও শুশ্রূষা করা, (ঢ) পরিবারের প্রত্যেকের জন্ম সঞ্চিত অর্থ রক্ষার বন্দোবস্ত করা এবং (ণ) সাময়িক উৎসবদির ভার।

আবশ্যক মতে আরো বিভাগ সংযোজিত হইতে পারিবে।

৫। গৃহকর্তা ও গৃহিণী আপনাদের মধ্যে বিভাগ করিয়া সমুদয় বিভাগের তত্ত্বাবধান করিবেন। সম্মিতির কার্য কিবরণীতে তাহা লিপিবদ্ধ থাকিবে।

৬। প্রতি ৬ মাসে বিভাগগুলির ভার নূতনরূপে দেওয়া হইবে। সমর্থদিগকে সকল কার্যের জন্ম প্রস্তুত করাই এইরূপ পরিবর্তনের উদ্দেশ্য থাকিবে।

৭। গৃহকর্তা ও গৃহিণী সকলকেই আদেশ করিতে পারিবেন। জ্যেষ্ঠেরা কনিষ্ঠদিগকে সাহায্যার্থ আদেশ করিতে পারিবে। রুগ্নেরা সকলকেই আবশ্যকীয় কার্যের জন্ম আদেশ করিতে পারিবে।

৮। কাহাকে কোন কার্যের জন্ম আদেশ করিলে তিনি সেই কার্যের জন্ম আবার অগ্রকে আদেশ করিতে পারিবেন না। আবশ্যক হইলে অগ্রের সহায়তা গ্রহণ করিতে পারিবেন।

৯। সম্পাদিকা নিয়মিতরূপে সভার কার্য বিবরণ সভাপতিকে দেখাইয়া কার্যপুস্তকে লিখিয়া রাখিবেন এবং সভাপতি তাহাতে সই দিবেন।

১০। সকলেই সর্ব প্রযত্নে পরিবারে শান্তি ও শুদ্ধতা রক্ষা করিবেন।

১১। কোন দরকারী বিষয় সম্মিতিতে মীমাংসিত না হওয়া পর্যন্ত গৃহকর্তার ইচ্ছানুসারেই তাহা সম্পন্ন হইবে। তদ্রূপ কোন আকস্মিক বিষয় ও তাঁহারই ইচ্ছানুসারে সম্পাদিত হইবে। তিনি পরিবারের ইচ্ছা ও কচিবুঝিয়া গৃহদেবতার অভিপ্রায় অনুসারে কার্য করিবেন।

“সকলেই শান্তভাবে যথাসম্ভব নীরবে স্ব স্ব কর্তব্য পালন করিবেন।” প্রথম অধিবেশনে সেই বিষয়ে নানা কথাবার্তা হইয়াছিল। ক্রমে কে কোন কার্যের ভার লইবেন [৩৪ সভায় তাহা স্থির হইল।

প্রতি সভায় নিয়মিত কার্যান্তে সভাপতি ক্ষুদ্র একটা প্রার্থনা করিয়া সভার কার্য পরিসমাপ্ত করিতেন।

শ্রীরাজেশ্বর গুপ্ত।

মহিলার রচনা।

• চট্টগ্রাম ভগ্নীমাজে পঠিত।

বিশ্বাস।

(১ম)

বিশ্বাসহীনতাই জীবনকে অন্ধকারে নিমগ্ন করে। যখন আমরা বিশ্বাস হারাইয়া ফেলি, তখন দেখিতে পাই,

হৃদয় অন্ধকারে হাবুডুবু খাইতেছে, চিত্ত কিছুতেই স্থির হইতেছে না, হৃদয় অধীর হইয়া অসহ যন্ত্রণা ভোগ করিতেছে। কিন্তু সেই মুহূর্ত্তে যদি ভগবানে বিশ্বাস স্থাপন করিতে পারি এবং তিনি মঙ্গলময় ইহা উপলব্ধি করিতে সমর্থ হই, তবে তখনই দেখিতে পাই তিনি তাঁর শীতল হস্ত হৃদয়ে বুলাইয়া দিতেছেন, হৃদয় সান্ত্বনালাভ করিতেছে এবং দুঃখ যন্ত্রণা দূরে চলিয়া যাইতেছে। পৃথিবীতে থাকিতে হইলে আমাদের প্রতি পদক্ষেপে পরীক্ষায় পড়িতে হইবে। এই পরীক্ষায় উত্তীর্ণ হইতে পারিলে আমরা তাঁর সেই শান্তিময় ক্রোড় লাভ করিতে পারিব। কিন্তু আমরা কেমন করিয়া এই মহাপরীক্ষায় উত্তীর্ণ হইব? যখন এক একটা বিপদ আসিয়া আমাদের ফেলিয়া ফেলে আমরা অধীর হইয়া পড়ি, অন্ধকারে হাবুডুবু খাই, তখন আমরা কেমন করিয়া হৃদয়ে সান্ত্বনালাভ করিব? একমাত্র বিশ্বাসই কি তখন আমাদের সাহায্য প্রদান করিবে না। তাঁর প্রতি যদি আমরা অটল বিশ্বাস স্থাপন করিতে পারি এবং যথার্থই যদি আমাদের নির্ভর থাকে, তাহা হইলে আমরা অতি সহজে সমুদায় দুঃখ বিপদ হইতে উত্তীর্ণ হইয়া তাঁরই চরণে উপনীত হইতে সমর্থ হইব, এবং সমুদায় দুঃখ বিপদ তৃণের তায় ভাসিয়া যাইবে, কিছুই হৃদয়কে আঘাত করিতে পারিবে না। তিনিই আমাদের রক্ষা করিবেন। তিনিই আমাদের সাহায্য প্রদান করিবেন ও আমাদের চিরসহায় হইয়া থাকিবেন।



দয়াময়ী মা, তুমি ত দেখিতেছ আমরা কত দুর্বল; তুমি আমাদের শক্তি প্রদান কর। তোমার প্রতি যেন আমাদের বিশ্বাস সর্বদা জাগ্রত থাকে। আমরা যেন তোমাতে নির্ভর করিয়া থাকিতে পারি। করুণাময়ী মা, তুমি আমাদের এই আশীর্বাদ কর।

শ্রী বৈষ্ণব কণা দাস।

(২য়)

আমরা কিরূপে ভগবানকে পাইব?

ব্রাহ্মসমাজে আসিয়া আমরা যে উচ্চ অধিকার লাভ করিয়াছি তাহাতে সফলতা লাভের উপায় কি? আমরা দুর্বল অজ্ঞান, তাই কি আমরা তাঁহাকে পাইব না? মা কি কখনও অন্ধ আতর কসন্তানটীকে ভাল না বেসে পারেন? সে যখন পরি-শ্রান্ত হয়ে এসে মা বলে ডাকে তখনই মার প্রাণ ব্যাকুল হয়ে ছুটে এসে তাহার চুঃখ দূর করিতে ব্যস্ত হয়। জগৎজননী-কেও আমরা ডাকিলে তিনি আর স্থির থাকিতে পারেন না। তিনি করুণাময়ী মা, ধনী, নির্ধন, জ্ঞানী অজ্ঞান সকলেরই তাঁহাকে পাইবার অধিকার আছে, সকলের জন্তই তাঁর প্রেমহস্ত প্রসারিত। তিনি সর্ব শক্তিমান, কিন্তু তিনি অত্যা-চারী পিতা নন, মেহময়ী মা। তিনি জোর করিয়া আমাদের পূজা গ্রহণ করেন না। আমরা আদর করে ভাল-বেসে যাহা দেই তাহাই গ্রহণ করেন। এবং তাহার প্রতিদানে আমাদের অন্তর

পরিপূর্ণ করিয়া দেন। আমরা সরল বিশ্বাসে তাঁহাকে ডাকিলেই তিনি প্রাণে প্রকাশিত হন। আমরা তাঁহাকে প্রাণে সহিত চাই না, তাঁহাকে কিছু দিতে আমাদের প্রাণ চায় না। যদি আমরা আমাদের হৃদয় তাঁহাকে কোনরূপে দিতে পারি, তবেই আমরা তাঁহাকে লাভ করিয়া ধন্য হইব। সরলতার সহিত দৃঢ় বিশ্বাসে তাঁহার কাছে যাহা চাই, তাহাই পাই। সর্বদাই আমাদের জন্ত তিনি প্রতীক্ষা করেন এবং যখনই আমাদের হৃদয়ে একটু সরল প্রার্থনার ভাব জাগরিত হয় তখনই তাঁহার করুণাতে হৃদয় পূর্ণ হইয়া যায়। প্রকৃত সরল বিশ্বাস এবং অন্তরের ব্যাকুলতাই তিনি চান। ধনী নির্ধন জ্ঞানী অজ্ঞান তাঁহার নিকট ভেদা-ভেদ নাই। পাঁচ বছরের বালক ধ্রুও সরল বিশ্বাসে তাঁহাকে লাভ করিয়া-ছিলেন। বালক প্রহ্লাদ বিশ্বাসের দৃঢ়তাতেই পিতাকে ক্ষটিকস্তম্ভের ভিতর হরি দেখাইয়াছিলেন। হরিভক্তির বলেই অর্জুন-পুত্র সুধন্বাকে তৈলে সিদ্ধ করিয়াও কিছু করিতে পারে নাই। আমাদের সেই সরল বিশ্বাস ও ভক্তি লাভ করিতে হইবে তাহা হইলেই আমরা তাঁহাকে পাইব। তাঁহাকে যতই উপলব্ধি করিতে পারিব আমাদের রিপুজয় করা ততই সহজ হইবে। একটু সরল প্রার্থনার ভাব যখন প্রাণে আসে তখনই আমাদের অজ্ঞাতসারে কত পাপ ক্ষয় হয়। আমাদের বিশ্বাস এবং নির্ভররূপবর্মে আচ্ছাদিত হইয়া প্রেম পবিত্রতা, দয়া,

বিনয়, সরলতা প্রভৃতি অস্ত্র দ্বারা কাম ক্রোধ মোভ প্রভৃতি শত্রু জয় করিতে হইবে। উপাসনা ও প্রার্থনা দ্বারা আমরা সেই শক্তি লাভ করিতে পারিব। যতই আমরা বিশ্বাসিনী ও নির্ভাবতী হইব ততই তাঁহার প্রভাব আমাদের জীবনে বিস্তারিত হইবে। এবং যতই আমরা তাঁহার ইচ্ছার অধীন হইয়া চলিব ততই আমাদের জীবন সুন্দর ও পবিত্র হইবে।

চেতনের ভক্তি পেমতেই জগাই মাধাই উদ্ধার হইয়াছিল। আমাদের চরিত্রে যতই তাঁহার প্রকাশ হইবে যতই আমরা সুন্দর ও পবিত্র হইব ততই ব্রাহ্ম-সমাজের প্রতি লোকের শ্রদ্ধা হইবে, এবং তাঁহার মহিমা গান করিয়া আমরা ধন্য হইব।

করুণাময়ী মা, দয়া করিয়া তুমি আমাদের যে অধিকার দিয়াছ আশী-র্বাদ কর আমরা তাহার উপযুক্ত হই। নির্ভা বিশ্বাস ও ভক্তির দ্বারা আমাদের আনন্দি প্রলোভন প্রভৃতি জয় করিয়া তোমাকে প্রাণে প্রতিষ্ঠিত করি এবং হৃদয়ে তোমার করুণা সন্তোষ করি। মন প্রাণ তোমার চরণে সমর্পণ করিয়া ধন্য হই, পবিত্র হই, ইহাই তোমার নিকটে প্রার্থনা।

শ্রী সাবিত্রীবালা বিশ্বাস।

প্রার্থনা।

হৃদয় আনন্দ মোর করুণা আলায়,  
দীন হীন এই মোর ক্ষুদ্র হৃদি পরে,

বিশ্বাসের নব বল যেন দয়াময়,  
ফুটে থাকে চিরদিন চির হর্ষ ভরে।  
যেন অবিশ্বাস ছায়া পড়ে না কখন,  
স্বচ্ছ সলিলের বুকে মেঘ ছায়া প্রায়,  
কুয়াসার অন্ধকারে বিমল গগন।  
তার জ্যোতি রবি আলো যেন না হারায়।  
সুখে হোক, দুঃখে হোক, ত্রিভুবন পতি,  
তোমারি চরণে রহে অটল বিশ্বাস,  
এ চঞ্চল চিত্তে প্রভু জাগাও স্মৃতি,  
দুঃখ ঝটকায় কভু হয় না নিরাশ।  
যেন প্রভু কখন না টলে এ চরণ,  
বিশ্বাসে থাকুক মগ্ন মোর প্রাণ মন।

\*\*\*

তোমার মঙ্গল নামে,

বেঁধেছি হৃদয় মন,

তোমারি চরণে বিহু,

করিয়াছি সমর্পণ,

যা কিছু সর্ব্ব মোর,

যখন যে ভাবে থাকি,

রেখ মুখে রেহ ভরে,

তোমার মেহের আঁখি।

সংসার বিদেশ মোর,

রাখিয়াছ যেই স্থানে,

সেই তব দত্ত গৃহ,

আছি সেথা সুখ মনে।

যখন যেথায় যাই,

তুমি থেক সাথে সাথে,

ঘিরিয়া রাখিও তব,

সুখমল আশীর্বাদে।

যে পেয়েছে এ ধরাতে,

তোমার করুণা কণা,



পাইয়া অতুল শান্তি,  
তৃপ্ত আছে সেই জনা।  
তুমি হৃদয়েতে থাক,  
তুমি জাগ আঁখি পরে,  
এ বিশ্ব সংসার যেন,  
তোমাতেই যায় ভরে।  
তোমারেই ডাকি সদা,  
প্রভু পিতা দয়াময়,  
কল্যাণ মঙ্গল রূপে,  
পূর্ণ হোক এ হৃদয়।  
শ্রীসরোজকুমারী দেবী।

সংবাদ।

যে সকল লেখক ও লেখিকা প্রবন্ধাদি যোগাইয়া মুমূর্ষপ্রায় মহিলার জীবন রক্ষা করিতে উদ্যত হইয়াছেন এই অনুগ্রহের জন্ত তাঁহাদিগকে শত শত ধন্যবাদ। মহিলা প্রেরিত দরবারের পত্রিকা। শ্রদ্ধাস্পদ ভাই গিরিশচন্দ্র সেন দরবার হইতে উহা সম্পাদনের ভার প্রাপ্ত হইয়া প্রায় চৌদ্দ বৎসর নানা বাধা বিঘ্ন অতিক্রম করিয়া তাহা সম্পাদন করিয়া আসিয়াছেন। এক্ষণে তিনি হৃৎসহ রোগে আক্রান্ত হইয়া উহা সম্পাদনে অসমর্থ হইয়া পড়িয়াছেন। মহিলা কিরূপে সম্পাদিত হইবে তাহার উপযুক্ত ব্যবস্থা এখনও হয় নাই, প্রেরিত-দিগের দরবার তাহার ব্যবস্থা করিবেন। ভাই গিরিশচন্দ্র সেনের রোগ ইতিমধ্যে বৃদ্ধি হইয়াছিল, জীবনের আশা কিছুই ছিল না। অনেক দিন পর্য্যন্ত তিনি শয্যাগত হইয়া এক পার্শ্ব শয়ন করিয়া মহাকষ্টে জীবনযাপন করিয়াছেন, এক্ষণে তিনি শয্যাগত আছেন। নিজ হস্তে হুই ছত্র লিখিতে পারেন না। একদিন নাড়ীর গতিরোধ হইয়া চৈতন্য বিলুপ্ত হইয়াছিল, ডাক্তারগণ ভীত হইয়াছিলেন। অনেক যত্ন ও কষ্টে এবং উত্তেজক ঔষধ সেবনে নাড়ী পরে সতেজ হইয়াছিল।

এখনও একটীর পর একটা উপসর্গ বৃদ্ধি হইতেছে, কত দিনে যে আরোগ্যলাভ করিবেন তাহার স্থিরতা নাই। ঈশ্বর-রূপায় আরোগ্যলাভ করিলেও দীর্ঘকাল সাপেক্ষ্য। যে সকল নারী হীতৈষী বন্ধু দয়া করিয়া মহিলার জীবন রক্ষা ও উন্নতির জন্ত প্রবন্ধাদি যোগাইতেছেন, ভাই গিরিশচন্দ্র সেন তাঁহাদিগকে আন্তরিক কৃতজ্ঞতা ও ধন্যবাদ দিতেছেন।

ভিক্টোরিয়া কলেজ। অনেক দিন আমরা এই কলেজের বিশেষ কোন সংবাদ পাঠিকাদিগকে দিই নাই। মেয়েদের শিক্ষা সম্বন্ধে ইহাতে বেশ উত্তম ব্যবস্থা আছে। শিক্ষয়িত্রীগণ বেশ যত্ন ও পরিশ্রম সহকারে শিক্ষা প্রদান করিতেছেন। অধ্যক্ষগণ মেয়েদের ইংরাজী বাঙ্গলায় যাহাতে উচ্চ শিক্ষা দেওয়া হয়, তাহার জন্ত বিশেষ চেষ্টা করিতেছেন। এক্ষণে বালিকা সংখ্যা প্রায় ১০০ এক শত হইবে। গাড়ি প্রভৃতির ব্যয় অধিক হওয়ায় ছাত্রীদিগের বেতন পূর্বাপেক্ষা কিছু বৃদ্ধি করা হইয়াছে। অভিভাবকগণ যদি আপনাদিগের অধিনস্থ বালিকা-দিগকে এই স্কুলে পড়াইতে ইচ্ছা করেন তাহা হইলে স্কুলের সম্পাদক শ্রীযুক্ত ব্রজগোপাল নিয়োগী মহাশয়ের নিকট অনুসন্ধান লইলেই সঠিক সংবাদ প্রাপ্ত হইবেন। বয়স্থা মহিলাদিগের জন্ত পূর্বমত বক্তৃতা যোগে বিবিধ বিষয়ে উপদেশ দেওয়া হইতেছে। অধ্যাপক বিনয়েন্দ্রনাথ সেন, অধ্যাপক দেবেন্দ্রনাথ মল্লিক, অধ্যাপক সুবোধচন্দ্র মহালানবীশ, ডাক্তার সত্যেন্দ্রনাথ সেন, বৈদ্যাতিক ইঞ্জিনিয়ার শরতকুমার দত্ত প্রভৃতি মহোদয়গণ উপদেষ্টারূপে কার্য্য করিতেছেন। পূজার ছুটির পর ১৫ই নভেম্বর হইতে পুনরায় স্কুলের কার্য্য আরম্ভ হইয়াছে।



১শে ভাগ।  
৪র্থ সংখ্যা।

কার্তিক।  
১৩১৬।

শ্রীমতী  
পুজ্যনী  
মমলী নল  
ইনবাসী

মাসিক  
পত্রিকা

সূচী।

বিষয়।	পৃষ্ঠা।
প্রার্থনা	৭৩
পতিপত্নীর সম্বন্ধ ও ব্যবহার	৭৪
কার্য্যকৌশল	৭৯
সক্রেটিস	৮০
পারিবারিক ধর্ম্মকথা	৮১
জীবন	৮৮
মহিলার প্রতিষ্ঠাতা ও সম্পাদক	৯১
নিবেদন	৯৬
মহিলার রচনা—ভ্রাতৃদ্বিতীয়া	৯৪
সংবাদ	৯৫



## যদি কেশের শোভা সম্পাদন করিতে চান

তাহা হইলে প্রতিদিন স্নানের সময় আমাদের "কুস্তলবৃষা তৈল" ব্যবহার করুন। ইহা ব্যবহার করিলে কেশরাশি ভ্রমর কৃষ্ণাণ ধারণ করে, এবং মাথায় মরামাস ও খুস্কী প্রভৃতি জন্মতে পারে না। রঞ্জীগণ যদি কবরী রচনার সময় "কুস্তলবৃষের" সহায়তা গ্রহণ করেন, তাহা হইলে আর তাঁহাকে অত্রবিধ স্নগন্ধি দ্রব্য ব্যবহার করিতে হয় না। এক কথায় "কুস্তলবৃষা" কেশতৈল মধ্যে সর্কশ্রেষ্ঠ। মূল্য প্রতি শিশি এক টাকা। মায় ডাক মাণ্ড ১১/০ তিন শিশি ২১০, ডজন ২২ টাকা।

## সুরসুন্দরী বটিকার তত্ত্ব রাখেন কি?

আমাদের সুরসুন্দরী বটিকা সমবিধ স্ত্রীরোগে অর্থাৎ প্রদর, বাধক, রক্তের স্বল্পতা বা মজ্জাদিকা রক্তগুণ প্রভৃতি আরাম হয় অতি দ্রুতল বোগীও ইহা সেবনে বিগতরোগ হইয়া ফুটপুষ্টিকায় হইতে পারেন। ষাঁহাদের গৃহে ঐ সব রোগে মহিলারা কষ্ট পাইতেছেন, তাঁহারা একবার আমাদের "সুরসুন্দরী বটিকা" ব্যবহার করিতে দেন। প্রতি কোটা ২২ ছই টাকা, ডাকমাণ্ডলসহ ২৪০।

**ভৈষজ্যরত্নাবলী**—(ষষ্ঠ সংস্করণ) বাহির হইয়াছে। মণির মধ্যে যেমন কোস্তভ, জ্যোৎস্নার মধ্যে—যেমন চন্দ্র, তেমন সমস্ত আয়ুর্বেদীয় চিকিৎসা-গ্রন্থের মধ্যে "ভৈষজ্যরত্নাবলী"। ঋষিকল্প কবিরাজ বিনোদলাল সেন মহাশয়ের আজীবন-ব্যাপী পরিশ্রম গবেষণা—ই গ্রন্থ মধ্য নিহিত। আয়ুর্বেদ শিক্ষার্থী ও চিকিৎসকগণের পক্ষে ইহা মহামূল্য উপাদেয়-গ্রন্থ। পুস্তকখানি হাজার পৃষ্ঠার উপর। পুরু কাগজে সুন্দর ছাপা। এই একখানি পুস্তক পড়িয়াই উৎকৃষ্ট কবিরাজ হওয়া যায়। ইহা আমাদের কার্যালয় ভিন্ন আর কোথাও পাওয়া যায় না। সাবধান! নকল লইয়া ঠকিবেন না। মূল্য ৬ ছয় টাকা। ভিঃ পিঃতে ছয় টাকা দশ আনা মাত্র।

ঋষিকল্প কবিরাজ বিনোদলাল সেন মহাশয়ের

## আদি-আয়ুর্বেদ ঔষধালয়।

১৪৬ ও ৩৬নং লোয়ার চিংপুর রোড, ফোজদারী বালাখানা, কলিকাতা।

টেলিগ্রাফিক ঠিকানা

ভীষকরাজ।

প্রধান চিকিৎসক


কবিরাজ শ্রীআশুতোষ সেন।

কবিরাজ শ্রীপুলিনকৃষ্ণ সেন।

কলিকাতা

৫ নং ধমানাথ মজুমদারের স্ট্রীট, "মঙ্গলগঙ্গা মিশন প্রেসে"

পি নাথ কর্তৃক মুদ্রিত ও প্রকাশিত।



মাসিক পত্রিকা।

"অম্ব নার্ম্মন্য পূজ্যন্ত বমন্তো তত্র ইব্বতাঃ।"

১৫শ ভাগ ] কার্তিক, ১৩১৬, নভেম্বর ১৯০৯। [ ৪র্থ সংখ্যা।

## প্রার্থনা।

হে প্রেমময় পরমেশ্বর, তোমার শুদ্ধ প্রেমের রাজ্য পৃথিবীতে আসুক, ইহাই তোমার সাধুগণের চিরদিনের প্রার্থনা। তুমি অনন্ত মঙ্গলময় সত্য, তুমি সর্বক্ষণ মকলকে প্রেম করিতেছ তাহাও সত্য, কিন্তু মানুষ মানুষকে প্রেম করিতে পারে না, বা প্রেম করিলেও মলিন প্রেম করে ইহাতেই পৃথিবী শুদ্ধ প্রেম দেখিতে পায় না। জ্ঞানঘন গুরুদেব, তুমি আমাদের জীবন্ত ও শুদ্ধ প্রেমের দৃষ্টান্ত দেখাইতে নারীর হৃদয়ে মাতৃভাব স্থাপন কর। পৃথিবীর সামান্য নারীর অন্তরে স্বর্গের জীবন্ত ভালবাসা তুমি অবতীর্ণ করিয়া তাহাকে তোমার প্রেমের প্রত্যক্ষ অবতার প্রস্তুত কর। আমরা মাতার অন্তরের জীবন্ত জাগ্রত প্রেম দেখিয়া আশ্চর্যান্বিত হই এবং তোমাকে ধন্যবাদ দান করি। কিন্তু প্রেমঘন পরমদেবতা, দেখ, তোমার

কন্যাগণ পৃথিবীতে অসামান্য জীবন্ত প্রেম দেখাইয়াও, স্বর্গের প্রেম, তোমার প্রেম দেখাইতে পারিলেন না। পৃথিবীর জননী-গণ, সত্য প্রেম পাইলেন, কিন্তু তাঁহাদের প্রেম আপন আপন সম্বন্ধেই আবদ্ধ রহিয়া গেল। তোমার কন্যাগণ আপন গর্ভজাত সন্তান, অথবা ঘনিষ্ঠ আপনার লোককে যে প্রেমদান করেন তাহাতে স্বর্গের ভাব আছে কিন্তু তাহাদের প্রেমের সংকীর্ণতা দেখিয়া মনে হয় যে তাহাতে স্বর্গ নাই তাহা কেবলই পার্থিব ভাব। প্রেমঘন দেবতা, তোমার কন্যাগণকে তুমিই স্বর্গীয় প্রেম দিয়া এমন প্রেমপূর্ণ কর। যদি এত করিলে তবে প্রার্থনা করি তোমাকে আরও রূপা করিতে হইবে। তোমার কন্যাগণের প্রেমকে তুমি উদার করিয়া দেও। যিনি এক শিশুর জননী হইতে তোমা কর্তৃক শিক্ষা পাইয়াছেন, তিনি সকল শিশুর জননী হউন। মঙ্গলময়, তোমার কন্যা-



গণের প্রেমের সংকীর্ণতা হইতে পৃথিবীতে যে ছুঃখ ও অবিচার হইতেছে তাহা হইতে আমাদেরকে রক্ষা কর। তুমি স্বার্থপর নারীকে যেমন প্রেমমগ্নী জননী প্রস্তুত কর, তেমনই সংকীর্ণ হৃদয়া জননীদিগকে উদার হৃদয়া দীন-জননী প্রস্তুত করিয়া দেও। সকল নারীর হৃদয়ে তোমার শুক্ল ও উদার প্রেম জন্মবৃত্ত হউক।

### পতি পত্নীর পরস্পর শারীরিক, মানসিক এবং আত্মিক সম্বন্ধ ও ব্যবহার।

পতি পত্নী সম্বন্ধ সম্পূর্ণরূপে ধর্মমূলক সম্বন্ধ। ইহা কোন প্রকার লিখিত একেরায়নামা (agreement) বা বাচনিক বা প্রতিজ্ঞামূলক সম্বন্ধও নহে। পূজ্যপাদ জ্ঞানগভীর আর্ধ্যগণের ব্যবস্থাপিত পরিণয় সম্বন্ধ বর্তমান তথাকথিত সম্ভাভাভিমাত্রী প্রতীচা দেশ সমূহের প্রচলিত সম্বন্ধের ভাব হইতে সম্পূর্ণ স্বতন্ত্র। আর্ধ্যগণ মানবজাতির ক্রমবিকাশের সঙ্গে, অতঃপর তাহাদের তপশ্চা অর্জিত গভীর জ্ঞানে পশুস্বভাবগত প্রবৃত্তি নিচয়ের হাত হইতে মানবের পতি-পত্নী সম্বন্ধকে এক অতি উচ্চতর এবং পবিত্রতম স্তরে রাখিয়া ইহাকে আগাগোড়া পূর্ণ মাত্রায় ধর্ম ও অনুশাসন বিধির অন্তর্ভুক্ত করিয়াছেন। এই সম্বন্ধে ধর্মতঃ ইহজীবনে এবং জীবনান্তেও বিচ্ছেদ নাই। পত্নীর অশ্রু নাম “সহধর্মিণী” এবং “সহমরণ গামিণী”।

একমাত্র এই উভয় নামেই ইহাদের অক্ষুণ্ণ বন্ধন বৃদ্ধি দিতেছে। [ এই স্থানে ‘সহমরণ’ অর্থে নবযুগের নবধর্ম বিধানের ভাবানুসারে পতিসহ পত্নীর চিত্তানলে দগ্ধ হইয়া মরণ নহে, কিন্তু পতি বিয়োগান্তে তৎসঙ্গে পত্নীর সর্বপ্রকার বাসনা, কামনা, সুখভোগাদির সহমরণ বৃত্তিতে হইবে। ] এবিধ কারণে বিপত্নীকের দ্বিতীয় পত্নী এবং বিধবার দ্বিতীয় পতি গ্রহণ ধর্মতঃ সম্ভব নহে। বিশেষ, ব্রহ্মসাধনার্থী কিম্বা তাঁহার উদ্দেশ্যে ধর্মাচরণে ব্রতী উভয় নরনারীর পক্ষে সম্পূর্ণ অবৈধ। তবে নিঃসন্তান কিম্বা বালবিধবা এবং বিপত্নীকের পক্ষে স্বতন্ত্র ব্যবস্থা। এতৎভিন্ন একাধিক পতি বা পত্নী গ্রহণের দ্বারা প্রকৃতরূপে পরিণয় অনুষ্ঠানের অতি উচ্চ এবং পবিত্র আদর্শকে ধ্বংস করা হয়। ইহা মানবস্বভাবের একান্ত দুর্কলতার পরিচয়। ধর্ম সেই পতি যিনি স্বীয় পত্নী বিয়োগান্তে দ্বিতীয় পত্নী গ্রহণের সকল বাসনা পরিত্যাগ করেন, এবং ধর্ম সেই পত্নী যিনি স্বয়ং পতি বিয়োগান্তে দ্বিতীয় পতি গ্রহণের সকল বাসনা পরিত্যাগ করেন এবং উভয়ে তদবস্থায় পরস্পরকে আত্মায় ধারণকরতঃ পবিত্র ব্রহ্মচর্যব্রত-ধারা-ব্রতধারিণী হন।

পতি পত্নীর শারীরিক ব্যবহার।

পতি-পত্নী পরস্পরের প্রতি শারীরিক ব্যবহার সম্বন্ধে বৈধ পবিত্রতা রক্ষা করিবার বিষয়ে দেবচরিত ঈশা বলিয়াছেন, “Beware that thou committeth adultery with your wife” ‘সতর্ক

হও যে তুমি তোমার পত্নীর প্রতি ব্যভিচারী না হও’। ইহার অর্থ এই যে একমাত্র পশুপ্রকৃতি প্রাণোদিত হইয়া প্রবল কামনা প্রবৃত্তির অথবা ব্যবহারে রত থাকিলে স্বীয় পত্নীর প্রতিও ব্যভিচার দোষ হয় জানিবে। পুণ্যচরিত ব্রহ্মানন্দ শ্রীকেশবও এই যুগে বলিয়াছেন, ‘নারীকে ব্রহ্মকন্যা বলিয়া জানিবে, এই বচনের দ্বারা তাঁহাদের সহ পাত্র নির্বিশেষে সর্বাঙ্গীণ পবিত্রতা রক্ষা করিয়া ব্যবহার করিবার জগুই ইঙ্গিত করিয়াছেন। অতঃপর আমাদের পূর্বপুরুষ পরম ধর্মপরায়ণ তপশ্চরণ রত পূজ্যপাদ আর্ধ্যশ্রমীগণ এই শারীরিক ব্যবহারে, এবং ধর্মার্থ সাংসারিক সকল প্রকার কার্যকলাপে যেমন বিশেষরূপ সংযতচিত্ততা রক্ষা করিতে বলিয়াছেন, এখানেও তেমন সংযতচিত্ত হইতে বলিয়াছেন।

আর্ধ্যগণের জীবনধারণ বিষয়ক ইতিহাস অধ্যয়ন কালে জানিয়াছিলাম আর্ধ্য মনীষীগণ কখন হিতাহিত বিবেচনা বিহীন হইয়া অবিচারে কালে, অকালে পত্নী অঙ্গ স্পর্শ করিতেন না, তাঁহারা তৎবিষয়ে দিন, কাল, তিথি নক্ষত্রাদিবোলে বিশুদ্ধ সময় নিরূপণ পূর্বক এবং উভয়ের শারীরিক, মানসিক, পবিত্রতা চিত্তের প্রকলিতাদির প্রতি দৃষ্টি রক্ষা করিয়া চলিতেন। এমন কি সন্তানের জন্ম আনন্ড [ আনন্ড ] এইরূপ মনে ধারণাপূর্বক তাঁহারা সন্তানের সর্বপ্রকার কল্যাণ উদ্দেশ্যে দেবনামাদি শ্লোকে নিবন্ধ মন্ত্র অস্তুরে অস্তুরে উচ্চারণ করিতেন, ইহাতেই আর্ধ্যগণ

তখন প্রায়তঃ বীর্ঘবান, বলিষ্ঠ, ধর্মপরায়ণ এবং দীর্ঘায়ু সম্ভান লাভ করিয়াছেন। এইরূপ সকল বিষয় অতি গুরুতর চিন্তা-সহকারে এই শারীরিক ভোগেও পবিত্রতার দিকে তীর দৃষ্টি রাখিয়াছিলেন। কত প্রকারে কত যত্নে কত সতর্কতা-সহকারে এই মানবসাধারণ সুলভ পশু প্রকৃতিকে তাঁহারা দেবপ্রকৃতিতে পরিণত করিবার উপায় এবং সাধন গ্রহণ করিয়াছিলেন, ইহা যতই অধ্যয়ন করা যায় ততই তাঁহাদের প্রতি ভক্তি ও কৃতজ্ঞতায় প্রণতঃ হইতে হয়। এই অতি গুরুতর বিষয়, সম্পূর্ণ চিন্তাহীন বর্তমান শিক্ষিত কি অশিক্ষিত জনসাধারণ নিতা নৈমিত্তিক ব্যবহার—পান আহারের মত অবহেলা পূর্বক জীবনের সার ও কার্যের কাল, যৌবনের অবিহিত ব্যবহারে বা অত্যাচারে অকালে ধ্বংসাবশেষে পরিণত করে। সম্ভান সম্ভতিগণ যদি মহুসাজীবনের সার্থকতা, ধর্মকে রক্ষা করিয়া চলিতে চাও তবে উল্লিখিত অভিজ্ঞান উপেক্ষা করিবে না। যথা সামর্থ্য পতি-পত্নী শারীরিক ব্যবহারে গুরুতার প্রতি দৃষ্টি রাখিয়া চলিবে।

মানসিক ব্যবহার।

পতি-পত্নীর শারীরিক ব্যবহারেও মন সদা পরিভিগ্ন [ involved ] থাকে। শরীরের উপরে মনেরই ক্রিয়া, মনের ইঙ্গিত ভিন্ন শরীর ক্রিয়াহীন। তবে পতি-পত্নীর শরীর এবং তৎ ব্রহ্মমাংস সম্বন্ধ ছাড়াও এক প্রকার একমাত্র মনের ব্যবহার আছে। অভিজ্ঞতায় জানিয়াছি



এই সংসারে অতি অল্প পরিবারে পতি-পত্নী এক অভিন্ন মন ধারণ করিয়া থাকেন। নরনারী স্বতন্ত্র বংশসম্মত, এবং বংশ সংক্রামিত প্রকৃতিলাভ করিতেই প্রায় দেখা যায়। এ জন্ম অন্তঃকরণগুলিও বিভিন্ন উপাদানে গঠন পাইয়া থাকে, কিন্তু যখন যথাসময় নরনারীর পতি-পত্নী সম্বন্ধ-পাত হয়, তখন উভয়ে এক অভিন্ন ভাবগত চিত্ত লাভের জন্ম সতঃই লালায়িত হন। ইহা অতি স্বাভাবিক। মানুষ ভালবাসার ফলে পরস্পর চিন্তায়, আনন্দে, হৃৎখে, শোকে, বিপদ সম্পদে একভাবাপন্ন হইতে ইচ্ছা করে। নরনারীর দাম্পত্য প্রণয়গত ভালবাসায় চিরঅভিন্ন বা এক দেহগত ভাবাপন্ন হইতে চাহে। কার্য্যতঃ অতি সৌভাগ্য এবং পুণ্যবলে অতি অল্প নরনারীর ভাগ্যেই ইহা আংশিক কি পূর্ণ পরিমাণে সম্ভাবিত হইতে দেখা যায়। এতদবস্তায় পতি-পত্নী সংসার ধর্ম্মে, স্মৃতি হৃৎখে, হর্ষে কি বিষাদে, দেব আনন্দভোগে কি অভোগে কেহ কাহাকে অতিক্রম করিবার পথ থাকে না। পরস্পরের ভিতর সর্ব্বপ্রকারের আমিত্ব লীন হয়। পতি পত্নী তখন 'তুমি যা চাও, আমি তাই চাই'— 'তুমি যা ভাব আমি তাহাই ভাবি' তোমার প্রফুল্লতা আমার প্রফুল্লতা, এমন কি 'তোমার দোষ আমার দোষ'—'তোমার গুণ আমার গুণ'—এইরূপ একই ভাব সাগরে যেন দুজন ডুবিয়া এক হইয়া গিয়াছে। আন্তরিক ভিন্নতা ব্যবহার গুণে বা দোষে বাহ্যিক ভিন্নতা উপস্থিত হইলে

বাহ্যিক চেহারাতেও তাহা ধরা পড়িয়া যায়। এ জন্ম সর্ব্বাঙ্গে পতিপত্নীকে অতি ধীরতা এবং সতর্কতাসহকারে অধ্যয়ন করিবে। (Study thoughts; study attitude of mind and study points disagreeable) পরস্পরের মেজাজ সম্যক্রূপে অধ্যয়ন করিবে, এবং তদনুসারে বুদ্ধি ভিন্নভাব গুলির সংঘর্ষন অসম্ভব করিবে।

মানসিক ব্যবহারে পতি-পত্নী পরস্পরের দোষ গুণ সহিষ্ণুতা সহকারে মার্জনা এবং গ্রহণ না করিতে পারিলে উভয়ের প্রথম মিলন অবধি আন্তরিক গোল বাধিয়া যায়। মনের দ্বারা ব্যবহারে পরস্পরকে পাইবার জন্ম সর্ব্বপ্রধান অবলম্বনীয় পূর্ণ স বলতা। পতি-পত্নী অনেক সাংসারিক কার্য্যকলাপে পরস্পরকে ঢাকাঢাকি করিয়া চলিতে দেখা যায় শুধু এইজন্ম হয়তঃ চানক্য বলিয়াছিলেন—'বিশ্বাসনৈব কর্তব্যং স্ত্রীষু রাজকুলেষু'। বস্তুতঃ এই ক্ষেত্রে পরস্পরে বিশ্বাস বিপন্ন হয়। যৌবন, প্রৌঢ়, বৃদ্ধ যে কোন কালেই হটক এইরূপ কোন বিষয়ে ঢাকাঢাকি করিয়া চলিবার মন—কিঞ্চিৎ কোন কারণে বাধা হইলেও ধীরে ধীরে সরলতায় মলিনতা ধরিয়া সর্ব্বশেষে জীবনকে হৃৎখময় বা কলঙ্কময়ও করিতে পারে। শুনা আছে অনেক বিষয়মগ্ন সাংসারিকতায় পূর্ণ পরিবারে পতি-পত্নী প্রচ্ছন্ন কোন স্বার্থ সাধন কল্পে চালাকী, চাতুরী, ধূর্ততা বহু পরিমাণে রক্ষা করিয়া এক ফাঁকা পতি-পত্নী-ধর্ম্মাচরণ করিয়া

জীবনপাত হয়। এতস্থলে ধর্ম্মের স্থানে অতি দ্রুতবেগে অধর্ম্মের অধিকার পাওয়া অবশ্যসম্ভাবী হয়। পতি-পত্নী মনের আদান প্রদান জনিত নির্ম্মল এবং মানসিক অতি উচ্চ ভাবগত ব্যবহার রক্ষা করিতে হইলে পতি-পত্নী পরস্পর একেবারে অন্তর্যামী বা অন্তরদর্শী হইয়া চলিতে হইবে। কোন ঘড়ির যন্ত্রগুলি যেমন সচু কাঁচের আবরণে আবৃত, তাহার প্রত্যেক চাকাটার ঘূর্ণন, গতি, আঘাত ইত্যাদি বাহির হইতে অতি পরিষ্কার এবং স্পষ্টভাবে দেখা যায়— ঠিক সেইরূপ উভয় হৃদয়ের সর্ব্ববিধ ভাব পরস্পরের নিকট অনাবৃত বা মুক্ত থাকা চাই, এখানে আর ঢাকাঢাকি নাই। কোন শিক্ষিত সচ্চরিত্র পতি একবার আমায় বলিয়াছিলেন "প্রায় ১৭ বৎসর পত্নীসহ বসবাস করিলাম—কিন্তু আমি এখনো তাঁহাকে সম্যক্রূপে চিনিতে পারিলাম না"। পারিবারিক জীবন ইহা অপেক্ষা আর কি শোচনীয় হইতে পারে? পরস্পর মুক্ত অন্তর না হইলে কখনো কি পরস্পরকে পাইবার অল্প পথ আছে? যদি কোন পতি এই অন্তর ঢাকাঢাকির অবস্থায় কোনরূপ ঘৃণাঙ্করেও পর নারীর প্রতি লক্ষ্য করিয়া অহুমান্যেও মনে করেন— "এমন সুন্দর মধুর প্রকৃতিযুক্ত নারীই আমার গৃহিণী হওয়া বড়ই বাঞ্ছনীয় ছিল"—তবে জানিবে তৎক্ষণাৎ তাহার সততার পতন হইল। তিনি বৈধ পত্নীর নিকট ধর্ম্মতঃ অপরাধী হইলেন; এবং পত্নীও কখনো কোন মিষ্টভাষী, শান্ত মধুর প্রকৃতি নরের প্রতি লক্ষ্য করিয়া

চিন্তাও করেন এমন সুপুরুষই আমার পতি স্থানের উপযোগী"—তাহা হইলে তৎক্ষণাৎ তিনি ধর্ম্মতঃ অসতী হইলেন। সুতরাং অতি সাবধানে এমন অননুমানগত নির্ম্মল, নিখুত, দাম্পত্য সম্বন্ধ রক্ষা করিবে যেন মানসিক ব্যবহার সর্ব্বপ্রকারে নিকলঙ্ক থাকে।

আত্মিক ব্যবহার।

পতি-পত্নীর শারীরিক এবং মানসিক ব্যবহারের ফলের উপর আত্মিক ব্যবহার নির্ভর করে। উল্লিখিত উভয় শারীরিক এবং মানসিক ব্যবহারের পবিত্রতা এবং অপবিত্রতার ফলে পতি-পত্নীর আত্মীয় ভাবসমূহ বিকশিত অথবা বিনষ্ট হয়। আত্মীয় আত্মীয় ব্যবহার যেন সকল বহির্বিষয়ের অতীত অন্তঃপুরে। সুতরাং উভয়ে এক মিলিত ঘন মধুর খাঁটী ব্রহ্মোপাসনার ভিতরে এই আত্মীয় আত্মীয় পরিচয়ের সূত্রপাত হইবে। একমাত্র ভগবানের পদতলে উভয়ের মিলন ভিন্ন পতি-পত্নী আত্মীয় আত্মীয় যোগ-সম্বন্ধ বুদ্ধি লইবার আর অল্প সতৃপায় নাই। আত্মীয় সর্ব্ববিধ ব্যাপার একমাত্র পরমাত্মাকে লইয়া, পরমাত্মার সংস্পর্শ ভিন্ন আত্মা নিষ্ক্রিয়, সুতরাং উভয়ে সেই দেব-পদতলে বসিয়া তাঁহার জীবন্ত সত্ত্বা অহু-ভাবে হৃদয়ের পূর্ণ অহুরাগে সরল উপাসনা করিবে এবং এই উপাসনালব্ধ আত্মীয় ভাব বিনিময়ে পরস্পর আত্মীয় যোগ-সাধনে প্রবৃত্ত থাকিবে। আত্মীয় "এই যোগমূলক অবস্থায় পতি-পত্নীর আত্মিক ব্যবহারের ভাব সমূহ বিকশিত হইবে।



পতি-পত্নীর মিলিত উপাসনাকালে প্রথমে অন্তরকে এক অবিচলিত দেব বিশ্বাসের বিন্দুতে (focus) উপস্থিত করিবে, অনন্তমানে উপাস্ত দেবতাকে শরীরে অনুভব, মনে উপলব্ধি, অতঃপর আত্মায় ধারণা, এই ত্রিবিধ ভাবে পতি-পত্নী একে একে ধীরে গভীরে অভিতৃত হইতে চাহিবেন এতদবস্থায় উপাসনায় দেব আবির্ভাব, দেব সত্ত্বাতে বেষ্টিত এবং দেব সান্নিধ্য [কল্পনায় নহে] পূর্ণ বিশ্বাস জ্ঞান ও ভক্তিতে দর্শন করিবেন [দর্শন বলিতে আত্মার দর্শন বুঝিবে, সে দর্শন ভাষাতে ব্যক্ত করা যায় না]। এইরূপ উপাসনার পতি-পত্নী আত্মাতে অভিন্নতা প্রাপ্ত হন; পত্নী দেখেন তৎসময়ে উপাস্ত দেবতার যে স্বরূপ নিচয় তাঁহার ভিতরে প্রকাশ পাইতেছিল তাঁহার পতি ঠিক সেই স্বরূপ আরাধনায় ব্যক্ত করিয়াছেন, সেই ভাবে পতি দেখেন পত্নীর বাহ্যিক প্রকাশে তিনি তাঁহার নিবেদিত আরাধনায় অনন্ত চিত্ততা সহকারে ভোগ মগ্ন হইয়া পতিসহ ভিন্নতা হারাইয়াছেন। প্রার্থনান্তে নিত্য এইরূপ হইবে যে উভয়ে এক সঙ্গে একই সঙ্গীত ধরিয় ফেলিয়াছেন, এবং প্রার্থনা এমনি হইবে যে পতির চাওয়া পত্নীর এবং পত্নীর চাওয়া পতির একই হইতেছে। এই অবস্থায় আত্মার পরম সৌভাগ্য বুঝিবে। এই পরম গুণধন উপাসনা সকলি দান করিবে। এই অবস্থায় পতি পত্নীর আত্মিক ব্যবহার সংসারের সর্ববিধ প্রচলিত ব্যবহারের অন্তীত এক উচ্চতম স্তর লাভ করে। ইহা হইতেই চরমে

পতি পত্নীর আধ্যাত্মিক বিবাহ সংঘটিত হয়।

পতি পত্নীর পরস্পর আত্মায় আত্মায় যোগযুক্ত হইলে কি লক্ষণ প্রকাশ করে? ইহাতে উভয়ের স্থান কালের বর্তমানতা কি অবর্তমানতার দূরতা কি নিকটবর্তীতা বিদূরিত করে। দিবানিশি ২৪ ঘণ্টাকাল পরস্পরের মন অধিকার করিয়া যাপিত হয়। চলা ফেরা, উঠা বসায়, পান আহায়ে শয়নে স্বপনে, নিদ্রায় জাগরণে পরস্পর পরস্পরে তন্ময়। একটি নিমেষ ও “উনি কোথায়” সে প্রশ্ন মনে উদ্ভিত হইতে পাইবে না। ব্রহ্ম সন্নিধান কিম্বা তাঁহার ভিতরে উভয় এক। যিনি যেখানেই থাকুন উভয়ের শরীরগত ব্যবধান দূর করিয়া পরস্পরে মন-মনোময়, আত্মা পরমাত্মার সত্ত্বায়, এই ভাবে পরস্পর হইতে এক নিমেষেও খসিয়া থাকিবার যো নাই। তখন আত্মায় আত্মায় ব্যবহার কিরূপ? উভয়ে পরস্পরকে অতীন্দ্রিয় আধ্যাত্মিক বিষয় সকল আলোচনা করিতে নিয়ত ইচ্ছা প্রকাশ করে—যথা, ‘যাজ্ঞবল্ক্য মৈত্রেয়ীর’ কথোপকথন। এইরূপ অবস্থায় প্রতিনিয়তই বাহ্যিক সর্বপ্রকার সাত্ত্বিকতা রক্ষা করিয়া চলিতে ব্যাকুলতা প্রকাশ করে। তৎ‘অবস্থায় পরস্পরের শরীর স্পর্শ কর, শরীর রোমাঙ্কিত হইবে, মন স্পর্শ কর জাগ্রত হইবে, আত্মা স্পর্শ কর স্বর্গের তাড়িত সঞ্চারিত হইবে। সংসারের কাজকর্ম অলৌকিক, কথাবর্তী অলৌকিক, হাসি কান্না অলৌকিক সকলই দেবস্পর্শাধীন হইয়া প্রকাশ

পাইবে। সংসারের সংসারে এইরূপ পারিবারিক জীবন পাইয়া ধন্য হও।

শ্রীআনন্দচন্দ্র দত্ত।

### কার্যকৌশল।

Tact means thinking about others. It means considering what others will think, instead of considering only what we think ourselves. It means acting in concert with others, instead of acting only for ourselves. Imitation tact may be insincere and selfish in its purposes. But real tact is unselfishness in action, and that is why it gains so much and wins so many hearts.

স্বীলোকের পক্ষে কার্যকৌশলতা একান্ত প্রয়োজন। কার্যকৌশল না হইলে কোন বিষয়ে কৃতকার্য হওয়া অসম্ভব। ইহা যেন একটা ঐন্দ্রজালিক শক্তি, ইহা দ্বারা মানুষকে মুগ্ধ করা যায়। কার্যকৌশল ব্যক্তি, অগ্নিকে সুখী করিতে পারেন, অগ্নিকে মনকষ্ট, ভুলধারণা অসন্তোষ হইতে বাঁচাইতে পারেন। ব্যবহারে অনভিজ্ঞ ব্যক্তি, অগ্নির মনে কষ্ট দেন, লোকের মনে ভুলধারণা জন্মাইয়া দেন। কার্যকৌশলতা মানুষের হৃদয়দ্বারকে উন্মুক্ত করে, আত্মীয়তা বন্ধুতা স্থাপিত করে। ধাতু তৈলাক্ত থাকিলে, যেমন সংঘর্ষণ ও অগ্নি উৎপন্ন হইতে পারে না; তেমনি, কার্যকৌশলতা থাকিলে পরস্পরের সহিত

ব্যবহারে সংঘর্ষণ হয় না, অর্থাৎ মনোবাদ, মনোকষ্ট ক্রোধ হিংসা উপস্থিত হয় না।

কার্যকৌশলতা কি তাহা বুঝাইয়া দেওয়া সুকঠিন। কিন্তু কোনটা কার্যকৌশলতা কোনটা নয় তাহা বলা যাইতে পারে। কার্যকৌশলতার কয়েকটা দৃষ্টান্ত দেখাইলে বুঝিতে পারিবেন, যে ইহা সুশিক্ষা, বিস্ময়প্রীতি, ও অগ্নির অবস্থা বুঝিবার ক্ষমতার উপর নির্ভর করে। ভদ্রতা ও সদয়ব্যবহার, ইহাও ঘনিষ্ঠ আত্মীয়। জ্ঞান, সৃষ্টি, সহানুভূতি, উদারতা, ধৈর্য, ক্ষমা, সুবিবেচনা, প্রভৃতি নানা গুণের সমষ্টি, বা ফল কার্যকৌশলতা। ইহাদের মধ্যে একটীরও অভাব হইলে, কার্যকৌশলতা অন্তর্হিত হন। কার্যকৌশলতা অত্যন্ত সুকুমার, ইহার সহজে অনিষ্ট হবার সম্ভাবনা। যদি লোকের সঙ্গে ব্যবহার করিতে গিয়া, একটু অধীর হই বা উদাসীন হই, আর কার্যকৌশলতাকে খুঁজিয়া পাওয়া যাইবে না। অতি যত্নের ধন, অল্পেই নষ্ট হয়। বুদ্ধ, অক্ষম; বধির বা অঙ্গহীন ব্যক্তিদিগের সহিত, ব্যবহার করিতে কার্যকৌশলতা একান্ত আবশ্যিক। সকলেই বুদ্ধ ও অক্ষমদিগকে সাহায্য করিতে ইচ্ছুক; কিন্তু অতি অল্পেই ইহাদিগের মনে আঘাত লাগিবার সম্ভাবনা। যিনি অঙ্গহীন তাঁর অঙ্গহীনতার কোনরূপ উল্লেখ না করিয়া ও অপরদিকে তাঁর অসহায় অবস্থার বিষয়ে উদাসীন না হইয়া তাঁহার সহিত ব্যবহার করিতে হইবে। যিনি বধির হইয়াছেন, তাঁর সম্মুখে আস্তে আস্তে কথা বলা



উচিত নয়, কিন্তু তাঁকে লক্ষ্য করে উচ্চৈঃস্বরে কথা বলাও অশ্রী। যিনি বুদ্ধ বা অক্ষম, তাঁর দিকে সকলের দৃষ্টি আকর্ষণ করা উচিত নয় ও অবহেলা করাও ঠিক নয়। যখন কোনও বুদ্ধ বা অক্ষম ব্যক্তিরে সঙ্গিত ব্যবহার করিবে, তখন মনে মনে ভাবিয়া দেখিবে, তুমি এরূপ অবস্থাপন্ন হইলে, অশ্রীর নিকট হইতে পিছুপা ব্যবহার প্রত্যাশা করিতে, তাঁহাদের প্রতি সেরূপ ব্যবহার করিবে। সার কথা এই কার্যকুশল লোক সর্বদা অশ্রীকে সুখী করিতে চেষ্টা করিবে।

লোকের সহিত ব্যবহারে যেনন আমরা নিজের ইচ্ছা রুচি সুখ সুবিধার কথা ভাবি, তেমন অশ্রীর ইচ্ছা সুবিধার বিষয় ভাবিতে হইবে।

অসরল, কার্যকুশলতা দ্বারা কিছুকালের জন্ত লোকের মনকে আকৃষ্ট করিতে পারে বটে, কিন্তু অনতিবিলম্বে তাহার শূন্যতা প্রকাশিত হয়, তাহার দ্ব্যর্থপর স্বরূপ, দেখা দেয়।

### সক্রেটিস ।

পাঠিকাগণ আপনারা অবশ্যই মহাত্মা সক্রেটিসের নাম শুনিয়াছেন, আজ তাঁর মৃত্যুর পূর্বের কয়েক ঘণ্টাতে যে সকল বাক্যালাপ করিয়াছিলেন, তাহাই বলিতে চাই। তিনি কেমন অকুতোভয়ে, আপনার অন্তর্নিহিত, স্বাভাবিক জ্ঞান ও আলোকের জন্ত প্রাণ দিলেন, সেরূপ দৃষ্টান্ত জগতে বিরল। কুসংস্কার, পৌত্ত-

লিকতা পাপ স্বার্থপরতার মধ্যে উর্দ্ধ-প্রেরিত জ্ঞান ও আলোকের বশবর্তী হইয়া, নিস্বার্থপ্রেমে পরশুভানুধ্যায়ী হইয়া বিষপানে, প্রাণত্যাগ করিলেন। বিষ প্রয়োগের পূর্বে তাঁহাকে কিছুদিন, কারারুদ্ধ করিয়া রাখিয়াছিল, তখন তাঁর আত্মীয় বন্ধুগণ তাঁহাকে পলায়ন করিবার পরামর্শ দিয়াছিলেন, তিনি ইচ্ছা করিলে অনায়াসে পলায়ন করিতেও পারিতেন। যখন তাঁর স্ত্রী তাঁকে বলিলেন, এইরূপে নিরপরাধে, অবিচারে তোমার প্রাণ যাইবে। তাহার উত্তরে সক্রেটিস বলিয়াছিলেন, তুমি কি ইচ্ছা কর আমি অপরাধী হইয়া প্রাণদণ্ডে দণ্ডিত হই।

খ্রীষ্টের জন্মের কয়েক শতাব্দী পূর্বে সক্রেটিস গ্রীসদেশে জন্মগ্রহণ করেন। তিনি বলিতেন, যে আমার অন্তরে একজন কে কথা বলেন, সেই বাণীর অনুসারে আমি চলি। তিনি যুবকদের সহিত, নীতিচরিত্র বিষয়ে নানারূপ আলোচনা করিতেন, কেবল উপদেশ দিতেন না, কিন্তু তাহাদের সহিত আলোচনা করিতে করিতে সত্যকে, সুনীতিকে বুঝাইয়া দিতেন, যাহাতে যুবকগণ সে সকল গ্রহণ না করিয়া থাকিতে পারিত না সে সময়ে তাঁর মত জ্ঞানী আর কেহ ছিলেন না। তাঁহার সমকালীন অনেক লোকের খুব পাণ্ডিত্য ছিল, তাহারা তাঁহাকে ঘেঁষ করিতেন। কথিত আছে একদা তাঁহারা ডেলফাই মন্দিরে ( Oracle of Delphi ) জিজ্ঞাসা করিয়াছিলেন, এখন সর্বাপেক্ষা অধিক জ্ঞানী কে? দৈববাণী হইল,

সক্রেটিস। একথা যখন সক্রেটিসের কর্ণ-গোচর হইল, তখন তিনি বলিলেন, আমাকে এই জন্ত অদ্বিতীয় পণ্ডিত বলা হয়েছে যে, আমি জানি যে আমি কিছুই জানি না। কারণ যিনি যত কেন পণ্ডিত জ্ঞানী হউন না, কেহই কিছু জানেন না, ইঁহারা সকলে পণ্ডিত জ্ঞানী বলিয়া অভিমান করেন, কিন্তু আমি একথা জানি যে আমি কিছুই জানি না, তাই আমি সর্বাপেক্ষা জ্ঞানী। তিনি যুবকদের অনিষ্ট সাধন করিতেছেন ও তিনি প্রচলিত দেব দেবীকে স্বীকার করেন না, এই অপরাধে তিনি প্রাণদণ্ডে দণ্ডিত হন। তিনি কয়েকজন অত্যন্ত প্রিয় বন্ধু ও শিষ্য পাইয়াছিলেন, তাহারা তাঁহাকে অত্যন্ত ভালবাসিতেন ও ভক্তি করিতেন। জগদ্বিখ্যাত জ্ঞানী প্লেটো সক্রেটিসের শিষ্য ছিলেন, তিনিই সক্রেটিসের জীবনের শেষ কয়েক ঘণ্টার বিষয়ে যাহা লিখিয়া গিয়াছেন তাহাই এখানে লিখিত হইল।

আমরা কারাগারে প্রবেশ করিয়া দেখিলাম, সক্রেটিসকে শৃঙ্খলমুক্ত করা হইয়াছে, তাঁর স্ত্রী জ্যাটিপি ছোট ছেলটীকে নিয়ে তাঁর পাশে বসে আছেন। আমাদের দেখিবামাত্র জ্যাটিপি উচ্চৈঃস্বরে ক্রন্দন করিতে লাগিলেন, স্ত্রীজাতিস্বলভ নানা প্রকার বিলাপ করিতে লাগিলেন। জ্যাটিপি বলিলেন, “সক্রেটিস, তোমার বন্ধুরা তোমার সঙ্গে শেষ আলাপ করবেন, তুমিও বন্ধুদের সহিত শেষবার কথা বলিয়া লইবে।” সক্রেটিস ক্রিটোকে বলিলেন, তোমরা তাঁহাকে গৃহে লইয়া যাও।

জ্যাটিপি বক্ষে করাঘাত করিতে করিতে উহাদের সঙ্গে গৃহে গেলেন। সক্রেটিস বিছানার উপর উঠিয়া বসিয়া পায়ে হাত বুলাইতে লাগিলেন, বুলাইতে বুলাইতে বলিলেন “মানুষ যাকে সুখ বলে, সেই সুখ কি আশ্চর্য্য পদার্থ, ইহার বিপরীত বস্তু দুঃখের সঙ্গেই বা ইহার কি আশ্চর্য্য সম্বন্ধ। যদিও তাহারা একই সময়ে একজন লোকের নিকট উপস্থিত হয় না, কিন্তু যেখানে ইহাদের মধ্যে একটা স্থান পায়, সেখানে অপরটাকে আশ্রয় দিতে বাধ্য।”

এই কথার পর সক্রেটিস বলিলেন, “যদি ইসপ (Aesops Fable যিনি লিখেছেন) ইহা লক্ষ্য করিতেন, তাহা হইলে তিনি ইহা লইয়া একটা উপকথা লিখিতেন।” ভগবান, এই দুইটা বিপরীত বস্তুকে মিলাইতে চাহিলেন, কিন্তু কোন-রূপেই মিলিত করিতে না পারিয়া, তিনি তাহাদের মস্তকদ্বয়কে সংযুক্ত করিলেন। এই জন্ত যাহার নিকটে একজন আসিয়া উপস্থিত হন, অনতিবিলম্বে আর একজনকেও দেখা যায়। যেমন আমার পায়ের ব্যথা হইয়াছে, শৃঙ্খলাবদ্ধ হইবার পূর্বে হইতেই আমি পায়ের ব্যথায় কষ্ট পাইতে ছিলাম কিন্তু এখন আরাম আসিয়াছে।

### পারিবারিক ধর্ম্মকথা ।

ভারতবর্ষ এবং অশ্রী দেশেও এখন সকল বিষয়েই প্রাচ্য এবং পাশ্চাত্যতাবের মিলন দেখিতে পাওয়া যাইতেছে। যদিও



কোন কোন স্থলে পাশ্চাত্যের প্রাচ্য-ভাবকে অতিক্রম করিয়া আপনার প্রাধান্য বিস্তার করিতেছে দেখিতে পাওয়া যায়, কিন্তু বিশেষ নিরীক্ষণ করিয়া দেখিলে বুঝিতে পারা যায় যে এক ভাব অল্প ভাবকে সাক্ষাৎভাবে বিনাশ করিবার উপক্রম করিলেও পরস্পরের সঙ্গে মিলিত হইয়া এক নবভাবে পরিণত হইয়া বিধাতার ইচ্ছা পূর্ণ করিতেছে।

ব্রাহ্মসমাজ বিধাতা কর্তৃক আদিষ্ট হইয়া এক মহান্ কার্যভার গ্রহণ করিয়াছেন। এই কার্যভার পূর্ব ও পশ্চিমের মিলন সাধন করা। পূর্বদেশের ব্রহ্মজ্ঞান পশ্চিমের কৰ্মসাধনের সঙ্গে মিলিত হইবে। আচার্য্য কেশবচন্দ্র বলিয়াছেন, “ইংলণ্ড ভারতকে তাহার বিজ্ঞান, সাহিত্য, শিল্প, বাণিজ্য এবং কৰ্মোত্তম দান করুক এবং ভারত ইংলণ্ডকে তাহার ব্রহ্মাবস্থা শিক্ষা দান করুক। পাশ্চাত্যসভ্যতা ঈশ্বরের নামে আমাদের দেশে আসিতেছে, কোন গর্ভিত ব্যক্তি ইহাকে অস্বীকার করিয়া বলিবে, আমরা এই পর্য্যন্ত অগ্রসর হইব আর অধিক হইব না।”

প্রাচ্য এবং পা-চাত্যভাবের একত্র সমাবেশ সাধন করিবার পূর্বে, প্রত্যেক ভাবের বিশেষত্ব কি তাহা বিশ্লেষণ করিয়া দেখা প্রয়োজন। প্রাচ্য জগত ধর্মপ্রধান, পাশ্চাত্য জগত কর্মপ্রধান। ভারত প্রাচ্যভাবের বিকাশস্থল এবং ইংলণ্ড পাশ্চাত্যভাবের বিকাশস্থল। আধ্যাত্মিক রাজ্যের যত সূক্ষ্মাদপি সূক্ষ্মতত্ত্ব ভারতে প্রকাশিত হইয়াছে, একপ আর কোন

দেশে হইয়াছে এবং বিজ্ঞান জগতের সূক্ষ্মাদপি সূক্ষ্মতত্ত্ব যত পাশ্চাত্যপ্রদেশে আবিষ্কৃত হইয়াছে, এপ্রকার আর কি কোন জাতির দ্বারা এপর্য্যন্ত হইয়াছে! বিধাতার বিশেষ বিধানে এই দুই জাতি একত্র সম্মিলিত হইয়াছে। ইহাদিগের সম্মিলনে এক নবজাতির উৎপত্তি হইবে, যাহাদের ধর্ম হইবে নববিধান। এক্ষণে যাহারা বিধাতার আলোকে এই নববিধান গ্রহণ করিয়াছেন, তাঁহারা এই নবজাতির আদিপুরুষ হইবেন। কিন্তু আমরা কি এই নবধর্মের উপযুক্ত হইয়াছি? আমাদের জীবনে কি প্রাচ্য এবং পাশ্চাত্য-ভাবের, ধর্মের এবং কর্মের একত্র মিলন হইয়াছে? আমাদের অত্যন্ত দুঃখের সহিত বলিতে হইবে আমরা এখনও তাহা জীবনগত ভাবে সাধন করিতে পারি নাই। কিন্তু আমরা এই মহান্ আদর্শকে সম্মুখে রাখিয়া তাহারি দিকে অগ্রসর হইতেছি। দোষ, ত্রুটি এবং দুর্বলতা-জমিত উত্থান ও পতনের মধ্যে দিয়া যাইতেছি; কিন্তু আশা এবং বিশ্বাসপোষণ করি যে ব্রহ্মরূপাবলে আমরা সেই আদর্শ লাভ করিতে সমর্থ হইব। অনেকে বলিয়া থাকেন ব্রাহ্মসমাজের ধর্ম এখনও নারীজাতির মধ্যে বিশেষ ভাবে বদ্ধমূল হয় নাই। ইহা অনেক পরিমাণে সত্য। তাহার প্রমাণ পুরুষদিগের মধ্যে যত অধিক সংখ্যক ধর্মপ্রাণ সাধক ব্যক্তি দেখিতে পাওয়া যায় তাহার তুলনায় নারীর সংখ্যা অত্যন্ত কম।

একটি প্রধান বিষয় এই যে সমগ্র

ব্রাহ্মসমাজের মধ্যে একজনও মহিলা প্রচারিকা নাই। যদিও কোন কোন পরিবারের কোন কোন মহিলা বিশেষ ধর্মপরায়ণা, কিন্তু সেভাব এত অধিক হয় নাই, যাহার অনুরোধে তিনি আর সকল বিষয়কে তুচ্ছ করিয়া কেবল ব্রহ্মসমাজ জীবন হইতে পারিয়াছেন। আমাদের মণ্ডলীর কোন শ্রেষ্ঠ এবং সাধক ব্যক্তি একদিন বলিতেছিলেন, “আমরা উপাসনার সময় আরাধনাব্যোগে যে প্রকার ব্রহ্মসম্ভোগ করি, আমাদের স্ত্রী সন্তানগণ সেরূপ পারেন না।” বস্তুতঃ দেখা যায়, স্বামী হয়ত নিষ্ঠাবান সাধক এবং ব্রহ্মপিপাসু, তিনি প্রতিদিন উপাসনার সময় নব নব ভাবে ব্রহ্মদর্শন এবং সম্ভোগ করিবার জন্ত ব্যাকুল, কিন্তু স্ত্রী সেরূপ নহেন। এপ্রকার ভাব নববিধানের ভাব নহে এবং আমাদের মহিলাদিগের একরূপ ভাব হওয়া কোন মতেই বাঞ্ছনীয় নহে। শাস্ত্রে আছে স্ত্রীকে ধর্মচারের অর্থাৎ সঙ্গীক ধর্মসাধন করিবে। স্ত্রীকে পরিত্যাগ করিয়া ধর্মসাধন করা নববিধানের ধর্ম নহে। বিবাহকালে স্বামী স্ত্রী উভয়েই প্রতিজ্ঞা করেন, আমার হৃদয় তোমার হৃদয়, তোমার হৃদয় আমার হৃদয়, আমাদের উভয়ের হৃদয় ঈশ্বরের হৃদয়। এই যে স্বামী ও স্ত্রী পরস্পরের হৃদয়ের ও আত্মার যোগ ইহা ধর্মসাধন ব্যতীত আর অল্প কোন উপায়ে স্থাপিত হইতে পারে না। নববিধানবিশ্বাসীর দাম্পত্য সম্বন্ধ কেবল দৈহিক নহে, ইহা আত্মিক। প্রত্যেক নববিধান বিশ্বাসীরই স্বীয় স্ত্রীকে

সহধর্মিনী কবিয়া লইতে যত্ন করা একান্ত কর্তব্য এবং প্রত্যেক মহিলাও যাহাতে আপনার স্বামীর সহধর্মিনী, সহকর্মিনী এবং সহযোগিনী হইতে পারেন, তাহার জন্ত বিশেষ যত্ন ও সাধন করা উচিত।

ব্রাহ্মসমাজে পাশ্চাত্য শিক্ষা এবং ভাবের প্রাধান্যই এখন অধিক। ইহার জন্ত নারীগণের মধ্যে বিলাসিতা সাংসারিকতা এবং ধর্মবিহীনতারই আধিকা দৃষ্ট হইতেছে। পক্ষান্তরে প্রাচ্যজাতির, বিশেষভাবে ভারতীয় মহিলাদিগের ধর্মপরায়ণতা, সাধন ভজন প্রভৃতি চরিত্রের বিশেষত্ব অনেক পরিমাণে বিলুপ্ত হইয়া যাইতেছে। অনেক ব্রাহ্মপরিবারে পারিবারিক উপাসনা প্রতিদিন নিয়মিতরূপে হয় না। কোন কোন পরিবারে হয়ত গৃহস্বামী তাহার সময়সম্মত উপাসনা করেন, গৃহিনী স্বেযোগ হইলে যোগদান করেন, কখনও করেন না। পত্র কল্যাণ অথবা পুত্রবধূগণের অবস্থাও সেইরূপ। ইহা কখনও নববিধানোচিত নহে। নববিধান পরিবার এবং দলের ধর্ম। আচার্য্য কেশবচন্দ্র তাহার কোন প্রার্থনার মধ্যে বলিয়াছেন, “পরিবার এবং দল এ দুই লইয়া ভগবানের কাছে না যাইলে তিনি দৃষ্টি করেন না।” অতএব পরিবারের মধ্যে উপাসনা যাহাতে প্রতিদিন নিয়মিতরূপে কোন বিশেষ নির্দিষ্ট সময়ে হয় এবং তাহাতে, যাহাতে পরিবারের সকলে সমানভাবে যোগ দিতে পারেন, তাহার জন্ত সর্বপ্রকারে যত্ন করা উচিত। এতদ্ব্যতীত যাহাতে পরিবারের



সকলেরই সাধন, ভজন, করিবার জগৎ প্রবৃত্তি ও আগ্রহ জন্মে এবং সকলেই স্বীয় শক্তি অনুসারে প্রতিদিন নিয়মিতরূপে কিছু কিছু সাধন ভজন করেন, তদ্বিষয়ে গৃহস্বামীর বিশেষ দৃষ্টি রাখা এবং সহায়তা করা প্রয়োজন। বিবাহিত পুত্র এবং পুত্রবধূগণ বাহাতে প্রতিদিন একত্র মিলিত হইয়া নির্জনে উপাসনা, ধ্যান, প্রার্থনা, সঙ্গীত ও প্রসঙ্গাদি করিতে পারেন তাহারও ব্যবস্থা প্রত্যেক পরিবারে হওয়া নিতান্ত প্রয়োজন। আচার্য্য কেশবচন্দ্র বলিয়াছেন “স্বামী স্ত্রী যখন নির্জনে একত্র মিলিত হইয়া ঈশ্বরের পূজা বন্দনা করেন, তখনকার দৃশ্য স্বর্গীয়” আমাদিগকে সর্বদা স্মরণ রাখিতে হইবে যে স্বর্গে ঈশ্বরের প্রেম পরিবারে আমরা যেভাবে তাঁহার প্রেমে মগ্ন ছিলাম, এখানেও সেই আদর্শ পরিবার গঠন করিতে হইবে। সেই পরিবারে বাস করিতে হইবে। যদি আমরা সংসার-সর্বস্ব হইয়া কেবল তাহাতেই ডুবিয়া থাকি, তবে আমাদের মত রূপাপাত্র আর কে? স্বর্গের বিধানলাভ করিয়া, ব্রহ্মের অবতরণ দর্শন ও সন্তোগ করিয়া যদি আবার আমরা তাহার প্রতি বিমুখ হই, তবে আমরা ব্রহ্মকপার অপব্যবহারের জন্ত নিতান্ত অপরাধী। আমাদিগকে ব্রহ্মকে লাভ করিয়া ব্রহ্মগত এবং ব্রহ্মসর্বস্ব জীবন হইতে হইবে। যদি আমাদের জীবনের গতি সেদিকে না হয়, তবে আমাদের শিক্ষা, দীক্ষা, ধর্মসাধন সকলেই বিফল। আচার্য্য কেশবচন্দ্র বলিয়াছেন, “কেবল চাহিলেই হইবে না,

পাইতে হইবে। যদি তোমরা কেবল দিবসের পর দিবস প্রার্থনাই করিতে থাক কিন্তু পার্থিত বস্ত্র না পাও তবে তাহার দ্বারা তোমাদের কি লাভ হইবে।” প্রতিদিন পরিবারে উপাসনা হইতেছে, কিন্তু উপাসকগণের জীবন কিছুমাত্র সাধন পথে অগ্রসর হইতেছে না, ভক্তি, বিশ্বাস বিনয় ও বাকুলতার মাত্রা বৃদ্ধি পাইতেছে না, প্রমত্ততা বাড়িতেছে না, এরূপ নির্জীব উপাসনায় কি ফল হইবে। ব্রহ্মই আমাদের সর্বস্ব, তাঁহারই গৌরবোদ্দেশ্যে আমরা জীবনধারণ করিব। ইহা যদি না হয়, তবে আমরা জীবমৃত। শাস্ত্র বলিতেছেন “ব্রহ্ম-লতা সকল জীবনধারণ করে, মৃগপক্ষীরাও জীবনধারণ করে, কিন্তু যিনি ব্রহ্মমনন দ্বারা জীবিত তিনিই যথার্থ জীবিত। ব্রহ্মমনন দ্বারা ব্রহ্মবান ও ব্রহ্মবতী হইতে হইবে। ব্রহ্মবান ও ব্রহ্মবতী হইবার অর্থ ব্রহ্মকে লাভ করিবার উদ্দেশ্যে এবং তাঁহারই গৌরবার্থে জীবনব্যপন করা। আমরা সাধ্যানুসারে আমাদিগের পুত্রকন্যাগণকে শিক্ষিত করিতেছি। কিন্তু আমরা তাঁহাদিগকে প্রকৃত ব্রহ্মবান ও ব্রহ্মবতী করিয়া তুলিতেছি না। আমরা তজ্জন্ত অনেক সময়ে পুত্র কন্যাগণের প্রতিই দোষারোপ করি, কিন্তু বাস্তবিক কি তাহাদেরই সমস্ত দোষ? আমরা কি দোষী নহি? আমার মনে হয় আমরাই সম্পূর্ণ দোষী। আমরা সাধন ভজন করিব না, ব্রহ্মনিষ্ঠ হইব না, যোগ বৈরাগ্যাদি সাধন করিব না, আর আমাদিগের পুত্র কন্যাগণের নিকট হইতে

কিরূপে, যাহা আমরা নহি তাহা হইবার জন্ত আশা করিতে পারি? আমাদের জন্মক প্রাচীন প্রচারক বন্ধু প্রায়ই বলিয়া থাকেন যে আমাদিগকে এমন ভাল হইতে হইবে, যাহার দৃষ্টান্তে হাজার হাজার লোক ভাল হইয়া বাইবে। ইহা অতি সত্য কথা। আমাদিগকে দুই প্রকারই করিতে হইবে, আপনাদিগকেও ভাল হইতে হইবে এবং পুত্র কন্যাগণকে ভাল করিবার জন্ত যত্ন করিতে হইবে।

বর্তমান যুগে বিধাতার বিশেষ বিধান এই যে সংসারে থাকিয়া স্ত্রী পুত্র এবং পরিবারবর্গের সহিত মিলিত হইয়া ধর্মসাধন করিতে হইবে। সংসারের বাহ্য বাহ্য প্রকাশ তাহা বজায় থাকিবে, কিন্তু উদ্দেশ্য হইবে শ্রীভগবানকে লাভ করা। আমরা প্রায়ই যে উদ্দেশ্যে ভগবান কর্তৃক প্রেরিত হইয়া সংসারে স্ত্রী পুত্র এবং পরিবারবর্গের সহিত মিলিত হইয়াছি, তাহা ভুলিয়া গিয়া বাহ্য বিষয়েই আবদ্ধ হইয়া পড়ি। যদি বিচার করিয়া দেখি, তবে দেখিতে পাই, প্রাতঃকাল হইতে সন্ধ্যা পর্যন্ত বাহ্য কিছু করি তাহা প্রায় শরীর-যাত্রা নির্বাহের জন্ত করিয়া থাকি। ইহার ফলে আমরা ভগবানকে ভুলিয়া যাই এবং সংসারসর্বস্ব হইয়া পড়ি। আমাদের সংসার একটি আশ্রমস্বরূপ হইবে। যোগীর যোগ সাধনের নিমিত্ত নির্বাচিত পরিত-গৃহা যেমন, ভক্তের ভক্তিসাধনের স্থান যেমন, আমাদের সংসার আশ্রমও তিক সেইরূপ হইবে। আচার্য্য কেশবচন্দ্র বলিয়াছেন “আমাদের বাড়ীই তীর্থ।” আমাদের

পারিবারিক দেবালয় আমাদের চক্ষে, হিন্দুর চক্ষে কাশী, বৃন্দাবন যেরূপ পবিত্র, মুসলমানের চক্ষে মক্কা যেরূপ পবিত্র, খ্রীষ্টিয়ানের নিকট জেরুজালেম যেরূপ পবিত্র, তিক সেইরূপ পবিত্র বলিয়া প্রতীয়মান হইবে। আচার্য্য কেশবচন্দ্র তাঁহার দেবালয় উৎসর্গকালীন শেষ প্রার্থনার মধ্যে বলিয়াছেন, “ইহাই আমার কাশী, ইহাই আমার বৃন্দাবন, ইহাই আমার মক্কা, ইহাই আমার জেরুজালেম। এস্থান ছাড়িয়া আমি কোথায় বাইব।” একথা বলিবার অর্থ কি? নববিধান বিধাসীর দেবালয় সামান্য স্থান নহে। ইহা তাঁহার সাধনের ক্ষেত্র, এই স্থানে বসিয়া তিনি স্বর্গ এবং পৃথিবীর অধিপতি পরমেশ্বরকে দর্শন ও সন্তোগ করিবেন, তাঁহার সহিত আলাপ করিবেন। এই জন্তই আচার্য্য কেশবচন্দ্র বলিয়াছেন “পারিবারিক দেবালয়ের প্রতি সর্বোচ্চ দৃষ্টি রাখিবে এবং সমধিক শ্রদ্ধাঅর্পণ করিবে।” ইহা ব্রহ্মধামে প্রবেশের দারস্বরূপ। কিন্তু বড়ই পরিতাপের বিষয় অনেক নববিধান বিধাসীর গৃহে পারিবারিক দেবালয় নাই। অনেকে ইহার প্রয়োজনীয়তা স্বীকার করেন না। অনেকে আবার ঈশ্বর সকল স্থানেই আছেন, অতএব সকল স্থানেই তাঁহার পূজা হইতে পারে, ইত্যাদি বলিয়া নানা প্রকার তর্ক ও যুক্তি প্রয়োগ করিয়া থাকেন। মহিলার পাঠকপাঠিকাগণ, আপনারা এপকার তর্কযুক্তির আশ্রয় লইয়া আত্ম-প্রবঞ্চিত হইবেন না। আমাদের ঈশ্বর নিত্য নবরূপধারী এবং ভিন্ন ভিন্ন



স্থানে তাঁহার বিভিন্ন প্রকাশ। রক্ষনশালায় তিনি অন্নদায়িনী, ভাণ্ডারে তিনি গৃহলক্ষ্মী, শয়নাগারে তিনি মাতৃরূপিনী এবং দেবালয়ে তিনি আমাদের ঈশ্বদেবতা। অতএব যথোচ্চাচার করিয়া ভাবের বিপর্যায় সাধন করিয়া ধর্মদ্রষ্ট হইবেন না। যদি গৃহ নিতান্ত সঙ্কীর্ণ হয়, যদি একখানি গৃহেই তোমাকে সমস্ত কার্য্য সম্বলান করিতে হয়, তবে সেই গৃহেরই স্থান-বিশেষ উপাসনার জন্ত নির্দিষ্ট রাখিও এবং অল্প কার্য্যের জন্ত তাহা ব্যবহার করিও না। পল্লীগামে দেখিতে পাওয়া যায় প্রায় প্রত্যেক গৃহস্থের বাড়ীতেই দেবালয় আছে এবং তাহাতে বিগ্রহ প্রতিষ্ঠিত আছে। সেই দেবালয়ের প্রতি হিন্দুর কি প্রগাঢ় নিষ্ঠা। প্রতিদিন কত প্রকারে দেবালয়ের পবিত্রতা রক্ষা করিবার জন্ত তাঁহার প্রাণগত যত্ন। নববিধান বিশ্বাসী হইয়া আমরা কি এই প্রকার নিষ্ঠা সাধনে পশ্চাৎপদ হইব। ঈশ্বর করুন যেন এরূপ না হয়।

অনেকে বলিয়া থাকেন সংসারে ধর্মসাধন অতি কঠিন ব্যাপার; কারণ সংসার অতি প্রলোভনপূর্ণ স্থান। চরুলচিত্ত ব্যক্তির পক্ষে সংসারধর্ম অক্ষুর রাখা অসম্ভব। নববিধান ইহার বিপরীত কথা বলিতেছেন এবং সংসারেই ধর্মসাধন প্রশস্ত জানিয়া তাহাই অবলম্বন করিয়াছেন। কিন্তু মৌখিক কথাতে ত হইবে না, কার্য্যগত জীবনে তাহা প্রমাণ করিয়া দিতে হইবে। এক্ষণে নববিধান কোন সাহসে এই গুরুতর দায়িত্বপূর্ণ পন্থা অব-

লম্বন করিতে বলিতেছেন তাহাই দেখা যাউক। নববিধান বলিতেছেন “ওহে গৃহস্থামী, তুমি আপন বুদ্ধিতে স্ত্রী সংসার চালাইতে যাইও না। কিন্তু সর্বাঙ্গকরণে প্রভু পরমেশ্বরের উপর নির্ভর কর। তাঁহার হাতে ভার দিলে বড় বড় রাজ্য সূশৃঙ্খলে চলিয়া যায়। তুমি অবিশ্বাসের বশবর্তী হইয়া তাঁহাকে বুদ্ধিহীন মনে করিও না। তিনি বিশ্বসংসার চালাইতেছেন, তোমার সংসারও চালাইতেছেন; তুমি বিশ্বাসী হইয়া তাঁহাকে দেখ ও তাঁহার হস্তে আত্মসমর্পণ কর।”

“ব্রহ্মের আদেশ ও আশীর্ব্বাদ না লইয়া কোন গুরুতর কার্য্যসাধনে হস্তক্ষেপ করিও না। কোন কার্য্যের দায়িত্ব পূর্ণ মাত্রায় আপনার উপর লইও না; মনে রাখিও তুমি ঈশ্বরের দাস, অতএব তাঁহারই আজ্ঞাবাহী ভূত্য হইয়া তাঁহারি আদিষ্ট কার্য্য সম্পাদন কর।” “যেখানেই থাক না কেন, যে কার্য্যই কর না কেন, স্মরণ রাখিও তুমি পবিত্রস্বরূপ ঈশ্বরের সন্নিধানে থাকিয়া তাঁহারই সেবাব্রতসাধনে নিবৃত্ত আছ। তোমার প্রত্যেক গৃহ-কার্য্যই ঈশ্বরের সেবা।” এই ভাব দ্বারা প্রণোদিত হইয়া এবং জ্ঞানময় গুরু ঈশ্বরের আদেশে প্রত্যাদিষ্ট হইয়া সংসারযাত্রা নিকাহ কর, স্ত্রী পুত্র পরিবার প্রতিপালন কর। সংসার তোমার অধীন হইবে, তুমি ব্রহ্মানন্দ লাভ করিবে।

প্রায়ই দেখিতে পাওয়া যায় সংসারে নানাবিধ বিশৃঙ্খলা, অশান্তি, উত্তেজনা আসিয়া গৃহস্থকে বিব্রত করিতেছে; গৃহস্থ

চারিদিক অন্ধকার দেখিতেছেন। কণ্ঠার বিবাহ দিতে হইবে পাত্র পাওয়া যাইতেছে না, পুত্রকে বিদ্যাশিক্ষা দিবার ব্যবস্থা করিতে হইবে, অর্থসংস্থান নাই, সাংসারিক নানাবিধ অভাব মোচন করিতে হইবে যথোপযুক্ত উপায় অবলম্বিত হইতেছে না; এসকল চিন্তের উদ্বেগজনক অবস্থার প্রতিরোধক উপায় কি? ইহার একমাত্র প্রতিকারের উপায় প্রার্থনা। আমরা যদি ঈশ্বরকে আমাদের দয়ালু পিতা ও মাতা জানিয়া তাঁহার উপর বিশ্বাস স্থাপন করি, সকল প্রকার অবস্থা-বিপর্য্যয়ের মধ্যে তাঁহার ইচ্ছিতানুসারে সংসার পথে চলি, তবে আর আমাদের ভয় কি? আচার্য্য কেশবচন্দ্র বলিয়াছেন “যে গৃহে প্রার্থনা আছে, সে গৃহে কিসের অভাব? ভাই বন্ধুগণকে বলি, প্রার্থনা কর, তাঁহারা করেন না, তাই দুঃখ পান।” প্রার্থনা এবং ব্রহ্মরূপাই আমাদের একমাত্র সহায়। আমরা সংসারের সকল প্রকার বিপদ পরীক্ষার মধ্যে ব্রহ্মরূপাবলে স্থির থাকিব এবং প্রার্থনাবলে উত্তীর্ণ হইব। প্রতিদিন প্রতি অবস্থায় ব্রহ্মের আদেশ শুনিয়া তাঁহারি আদিষ্ট পথে চলিতে চেষ্টা করিব। তাঁহার আদেশ শুনা ত কিছু অলৌকিক ব্যাপার নহে। তিনি অতি জঘন্য পাপীর সঙ্গেও কথা বলেন। আচার্য্য কেশবচন্দ্র তাঁহার কোন প্রার্থনার মধ্যে বলিয়াছেন “মন তুই ছুরায়া, সদাঙ্গা নোস; তোর প্রত্যাদেশ হয় তুই বলিস্, হয় না। ব্রহ্ম তোর সঙ্গে কথা বলেন, তুই বলিস্, বলেন না।”

আমাদের পরম সৌভাগ্য যে আমরা ব্রহ্মের আদেশ শুনিবার অধিকার প্রাপ্ত হইয়াছি। আমরা যেন ইহার সদ্যবহার করতে পারি। ইহাই নববিধানের বিশেষ বিশেষত্ব। ইহারই জন্ত ভক্ত ব্রহ্মানন্দ কতই না নির্যাতন সহ করিয়াছেন।

প্রত্যাদিষ্ট ব্যক্তির জীবন বিপদ পরীক্ষায় কিরূপে অচল অটল থাকে তাহার প্রকৃষ্ট প্রমাণ আমরা শ্রীকৃষ্ণার জীবনে দেখিতে পাই। তিনি ক্রুশারোপিত হইবার পূর্বে ভূমিতে অবলুপ্তিত হইয়া প্রার্থনা করিতেছিলেন এবং যখন ঈশ্বরের অভিপ্রায় বুদ্ধিতে পারিলেন তখন তাঁহার শিষ্যগণকে সম্বোধন করিয়া বলিলেন “সময় আগত প্রায়, তোমরা নিদ্রা যাও” এবং স্বয়ং মরিবার জন্ত প্রস্তুত হইয়া রহিলেন। ইহাই আমাদের আদর্শ। সংসার মারিবার জন্ত উপক্রম করিতেছে, আর ঈশ্বরের সম্মান প্রার্থনাবলে ব্রহ্মরূপাবলে বলীমান হইয়া নিভীক হৃদয়ে দণ্ডায়মান। প্রত্যেক নববিধান বিশ্বাসী বিশ্বাসিনী এরূপ বিশ্বাসের পরিচয় দিবার জন্ত বিধাতা কর্তৃক আদিষ্ট। আমরা আপনাদিগকে বিশ্বাসী নামে অভিহিত করিতে চাই, কিন্তু আনাদের জীবন এখনও বিশ্বাসের রাজ্য হইতে অনেক দূরে। আচার্য্য কেশবচন্দ্র বলিয়াছেন “বিশ্বাস পর্ত্তকেও স্থানান্তরিত করিতে পারে।” মহর্ষি ঈশা বলিয়াছেন যদি তোমাদের সর্বপ কণার ছায় বিশ্বাস থাকে, তোমরা পর্ত্তকে বলিবে স্থানান্তর হও এবং তখন তাহা স্থানান্তরিত হইবে, এবং তোমাদের পক্ষে কিছুই অসম্ভব



থাকিবে না। আমরাদিগকে জীবনের প্রত্যেক ঘটনায় বিশ্বাসের এই অলৌকিকতার পরিচয় দিতে হইবে। কেবল পরিবারের মধ্যে কোন এক বিশেষ ব্যক্তি বিশ্বাসী হইলে চলিবে না, সমগ্র পরিবারকে বিশ্বাসী পরিবার হইতে হইবে। যাহাতে আমাদের পরিবারে কেবল ঈশ্বরই মহিমাম্বিত হন, আমরা যেন সর্বদা তাহাই করিবার জন্ত যত্নবান ও যত্নবতী হই। কারণ ইহাই আমাদের জীবনের লক্ষ্য, ইহাই আমাদের পরিবারের লক্ষ্য এবং ইহাই আমাদের সমাজের লক্ষ্য।\*

শ্রীঃ—

### জীবন ।

( বামাবোধিনী পত্রিকা হইতে উদ্ধৃত। )

জীবন কি? আমার যাহা কিছু আছে, তৎসমুদায়ের মধ্যে আমার সর্বোপেক্ষা প্রিয় ও মূল্যবান এবং আদরের সামগ্রীই আমার জীবন। কাল-সমুদ্রের একটা তরঙ্গই আমার জীবন, ইহাই

\* এই প্রবন্ধ লেখক বন্ধু অতি ভাল ভাবে গৃহস্থের গৃহে নবধর্ম সাধনের বিষয় উপদেশ লিখিয়াছেন। তাহার ভাবের প্রতি সম্মান করিয়া আমরা প্রবন্ধটি পত্রস্থ করিলাম। তাহার হয়ত জানা নাই যে 'মহিলা' সাক্ষাৎভাবে ধর্ম প্রচার বা নববিধান প্রচারের পত্রিকা নহে, ইহাতে সাধারণ ভাবে নারীজাতির জ্ঞান ও ধর্মোন্নতির বিষয় ও অগাণ হিত-কর বিষয় লিখিত হইবে, ইহাই উদ্দেশ্য।

সম্পাদক ।

শুনিতে পাই। গুরুজনেরা আশীর্বাদ করিয়া বলেন—“শতং জীব।” কালের এক স্থান হইতে অল্প এক স্থান পর্যন্ত ব্যাপ্তি, ইহাই জীবন। জড়জীবন, পশুজীবন, মনুষ্যজীবন কালের ব্যাপ্তিমাাত্র। ইহা বর্ষ, দিন, মাস, যুগ প্রভৃতি দ্বারা গণনা করা যায়। যদি জীবন কেবল তাহাই হয়, তবে এত রোদন, এত হা হন্ত, হা হতোষ্মি, যথাই মনে হয়। কেবল কালের বন্ধে ক্ষুদ্র বা দীর্ঘ একটা রেখার জন্ত এত ক্লেশ কেন? ইহা না থাকিলেই বা ক্ষতি কি? ইহা থাকিলেই বা লাভ কি? জলের রেখা, বালুকার রেখার মত, উহা উঠিয়া গেলেই বা এত রোদন কেন?

সূচ্যগ্রে যে গুরু থাকে, তাহাতে কোটি কোটি জীবগু রহিয়াছে। উহারই একটীমাত্র মাতৃজরায়ুর মধ্যে প্রবেশ করিয়া, ক্রমশঃ বর্ধিত হইয়া লাল্য, পরে মাংসপিণ্ড, পরে নরনারী আকারে পরিণত হইয়া ও গতিশীল ইন্দ্রিয়শক্তিসম্পন্ন হয়। এই প্রকারেই মানবজীবনের আরম্ভ হয়, দেহবিজ্ঞান বলেন। এই তত্ত্ব বিশ্বয়-কর সন্দেহ নাই। মানবের এই প্রকার অণু হইতেও অণুর উৎপত্তি বলিয়াই মানবের বৃষ্টি এত অহঙ্কার! এক সূচ্যগ্রে যে বীর্ষ্য থাকে, তাহাতে একটি দেশের সমুদায় লোকের উৎপত্তি হইতে পারে। এক বিন্দু গুরুমধ্যে কোটি কোটি মানব, কোটি কোটি দিল্লীধর, জ্ঞাশা, মুসা, কালিদাস, হোমর থাকিতে পারে। ইহাই মানবজীবনের দৈহিক ও পার্থিব উৎপত্তির ইতিহাস। ইহা স্বরণ থাকিলে প্রকৃত

বিনয় জন্মে। আমরা ছোট লোক বলিলে অহঙ্কারে, ক্রোধে ক্ষিপ্ত হইয়া উঠি। কিন্তু গুরু শোণিত হইতে ও কীটগুকীট হইতে উদ্ভব যদি সত্য হয়, তবে আপনাকে বড়লোক, অভিজাত ভাবিয়া কে আত্ম-প্রভারিত হইতে চাহেন? এত দিনে দেখিতেছি,—হিন্দু সাধকেরা কেন দেহ-তত্ত্বের এতই গৌরব করেন। আরও দেখিতেছি যে, এই মানবজীবন কীটগুকীট হইতে জাত বলিয়া, অল্প আর একটী শক্রতাভাবাপন্ন কীটগুকীট হইতে ইহার এত ভয়। একটী কীট আর একটী কীটকে পরাজিত করিবে, বহুবুদ্ধি 'চীত' করিবে, তার আর বিশ্বয় কি? আমরা রক্ত, লাল্য, অস্থি, চর্ম, মাংসপেশী দ্বারা জড়িত হইয়া কুলাকার দেখাইতেছি;—নিজের চক্ষে দ্রাস্ত ও মনে মনে বড় লোক হইয়াছি বলিয়া আমাদের জাতির ভ্রাতারা ভ্রাতা ও ভীত হইবে কেন? তাই ম্যান্-রিয়া, বসন্ত, প্রেগ, প্রভৃতি রোগের "ভারাকীটেরা" (parasites) ভয়াদি করিয়া আমাদের এক বিপন্ন করে। তাহারা এত ছোট যে বহুদূর হস্তক বস্ত্রের সাহায্য ব্যতীত তাহাদিগকে দেখা যায় না। তুমি ও আমি এত ছোট, কিন্তু আমরা আমাদের চক্ষে কত বড়।

এই মানবের জীবন মনুষ্যদেহে অব-তীর্ণ হইবার পূর্বেও বর্তমান রহিয়াছে, অর্থাৎ অদৃশ্য জীবগু বা কীটগুরূপে মানব কাল-সমুদ্রে লীলা করিতেছে, জীবনতরী-খানি বাহিয়া চলিয়াছে। জড়-বিজ্ঞান-চক্ষু এই জীবগু হইতে আরম্ভ করিয়া মানব-

দেহের ধ্বংসকাল পর্যন্ত দেখিতে পায়। এই দৈহিক ধ্বংসকে মানবজীবনের শেষ বলিয়া থাকে। এই ধ্বংসকে মানবজীবনের শেষ মনে করিতে মানব প্রস্তুত নহে। মানব মরণের উপকথা শুনিতে চাহে না। তাহার কারণও আছে। মানবদেহরূপে জন্ম হইবার পূর্বে যদি অদৃশ্য আকারে আধি-রূপ জীবগুর আস্তিত্ব সত্য হয়, তবে ঐ দেহের উপকরণসমূহের বিকাস, বিশ্লেষ প্রভৃতির পরেও, ঐ জীবগুর পুনঃবৎ অদৃশ্য সত্তার আস্তিত্ব না থাকবেই বা কেন? তাই, মানবজন্মের তাহার আস্তিত্বে একবার দৃষ্টিকার হইয়া পুনঃ সত্বর বেদ-খণ হইতে রাজি নহে। তাই সে কথা মানিতেও রাজি নহে, সে মত স্বীকার করতেও ইচ্ছা করে না।

তাই মানব "মরণ" দেখিয়াও জানে, আমি অমর। মানবজীবনের অনন্তত্ব বিষয়ে দর্শনশাস্ত্র নানা প্রমাণ দ্বারা মানবের জীবনবৃত্ত স্থাপনা করে। ইহার প্রধান ডাক্তার মহাত্মা সফ্রেটাস। ইহা হাতহাসের বিষয়। এই সমুদায় চিন্তা ও ঘটনা হইতে প্রতীক্ষমান হইতেছে যে, চর্চ করিয়া কোন রোগের বা স্বাভাবিক দেহক্ষয়ের জীবগু, আমাদের জীবন হইতে বেদখল করতে পারিতেছেন না। মানব মরণের এ ছেলে ভুগানো ছড়া বা ভুতের ভয় করে না।

ব্যবহার-শাস্ত্রজ্ঞ পাণ্ডিতেরা বলেন যে, যে স্বস্ত্র একবার বর্তে, তাহা আর নষ্ট হয় না। সংসারের ব্যবহারাজীবেরা বাহাই বন্ধন, অব্যায়রাজ্যের প্রধানেরা এড্-ভোকেটু জেনারেলগণ, খাস মহর্ষিগণ



বলিয়াছেন যে, মানব-আত্মা অবিনাশী। ইহা কতই বিজ্ঞানের, দর্শনের, আইনের, আশার ও জোরের কথা। আমাকে তোমরা কেহ এ জীবন হইতে বেদখল করিতে পার না, কখনও পারিবে না। আমি ছিলাম, আমি আছি, এবং আমি থাকিব। বিজ্ঞান বলেন, যন্ত্রে দেখ। সাধক বলেন, দেহতত্ত্বে দেখ, সফ্রেটাস বলেন, আপনাকে জান। হিন্দু মহর্ষিগণ বলেন, আত্মবিৎ হও।

এই প্রকারে দেখিলাম যে, কাল-দেহের উপর মানবজীবনরূপ বে সরণ রেখা রহিয়াছে, উহার অন্ত নাই। অন্ততঃ অন্ত আছে ভাবিবার কোন কারণও নাই; এবং বিপরীত সত্যটাই নিত্য বলিয়া বোধ হয়। কিন্তু ইহা বুঝিয়াও, জীবন কি বুঝিলাম না। আত্মা তৃপ্ত হইল না। এমন থাকা, না থাকা প্রায়ই তুল্য; কেবল থাকিয়া কি হইবে? কিরূপে থাকা উচিত, ইহার শীমাংসার প্রয়োজন। এবং সেই শীমাংসারূপী কালসমাপন করা, আমার জীবনতরঙ্গটা তদনুরূপ চালিত করা প্রয়োজন।

শিশুকালে জানিতাম যে, জনমীর স্নেহক্রোড়ে অশেষভাবে বসিয়া থাকাই জীবন। মাতৃস্তন্য ভোগ করাই মরণ। পরে ভাবিতাম, দিবানিশি ক্রীড়াসক্ত থাকাই জীবন। ক্রমশঃ দেখিলাম, দেহের বল উপার্জন করাই জীবন। পরে জানিলাম, নানা বিজ্ঞান পারদর্শী হওয়া জীবন। কেহ কেহ বলিলেন, জীবনের প্রধান লক্ষ্য বড় হওয়া। কেহ বলিলেন, গৌরব

উপার্জন করাই জীবন। শাস্ত্র বলিলেন, “কীর্ত্তির্যন্ত স জীবতি।” আত্মীয়স্বজনেরা, বন্ধুবান্ধবেরা বলিলেন,—“উকিল হও, হাইকোর্টে যাও। ইহাই উত্তম জীবন।” কেহ বলিলেন, “বড় পদ লাভ কর। হাকিম হও। ইহাই জীবন।” এই সমুদয় পরামর্শে হৃদয় তৃপ্ত হইল না।

দেশহিতৈষী বলিলেন,—“স্বদেশ-প্রেমই জীবন।” পরোপকারী বলিলেন, “দয়াই জীবন।” সাধু বলিলেন, “ধর্মই জীবন।” প্রেমিক বলিলেন, “প্রেমই জীবন।” কবি বলিলেন, “কবিত্বরসে সিক্ত থাকাই জীবন।” গায়ক বলিলেন, “শব্দমাধুর্য্যে মগ্ন থাকাই জীবন।” সংসারের বড় লোকেরা বলিলেন, “টাকাই জীবন। যার টাকা নাই, সে ছোট লোক। তার মরা উচিত।” কিন্তু মরা উচিত, মৃত্যু আছে, এ কথা মানবহৃদয় কখনও স্বীকার করে নাই, করিবে না। “জ্যোতি-র্ষিৎ ও বৈজ্ঞানিক বলেন, নব নব গ্রহ আবিষ্কার করা, নব নব সত্য দেখাই জীবন।”

ঐ গোলাপ বৃক্ষটার জীবন এক প্রকার। ঐ সরোকহের জীবন এক প্রকার। ঐ কুমুমকলিকার, ঐ জ্যোতি-র্ষের, ঐ কীটের, এবং ঐ বিহঙ্গমের জীবন এক প্রকার। সাগরগর্ভসমগ প্রবালদ্বীপের, আগ্নেয়গিরিগর্ভস্থ শক্তি-পুঞ্জের, শশাঙ্ককিরণের, সৌর জ্যোতির জীবন এক প্রকার। সেনাপতির জীবন যুদ্ধে জয়লাভ করা, সেনা চালন করা বাহু রচনা করা—অগণ্য মানবজীবন

সহজে ও অনায়াসে নাশ করাই তাঁহার জীবন। মহাপ্রাণ ঈশার জীবন, মানব-পাপতাপে বিদীর্ণহৃদয় হওয়া। শাক্যসিংহের জীবন বাসনার নির্মাণ করিয়া, ক্লান্ত ও পরিশ্রান্ত জীবকে শীতলহৃদয়ের ছায়াতলে আশ্রয় দেওয়া। জীবন নানা প্রকার। কিন্তু প্রকৃত জীবন কি? একটীও ইহার পূর্ণ উত্তর হইল না।

মহাসমুদ্রে বৃহদায়তন তিমি মুখ ব্যাদান পূর্বক, চক্ষু প্রসারণ করিয়া বলিলেন, এই প্রকার জল-ক্রীড়াই প্রকৃত জীবন। বসন্ত সমীরণ, দোলিত বৃক্ষ-লতার নব কিশলয়ের মরমর ঝুরঝুর রাগিণীর মধ্যেই প্রকৃত জীবন বলিয়া প্রকাশ করিলেন। ক্ষীততরঙ্গ অচল-ভেদী নদপ্রবাহ দম্ভের সহিত বলিলেন, “বহিয়া যাওয়াই জীবন।” কিন্তু মানব-আত্মা সে কথা মানিতে চাহে না। এ প্রকার কালসমাপন করা, “বহিয়া যাওয়া,” “নরকে যাওয়া” প্রভৃতি প্রচলিত শব্দের ভাব প্রকাশ করে।

শাস্ত্র, ইতিহাস, পুরাণ, যে যাহা জানেন, বলিলেন, গণিতবেত্তা, জ্যোতি-র্ষিৎ, কবি, দার্শনিক, গায়ক, আত্মীয়, বন্ধু, ধনী নির্ধন, বিজ্ঞ ও মূর্খ আপন আপন জীবনের সংস্কার দেখাইলেন, মানব-আত্মা বলিতেছেন, “উহা নহে।”

বিজ্ঞান (Biology) আরও বলিতে-ছেন যে, পার্শ্ববর্তী সত্তার সহিত সামঞ্জস্য রক্ষা করাই জীবন। অথবা, ঐ বন্ধুতা, বা সামঞ্জস্য রক্ষা করিতে না পারাই মরণ। যথা, যতক্ষণ মীন বারির ধর্ম্মে নিজধর্ম্ম

মিলাইয়া কাল যাপন করে, ততক্ষণই তাহার জীবন। তাহাতে অপটু হইলেই তাহার মরণ। বারি হইতে উত্তোলন করিয়া ভূমির উপর উহাকে রাখিলে, নবমহচল স্থলের সহিত সামঞ্জস্য রক্ষা করিতে অক্ষম হয় বলিয়াই মৎস্যের মৃত্যু হয়। মানব নানা অবস্থার পরিবর্তনের সঙ্গে সঙ্গে আপনাকে পরিবর্তিত অবস্থার উপযোগী করিয়া লইতে সক্ষম হয় বলিয়াই নিরশ্রণীভূত জীব হইতে অধিক ক্ষমতাপন্ন এবং উৎকৃষ্ট। যিনি যত অধিক পরিমাণে অবস্থার পরিবর্তনের সহিত ব্যবস্থার পরিবর্তন করিতে সক্ষম, তিনি ততই উচ্চ শ্রেণীর; তাঁহার জীবন ততই অধিক মূল্যবান বা উচ্চতর। সংসারে যিনি পাঁচজন লোকের সহিত মিলিয়া মিশিয়া চালাতে সক্ষম, তিনি ততই অধিক সাংসারিক কৃতকার্য্যতা লাভ করিতে সমর্থ। নচেৎ নানা সদৃশ্যরাশি থাকিলেও তিনি অরতী লোক বলিয়া সাধারণের চক্ষে বিবেচিত হইবেন। (ক্রমশঃ)

— (হে)

মহিলার প্রতিষ্ঠাতা ও সম্পাদক ।

মঙ্গলময় পরমেধরের রাজ্য বাস করিয়া মানুষ স্বর্গের অধিকার লাভ করে। যখন মানুষ তাঁহার মঙ্গল ইচ্ছার সহিত ইচ্ছা মিলাইয়া আপনার শক্তি, জ্ঞান, ধন ইত্যাদি ব্যয় করিতে থাকে, মানুষ ক্ষুদ্র জীব, জগতের জনসংখ্যা অত্যন্ত অধিক, ঈশ্বরের মঙ্গল স্বরূপ অনন্ত। যখন মানুষ আপনার ক্ষুদ্র প্রেমশক্তি দ্বারা মহা অভাব-



পূর্ণ-জগতের কোন এক অংশকে ধারণ করিতে প্রবৃত্ত হয় তখন সে অদৃশ্য অনন্ত মঙ্গল শক্তির স্পর্শ অনুভব করে ও অতর-বাণী শ্রবণ করে। ঈহাই ভাষার পুনস্কার, ঈহাই চিরদিনের সফল। শ্রদ্ধাস্পদ শ্রীযুক্ত গিরিশচন্দ্র সেন মহাশয় আপনার স্বাভাবিক নারীহিতৈষণা ও নারীশিক্ষা কার্যে দেব প্রেরণা দ্বারা চালিত হইয়া প্রথম জীবন হইতে বিবিধ উপায়ে এই কার্য করিয়াছেন। সাধারণত অল্প লোকে যে বয়সে পৃথিবীর পরিপ্রসঙ্গমাধ্যম দায়িত্বপূর্ণ কার্য হইতে অবসর লয় তাহা অপেক্ষাও অধিক বয়সে শ্রীদরবারের আশীর্বাদ ও সম্মতি লইয়া সেন মহাশয় এই মহিলা পত্রিকার সম্পাদন কার্য আরম্ভ করেন। ক্রমাগত চৌদ্দবৎসর সুস্থতায়, অসুস্থতায়, অর্থের অনাটন ও নানাবিধ বিঘ্ন বাধা অতিক্রম করিয়া তিনি মহিলাকে অতি আদরের সহিত পারিবারিক গণের নিকট উপস্থিত করিয়াছেন। 'তাহার এই কার্যে নিষ্ঠা,' কষ্ট স্বীকার, উৎসাহ ও আনন্দ বাহারা দেখিয়াছেন, তাহারা অবশ্য একবাক্যে বলিবেন যে ব্রহ্ম প্রেরণায় ব্রহ্ম কৃত্যগণের মঙ্গল সাধনের জন্ত আপনাকে ব্যয় করা কি, তাহা এই দীর্ঘকাল মহিলা সম্পাদন কার্যে প্রকাশিত হইয়াছে। নববিধানে সর্ব শাস্ত্রের মহা সমন্বয় সাধন কার্যে বাহারা উপর এক অতি গুরুভার হস্ত আছে, অর্থাৎ যিনি একা আরব্য ও পাবস্ত্র ভাষা হইতে মুসলমান ধর্মশাস্ত্রের অমূল্য ধন সকল বঙ্গভাষায় অনুবাদ ও সংকলন

করিবার ভার পাপ বাকি, তিনি যে নারী-জাতির শিক্ষা ও উন্নতি করায় এত দীর্ঘকাল নিষ্ঠার সহিত কার্য করিয়া আসিয়াছেন ঈহা আমাদের দেশে একরূপ অলৌকিক ব্যাপার। এই মঙ্গল কার্যে মঙ্গলময়ের প্রসন্ন বদন দর্শন করাই তাহার তৃপ্তির বিষয় ও পুনস্কার লাভ নিঃসার্থ হইয়াছে। প্রেমের দ্বারা পরিচালিত হইয়া যিনি এত দীর্ঘকাল এই কার্য করিয়া আসিয়াছেন এখন তাহার শরীর বার্কক্যা ও রোগে অক্ষম হইয়া পড়িয়াছে। তাহার পবিত্র অভিপ্রায়ের প্রিয় কার্য মহিলা প্রকাশিত হওয়া এজন্ত বন্ধ হইতে পারে না। তিনি শ্রীদরবারকে আপনার বর্তমান দৌর্বল্যের জন্ত অক্ষমতার বিষয় অবগত করিতে দরবার অল্প হস্তে সম্পাদকের কার্যভার দান করিয়াছেন কিন্তু যদি শ্রদ্ধাস্পদ সেন মহাশয় ভগবানের রূপায় অপেক্ষাকৃত বল লাভ করেন হস্ত শ্রীদরবার পুনরায় তাহার হস্তেই মহিলা সম্পাদকতা অর্পণ করিবেন।

মহিলার ভারপ্রাপ্ত সম্পাদক স্বাধীন ভাবে আপনার মত প্রকাশ করিয়া আসিয়াছেন, এবং প্রকৃত বিশ্বাসীর গায় আপনার অন্তরের আলোকে চিরদিনই এই কার্য করিয়া আসিয়াছেন। বাহারা মহিলার মতের প্রতি শ্রদ্ধা করিতে পারিতেন না, তাহারাও মহিলার সম্পাদকের মঙ্গলেচ্ছার প্রতি সন্দেহ বা অশ্রদ্ধা পোষণ করিতে পারিতেন না। বর্তমানে বাহাদিগের প্রতি সাময়িক ভাবে মহিলা সম্পাদনের ভার পড়িলে তাহাদিগেরও এই

একমাত্র উচ্চ আকাঙ্ক্ষা ও প্রার্থনা থাকিবে যে সহস্র মতভেদ ও তীর সমালোচনা হইলেও আপনাদিগের অন্তরে প্রকাশিত ও সমাজের ও জগতের সাধু-সঙ্কলনগণের জীবনে প্রকাশিত নারীজাতির হিতকর সত্য যথাসাধ্য প্রচার করাই মহিলার চিরদিনের কার্য। মতের সহিত মতের অনৈক্য চিরদিন হইবে, দুই জনের এক কুচি এক ভাব হয় না, কিন্তু অন্তরের নিঃসার্থ মঙ্গলাকাঙ্ক্ষা অচল থাকিলে শত দোষ ক্রটি সত্ত্বেও মহিলা বঙ্গমহিলাগণের পরিচর্যা কার্য করিয়া মঙ্গলময়ী জগজ্জননী ইচ্ছা পূর্ণ করিতে পারিবে, ঈহাই বিশ্বাস।

### নিবেদন।

সবিনয় নিবেদন,

বর্তমান সময়ে নারীশিক্ষার প্রয়োজনীয়তা সকলেই অনুভব করিতেছেন এবং বালিকাবিদ্যালয়, নারীশিক্ষার জঙ্গ বিশেষ কলেজ ও শিল্পবিদ্যালয় স্থাপিত হইতেছে। এ সকল শিক্ষালয়ই ভবিষ্যৎ গৃহীণীগণের শিক্ষার জন্ত প্রতিষ্ঠিত ও পরিচালিত হইতেছে। ঠিক বর্তমান সময়ে যে সকল মহিলা শিশু পালন করিতেছেন, রোগীর শুশ্রূষা করিতেছেন, গৃহের শত প্রকারের কার্য করিতেছেন তাহাদিগের দৈনিক জীবনের কার্যসম্পাদন বিষয়ে সাহায্য দান করিবার ও তাহাদিগের জ্ঞানোন্নতি সাধন করিবার একমাত্র বিদ্যালয় ভিক্টোরিয়া মহিলা বিদ্যালয়।

ইংরাজ সমাজে গৃহীণীগণের জ্ঞান ও কার্যকৌশল ইত্যাদি শিক্ষা দানের জন্ত কি কি ব্যবস্থা আছে আমরা জানি না, কিন্তু দেশীয় অথবা কোন বিদ্যালয়ে সেসকল শিক্ষার ব্যবস্থা নাই। এই বিদ্যালয়ে মহিলাগণ বিনাবায়েও অবসর সময়ে কৃতবিদ্যা সুযোগ্য বক্তাগণের মুখে অতি প্রয়োজনীয় বিষয় সকল শিক্ষা করিতে পারেন। আচার্য্য কেশবচন্দ্র এইরূপ প্রয়োজনীয় নারীশিক্ষা প্রবর্তন করিয়া গিয়াছেন। গত চার বৎসর এই শিক্ষা-কার্য সমাধায় বঙ্গগণের সাহায্যে চলিয়া আসিয়াছে। এক্ষণেও অনেক গুলি কৃতবিদ্যা অধ্যাপক ও শিক্ষকগণ বিদ্যালয়ে বিনা বেতনে বিশেষ পরিশ্রমসহকারে উপদেশ প্রদান করিতেছেন। নূতন নূতন মহিলাগণ সুবিধা পাইলে এই বিদ্যালয়ে শিক্ষালাভ করিতে আসিতে অভিলাষী আছেন। এই মহৎ কার্যের জন্ত গবর্ণমেন্ট মাসিক ৭৫০ টাকা করিয়া সাহায্য করিতেছেন, কয়েকটা দাতা বন্ধুও ইহার সাহায্যের জন্ত কিছু কিছু দান করিয়া থাকেন। সম্প্রতি শেখরু দান সংখ্যা নানা কারণে কমিয়া গিয়াছে। এজন্ত সকল দেশহিতৈষী, নারীজাতির মঙ্গলাকাঙ্ক্ষী ভদ্রমহোদয় ও মহিলাগণের নিকট নিবেদন করিতেছি যে এই মহৎ কার্যের সাহায্যের জন্ত তাহারা মুক্তহস্তে দান করিতে অগ্রসর হউন। যে সকল দাতাবন্ধু এই কার্যের সাহায্যের জন্ত এখন মাসিক দান করিতেছেন তাহারা অল্পগ্রহ করিয়া যদি দানের মাত্রা যথাসম্ভব



বৃদ্ধি করিয়া দেন এবং যে সকল বন্ধুগণ এ পর্য্যন্ত এ কার্যে মাসিক দান করেন নাই, তাঁহারা যদি মাসিক সাহায্য দান করিতে আরম্ভ করেন তাহা হইলে স্কুলের বর্তমান অভাব ১২৫ টাকা মাসিক সংগ্রহ হওয়ার কিছুই কঠিন হয় না। ১২৫ টাকা মাসিক চাঁদা পাইলেই কার্য চলিবার পক্ষে সুবিধা হয়। কোন কোন বন্ধুর মনের সংস্কার যে বালিকাগণকে অগ্রাণু পাঠশালার গ্রাম শিক্ষা দেওয়াই এই বিদ্যালয়ের উদ্দেশ্য! ফলে তাহা নয়। মাতৃগণকে, ভগ্নীগণকে, গৃহিণীগণকে প্রয়োজনীয় ও শিক্ষাপ্রদ বিষয়ে উপদেশ দেওয়া এবং যে সকল বালিকা বিশ্ববিদ্যালয়ে প্রবেশ করিতে ইচ্ছা করেন না তাঁহাদিগের উচ্চশিক্ষার ব্যবস্থা করাই এই বিদ্যালয়ের মুখ্য উদ্দেশ্য। এই সম্বন্ধে যে বালিকাবিদ্যালয় আছে, তাহার জ্ঞান সাধারণের সাহায্যের অধিক প্রয়োজন নাই। বালিকাগণের বেতন ও সরকারী সাহায্য দ্বারাই তাহা প্রায় চলিয়া যায়। পরিশেষে সাধারণ সকল দাতাগণের নিকটে নিবেদন করিতেছি যে এই অতি প্রয়োজনীয় নারীশিক্ষার সাহায্যার্থ উপযুক্তরূপে দান করিয়া কার্যনির্বাহক সভাকে সাহায্য করুন।

ভিক্টোরিয়া মহিলাবিদ্যালয়,  
৬৪১২ মেছুয়াবাজার ষ্ট্রীট,  
কলিকাতা।

নিবেদক  
শ্রী প্রমথলাল সেন,  
শ্রী ব্রজগোপাল নিয়োগী  
সম্পাদক।

মহিলার রচনা।

ভ্রাতৃত্বিতীয়া।

( ১ )

আজি কি সুখের দিন প্রতি ঘরে ঘরে।  
আজি কি মঙ্গল বাত বাজিছে সমীরে ॥  
আজি কি হাঁসির ছটা ফুল শতদলে।  
সমীর আসিয়া কাণে কত কথা বলে ॥

( ২ )

বসেছ দ্বিতীয়া তুমি স্বর্ণ সিংহাসনে।  
আশীর্বাদ লয়ে করে এমধুর দিনে ॥  
ভাই ফোটা দিবে বোন ভায়ের কপালে।  
ভ্রাতারে করিবে মেহ ভগ্নীদল মিলে ॥

( ৩ )

ধন্য গো কৌশল তব ধন্য তব মায়া।  
এস ভাই এস বোন মিলিয়া মিশিয়া ॥  
গাও গো মঙ্গল গান দাও ছলুধ্বনি।  
ভোষিছে আদরে আজি ভ্রাতার ভগিনী ॥

( ৪ )

এস গো ভগ্নীর ভাই এস ফরা করি।  
ছুরুল ভগিনীর কর ছুটা ধরি ॥  
বড় শুভদিন—এয়ে ভ্রাতৃ-সম্মিলন।  
হুঃখ তাপ দূরে গেছে শান্তি-পূর্ণমন ॥

( ৫ )

স্বরণে উল্লাস ধ্বনি করে দেবগণ।  
মরতে দ্বিতীয়া আজি মেহ সম্মিলন ॥  
পারিজাত তুলি আনি দেবতা যোগায়।  
করিছে সকলে পূজা দেবী দ্বিতীয়ায় ॥

( ৬ )

এসেছে ভগিনী ওই হাতে লয়ে ডালা।  
নির্জনে বসিয়া গাঁথি এই চারুমালা।  
গ্রহণ করিবে তাই হৃদয়ে উল্লাস।  
মনের আনন্দ মুখে হতেছে প্রকাশ ॥

( ৭ )

এই শুভদিনে বিভূ প্রণমি তোমায়।  
হেন ভালবাসা স্থায়ী হউক ধরায় ॥

শ্রীমতী প্রিয়বালা সেন।

সংবাদ।

ইংলণ্ডে লিবারপুল নগরে পাঁচ সপ্তাহ বয়সের একটি শিশুর মুখের উপরে একটা বিড়াল শুইয়া ছিল। শিশুটির শ্বাসরোধ হইয়া মারা গিয়াছে।

যে সকল ইংরাজ মহিলা পার্লামেন্টে সভায় মেম্বর হইয়া রাজ্য শাসন বিষয়ে অধিকার লাভ করিতে চেষ্টা করিতেছেন, তাঁহাদিগের বাড়াবাড়ির বিষয় অবশ্য অনেক মহিলাই সংবাদ পত্রে পড়িতেছেন। তাঁহারা অধিকার লাভ বিষয়ে বাড়াবাড়ি করিতেছেন বলিয়া বঙ্গমহিলাগণ কোন বিষয়েই যে অধিকার প্রাপ্ত হইতে চেষ্টা করিবেন না একথা সঙ্গত নয়।

শ্রদ্ধেয় শ্রীযুক্ত বসন্তকুমার হালদার মহোদয় শান্তিপুর শিক্ষয়িত্রী বিদ্যালয়ের জ্ঞান মাসিক ৫ পাঁচ টাকা সাহায্য প্রদান করিয়া বিদ্যালয়টির রক্ষা বিষয়ে যথেষ্ট সহায়তা করিতেছেন। এ জ্ঞান এই বিদ্যালয়ের পরিচালকগণ ইহার নিকট আন্তরিক ধন্যবাদ ও কৃতজ্ঞতা জ্ঞাপন করিতেছেন।

দক্ষিণ আফ্রিকার খেতাবদিগের উপনিবাসে ভারতবাসীদিগের প্রতি যে অত্যাচার ও কঠোর শাসন হইতেছে

তাহা লইয়া সর্বত্র আন্দোলন হইতেছে। বোম্বাই মাদ্রাজে এ বিষয়ে অনেক সভা হইতেছে। সে দিন কলিকাতাতেও এই বিষয়ে এক বিরাট সভা হইয়া গিয়াছে। গরিব ভারতবাসী দক্ষিণ আফ্রিকাতেও ইংরাজ সাম্রাজ্যের সাধারণ প্রজার অধিকার পাইতে মাত্র অভিলাষী, কিন্তু খেতাবদিগের তাহাও দিতে প্রস্তুত নহেন। দক্ষিণ আফ্রিকাতে ভারতবাসীকে কত কষ্ট ও লজ্জাম্পদ অবস্থায় থাকিতে হয় তাহা ভারতবর্ষের ভিন্ন ভিন্ন স্থানে বক্তৃতা করিয়া জানাইতে পোলক সাহেব এ দেশে আসিয়াছিলেন। অনেকগুলি বঙ্গমহিলা সিটিকলেজ গৃহে সভা করিয়া পোলক সাহেবের মুখে সে দেশের অবস্থা শুনিয়াছেন এবং দক্ষিণ আফ্রিকা প্রবাসী ভারতবাসীদিগের সাহায্যের জ্ঞান একটি সমিতি গঠন করিয়াছেন, ইহা অতি আহ্লাদের বিষয়। মহিলাগণ রাজনৈতিক বিষয়ে আন্দোলন করিবেন, তাহার আমরা পক্ষপাতী নহি, কিন্তু মনুষ্যের দুঃখের অবস্থা উপযুক্তরূপে জ্ঞাত হইয়া দুঃখের সহিত সহানুভূতি করা ও তাহা দূর করিতে চেষ্টা করা ইহা সকল মানুষের পক্ষে কর্তব্য। বিশেষ আমাদিগের দেশের মহিলাগণ যদি অগ্রর নানারূপ মহা দুঃখের সহিত সহানুভূতি করিয়া তাহার নিবৃত্তির চেষ্টা করেন, আপনারা দেবকন্ঠার অধিকার পাইবেন এবং পৃথিবীকে স্বর্গের দিকে লইয়া যাইবেন।

ইউরোপে মধ্যে মধ্যে এক একটা







## যদি কেশে শোভা সম্পাদন করিতে চান

তাহা হইলে প্রতিদিন স্নানের সময় আমাদের "কুন্তলবুয়া তৈল" ব্যবহার করুন। ইহা ব্যবহার করিলে কেশরাশি ভ্রমর কৃষ্ণবর্ণ ধারণ করে, এবং মাথায় সরাসরি ও খুস্কী প্রভৃতি জন্মিতে পারে না। রমণীগণ যদি কবরী রচনার সময় "কুন্তলবুয়ার" সহায়তা গ্রহণ করেন, তাহা হইলে আর তাঁহাকে অত্রবিধ স্নগন্ধি দ্রব্য ব্যবহার করিতে হয় না। এক কথায় "কুন্তলবুয়া" কেশতৈল মধ্যে সর্বশ্রেষ্ঠ। মূল্য প্রতি শিশি এক টাকা। মায় ডাক মাণ্ডল ১১/০ তিন শিশি ২১০, ডজন ২২ টাকা।

## সুরসুন্দরী বটিকার তত্ত্ব রাখেন কি ?

আমাদের সুরসুন্দরী বটিকা সর্ববিধ স্ত্রীরোগে অর্থাৎ প্রদর, বাধক, রক্তের স্বল্পতা বা স্রোমিক্য রক্তগুণ্য প্রভৃতি আরাম হয়। অতি দুর্বল বোগী ও ইহা সেবনে বিগতরোগ হইয়া দৃষ্টপূষ্টকার হইতে পারেন। যাঁহাদের গৃহে এই সব রোগে মহিলারা কষ্ট পাইতেছেন, তাঁহারা একবার আমাদের "সুরসুন্দরী বটিকা" ব্যবহার করিতে দেন। প্রতি কোটা ২২ ছই টাকা, ডাকমাণ্ডলসহ ২৩০।

**ভৈষজ্যরত্নাবলী**—(ষষ্ঠ সংস্করণ) বাহির হইয়াছে। গণির মধ্যে যেমন কৌস্তভ, জ্যোতিষ্কের মধ্যে—যেমন চন্দ্র, তেমন সমস্ত আয়ুর্বেদীয় চিকিৎসা গ্রন্থের মধ্যে "ভৈষজ্যরত্নাবলী"। ঋষিকল্প কবিরাজ বিনোদলাল সেন মহাশয়ের আজীবন-ব্যাপী পরিশ্রম গবেষণা—এই গ্রন্থ মধ্য নিহিত। আয়ুর্বেদ শিক্ষার্থী ও চিকিৎসকগণের পক্ষে ইহা মহামূল্য উপাদেয়-গ্রন্থ। পুস্তকখনি তাজার পৃষ্ঠার উপর। পুরু কাগজে সুন্দর ছাপ। এই একখানি পুস্তক পড়িয়াই উৎকৃষ্ট কবিরাজ হওয়া যায়। ইহা আমাদের কার্যালয় ভিন্ন আর কোথাও পাওয়া যায় না। সাবধান! নকল লইয়া ঠকিবেন না। মূল্য ৬ ছয় টাকা। ভিঃ পিঃতে ছয় টাকা দশ আনা মাত্র।

ঋষিকল্প কবিরাজ বিনোদলাল সেন মহাশয়ের

## আদি-আয়ুর্বেদ ঔষধালয়।

১৪৬ ও ৩৬নং সোয়ার চিৎপুর রোড ফোজদারী বালাখানা, কলিকাতা।

টেলিগ্রাফিক ঠিকানা

ভীষকরাজ।

প্রধান চিকিৎসক

কবিরাজ শ্রীআশুতোষ সেন।


ও

কবিরাজ শ্রীপুলিনকৃষ্ণ সেন।

কলিকাতা

৫ নং রমানাথ মজুমদারের ষ্ট্রিট, "মঙ্গলগঙ্গা মিশন প্রেসে"

কে. পি. নাথ কর্তৃক মুদ্রিত ও প্রকাশিত।



মাসিক পত্রিকা।

"যত্র নারীস্তু দুজ্জন্তে বমন্তে তত্র দৈবতাঃ।"

১৫শ ভাগ ] অগ্রহায়ণ ও পৌষ ১৩১৬, ১৯১০। [ ৫১৩ সংখ্যা।

প্রার্থনা।

হে পরম মঙ্গলময়ী জননী, তোমার ধরাতলে তোমার রাজ্য স্থাপিত হইবে, সকল সংসার তোমার সংসার হইবে, ইহাই তোমার অভিপ্রায়। তুমি তোমার মঙ্গলবিধানে নানা দেশে নানা অবস্থার ভিতরে তোমার প্রেম প্রকাশ করিয়া পরিবার সকলকে অল্পে অল্পে তোমার পরিবার করিয়া লইতেছ। পৃথিবীতে তোমার কন্যাগণ তোমার শিক্ষা, শাসন ও আশীর্ব্বাদ সর্বক্ষণ লাভ করিতেছেন সত্য, কিন্তু তোমার অতি অল্প সংখ্যক কন্যাই বিশ্বাস করেন ও অচ্যুতব করেন যে তুমি তাঁহাদিগের সঙ্গে বর্তমান থাকিয়া তাঁহাদিগকে সকল বিষয়ে পরিচালিত ও নিয়মিত করিতে চাহিতেছ। হে মঙ্গলময়, তোমারই মঙ্গল ইচ্ছাতে আজ কাল, তোমার কন্যাগণের কতরূপে উন্নতি হইতেছে এবং তাঁহারা তোমার রাজ্যে

আপনাদিগের উচ্চ স্থান ও মহান দায়িত্ব অচ্যুতব করিয়া কৃতজ্ঞ ও বিনীত হইতেছেন। আমাদিগের দুর্বল পতিত জাতি তেও তোমার কন্যাগণের উচ্চ জীবন লাভের আকাঙ্ক্ষা ও চেষ্টা দিন দিন প্রবল হইতেছে। এই সকল শুভ লক্ষণ দেখিয়া প্রাণে অত্যন্ত আনন্দ হয়, এবং চারিদিকে কেমন তোমার মঙ্গলরাজ্য আসিবার পূর্ব-প্রকাশ দেখা যাইতেছে তাহাই বিশ্বাস-চক্ষে নীরবে দেখিতে ইচ্ছা হয়। নারী জীবনের কত মহৎ আদর্শ ও দৃষ্টান্তের কথা পুস্তক ও পত্রিকা দতে পাঠ করিয়া এবং আমাদিগের পরিচিত মহিলাগণের মধ্যে উচ্চ ও শুদ্ধ জীবনের আকাঙ্ক্ষা দেখিয়া মনে হয় এ সকল বিষয়ে আমরা আর মহিলাগণের শিক্ষা ও উন্নতি কল্পে কি করিতে পারিব? কিন্তু তুমি আমাদিগকে নীরব থাকিতে দিতেছ না। তুমি অত্র সকল দেশে মণ্ডলীতে ও পরিবারে যেমন নূতন নূতন মঙ্গল নিয়ম প্রকাশ



করিতেছ এবং মঙ্গললোক দান করিতেছ তেমনই আমাদের গৃহে পরিচরিত ও মণ্ডলীতেও করিতেছ। তোমার সেই সকল দান গোপন করিয়া রাখিবার অধিকার তুমি দেও নাই। তুমি রূপা করিয়া তোমার একটি পুরাতন দাসের দ্বারা যে মহিলা পত্রিকা স্থাপন করিয়াছ তাহাকে প্রতিষ্ঠিত রাখিতে তুমি আপনি ব্যবস্থা করিবে। তোমার যে সকল কণ্ঠাগণ ইহা হইতে উপদেশ, দৃষ্টান্ত, সুশিক্ষা, পবিত্র আমোদ, প্রয়োজনীয় সংবাদ প্রভৃতি পাইতে আশা করেন, তাঁহাদিগের আশা অবশ্যই তুমি পূর্ণ করিবে, তুমি তোমার উপযুক্ত পুত্রকন্যাগণ দ্বারা সে সকল প্রয়োজনীয় বস্তু যোগাইবে। তাই তব পাদপদ্মে বিনীত প্রার্থনা করি যে মহিলার পাঠিকাগণের সংসারকে তোমার সংসার করিয়া লও। এ দেশের মহিলাগণের প্রতি যে তোমার বিশেষ আশীর্বাদ রহিয়াছে, তাঁহাদিগের মঙ্গল সাধনের বিশেষ ব্যবস্থা যে তুমি করিতেছ তাহা সকলকে বুঝাইয়া দেও যে, সকলে তোমাকে গৃহের অধিষ্ঠাত্রী দেবতা জানিয়া তোমার পূজা বন্দনা করিয়া ও তোমার ইচ্ছা অনুসারে জীবনের ও সংসারের সকল কার্য করিয়া পাপ, দুঃখ ও মৃত্যু হইতে মুক্তিলাভ করিতে পারেন। তোমার সংসার সর্বত্র প্রতিষ্ঠিত হউক। তোমার ইচ্ছা পূর্ণ হউক।

কুসংস্কার ।

বিশ্বশতাব্দীর সভ্যতার আলোকের

মধ্যেও অনেক দেশে বহু নরনারী কুসংস্কারে আচ্ছন্ন। বিশেষতঃ নারীগণ এখনও কুসংস্কারের হাত হইতে মুক্ত হন নাই। কেবল যে বঙ্গদেশের নারীগণ কুসংস্কার-গ্রস্ত তাহা নহে, ইংলণ্ড প্রভৃতি সুসভ্য দেশের নারীগণও ইহার হাত হইতে রক্ষা পান নাই। কুসংস্কার যে কত দুঃখ ভয় ভাবনা, অসুবিধা বৃদ্ধি করে তাহা বলা যায় না।

প্রথমতঃ আমরা আলোচনা করিয়া দেখি সংস্কার কাহাকে বলে? পাঠিকাগণ আপনারা একবার ভাবিয়া লউন। আমরা বিশ্বাস ও সংস্কার দুই কথা ব্যবহার করি। দুইটি শব্দকে যদিও আমরা একই অর্থে ব্যবহার করি, কিন্তু একটু ভাবিয়া দেখিলেই বুঝিতে পারিব, দুটির অর্থের একটু ভিন্নতা আছে। আমরা অনেক বিষয় বিশ্বাস করি।—যেমন আমরা বলি, আমরা ভগবানে বিশ্বাস করি, কিন্তু সে বিশ্বাস কিরূপ, তাঁর উপরে কি কোন বিষয় ছেড়ে দি, বা তিনি আমাদের নিকটে সাক্ষাৎ বর্তমান, তাহা কি সর্বক্ষণ উপলব্ধি করি, কিন্তু বলি ভগবানে বিশ্বাস করি অর্থাৎ তাহা আমাদের হৃদয় গ্রহণ করে নাই, তাহা আমাদের সংস্কার হয় নাই। সকলে ভাবিয়া দেখুন বুঝিতে পারিবেন, এই রকম আরও অনেক বিষয় আছে, যে বিষয়ে আমরা বলি, আমরা বিশ্বাস করি, কিন্তু সে বিশ্বাসের কোন গভীরতা নাই, তাহা আমাদের অন্তরের অন্তরে প্রবেশ করে নাই। সে বিশ্বাস গুলি ভাসাভাসা, অল্পেতেই তাহা নষ্ট

হইবার সম্ভাবনা। যে বিশ্বাস আমাদের অন্তরে প্রবেশ করে না, তাহা আমাদের কোন কাজে আসে না, তাহা আমরা ব্যবহার করি না, বিপদে পরীক্ষায় স্তম্ভিতঃ সে দিকে দৃষ্টিপাত করি না, সে বিশ্বাসগুলি অচল, জড়পিণ্ডাকারে আমাদের মধ্যে থাকে। আমরা কাহারও সহিত আলোচনা করিতে বা তর্ক করিতে বলি আমি ইহা বিশ্বাস করি বা আমি ইহা উচিত মনে করি, পরে একাকী স্থির হয়ে চিন্তা করিলে বুঝিতে পারি, আমার সে সকল বিশ্বাস বা মতের কোন গভীরতা দৃঢ়তা, সুস্পষ্ট ভাব নাই। কার্যকালে লোকের সহিত ব্যবহারে বা বিপদে পরীক্ষাতেও প্রকাশ পায় যে যাহা আমরা বিশ্বাস করি, সেরূপ কাজ করি না, অর্থাৎ সে বিশ্বাস সংস্কারে পরিণত হয় নাই। সংস্কারে পরিণত না হইলে আমরা তাহাকে ব্যবহার করি না। বিশ্বাস যতক্ষণ না সংস্কারে পরিণত হয় ততক্ষণ তাহা থাকে না থাকা প্রায় সমান। বিশ্বাস যখন এরূপ হয় যে তাহার অনুযায়ী কাজ করি, তখন তাহা সংস্কারে পরিণত হয়। একবার কোন বিষয়ে সংস্কার হইলে, তাহা কিছুতেই মন থেকে যায় না। কুসংস্কার তাহাকেই বলা হয়, যখন একটা ভুল বিশ্বাসের অনুযায়ী কর্ম করি। যখন কোন বিষয়ে সংস্কার হয়, তখন তাহা হইতে সহজে কেহ টলাতে পারে না। সেখানে কোন যুক্তি তর্ক, এমন কি, জ্ঞান বুদ্ধির আলোকও প্রবেশ করিতে দিই না। যাহা একবার ভাল বলিয়া

মনে স্থান দিয়াছি, তাহাকে সহজে ছাড়ি না। এই জন্ত কোনও কুসংস্কার জন্মিলে, তাহা উৎপাটিত করা অত্যন্ত কঠিন, তাহার ফলও ভয়ানক। সেই প্রকার কোন সুসংস্কার জন্মিলে তাহা অতিশয় হিতকর। যখন কোন বিষয় সংস্কার জন্মে, তখন আমরা সেই সংস্কারকে সুবলেই জানি, তা না হলে সংস্কার হতেই পারে না, কিন্তু যে সংস্কারই থাক না কেন, তাহাকে পরীক্ষা করিয়া দেখা উচিত, তাহার বিশুদ্ধতা, দৃঢ়তা, জ্ঞান ও বিবেচনার আলোকে পরীক্ষা করিয়া দেখিতে হইবে, যদি সেই পরীক্ষায় উত্তীর্ণ হইতে পারে, তবেই আমাদের গ্রহণীয়। কিন্তু আমরা আমাদের সংস্কারগুলিকে পরীক্ষার আগুন হইতে দূরে রাখিতে চাই, লোকে যতই ভুল দেখুক আমরা তাহা ছাড়তে চাই না। সংস্কারের বিষয়ে এরূপ দৃঢ়তা থাকা নিতান্ত প্রয়োজন, তা নাহলে মানুষের মনুষ্যত্ব থাকে না। সকল জাতির সকল নরনারীর কতকগুলি সংস্কার আছে, তাহা ভালও হইতে পারে, মন্দও হইতে পারে। সংস্কার ছাড়া মানুষ হইতে পারে না। যাহাদের বাল্যকাল হইতে কতকগুলি সুসংস্কার জন্মে, তাহাদেরই ভবিষ্যতের জীবন মহৎ হয়।

দ্বিতীয় সংস্কার আমাদের কিরূপ কষ্ট দেয় তাহা নিম্নলিখিত বৃত্তান্তটি পাঠ করিলে অসুভব করিতে পারিবেন। ইংলণ্ডের কোন ভদ্রলোক লিখিয়াছেন,— একবার তিনি একজন বন্ধুর গৃহে নিমন্ত্রিত হন। তিনি বন্ধুর গৃহে উপস্থিত হইলে



সেখানে সকলকে অত্যন্ত বিষয় দেখিতে পান। এই বিষাদের কারণ কি জিজ্ঞাসা করতে জানিতে পান যে, বন্ধুর পত্নী গত রাতিতে একটি আশ্চর্য স্বপ্ন দেখিয়াছেন। সেই স্বপ্নের অর্থ সকলে এইরূপ বুঝিয়াছেন যে, শীঘ্রই তাঁহাদের দুজনের মধ্যে কাহারও বা সম্মানগণের মধ্যে কাহারও কোন অমঙ্গল ঘটতে পারে। গৃহিণী ভোজনাগারে পোদেপ করিলে তাঁহার মুখে গভীর বিষাদের ছায়া দেখিলাম। আহার করিতে বসিয়া পারিবারিক নানা বিষয়ে আলাপ হইতেছিল, এমন সময়ে তাঁহাদের একনী শিশুপুত্র বলিয়া উঠিল, আমি বৃহস্পতিবার দিন যুক্তবর্ণ লিখিতে শিখিব। মাতা বলিয়া উঠিলেন, বৃহস্পতিবার! না বৎস, সে দিন আরম্ভ করা হইবে না, তোমার শিক্ষককে বলিও, শুক্রবারে আরম্ভ করিলেই হইবে। আমি সেই মহিলার এই কথাগুলি ভাবিতেছিলাম, এমন সময় তিনি আমাকে একটু লবণ দিতে বলিলেন, অতিশয় বাস্তুবিশেষতঃ লবণের পাত্রই পড়িয়া গেল, ইহাতে তিনি চমকাইয়া উঠিয়া বলিলেন, ইহা, আমার দিকে পড়েছে। এই ব্যাপারে আমি অত্যন্ত অপ্রতিভ হইলাম, (লবণ পড়িয়া যাওয়া অশুভ লক্ষণ।) মহিলাটি একটু প্রকৃতিস্থ হইয়া দীর্ঘনিশ্বাস ত্যাগ করিয়া বলিলেন, বিপদ কখনও একাকী আসে না। আমি শীঘ্র শীঘ্র আহার সম্পন্ন করিয়া বসিয়া আছি, গৃহ-স্বামিনী আমাকে বলিলেন, অনুগ্রহপূর্বক কাঁটা চামচা পাশাপাশি রাখুন, একটার

উপরে আর একটা রাখিবেন না। 'ওরূপ ভাবে কাঁটা রাখিলে কি অর্থ হয়, আমি জানিতাম না, কিন্তু তাঁহার সম্ভটির জন্ত পাশাপাশি রাখিলাম। বুঝিতে পারিলাম আমি মহিলার বড় কৃদ্বিষ্টে পড়িয়াছি।

জানীদের চেহারা দর্শন দৃষ্টিদ্বারা জীবনের দুঃখ তর্কনা দূর করা, কিন্তু নির্দোষের কুসংস্কার দ্বারা জীবনের দুঃখ আরও অনেকগুণ বাড়াইতে চেষ্টা করিতেছেন। আমার মনে হয় যদি আমি সত্য সত্যই ভবিষ্যতে যাহা ঘটবে তাহা বলিয়া দিতে পারিতাম, তবুও আমি সে শক্তি চাই না, তাহাতে আমাকে ভয়ানক উদ্ভিগ্ন হইয়া থাকিতে হইত। কোনও সুখ ও দুঃখ ঘটবার পূর্বে সেই ক্ষেত্র পূর্ণাভাস পাইতে না দুঃখের জন্ত উদ্ভিগ্ন হইতে চাই না। এই সমস্ত অজানিত দুঃখ ভাবনা হইতে আমার আগ্রাকে রক্ষা করিবার একমাত্র উপায় এই জানি যে যিনি ভবিষ্যৎকে নিয়মিত করেন সকল ঘটনা ঘটান, নিজেকে সেই পরমাত্মার আশ্রয়ে রাখা। তিনি এক দৃষ্টিতে আমার সমস্ত জীবন-সূত্রকে দেখিতেছেন, কেবল যে অংশ অতিক্রম করিয়া আসিয়াছি তাহা নহে, কিন্তু অনন্তের গর্ভে বাজা সম্মুখে রহিয়াছে, তাহাও দেখছেন। যখন আমি রাত্ৰিতে শয়ন করি, তখন আপনাকে তাঁর হাতে ছেড়ে দি, যখন আমি জাগি তখন নিজেকে তাঁর চাশনায় ছেড়ে দি। যত কিছু বিপদের আশঙ্কা করি, আমি সে সকল হইতে রক্ষা পাইবার জন্ত তাঁহার দিকে চাহিব, কিছু জিজ্ঞাসা করিব না, কারণ

আমি জানি, তিনি সে সকল বিপদকে অপসারিত করিবেন, কিংবা সে সকলকে আমার মঙ্গলে পরিণত করিবেন। আমি আমার মৃত্যুর সময় বা অবস্থা জানি না, সে সকল বিষয় জানিতে আমি কিছুই বাস্তব নই, কারণ আমি জানি তিনি সমস্তই জানেন, সেই সময়ে তিনি আমাকে আশ্রয় দিতে ভুলিবেন না।

গাঠিকাগণ! আপনাদের ইহা পাঠ করিয়া কি মনে হইল, কথাগুলি কি, আপনাদের হৃদয়ে প্রতিধ্বনিত হইল না? যে দুঃখ বিপদ যখন আসিবে তাহা আসিবেই। কিন্তু আমরা যথা কতকগুলি ভুল সংস্কারাবদ্ধ হইয়া আমাদের জীবনকে দুঃখময় করি। সম্ভব, বা হইতে পারে, একরূপ দুঃখ বা অমঙ্গলের আশঙ্কায় আমরা বর্তমান মুহূর্তের জীবনকেও দুঃখময় করি। এই জাতীয় লোকদের দুঃখের আর সীমা নাই। সর্বদাই ভয়ে অস্থির, অমঙ্গলের আশঙ্কা করিয়া সর্বদাই সংকীর্ণ। একটা টিকটিকী পড়িলে বা একটা বিড়াল ডাকিলে আমরা অমঙ্গলের আশঙ্কায় সশঙ্কিত হই। ভাবিয়া দেখুন, প্রকৃত অমঙ্গল কি? মৃত্যু রোগ শোক ইহারা কি অমঙ্গলজনক। আপনাদের মনে এই সংস্কার বন্ধমূল হউক, প্রেম, ক্ষমা, বিশ্বাস, সরলতা, পরদুঃখ-কাতরতা, পরের জন্ত কষ্ট স্বীকার, এই সকল শুভ মঙ্গলকর কল্যাণপ্রদ। অপ্রেম, অক্ষমা, অবিশ্বাস, কপটতা, স্বার্থপরতা, এ সকল অশুভ অমঙ্গল, তদ্যতীত আর কিছুই অমঙ্গল অশুভ নাই।

টান্সাইলের ভূতপূর্ব মোক্তার  
ফর্গীয়া জগবন্ধু রায় মহা-  
শয়ের জীবনের একটা  
সত্য ঘটনা।

(দয়্যাবতী রমণী দ্বারা একটা বিদেশী  
বালকের জীবন রক্ষা।)

সে আজ ৬০ বৎসরের অধিক দিনের কথা, তখন আমার বয়স ১৫।১৬ বৎসর হইবে। আমি রাজসাহীতে আমার এক জন উচ্চ পদস্থ আত্মীয়ের বসায় থাকিয়া পড়াশুনা করিতাম। কোন কারণে তাঁহার প্রতি আমার বিরাগ উপস্থিত হইল। ভাবিলাম এখানে আর থাকিব না। এই মনে করিয়া একটা ব্যাগে কিছু কাপড় চোপড় ও অর্থাদি লইয়া আমি একদিন রাজসাহী হইতে পলায়ন করিলাম। আমার বাড়ী ঢাকা জেলার অন্তর্গত মানিকগঞ্জ মহুকুমার মধ্যে ছিল। স্ত্রীরাং আমি উত্তর বঙ্গের অবস্থা বিশেষ অবগত ছিলাম না। তবে মুশিদাবাদ যাইব মনে করিয়া বাসা হইতে বাহির হইলাম। পথ ঘাট সকলি অপরিজ্ঞাত, তখনও ইংরেজ শাসন ভালরূপে প্রতিষ্ঠিত হয় নাই। দয়া তরুর উপর যথেষ্টই ছিল। এত অবস্থায় আমি উদ্ভ্রান্ত ভাবে একাকী মুশিদাবাদের দিকে চলিলাম। একদিন যাইতে যাইতে প্রায় সন্ধ্যা উপস্থিত হইল, আমি একটা বাড়ীতে গিয়া উপস্থিত হইলাম। ভাবিলাম এই খানেই রাত্রি যাপন করিব। বাড়ীটা কতকটা



বড় মানুষের বাড়ীর মতন। আমি গিয়া দেখিলাম বাহির বাড়ীর আঙ্গিনায় একটা বৃদ্ধ বসিয়া আছে। তাহার মুক্তি কালো এবং কদাকার। তাহার নিকটে কয়েকটা যুবক অল্প এক আসনে বসিয়া আমোদের সহিত তাণ্ডা কি পাশা খেলিতেছিল। যুবকদের সহিত আমি কথা বলিতে লাগিলাম। যুবকেরাও আমার সহিত আলাপ করিতে লাগিল। ইহা দেখিয়া বৃদ্ধটা বলিল বিদেশী লোকের সঙ্গে এত আলাপ কেন, এবং আমাকে বলিল তুমি ঐ দালানের কোঠায় গিয়া বসে থাক। আমি তাহার কথাবসারে দালানের কোঠায় গিয়া বসিলাম। ক্রমে অন্ধকার হইয়া আসিল। বাহির বাড়ীতে কোন লোক জন নাই, আলোও নাই। দণ্ড চারি রাত্রি হইয়াছে, এমন সময়ে ৯:৩০ বৎসরের একটি মেয়ে একটা পদ্মীপ লইয়া আমার কুঠুরীর কাছে আসিয়া উপস্থিত হইল। কেন কি উদ্দেশ্যে আসিল বলিতে পারি না, অল্পক্ষণ থাকিয়া মেয়েটা পুনরায় বাড়ীর ভিতরে চলিয়া গেল। কিছুকাল পরে একটা বৃদ্ধা মহিলাকে লইয়া আবার আমার কাছে আসিল। বৃদ্ধা আমাকে কিছু জলখাবার দিয়া বলিলেন,—বাবা তুমি কোথায় এসেছ, এ যে ডাকাতের বাড়ী, এখনি এরা তোমাকে মারিয়া ফেলিবে। এই ভীষণ কথা শুনিয়া আমার মস্তকে যেন সহসা বজ্রপাত হইল। আমার ক্ষুধা তৃষ্ণা চলিয়া গেল। আমি ব্যাকুলভাবে বলিলাম এখন আমার উপায় কি হইবে? বৃদ্ধা বলিলেন, তোমার কোন ভয় নাই,

আমরাই তোমাকে রক্ষা করিব। কিন্তু ইহাদের কথায় আমার প্রাণে শান্তি আসিল না। বাহা হটক মেয়ে দুইটা চলিয়া গেলেন, এবং রাত্রি কিছু গভীর হইলে পুনরায় দুজনে আমার নিকটে আসিয়া উপস্থিত হইলেন। রজনী অন্ধকাময়, বৃদ্ধা চুপে চুপে আমাকে বলিলেন, আমার সঙ্গে এসো, আমি ছায়ার গায় তাহাদের অহুগমন করিতে লাগিলাম। তাহারা আমাকে জঙ্গলাবৃত্ত একটা স্থানে লইয়া গেলেন। সেখানে একটি নিম্নশ্রেণীর স্ত্রীলোক বাস করিতেন। তাহার বাড়ীতে দুই তিন খানি ছোট ছোট কুঠীর ছিল। বৃদ্ধা তাহার গৃহে গিয়া বলিলেন, এই বালকটিকে তোমার হস্তে অর্পণ করিলাম। তুমি ইহার জীবন রক্ষা করিবে। তিনিও প্রতিজ্ঞা করিলেন আমি যেক্ষণে পারি ইহার জীবন রক্ষা করিতে চেষ্টা করিব। নিম্নশ্রেণীর মহিলাটা বর্ষীয়সী, তিনি আমাকে লেপের নীচে লুকাইয়া রাখিলেন এবং ঘরের প্রদীপটা নিৰ্ব্বাণ করিলেন। রজনী ক্রমে গভীর হইতে গভীরতর হইতে লাগিল। তখন দস্যগণ অস্ত্র শস্ত্র লইয়া বাহির হইল। প্রথমতঃ আমি যে কুঠুরীতে ছিলাম সেখানে আমাকে না পাইয়া আমার জন্ম নানা স্থানে অহুসন্ধান করিয়া অবশেষে আমার আশ্রয়দাত্রীর বাড়ীতে আসিয়া উপস্থিত হইল। এবং মশাল লইয়া তাহার এ ঘর ও ঘর খুঁজিতে লাগিল। আমার আশ্রয়দাত্রী জিজ্ঞাসা করিলেন, তোমরা কি খুঁজিতেছ? তাহারা বলিল আমাদেয় একটা ছাগ

হারাইয়াছে। কিন্তু কোথাও আমাকে না পাইয়া মনে করিল বোধ হয় আমি আশ্রয়দাত্রীর গৃহেই আছি। এই মনে করিয়া আমার আশ্রয়দাত্রীকে বলিতে লাগিল তুমি দরজা খুলে দাও আমরা একটু ভ্রাম্যক খাব, আমার আশ্রয়দাত্রী বলিলেন, আমার জ্বর হয়েছে উঠিতে পারিব না। কিন্তু দস্যগণ কিছুতেই মানিল না। অগত্যা আমার আশ্রয়দাত্রীর একটা ছোট মেয়ে উঠিয়া দ্বার খুলিয়া দিল। দস্যগণ ঘরে প্রবিষ্ট হইল। তখন আমি মৃতবৎ পড়িয়া আছি। ভাবিলাম এইবার রক্ষা নাই। কিন্তু ভগবানের কি অপার করুণা! দস্যগণ আমার আশ্রয়দাত্রীর গৃহ তন্ন তন্ন করিয়া খুঁজিল। কিন্তু কোথাও আমাকে পাইল না। আমি যে আমার জননীকপিণী আশ্রয়দাত্রীর লেপের নীচে থাকিতে পারি দস্যগণ একপ সন্দেহ মনেও স্থান দেয় নাই। সুতরাং তাহারা নিরাশ হইয়া আমার আশ্রয়দাত্রীর গৃহ হইতে ফিরিয়া গেল! আমার প্রাণে বল আসিল, ভাবিলাম এবার ভগবানের রূপায় জীবন পাইলাম। আমি নিশ্চিত হইয়া শয়নে আছি। রাত্রি প্রভাতের কিছু পূর্বে আবার সেই দেবকন্ঠা বালিকাটা এবং করুণাময়ী বৃদ্ধা মহিলা আমার আশ্রয়দাত্রীর গৃহে আসিয়া উপস্থিত হইলেন, এবং আসিয়া বলিলেন দস্যারা যদি টের পায় যে ছেলেটা তোমার গৃহে আছে, তাহা হইলে তোমারও বিপদ এবং ছেলেটারও ঘোরতর বিপদ উপস্থিত হইবে।

এই বলিয়া তাহারা আমাকে গৃহ হইতে বাহির করিয়া আনিলেন। এবং গ্রামান্তরে আমাকে লইয়া চলিলেন। এইরূপে তাহারা অনেক দূর আমার সঙ্গে সঙ্গে আসিলেন। এবং আমি একটা গ্রামের নিকটবর্তী হইলে দেবীগণ এখন তুমি যাও বলিয়া তাহারা গৃহে প্রত্যাগমন করিলেন। আমি নিরাপদে পুনরায় গম্যস্থানে বাইবার জন্ম অগ্রসর হইলাম। এইরূপে ভগবান আমাকে বিদেশে অপরিচিত স্থানে তাহার তিনটি কন্ঠার সাহায্যে রক্ষা করিলেন। ধন্য তাহার করুণা! অহা দস্যগৃহে তিনি কি আশ্চর্যরূপে এই ৩টা দেবকন্ঠা রচনা করিলেন। পক্ষের ভিতর যেমন পক্ষের জন্ম হয়, তেমনি নরঘাতক রাক্ষসের গৃহে এমন অল্পম দেবচরিত্রের বিকাশ।

টাকাইল।

অকীৰ্ত্তিম মাঘোৎসবে

ব্রাহ্মিকা উৎসবের উপদেশ।

( শ্রীবক্ত প্রমথলাল সেন প্রদত্ত )

দীক্ষার্থীদের প্রতি, ১৩ই মাঘ।

তোমরা দুজন যে আজ দীক্ষা গ্রহণ করলে, এক মহা সৌভাগ্যের দিন, আজ এই শুভ দিনে ব্রাহ্মিকা উৎসবের দিনে ইহা এক মহা সৌভাগ্যের কথা, কৃতজ্ঞতার সহিত এই কথা স্মরণ করতে হবে। শুধু সৌভাগ্য বললে হবে না, বাস্তবিক আজ কত বড় এক দায়িত্বের ভিতর প্রবেশ করা হল এই কথা আরও ভাল



করে মনে করতে হবে। এই শুভদিনে তোমরা দুজন যে শুধু দীক্ষা নিলে তা নয় তোমাদের সঙ্গে আমাদেরও দীক্ষা গ্রহণ করা হল। আজ সকলের পক্ষেই এক মহাদিন, শুভদিন সৌভাগ্যের দিন আর সেই সঙ্গে সঙ্গে এক মহা দায়িত্ব গ্রহণের দিন বলতে হবে।

সাধারণ কথায় বলা যেতে পারে মানুষের তিন অবস্থার ভিতর দিয়ে আনন্দ ও শোক প্রকাশিত হয়, যেমন যখন মানুষ জন্মায়, বিবাহ হয় ও মৃত্যু হয়, এই তিন অবস্থায় পুরোহিতের প্রয়োজন, এই তিনটি জীবনের বিশেষ দিন বলে ধরা হয়। কিন্তু হে ব্রহ্মকণ্ঠা, তোমরা জীবনে কেবল এই তিন দিন বিশেষ দিন, আনন্দের দিন, সৌভাগ্যের দিন বলিয়া মনে করিবে না, ব্রহ্ম উপাসকের নিকট প্রত্যেক দিন প্রতি ঘটনা এক স্বতন্ত্র বিশেষ সৌভাগ্যের বিষয় এই কথা স্বীকার করতে হবে, আজ থেকে আরও ভাল করে বুঝতে হবে নববিধানের দেবতা এক জীবন্ত, সত্য, দেবতা এ কথার কথা নয় জীবনে তাঁর শক্তি, বল, প্রাণ সঞ্চারিত হবে। এই এত কথা বলা হল, বৎসরের পর বৎসর এখানে কত কথা বলা হচ্ছে, দিনেরও শেষ নাই, বলারও শেষ নাই, কিন্তু বাহা সত্য, বাহা জ্ঞান তাহার শেষ নাই, অন্ত নাই, কখনও ফুরবার নয়, সকলের পক্ষে তাহা শিক্ষার বস্তু হয়ে চিরদিন রয়েছে। তাই বলি প্রতিদিন প্রতি ঘটনা এক সৌভাগ্যের দিন। সেই যে চার হাজার বছর পূর্বে মৈত্রেয়ী প্রশ্ন

করিয়াছিলেন, সেই প্রশ্ন ও তার উত্তর সকলের জন্ত আজও জীবন্ত ভাবে শিক্ষা দিচ্ছে, তার ভিতর কত জ্ঞান রয়েছে, অতীত জ্ঞানের পরিচয় পাচ্ছি। সেই কবে সৃজাতা বৃদ্ধদেবকে সেবা করেছিলেন, সেই সেবা সেই সৃজাতার সাধুভক্তি আজও জীবন্ত ভাবে প্রতিজনকে শিক্ষা দিচ্ছে। ধন্য হলেন সৃজাতা, সেই সাধুকে ভক্তি করিয়া কৃতার্থ হইলেন। কবি অল্প চিত্রে চিত্রিত করলেন, বৃদ্ধ বললেন, সৃজাতা তুমি ধন্য, আজ দেখলাম তোমার ভিতরে সহজে যে সরল জ্ঞান এসেছে, আমি এত তপস্রায় তা পাই নি, তুমি সহজে সেই জ্ঞান পেয়েছ আজ ধন্য তুমি, এই জ্ঞানে জ্ঞানী হও, এই দিবাজ্ঞান লাভ করে আপনাকে ভাগ্যবতী বলে জান, শান্তিলাভ কর যে সৌভাগ্য হবে। সাধুভক্তির ভিতর দিয়ে সেই সৃজাতা কি এক মহা জ্ঞান লাভ করলেন। নববিধান আর এক নূতন কথা বললেন শিষ্য বড় হলেন, একি আনন্দের আশার কথা নয়, ঈশ্বার শিষ্যেরা কত বড় হলেন কত কাজ করলেন, ঈশা চলে গেলেন, তাঁর শিষ্যেরা এক শত গুণ হ'ল, কত কাজ করলেন, নিষ্কর্মে হয়ে ঘুমিয়ে থাকলে চলবে না, ছোট হ'ক বড় হক কাহারও নিরাশ হবার কথা নেই, সকলেই একদিন মহা উৎসাহে জেগে উঠবেন, ঘুমিয়ে থাকলে আর চলবে না এ এক কম আশার কথা নয়। এই আশার সংবাদ সকলের জন্ত এসেছে।

বছরে একদিন সকলে এখানে এলে

বেশ উপাসনা হ'ল, সকলের সঙ্গে আলাপ পরিচয়, কথা বার্তা, খাওয়া দাওয়া হ'ল বেশ আনন্দ দিন কেটে গেল, তারপর বাড়ী চলে গেলে, আর সব ভুলে গেলে, ভা কহলে চলবে না, ভাল করে সব বুঝতে হবে, মৈত্রেয়ীর সেই জ্ঞান, সৃজাতার সাধুভক্তি গুরু শিষ্যের সম্বন্ধ নববিধানের ভিতর সব নূতন করে বুঝতে হবে। ইহা কল্পনা নয়, মিথ্যা নয়, শিষ্য-ভাবে রোজ তাঁর নিকট যাও, নরনারী সকলে মিলে প্রতিদিন যাও, তাহলে দেখবে নূতন আকারে সকল সত্য তোমাদের অন্তরে প্রকাশিত হবে, সেই অনন্ত জীবনের দেবতা কত সহজ সরল ভাবে দেখা দেবেন, কত নূতন ভাব সহজভাবে আপনা হতে প্রকাশিত হবে, তখন তিনি বুকে ধরে কত শিক্ষা দেবেন, না যেমন করে ডাকেন, তেমনি করে পরমা-জননী তোমাদের আহ্বান করলে ব্রহ্মজ্ঞান, দর্শন কত সহজ হয়।

সহজ সরল ভাবে যে জিনিস পেলে তা আর ফুরবার নয়, তুমি যে কাজই কর না সংসারে যখন যে অবস্থায় থাক না কেন কিছুতেই দুঃখ নেই তাঁর দাসী হয়ে সব করতে হবে এই বিশ্বাস চাই এই দাসী-ত্বেই পরিভ্রাণ হবে, মুক্ত হবে।

সব কাজের ভিতরে আনন্দ উৎসাহ চাই, শুধু উপাসনা নয়, পৃথিবীতে মানুষকে নানা কাজে ব্যস্ত থাকতে হয়, এই সব অবস্থাতে অবসন্ন হইও না, সকল অবস্থায় উৎসাহের সহিত তাঁকে দেখে শান্তি লাভ করতে হবে।

নববিধান এই সৌভাগ্যের কথা বলছেন, যিনি যে অবস্থায় থাকুন না, কেউবা সাহিত্যের, আলোচনা কচ্ছেন, কেউবা বিষয় কর্ম কচ্ছেন, আবার সংসারের রান্না বান্না অন্তান্ত কাজ কর্ম বাই বল এই সকলের মধ্যে যদি এমন জিনিস না পান এমন উত্তর না পান যাতে আপনাকে ধন্য কৃতার্থ মনে করতে পারেন তবে কিসের উৎসব, কিসের আনন্দ।

আজ আর পর নেই সকলেই আত্মার আত্মীয় আজ দিবাচক্ষে ইহা দেখতে হবে, এই যে পরমা-জননী তিনি সকলকে আপনার কোলে নেবার জন্ত ডাকছেন, কেমন করে আর আমরা পর হই, এখন এই বিশ্বাসে পূর্ণ হয়ে ঘরে বেতে হবে আপনার তা হারাতে হবে ভুলে যেতে হবে, তাঁর বুকে আমরা সকলে, হিংসা ঘেঁষ, অহঙ্কার এসব থেকে মুক্ত হয়ে সেই সুন্দর স্বভাব যা জননী দিয়েছেন, প্রত্যেককে স্বতন্ত্র স্বভাব যা তিনি দিয়েছেন তাহা লাভ করতে হবে, সকল নীচ ভাবের অতীত হতে হবে।

এমন সরল জ্ঞান দর্শন হবে যে প্রত্যেকে আপন আপন নিয়তি কর্তব্য স্বতন্ত্রভাবে দেখতে পাবেন।

প্রত্যেক কাজে অবস্থায় নিজের সৌভাগ্য ভাল করে দেখতে হবে। তাহলে আর কোন ক্ষোভ থাকবে না, সেই বিশ্বজননী প্রত্যেকের জন্ত যে এই উচ্চ সৌভাগ্য রেখেছেন। হিংসা ঘেঁষ ঈর্ষা সব অসম্ভব হবে। এ কথা বলা সহজ কিন্তু বাস্তবিক জীবনে ঐ অবস্থা



লাভ না হলে কখনই জীবন সত্য ভাবে চলে না, এই সব নীচ ভাব, হিংসা ঘেঁষ ক্রোধ অভিমান সব থাকবে অথচ ঠাকে ডাকবো ভাববো তা কখনই সম্ভব নয়। মানুষের মধ্যে সর্বদা দুই প্রকৃতি বর্তমান আছে, যে পরিমাণে একটির হ্রাস হবে সেই পরিমাণে অপরটির বৃদ্ধি পাবে। কিন্তু ২টা ভাব এক সঙ্গে পোষণ করিলে কখনই সত্যভাবে জীবন চলে না, যেমন সাধুসেবা করিছ তার ভিতরে যদি ফাঁকি দিতে চেষ্টা করি, খাঁটি ভক্তির ভাবে না করি, একটা বাহিরের লোক চক্ষে সেবা হবে বটে কিন্তু এ সেবার ভিতর দিয়ে কখনই মুক্তি পরিভ্রাণ হবে না। এই সকল সংকাজই যদি সত্যভাবে করা না হয় তবে বিপদ পরীক্ষার সময় সেই কল্পনার ধর্ম দাঁড়াতে পারে না। তাই বলি হে ব্রহ্মকন্যা সকল পুরোণো ভাব ছেড়ে দিয়ে নববিধানে সব নূতনভাবে সত্য খাঁটি ভাবে দেখতে হবে। নিত্য নূতন ভাবে তাঁর পূজা করে ভিতরে বাইরে যখন যে অবস্থায় যেখানে থাক না কেন সত্যভাবে সরলভাবে জীবন কাটাতে হবে।

উৎসব শেষ হয়ে গেল আমাদেরও পূজা শেষ হ'ল নববিধান একথা বলেন না, নিত্য নব ভাবে সেই নব দেবতার পূজা করে কত শক্তি কত সাধুভক্তি নূতন ব্রহ্মপ্রাপ্তি লাভ হবে, তাই বলি প্রত্যেককে ভাগ্যবতী না বলে পারি না। নূতন ভক্তি সেবা না করলে নববিধান সাধন হয় না। তাঁর জীবন্ত অনন্তশক্তি দেখে ধন্য হও।

আজ সকলেই আমাদের নিকট পূজনীয়, সকলকে অন্তরে স্থান না দিলে যথার্থ ব্রহ্মে ভক্তি হয় না। সকলে নিজ নিজ সৌভাগ্য দর্শন করে বিনীত হৃদয়ে সাধুভক্তদের প্রণাম কর, সকলের চরণে মস্তক অবনত হউক।

### ধৈর্য্য ।

পৃথিবীতে জীবনধারণ করিলেই মধ্যে মধ্যে বিপদের সঙ্গে দেখা হয়। পুরুষ নারী, ধনী দরিদ্র, সাধু অসাধু, বালক বৃদ্ধ সকলকেই সময়ে সময়ে বিপদে পড়িতে হয়। বিপদের সময় ধৈর্য্য না থাকিলে মানুষের কি মহাক্রোধ ও গভীর অশান্তি উপস্থিত হয় তাহা আমরা যখন তখন দেখিতে পাই। সংবাদ পত্রে প্রায়ই দেখিতে পাই যে সামান্য বিপদে অধিক ব্যস্ত হওয়াতে মহা অনিষ্ট ঘটন হইয়াছে। ঝড়ে নৌকা একদিকে কাত হইল, সকল আরোহী অধীর হইয়া বিপরীত দিকে গেল এবং নৌকা জলমগ্ন হইল। বাড়ীতে আগুন জলিয়া উঠিল, স্থির সাহসের সহিত তাহা নিবাইতে চেষ্টা না করিয়া চীংকার করিয়া লোক ডাকিতে যাওয়াতে ততক্ষণ অগ্নি প্রবল হইয়া মহা অনিষ্ট করিল। এমনও দেখা যায় যে হঠাৎ কোন শোকের কারণ উপস্থিত হওয়াতে অধীর হইয়া আত্মহত্যা করা হইল। অপরদিকে সময়ে একটু ধৈর্য্য থাকিলে মহা উপকার হয় ইহাও সর্বদা দেখিতে পাওয়া যায়। কোন কোন লোক স্বভাবত ধৈর্য্যশীল, কিন্তু অধিকাংশ লোকের স্বভাবে

ধৈর্য্য বড়ই অল্প। যখন মানুষের জীবনে ধৈর্য্যের প্রয়োজন সর্বদাই হয় তখন যেমন পুত্র কন্যা প্রভৃতিকে অশান্ত প্রয়োজনীয় গুণ ও বিদ্যা অভ্যাস ও শিক্ষা করাইয়া দেওয়া হয় তেমনই ধৈর্য্য ও শিক্ষা বা সাধনের ব্যাপার করিয়া দেওয়া উচিত। নারী জীবনে বোধ হয় ধৈর্য্যের প্রয়োজনীয়তা অত্যন্ত অধিক। নারীকে অনেক সময়ে ভয়ানক অবস্থাতেও ধৈর্য্যধারণ করিতে হয় এবং ধৈর্য্যের অভাব হইলে মহা অনিষ্ট ঘটন উপস্থিত হয়। একজন নারী জীবনের মঙ্গলের জন্ত ধৈর্য্য অভ্যাস করা অত্যন্ত প্রয়োজন। হাঁটিতে শিথিতে হইলে যেমন টলিয়া পড়িয়া গেলেও পুনরায় উঠিয়া হাঁটিতে হয়, ধৈর্য্য অভ্যাস করিতেও তেমনই করা প্রয়োজন। কোন কোন নারীর ব্যবহার দেখিয়া মনে হয় যেন তাঁহারা মনে করেন যে অধীর হওয়াই নারীর বিশেষত্ব, যেন ধৈর্য্যের সহিত ব্যবহার করা নারীর পক্ষে ভাল দেখায় না, একজন বতদূর সম্ভব ব্যস্ততা, অধীরতা প্রকাশ করেন। ফলে ধৈর্য্যের অভাব অতি লজ্জাকর অভাব এবং যিনি ধৈর্য্যধারণ করিতে পারেন তিনি অবশ্যই সাধারণ সকলের মাত্র প্রাপ্ত হন ও গৃহে সুখ শান্তি রক্ষা করেন। ধৈর্য্যধারণ করা কঠব্য এবং অভ্যাস করিলে অনেক পরিমাণে ধৈর্য্যলাভ হইতে পারে ইহাতে বিশ্বাস ও নিষ্ঠা থাকিলেই মানুষ ধৈর্য্য শিক্ষা করিতে আরম্ভ করিবে। ধৈর্য্য যে অত্যন্ত প্রয়োজন, ধৈর্য্য না থাকিলে যে অনেক অনিষ্ট ঘটে, ধৈর্য্যের অভাব হইলে

অনেক গুণের বিকাশই হয় না ইহা সর্বপ্রথমে মনে স্থিররূপে জানা প্রয়োজন। আমরা সাধারণত উন্নত অথবা প্রমত্ত অবস্থাকে বিকৃত অবস্থা বলি, সেরূপ অবস্থার কার্যের জন্ত সেই সেই ব্যক্তিকে দোষী বলিতেও যেন কুণ্ঠিত হই; সেইরূপ অধীর হইয়া মানুষ যাহা করে তাহা যেন স্বাভাবিক অবস্থার কার্য্য নহে, মনের একরূপ বিকৃত অবস্থার কার্য্য, ইহাই বলিতে পারি। মনের স্থির, ধীর অবস্থাই স্বাভাবিক, সেই অবস্থায় যে কার্য্য হয় তাহাই সেই ব্যক্তির যথার্থ কার্য্য। তাহার বিপরীত সকল অবস্থাই মন্দ অবস্থা বলিতে হইবে। কোন ব্যক্তিকে পাগল বলিলে যেমন তাহা হইতে স্বাভাবিক মানুষের মহৎ গুণ সকল বিয়োগ করা হইল, অথবা কাহাকেও মাতাল বলিলে যেমন তাহার বুদ্ধির বিকৃতির কথা বলা হইল, তেমনই কোন মানুষকে অধীর বলিলেও বলা হইল যে সে মনের স্বাভাবিক স্থিরতা হারাইয়াছে। একরূপ দোষারোপ সামান্য দোষারোপ কখনও বলা যাইতে পারে না। যেমন পাগল হওয়া দুঃখের বিষয়, যেমন মাতাল হওয়া লজ্জা ও ঘৃণার বিষয় তেমনই অধীর হওয়া আক্ষেপের বিষয়। ফলে অনেক সময়ে আমরা যে বিষয়ের জন্ত ধৈর্য্য হারাই, অত্যন্ত ব্যস্ত হইয়া উঠি, সে বিষয়ের অপেক্ষা আমাদের মনের ধৈর্য্য বা স্থিরতার মূল্য অত্যন্ত অধিক। যেমন ধর্মশাস্ত্রের উপদেশ শুনিতো পাই যে আত্মা বিনষ্ট হইল তবে সংসারের সুখ লইয়া কি করিব? তেমনই ইহা স্থিররূপে



জানিয়া রাখা প্রয়োজন যে যদি ধৈর্য্য নষ্ট হইল, যদি আমার মনই বিকৃত বা বিকল হইল তাহা হইলে সামান্য লাভলাভ লইয়া কি করিব। এক ধৈর্য্যকে হারান মহাক্ষতি, তাহার পর দেখা যায় যে ধৈর্য্য হারাইয়া যাওয়া করা যায় তাহা প্রায়ই ভাল করিয়া করা হয় না তাহাতেও ক্ষতি এবং একবার কোন কারণে ধৈর্য্য হারাইলে পুনরায় হয়ত ভাড়া অপেক্ষা সামান্য কারণেও ধৈর্য্য হারাইতে হয়। এইরূপে অশেষ অনিষ্ট হয়। এজন্ত মনে স্থির করিয়া রাখা উচিত যে কিছুতেই অধীর হওয়া হইবে না। যে সকল বিষয়ে মাতৃ-ষের হাত নাই তাহাতে ধৈর্য্যধরা ভিন্ন আর কি হইতে পারে? যখন মেঘ ডাকে, বা বজ্রপাত হয় তখন সকলেরই ভয় হয় কিন্তু তাহাতে দৌড়াদৌড়ি করা বা চীৎকার করাতে কিছু লাভ নাই। যদি পূর্ক হইতে মনকে স্থির করিয়া রাখা হয় সে এসকল অবস্থাতে ধৈর্য্য ধরিয়াই থাকিব। তাহা হইলে সেই সময়ে পথমে মন একটু চঞ্চল হইতে পারে, কিন্তু পরক্ষণে ধৈর্য্য-ধারণ করা কঠিন হয় না। যেমন অল্প সকল বিষয় ক্রমে ক্রমে শিক্ষা করিতে হয়, ধৈর্য্যধারণ বিষয়ও তেমনই শিক্ষা বা অভ্যাস করিতে হইবে। নারীজীবনে এই গুণের ব্যবহার অনেক সময়ে করিতে হয় এজন্ত নারীর পক্ষে ধৈর্য্যধারণ করিতে শিক্ষা করা অত্যন্ত প্রয়োজন। একটি সংবাদ জানিতে অত্যন্ত ব্যস্ত কিন্তু সংবাদটি পাওয়া গেল না, একটি প্রিয়জনের আসিবার কথা ছিল কিন্তু সময় গেল সে

আসিল না এই সকল বিষয়ে অধীর হইয়া নারীর জীবনের অনেক অংশ মিথ্যা চলিয়া যায়, কখনও অধীর হইয়া অত্যন্ত ব্যয়সাধ্য কার্যা করিয়া ফেলা হয়, কখনও বা কষ্ট-সাধ্য কার্যা আরম্ভ করা হয়। কখনও দেখা যায় যে একটা অনিষ্ট ঘটনাছে সন্দেহ করিয়াই অধীর হইয়া একটি সাং-ঘাতিক ঘটনা ঘটনা যায়। মাতৃব সকল সময়ে ধৈর্য্যধারণ করিতে পারে না সত্য, এবং নারীর কোমল প্রাণ অল্পেই ধৈর্য্য হারায় তাহা সত্য, কিন্তু শিক্ষা বা অভ্যাসে যেমন অল্পাংশ অনেক স্বাভাবিক দুর্বলতার অনেক প্রতিকার হয় তেমনই ধৈর্য্যলাভ বিষয়েও অনেক অগ্রসর হওয়া যাইতে পারে। কেহ হয়ত মনে করিবেন যে ধৈর্য্যবল অধিক হইলে, যোগী সাধু হইলে, ধৈর্য্য সাধন হইবে তাহা না হইলে ধৈর্য্যধরা সম্ভব নয়। প্রকৃত সত্য তাহা নয়, মাতৃবকে সকল বস্তুই অভ্যাস বা সাধন দ্বারা লাভ করিতে হয়, অনেকক্ষণ ধ্যান করিতে অভ্যাস করা হইলেই যে বিপদে ধৈর্য্যধারণ করা সহজ হইবে তাহা নয়। যিনি ধৈর্য্যধারণ করিতে শিক্ষা করিয়াছেন তিনি উচ্চধর্ম্ম জীবন লাভ না করিয়াও ধৈর্য্যধারণ করিতে পারিবেন। সাধারণতঃ ধৈর্য্যধারণ করা মনের বলের কার্যা। দৃঢ় ইচ্ছার সহিত স্থির অচল হইয়া থাকাই ধৈর্য্যধারণ। প্রথম প্রথম ইহা অভ্যাস করিতে মনের বলই যথেষ্ট। ধৈর্য্য অভ্যাস করিতে করিতে একদিকে মনের বল বাড়িয়া যায়, মনের বলে ধৈর্য্য-ধারণ হয়। কিন্তু ভিতরে ভিতরে মনের

দুর্বলতাও ধরা পড়ে। মনে বল করিতে তিতরে আর একটা বল চাই, অপর একটা কিছু উপর নির্ভর করিয়া মন বল করিতে পারে। যাহারা কঠিন শ্রমসাধ্য কার্যা করিয়া অর্থ উপার্জন করে তাহাদের ধৈর্য্যের মূলে অর্থ লাভের আশার বল থাকে। যে ব্যক্তি আফিসে কেরানীগিরিতে পঞ্চাশ টাকা বেতন পাইতে পারে সে গরমের দিনে রেলগাড়ীর ইঞ্জিন চালাইয়া ধৈর্য্যের সহিত গ্রীষ্মের উত্তাপ সহ করে তাহার মনের বল মাসিক দুই শত টাকা লাভের আশা। কিন্তু যে ব্যক্তির কোন লাভ নাই, অথবা লাভ ক্ষতির কোন ভাব নাই কেবল কষ্ট সহ করা বা উপস্থিত বিপদের ভয় আসিয়া আক্রমণ করিতেছে সে ধৈর্য্যধারণ করিবে কোন্ বলে? সর্ব প্রথমে তাহাকে জানিতে হইবে যে অধীর হওয়াতে কোন লাভ নাই, অধীর হওয়া মনের একটা বিকৃত অবস্থা মাত্র। যেমন শরীরে জ্বর হইলে শরীরের ক্ষতি ভিন্ন লাভ নাই তেমনই মনে অধৈর্য্য আসিলে মনের ক্ষতি ভিন্ন লাভ নাই, অতএব কোন অবস্থাতে ধৈর্য্যকে হারাইব না। কিন্তু এরূপ তত্ব-দর্শীর জ্ঞানের বল অত্যন্ত অল্প। এরূপ ভাব মনে রাখিয়া ধৈর্য্য সাধন অত্যন্ত কঠিন। এই ভাব মনে উপস্থিত হইলে ক্রমে দৃষ্টি পড়ে যে কোন্ বলে লাভ হইলে ধৈর্য্যকে সকল অবস্থায় রক্ষা করা যায়। যখন যুক্তিতর্ক দুর্বল হইয়া পড়ে, যখন ইচ্ছার বল থাকে না, তখন যাহারা মঙ্গলময় ঈশ্বরের চরণে প্রার্থনা করিতে

অভ্যন্ত তাহারা ধৈর্য্য রক্ষার জন্ত প্রার্থনার বলকে আহ্বান করিয়া থাকেন। যখন কেহ দেখিতে পাইবেন যে অধীর হওয়া কেবল দুঃখ ও ক্ষতির কারণ ও আপনার বলে ধৈর্য্য রক্ষা করা যায় না তখন অবশ্য বিপন্ন হইয়া মঙ্গলময় ভগবানের নিকট প্রার্থনা করিতে থাকিবেন যে তিনি কৃপা করিয়া ধৈর্য্য বল দান করুন। যাহার মনে যে উপায় আসে তিনি তাহা গ্রহণ করিতে পারেন, এবং যাহার অল্প কোন উপায় নাই তিনি ঈশ্বরের নিকট প্রার্থনা করিবেন, যেন ধৈর্য্য না যায়। যাহারা মনোবিজ্ঞানের নিয়মাত্মসারে পুরুষ ও নারীর মনের ধৈর্য্যের বিষয় আলোচনা করেন তাহারা বলেন যে সাধারণতঃ পুরুষের মন অধিক ধৈর্য্যশীল হইলেও বিশেষ বিশেষ কঠিন অবস্থাতে নারীর মনের ধৈর্য্য-বল অত্যন্ত অধিক। বিশেষতঃ উচ্চ চরিত্র সাধনী নারীগণের ধৈর্য্য অত্যন্ত অধিক। নারীজাতির মধ্যে যাহাদিগের গতি অধো-দিকে হয় তাহারা অত্যন্ত অধীর হইয়া থাকে, পক্ষান্তরে যাহারা যত উচ্চ চরিত্র ও উচ্চ ধর্ম্মদর্শ লইয়া জীবনধারণ করেন তাহাদের ধৈর্য্যবল তত আশ্চর্য্য ও বিস্ময়কর। এই সত্যটিকে প্রত্যেকেই পরীক্ষা করিয়া দেখিতে পারেন। যদি একথা সত্য হয় যে যে নারী যত উচ্চ ধর্ম্মশীলা তিনি তত ধৈর্য্যশীলা ও স্থির স্বভাবা হইয়া থাকেন এবং যিনি যত সহজে অধীর ও চঞ্চল হন তিনি সেই পরিমাণে ধর্ম্মহীনা ক্ষুদ্র প্রকৃতির লোক তাহা হইলে বলা যাইতে পারে যে মহিলাগণের পক্ষে



অতি সাবধানে ধৈর্যধারণ অভ্যাস করা প্রয়োজন। ফলে আমরা দেখিতেছি যে আমরা যে ভাবেই সংসারের সুখ দুঃখকে গ্রহণ করি না কেন তাহারা ক্ষুদ্র ও বৃহৎ আকারে ক্রমাগত আমাদের নিকটে উপস্থিত হইয়াছে, হঠাৎ হইবে এবং হইবে। সুখ দুঃখ আসা নিবৃত্তি হইবে না, ইহা যেমন সত্য তেমনই ইহাও আমরা জানি যে যিনি সুখ দুঃখ পাঠাইতেছেন তিনি আমাদের মঙ্গলময় পরমেশ্বর। তিনি আমাদের অমঙ্গল কখনও করিবেন না। আমাদের মঙ্গলের জন্তই এসকল পাঠাইতেছেন এবং এখানকার সুখও যেমন চিরদিন থাকিবে না তেমনই দুঃখও চিরদিন থাকিবে না। এ বিশ্বাস আমরা সহজেই মনে ধরিয়া রাখিতে পারি। এইটুকু মনে স্থির রাখিয়া মঙ্গলময়ের মঙ্গল ইচ্ছার উপর নির্ভর করিয়া ধৈর্যধারণ করিতে শিখিতে হয়। যদি ধৈর্য্য সুখ শাস্তির হেতু হয়, যদি ধৈর্য্যে সকল প্রকার লাভ হয়, যদি অধৈর্য্য দুর্বলতার পরিচয় হয় তবে কেন মহিলাগণ অধৈর্য্য ত্যাগ করিয়া ধৈর্য্য শিক্ষা করিবেন না? যাহারা সংসার করিতেছেন তাহাদিগের প্রতিদিন প্রতি দণ্ডে প্রায় নূতন নূতন অবস্থায় ধৈর্য্যের পরীক্ষা দিতে হয় এবং প্রায়ই দেখা যায় অতি প্রবীণা গৃহিণীও সামান্য বিষয়ে ধৈর্য্য হারাইয়া লোককে কষ্ট দেন, বা শিশুদের প্রতি অত্যাচার করেন, অথবা আপনি দুঃখ পান। নারীজীবনে ধৈর্য্যসাধন অত্যন্ত প্রয়োজন।

### বালিকাদের নীতিবিদ্যালয়ের বার্ষিক কার্যবিবরণ।

ভগবানের আশীর্বাদ বহন করিয়া এই ক্ষুদ্র নীতিবিদ্যালয় তিন বৎসর স্কুলের সেবার জন্ত আপনার সামান্য শক্তিকে নিয়োজিত রাখিয়াছে। আবার নূতন বর্ষ সমাগত। বিগত কয় বৎসরে যে সকল পরিচিত মুখ এই আনন্দোৎসবের মধ্যে দেখিয়াছিলাম, আজ তাহাদের অনেককেই দেখিতে পাইতেছি না। কিন্তু যাহাদের সহায়ত্ব ও ভালবাসা, যাহাদের আশীর্বাদ আমাদের কর্তব্যকে সরস, মধুর করিয়াছিল, তাহাদের সহায়ত্ব তাহাদের আশীর্বাদ চিরদিনই আমাদের জীবনের পথকে সুন্দর উজ্জল করিয়া রাখিবে।

গত বৎসরে অনেক বাধার ভিতরে নীতিবিদ্যালয়ের কার্য ঠিকভাবে সুনির্বাহ হইতে পারে নাই। যাহারা নীতিবিদ্যালয়ের কার্য করেন তাহাদের মধ্যে ২৩ জনের পরিবারে ভগবান্ রোগ ও মৃত্যু দূতকে প্রেরণ করিয়া অল্প ভাবে অল্প কার্যে তাহাদের ব্যাপৃত রাখিয়াছিলেন, তাহারা সকল সময়ে বিদ্যালয়ের কার্যে যোগদান করিতে পারেন নাই। বোধ হয় সেই কারণে কার্যের বিশৃঙ্খলার জন্ত বৎসরের আরম্ভে যতগুলি বালিকা লইয়া কার্য আরম্ভ করা গিয়াছিল, বৎসরের শেষে তাহাদের সংখ্যা কিছু কমিয়া গিয়াছে। অল্প অনেক বালিকা আসিবার জন্ত আগ্রহান্বিত, কিন্তু সকলকে গাড়ী করিয়া আনা আরও অর্থসাপেক্ষ, সেই

জন্ত অনেককে আনিতে পারা যায় না। তারপরে ছোট ছোট বালিকাদের জন্ত সহজ শিক্ষা প্রদ গল্পপুস্তক, জীবনী প্রভৃতি ক্রয় করা, তাহাদের আমোদের জন্ত দুচার রকম বন্দোবস্ত করাও প্রয়োজন।

সাধারণতঃ নীতিবিদ্যালয়ের বালিকাগণকে তিনটি শ্রেণীতে বিভক্ত করিয়া লওয়া হয়। নিতান্ত শিশু বালিকাগণকে ছবি দেখান হয় ও সহজ গল্প বলা হয়। তাহাদের অপেক্ষা কিঞ্চিৎ অধিক বয়স্ক বালিকাদিগের দুইটি বিভাগ থাকিলেও সাধারণতঃ তাহাদের এক সঙ্গেই শিক্ষা দেওয়া হয়; তাহাদের গল্প, সহজ বোধ্য কবিতা ও শ্লোক এবং সাধু সাধ্বীদিগের জীবন অবলম্বন করিয়া বলা হয়; এবং অধিক বয়স্ক বালিকাদিগের দুইটি বিভাগে একই সঙ্গে শিক্ষা দেওয়া হয়; তাহাদের ব্রাহ্মধর্ম গ্রন্থ হইতে শ্লোক আবৃত্তি করান হয় এবং মহাপুরুষদিগের জীবনী ও ধর্মোপদেশ অবলম্বন করিয়া শিক্ষা দেওয়া হয়। গত বৎসর ঈশা ও বুদ্ধদেবের জীবনের দু'চারটি বিষয় লইয়া বলা হইয়াছে। ইংরাজী, বাঙ্গলা কবিতাও তাহাদের এমন ভাবে পড়ান হয় যে, তাহারা সেই কবিতার যথার্থ রসটুকুর আনন্দ পায়, তাহার ভিতরকার কথাটা গ্রহণ করিতে পারে। উদ্দেশ্য এই যে, যে আনন্দ, যে সৌন্দর্য্যবোধ চিরদিন মানব হৃদয়ের মধ্যে স্পন্দিত হইতেছে, তাহারাও সেই স্পন্দনটুকু অনুভব করে, মানব ইতিহাসের সঙ্গে তাহাদের ঘনিষ্ঠ সম্বন্ধ উপলব্ধি করিতে পারে।

আজকাল বালিকারা অধিক বয়স পর্য্যন্ত বিদ্যালয়ের ছাত্রীজীবন যাপন করে; কিন্তু তাহাদের যেরূপ অসম্পূর্ণ শিক্ষালাভ হইতেছে তাহাতে তাহাদের জীবনের সর্বাঙ্গীণ বিকাশ হয় না। কালে একটা একটা বালিকা এক এক পরিবারের সর্বময়ী কর্তী হইবে। যে নিজে ভগবানের চরণের উপর নির্ভর করিয়া দাঁড়াইতে পারে না, সে অপর পাঁচ জনকে স্থির রাখিবে কি করিয়া? গৃহের শ্রী, আনন্দ রক্ষার ভার যার উপরে, সে যদি শ্রীকে না চিনিল, মানব পরিবারের এই শত সহস্র তরঙ্গ আন্দোলনের মধ্যে যে আনন্দ আপনাকে নিত্য প্রকাশ করিতেছেন সেই চিরন্তন আনন্দকে অন্তরের মধ্যে প্রতিষ্ঠিত করিতে না পারিল, তবে গৃহ রক্ষা করিবে কে? যে শক্তি, যে জ্ঞান তাহাদের জীবনকে পূর্ণ বিকশিত করিয়া তুলিবে, নানা অবস্থায় আন্দোলনের মধ্যে তাহাদের লক্ষ্য স্থির রাখিবে, সংসারের ঘাত প্রতিঘাতের ভিতরে সেই নিত্য আনন্দে তাহাদের হৃদয়কে শান্ত রাখিবে, সে শক্তির চালনা কোথায় হয়, সে জ্ঞানলাভের পথে কতটুকু তাহাদের সুযোগ দেওয়া হয়? যাহাতে তাহারা সহজে এই সুযোগ লাভ করে, এবং তাহাদের অন্তরনিহিত দেবশক্তির পরিচালনায় জীবনকে সার্থক ও সুন্দর করিতে পারে সেই সহায়তা করাই নীতিবিদ্যালয়ের সর্বোচ্চ উদ্দেশ্য। সাধারণ বিদ্যালয়ের পাঠে প্রশ্রম ক্লাস্ত বালিকাদিগের কোমল হৃদয়ের সম্মুখে কেবল কৃতকগুলি কঠিন ধর্মকথা



উপস্থিত না করিয়া যাহাতে তাহারা সহজে ধর্মকে গ্রহণ করিতে পারে; সত্য শিব সুন্দরের প্রকাশে সমুদয় জগৎ যে সুন্দর, তাঁর মঙ্গল আলোকে বিশ্ব প্রকৃতির সুখ যে উদ্ভাসিত তাহাই নয়ন উন্মীলন করিয়া দেখিবার জন্ম যে নির্যলদৃষ্টি, যে সহজ জ্ঞানের প্রয়োজন তাহাই দিবার জন্ম এই বিদ্যালয়ের যত্ন।

যে উচ্চ আদর্শ সম্মুখে লইয়া কর্মক্ষেত্রে অবতরণ করা গিয়াছিল, সে আদর্শ কতটুকু কার্যের ভিতরে ফুটাইয়া তুলিতে পারা গিয়াছে জানি না। এ কার্যে সকলের সহায়তার আবশ্যিক। এই আনন্দোৎসবের দিনে তাই সাধারণের নিকটে নীতিবিদ্যালয়ের কয়েকটি নিবেদন আছে। ভগবান্ যাঁহাকে যে শক্তি দিয়াছেন তিনি তাহাই দিয়া যেন ইহার কার্যে সহায়তা করেন। ইহার জন্ম যেমন অর্থের প্রয়োজন, তেমনি কার্যকারিণী নারীগণেরও প্রয়োজন। যাঁহার অন্তরের মধ্যে অন্তর দেবতা তাঁহার ধ্বংস আলোককে উজ্জ্বল করিয়াছেন, তিনি ছোট ভগ্নীদের জন্ম সে আলোককে অগ্রসর করিয়া ধরুন। যিনি কোন কলাবিদ্যায় পারদর্শিনী হইয়াছেন, তিনি তাহারই সাহায্যে ছোট ছোট ভগ্নীদের মনে নূতন নূতন জ্ঞানার্জনের স্পৃহা ও আনন্দ জাগাইয়া দিন। অভিভাবকগণের নিকট নিবেদন এই তাঁহারা যেন বালিকাগণকে নীতিবিদ্যালয়ে আসিবার জন্ম উৎসাহ দান করেন; এবং সকলের নিকট বিনীত নিবেদন এই যে তাঁহারা নীতিবিদ্যালয়ের কার্যে সহায়তা না

করিলেও, ইহার কার্যের সঙ্গে যোগ না রাখিলেও যেন তাঁহারা ছোট ছোট বালিকাগণের সম্মুখে ইহার কার্যপ্রণালী অথবা ইহার কার্যে অক্ষমতা লইয়া আলোচনা দি না করেন।

নিম্নলিখিত কয়েকটি মহিলা বিদ্যালয়ের ব্যয় নির্বাহার্থ অর্থ সাহায্য করিয়া ইহাকে জীবিত রাখিয়াছেন;—প্রথম বৎসরে আরও দুই এক জন মহিলা অর্থ সাহায্য করিয়াছিলেন।

আমাদের স্নেহের ভগ্নী স্বর্গগতা সাধ্বী “প্রিয়তমার” নামে তাঁহার পিতা শ্রীযুক্ত বাবু শরৎকুমার লাহিড়ী মহাশয় দুইটি পাঁচ টাকা করিয়া পুরস্কার প্রদান করিয়াছেন। প্রথম শ্রেণীর দুই বিভাগের দুইটি বালিকা রচনার জন্ম এই দুইটি পুরস্কার লাভ করিয়াছেন।

দাতাগণ নীতিবিদ্যালয়ের গভীর কৃতজ্ঞতা গ্রহণ করুন।

বৎসরের কাধ্যে যাহা কিছু শৈথিল্য হইয়াছে, উচ্চ আদর্শকে যতটুকু খর্ব করা হইয়াছে, সকল ক্রটির জন্ম ভগবানের নিকট ক্ষমা ভিক্ষা করিয়া আমরা যেন আবার নূতন আশা লইয়া কর্মক্ষেত্রে অবতরণ করি। বিশ্বাস ও ভালবাসার সহিত কার্য করিলে জননী আমাদের সেবা গ্রহণ করিয়া কৃতার্থ করিবেন।

গত বৎসরে দানপ্রাপ্ত (১৯০৯ ফেব্রুয়ারী হইতে ১৯১০ জানুয়ারী পর্যন্ত)।

মহারাণী শ্রীমতী সূচাক দেবী,	২৪
শ্রীমতী স্নেহলতা দত্ত	২৪
,, কিরণী সেন	১১

শ্রীমতী সূচাক সেন,	৯
,, সরলা সেন,	৭
,, কৃষ্ণভাবিনী সেন,	২১০
,, শকুন্তলা সেন,	১৫
ব্যয়।	২২১০
গত বৎসরের গাড়ীভাড়া	৬৮
পুরস্কার বিতরণের পুস্তক ও দ্রব্যাদি ক্রয়	২০
১৯০৯ জানুয়ারী মাসের গাড়ীভাড়া	৪১০
	২২১০

### “ভগ্নী-সমিতি”র প্রথম বার্ষিক কার্যবিবরণী।

(খ্রীঃ ১৯১০, ১৬ই ফেব্রুয়ারিতে আহৃত বার্ষিক সাধারণ সভায় গৃহীত)।

মঙ্গলময় পরমেশ্বরের রূপায় আজ এই ক্ষুদ্র সমিতির এক বৎসর পূর্ণ হইল। গত বৎসর (১৯০৯) ১৬ই ফেব্রুয়ারি এই গৃহে ইহার প্রথম অধিবেশন হয়। সেই অধিবেশনে ইহার নাম “ভগ্নীসমিতি” রাখা হয় এবং ইহাও স্থিরীকৃত হয় যে—

জাতি ও চরিত্র নির্বিশেষে নারী, শিশু ও বালক বালিকাগণের যথাসম্ভব অভাবমোচন করাই ইহার উদ্দেশ্য এবং অন্নদান, বস্ত্রদান, বিদ্যাদান, চিকিৎসা, সেবা ও অর্থদান প্রভৃতি উপায় দ্বারা এই উদ্দেশ্য সাধিত হইবে।

সেই সভায়, সর্বসম্মতিক্রমে শ্রদ্ধেয়া শ্রীযুক্তা সৌদামিনী মজুমদার মহাশয়া সভাপতি, শ্রীমতী হেমকুমার মল্লিক সম্পাদিকা

এবং কুমারী চাকরলা নিয়োগী সহকারী সম্পাদিকা মনোনীত হন এবং নিম্নলিখিত নিয়মাবলী গৃহীত হয়।

নিয়মাবলী।

১ন। প্রতি মাসের প্রথম মঙ্গলবারে সমিতির অধিবেশন হইবে।

২য়। মাসিক অধিবেশনের সংবাদ সম্পাদিকা প্রত্যেক সভাকে সময়মত জানাইবেন।

৩য়। যদি কোন সভা সম্পাদিকাকে বিশেষ সভা আহ্বান করিতে অস্বীকার করেন, তাহা হইলে তাঁহাকে যত শীঘ্র সম্ভব বিশেষ সভা আহ্বান করিতে হইবে।

৪র্থ। অন্ততঃ ৫ জন সভ্য উপস্থিত না থাকিলে সভার কার্য চলিতে পারিবে না।

৫ম। কোন নূতন নিয়ম বিধিবদ্ধ কিম্বা পুরাতন নিয়ম পরিবর্তন করিতে হইলে উপস্থিত সভ্যগণের দুই তৃতীয়াংশের সম্মতি না হইলে তাহা হইতে পারিবে না।

৬ষ্ঠ। মাসিক অধিবেশনে সভার বিশেষ উদ্দেশ্য বিষয়ে প্রয়োজনমত আলোচনার পর সমাজনীতি প্রভৃতি বিষয়ে বিশেষতঃ নারীজাতির উন্নতি সম্বন্ধে প্রবন্ধ পাঠ ও আলোচনা হইতে পারবে।

৭ম। যে কোন সভ্য ইচ্ছা করিলে সমিতির মাসিক অধিবেশনে কোন নূতন সভ্যের নাম প্রস্তাব করিতে পারিবেন এবং যদি সে প্রস্তাবে কাহারও আপত্তি না থাকে তবে সেই দিন হইতেই প্রস্তাবিত মহিলা সভ্যশ্রেণীভুক্ত হইবেন।

৮ম। প্রত্যেক সভাকে যথাসাধ্য



মাসিক টাকা দিতে হইবে এবং এই টাকা প্রত্যেক মাসিক অধিবেশনের দিন সম্পাদিকার নিকট দিবেন কিম্বা পাঠাইরা দিবেন।

৯ম। বিশেষ আবশ্যিক হইলে সমিতির সম্মতি গ্রহণ না করিয়াও সম্পাদিকা ৫ পর্যন্ত ব্যয় করিতে পারিবেন কিন্তু পরবর্তী অধিবেশনে এ সম্বন্ধে সমিতির সম্মতি গ্রহণ করিতে হইবে।

বলা বাহুল্য, প্রথমাবস্থায় যত অল্প সংখ্যক নিয়মাবলী প্রয়োজন, তাহাই বিধিবদ্ধ হইয়াছে এবং শীঘ্রই ইহাদের সংশোধন ও পরিবর্তন প্রয়োজন হইবে।

এ বৎসর সমিতির ৯টি অধিবেশন হইয়াছে। মে, জুন অক্টোবর, নবেম্বর মাসে কোন অধিবেশন হয় নাই।

এই বৎসরে (জানুয়ারি, ১৯১০ পর্যন্ত) মোটের উপর সমিতির আয় ৮০৬০, ব্যয় ৬৯১০ হস্তে স্থিত ১১৫১।

এক্ষণে সমিতির সভ্যসংখ্যা ৩১ জন। মাসিক আয় ১৩৩০, মাসিক ব্যয় ১১২।

এই বৎসরে পাঁচটি স্ত্রীলোককে মাসিক ১০ করিয়া ও একটি স্ত্রীলোককে মাসিক ১০ করিয়া দেওয়া হইয়াছে। নিম্নশ্রেণীস্থ লোকদিগের জন্ম নিকটেই যে একটি নৈশ কিতালয় স্থাপিত হইয়াছে তাহাতে মাসিক ২ টাকা করিয়া টাকা দেওয়া হইতেছে। একটি ছাত্রকে কলেজে জমা দিবার জন্ম ৫ ও আর একটিকে পরীক্ষার টাকা জমা দিবার জন্ম ১ টাকা সাহায্য করা হইয়াছে। এতদ্ব্যতীত কয়েক মাস হইতে ৩টি বালককে

মাসিক ১ টাকা হিসাবে সাহায্য করা হইতেছে। ইহাদের মধ্যে দুইজন কলেজের একজন মেডিকেল স্কুলের ও আর একজন আর্ট স্কুলের ছাত্র।

ভিক্টোরিয়া বিদ্যালয়েই সমিতির অধিবেশন হইতেছে। বিদ্যালয়ের কর্তৃপক্ষগণ এখানে সমিতির অধিবেশনের অহুমতি দিয়া আমাদের কৃতজ্ঞতাভাজন হইয়াছেন। কোন মুদ্রাঘরের অধ্যক্ষ মহাশয় অনুগ্রহ করিয়া বিবরণী ইত্যাদি মুদ্রাক্ষণের ব্যয়ভার গ্রহণ করিয়া আমাদের বড়ই উপকৃত করিয়াছেন। ইহাদিগকে আমাদের কৃতজ্ঞতা জানাইতেছি।

সমিতির কার্যক্ষেত্র যেরূপ বিস্তৃত এবং উদ্দেশ্য যেরূপ মহৎ তাহাতে ইহার সামান্য কার্য ও ক্ষুদ্র অস্তিত্ব উল্লেখযোগ্য বলিয়াই মনে হয় না। তথাপি আমাদের আশা ইহা মহিলামাত্রেরই সহায়ত্ব ও আনুকূল্য লাভ করিবে এবং তাহা হইলেই ভবিষ্যতে ইহাদারা অনেক কার্য হইতে পারিবে। এই বিশ্বাসেই আমরা সাহস করিয়া ইহাকে সাধারণের সমক্ষে উপস্থিত করিতে ও মহামান্যবরা মহারানী প্রমুখ আপনাদের নিকট ইহার সামান্য কার্য-বিবরণী পাঠকরিতে সাহসী হইয়াছি।

গাইকওয়াড় রাজকুমারী

ইন্দিরা দেবী। \*

ভারতবর্ষে স্ত্রীশিক্ষার ইতিহাসে গাই-

\* মিঃ জি, এস্ সর্দেশাই লিখিত ইংরাজী প্রবন্ধ হইতে অহুদিত।

কওয়াড় রাজকুমারী ইন্দিরা দেবীর বোম্বাই বিশ্ববিদ্যালয়ের প্রথম পরীক্ষায় উত্তীর্ণ হওয়া একটি বিশেষ উল্লেখযোগ্য ঘটনা বলিতে হইবে। বিশ্ববিদ্যালয়ের পরীক্ষায় উত্তীর্ণ হওয়া সম্বন্ধে ভারতীয় রাজকথাগণের মধ্যে কুমারী ইন্দিরাই প্রথম দৃষ্টান্ত দেখাইলেন। সংক্ষেপে ইহাব জীবনবৃত্তান্ত দেওয়া যাইতেছে, আশা করি তোমরা সকলেই আনন্দের সহিত পাঠ করিবে।

রাজকুমারী ইন্দিরা বরোদার মহারাজা গাইকওয়াড়ের একমাত্র কন্যা। ১৮৯২ খ্রীঃ অব্দে ফেব্রুয়ারি মাসে ইনি জন্মগ্রহণ করেন। ছয় বৎসর বয়ঃক্রম হইতেই ইহার বিদ্যা শিক্ষা আরম্ভ হয় এবং ৫ বৎসরের পরিশ্রমের পর তাঁহার মাতৃভাষায় অর্থাৎ মহারাষ্ট্রীয় ভাষায় যথেষ্ট ব্যুৎপত্তি লাভ করেন। তৎপরে মাতৃভাষার সহিত ইংরাজি ভাষাও শিক্ষা করিতে আরম্ভ করেন। রাজপ্রাসাদেই রাজার পুত্র কন্যাদের জন্ম একটি স্বতন্ত্র বিদ্যালয় আছে। আরও ৫ বৎসরের পর বিশ্ববিদ্যালয়ের প্রথম পরীক্ষার জন্ম বাহা বাহা দরকার তাহা শিখিয়াছিলেন এবং গত ডিসেম্বর মাসে পরীক্ষায় উত্তীর্ণ হন। এখন তিনি উচ্চ শিক্ষা পাইবার জন্ম কলেজে পড়িতেছেন।

আধুনিক ইউরোপীয় শিক্ষাপ্রণালী পূর্বকালের ভারতবর্ষে প্রচলিত রাজকুমারীদিগের শিক্ষাপ্রণালীর সহিত সন্দররূপে সংযুক্ত করিয়া ইহাকে শিক্ষা দেওয়া হইয়াছে। পূর্বকালের ইতিহাসে আমরা

জানিতে পারি যে সে সময়ে বালিকা-দিগকে, বিশেষতঃ রাজকন্যাদিগকে, সঙ্গীত, চিত্রকলা, সংসার পরিচালন ইত্যাদি প্রয়োজনীয় সমস্তই শিক্ষা করিতে হইত। রাজকুমারী ইন্দিরার শিক্ষাও এই প্রকারেই চালিত করা হইয়াছে, সঙ্গীত ইত্যাদি সমস্তই সুন্দররূপে শিক্ষা করিয়াছেন, এবং এই সমস্ত কলাবিদ্যায় তাঁহার সুন্দর জ্ঞান জন্মিয়াছে। তিনি ইতিহাস ও সংস্কৃত পড়িতেও খুব ভালবাসেন। এই সমস্ত শিক্ষার সহিত তিনি অধারোহণ, শীকার ইত্যাদিতেও খুব পারদর্শিতা লাভ করিয়াছেন, এবং এসকলে অত্যন্ত আনন্দানুভব করেন। বস্তুতঃ এই অল্পবয়সেই তিনি পুরাকালের ভারতবর্ষের নারীদিগের শিক্ষা ও আধুনিক সময়ে ইউরোপীয় রাজপরিবারের শিক্ষা দুইই লাভ করিয়াছেন।

কিন্তু তোমরা মনে করিও না যে ইহার শিক্ষা কেবল পুস্তকগত হইয়াছে। ইনি ইতিমধ্যেই পৃথিবীর নানাস্থানে ভ্রমণ করিয়াছেন এবং এই ভ্রমণে বহুদর্শিতা লাভ করিয়া যথেষ্ট জ্ঞানোপার্জন করিয়াছেন। বিদেশ ভ্রমণের উপকারিতা সমস্তই ইনি প্রাপ্ত হইয়াছেন। ইনি দুইবার ইংলণ্ড, ফ্রান্স এবং অন্যান্য ইউরোপীয় দেশ দূরিত্ব আসিয়াছেন। দ্বিতীয় বার ১৯০৫ খৃষ্টাব্দে যখন ইনি ইহার পিতা মহারাজ গাইকওয়াড়ের সহিত ইংলণ্ডে গমন করেন তখন কিছুদিনের জন্ম ইষ্টবোর্ন নামক স্থানে একটি বালিকা বিদ্যালয়ে থাকিয়া কিছুদিন শিক্ষা লাভ করেন। ঐ সময়ে ইংলণ্ডের ভদ্রপরিবা-



রের বালিকাদিগের সহিত মিশিয়া সেখানকার আচার ব্যবহার বিষয়ে ও বালিকাশিক্ষা বিষয়ে অনেক অভিজ্ঞতা লাভ করেন। শুধু বিদেশ ভ্রমণ নয়, তিনি ভারতবর্ষেরও কাশ্মীর হইতে আরম্ভ করিয়া মাদ্রাজ পর্য্যন্ত সমস্ত প্রধান প্রধান স্থান ও নগর দর্শন করিয়াছেন।

তাহার শিক্ষা কেবল একটা বাহিরে চাকচিক্য নহে, যাহাতে তাহার স্বভাব-চরিত্র দৃঢ়ভাবে গঠিত হয় সেই ভাবেই তাহাকে শিক্ষা দেওয়া হইয়াছে। রাজকন্ঠার উপযুক্ত সমস্ত ব্যবহারের সহিত তাহার মধ্যে একটা চরিত্রের সরলতা, আামরিকভাব এবং কোমল প্রকৃতি আছে, এবং এই জন্ত তাহার স্বাভাবিক সুন্দর আকৃতি আরও সুন্দর দেখায়। যখনই কোন স্রযোগ উপস্থিত হয় তখনই তিনি অন্যান্য সাধারণ বালিকাদিগের সহিত যোগদান করেন এবং তাহাদিগের সহিত প্রীতিপূর্ণ কোমল ব্যবহার দ্বারা সম্বন্ধ করেন। দরিদ্রদিগের প্রতিও তাহার যথেষ্ট দয়া আছে, এবং সর্বদাই তাহাদের দুঃখ দূর করিতে চেষ্টা করেন।

অবশ্য এই সকল গুণ থাকিলেই যে সকলে প্রশংসাই হয় তাহা নহে, কিন্তু সকল অবস্থা ও স্রযোগ অনুসারে কর্তব্য সম্পাদন দ্বারাই প্রশংসা ও নিদ্রা ভাজন হইয়া থাকে; এবং যখন কেহ এই কর্তব্য-সম্পাদনে সমর্থ হয় তখনই সে প্রশংসা-ভাজন হয়। রাজকুমারী ইন্দিরা এ পর্য্যন্ত তাহার কর্তব্য সাধন করিয়াছেন এবং তিনি যে উচ্চ রাজবংশে জন্মগ্রহণ

করিয়াছেন সে বংশের তিনি একটা রত্ন হইতে চেষ্টা করিয়াছেন, এবং এ বিষয়ে সন্দেহ নাই যে ক্রমে এদেশের সকলেই তাহাকে আনন্দে সম্মান প্রদান করিবে।

রাজকুমারীর পিতা মহারাজা গাইকোন্ডা জ্ঞানীশিক্ষা ও জ্ঞানজাতির উন্নতির অত্যন্ত পক্ষপাতী। তিনি নিজের মত নিজের পরিবারে প্রচলিত করিয়া কার্যদ্বারা মতের সমর্থন করিয়াছেন। এই কারণেই রাজকুমারী ইন্দিরা এখনও অবিবাহিতা। রাজকুমারীর মাতা মহারাণী চিম্নাবাইও একজন অসাধারণ জ্ঞানীলোক। তাহার শারীরিক আকৃতির গঠন অতীব সুন্দর। আরবী ভাষা, ইংরাজী ভাষা, ইতিহাস, অর্থনীতি, রাজনীতি, এ সকল বিছাই তিনি বিশেষ ভাবে অর্জন করিয়াছেন। বহুকার্যের বাস্তবতার ভিতরেও তিনি প্রতিদিন নিরমিতরূপে কয়েক ঘণ্টা পাঠাভ্যাসে অতিবাহিত করেন। তদুপরি তিনি সঙ্গীতপটু ও শীকারেও দক্ষহস্ত। রাজকুমারী ইন্দিরা এইরূপ পিতামাতার উপযুক্ত সন্তানই হইয়াছেন। আমরা আশা করি যে তাহার শিক্ষার জন্ত তাহার পিতার এই বহুল যত্ন ও চেষ্টা সফল হইবে, ও তিনি বিবাহিতা হইয়াও তাহার দেশের কার্যে নিজেকে অধিকতররূপে দান করিয়া দেশকে উপকৃত করিবেন।

— “প্রকৃতি”

দাস দাসী।

পিতামাতা পুত্রকন্ঠার তায় দাস দাসী লইয়াও এক একটা পরিবার গঠিত। দাস দাসীদের সেবা ও সাহায্য বিনা

আমাদের চলে না, তাহারা আপনাদের পরিবারবর্গ হইতে বিচ্ছিন্ন হইয়া বিদেশে আসিয়া আমাদের পরিবারের মধ্যে আসিয়া আশ্রয় লইয়াছে। প্রিয়জনের স্নেহ ভালবাসা যত্নছাড়িয়া আসিয়া অপরিচিত অজ্ঞাত পরিবারের মধ্যে আসিয়া বাস করিয়া, তাহাদের সেবায় জীবন অতিবাহিত করিতেছে। তাহারা যাহা হইতে বঞ্চিত হইয়া এখানে আসে, আমরা কি সেই ক্ষতি পূরণ করিতে পারিতেছি? হায়! প্রিয়জনের স্নেহ ছাড়িয়া আসিয়া আমাদের নিকট কত নির্দয় ব্যবহার, অস্বাভাবিক অবিচার, অল্প অনাদর অবজ্ঞা যুগাভোগ করিতেছে। তাহারা অশিক্ষিত নিম্নশ্রেণীর লোক বলিয়া তাহাদের সহিত এরূপ ব্যবহার করিয়া থাকি।

দাস দাসীদের সহিত ব্যবহারের বিষয় আমাদের আমূল সংস্কার করা দরকার। বিংশ শতাব্দীর বিশেষত্ব এই যে এই সময়ে প্রত্যেক বিষয়কে নূতন ভাবে পরীক্ষা করা হইতেছে। পৃথিবীর সকল সভ্যজাতির কার্যপ্রণালী দেখিয়া ও স্বদেশীয় বিদেশীয় বহু চিন্তাশীল বহুদর্শী ব্যক্তিদের জ্ঞান অভিজ্ঞতা পাঠ করিয়া আলোচনা করিয়া ও আপনার অন্তরের আলোকে সকল বিষয় পরীক্ষা করিতে হইবে। বহুসংগ্রাম বহু যত্ন ও পরিশ্রমের পর অল্পদিন হইল, সভ্যজাতির মধ্যে দাস ব্যবসায় রহিত হইয়াছে। কিন্তু দাস দাসীদের প্রতি ব্যবহার ও কর্তব্য বিষয়ে কোন সংস্কার সংশোধন হয় নাই, সে বিষয়ে সকলের দৃষ্টি পড়ে নাই। যে পর্য্যন্ত না কোনও

পাপ, কুপ্রথা অতিশয় ভীষণ আকার গ্রহণ না করে ততদিন আমাদের দৃষ্টি সে দিকে পড়ে না, তাহার সংস্কার সাধনে তৎপর হই না। কিন্তু দাসদাসীদের প্রতি কর্তব্যের শিথিলতা, ব্যবহারে ওদাসীত্ব আমাদের সমাজের অন্তরে অন্তরে থাকিয়া তাহার মহা অনিষ্ট সাধন করিতেছে। আমাদের অনেক সূচেষ্টা, সূসংকল্প, মহৎ আদর্শকে বিফল করিতেছে, বার্থ করিতেছে, আমরা সামাজিক উন্নতি বিষয়ে আশাবুক ফল পাইতেছি না। কারণ দাসদাসীগণ আমাদের সমাজের আমাদের পারিবারিক জীবনের সহিত ঘনিষ্ঠ সম্পর্কিত। তাহাদের প্রতি কর্তব্য করা হয় নাই বলিয়া অনেক সময়ে আমাদের জীবনে পরিবারে শান্তি শুদ্ধতা থাকে না। সচরাচর ভৃত্যদের সহিত যেরূপ ব্যবহার করা হয়, সে সকল পুরাতন অভ্যাস নিয়ম ভুলিয়া গিয়া, মন হইতে একেবারে পূর্ব সংস্কার সমস্ত দূর করিয়া দিয়া, সহজ জ্ঞানে, পরিষ্কার দৃষ্টিতে এ বিষয় ভাবিয়া দেখিতে হইবে। আমাদের মন নানা পূর্ব সংস্কারাবদ্ধ, মোহে মুগ্ধ অভ্যাসের দাস নূতন করিয়া ভাবিতে চায় না। সহজ জ্ঞানের প্রথম কথা হইল আমরাও মানুষ, তাহারাও মানুষ, আমাদের তায় তাহাদেরও সুখ দুঃখ বোধ আছে আমাদের তায় তাহাদের আত্মাও চির উন্নতিশীল। তাহারাও আমাদের সহিত স্বর্গমন্ডোর সকল সম্পদে তুল্য অধিকারী। কিন্তু আমরা দাসদাসীদের সহিত, মানুষের মত ব্যবহার করি না, যাহারা আমাদের সম-



দোষ ক্রটি তাহা লইয়া বিচারে প্রবৃত্ত হই-  
লাম। অথ কেহ আমাদের কোন উপকার  
করিলে আমরা তাহার কাছে কত কৃত-  
জ্ঞতা প্রকাশ করি। কিন্তু দিবানিশি  
যাহারা আমাদের সেবায় সকল শক্তি ব্যয়  
করিল তাহাদের কাছে কৃতজ্ঞ হইতে  
পাওঁলাম না। কৃতজ্ঞতা প্রকাশ করিতে  
লজ্জা বোধ হইল। তাহাদের বেতন দাও  
তাহাতেই কি সকল ঋণ পরিশোধ হইল।  
তাহাদের হৃদয় আমাদের নিষ্ঠুর ব্যবহারে  
ভাঙ্গিয়া গেল। তাহারা বলে, শরীর নষ্ট  
করিয়া এত যে করিলাম তাহার কথা  
একবারও বল না, যাহা কিছু অন্য়  
অপকর্ম করিয়াছ, তাহাই শুধু বল।  
আমরা আমাদের কঠোর ব্যবহারে অবি-  
শ্বাসে সন্দেহে ঘৃণায় তাহাদের মনে,  
কঠোরতা মিথ্যা কপটতা স্বার্থপরতা  
জাগাইয়া দিলাম। তাহাদের মন হইতে  
আমরা কি সাহায্য করিলাম? ভয়গণ  
ভাবিয়া দেখুন, একথা সত্য কি না?  
আমরা কি ভয়ানক অপরাধে অপরাধী  
নই?

আজকাল আমাদের দেশেও পতিত  
উপেক্ষিত জাতির উন্নতির জন্ত সকলে  
ভাবিতেছেন, তাহাদের শিক্ষার জন্ত ক্ষুদ্র  
ক্ষুদ্র দল পরিশ্রম করিতেছেন, এখনও  
দেশব্যাপী পাপ অজ্ঞানতার অন্ধকার  
রহিয়াছে। বহুসংখ্যক উৎসাহী যুবাকে  
আমাদের ভৃত্য নামক সেবক মণ্ডলীর  
সেবা করিতে হইবে। তাহাদের ইচ্ছা,  
কুচি, গৃহ পরিচ্ছদ আচার ব্যবহার উন্নত  
করিতে হইবে।

আমরা! আজকাল, সকলেই স্বদেশ-  
জাত বস্তু ও দ্রব্য সকল ব্যবহার করি ও  
আমাদের ভৃত্যাদিগকে অধিক মূল্যে  
স্বদেশজাত বস্তু ক্রয় করিতে বলি, কিন্তু  
তাহারা গ্রহণ করে না। কেন তাহারা  
আমাদের এই অহুরোধ রক্ষা করিবে?  
আমরা কি কোনও দিন, তাহাদের শিক্ষা  
উন্নতির জন্ত কিছু করিয়াছি? আজ কেন  
তাহারা আমাদের হিতোপদেশ গ্রহণ  
করিবে? তাহারা আমাদের হিতোপদেশ শুভা-  
কাঙ্ক্ষী বন্ধু ভাবে না, কিন্তু জানে আমরা  
তাহাদিগকে পদদলিত করিয়া রাখিতে  
চাই, উন্নত, জাগ্রত হইতে দি না। যদিও  
কদাচিত্ কোনও বিষয়ে সতর্ক সাবধান  
করিয়া দি তাহারা তাহা গ্রহণ করে না,  
তাহার কারণ আমাদের বিশ্বাস করে  
না। যদি তাহারা বিশ্বাস করিত, আমরা  
তাহাদের সর্বদীন মঙ্গল চাই তাহারা  
কখনই অশ্রদ্ধা করিত না। অনেকেই  
আক্ষেপ করেন এখন ভৃত্যেরা স্থায়ী হয়  
না, বিশ্বাসী হয় না তেমন দয়ামায়া থাকে  
না। পূর্বে এক একজন পুরাতন ভৃত্য  
পরম উপকারী বন্ধু, আত্মীয়স্বজনের গ্রাম  
মেহশীল ও পরম বিশ্বাসী হইত। এরকম  
অনেক ভৃত্যের বৃত্তান্ত, আমাদের  
পিতামাতার মুখে শুনিতে পাই। ইহার  
অপরদিক দেখা দরকার। সে সময়ের  
প্রভুগণই বা কেমন ছিলেন। ভৃত্যেরা  
প্রভু প্রভুপত্নী ও তাঁহাদের পুত্রকন্যাগণের  
নিকট হইতে কত মেহ যত্ন সম্মান ভাল-  
বাসা ফমা পাইত। ভৃত্যকে ফমা করা ও  
তাহাকে সম্পূর্ণ বিশ্বাস করা আবশ্যিক।

ফমা না করিলে কাহারও সঙ্গে বাস করা  
সম্ভব নয়, পিতামাতা ভাই বোনে সকলে  
ফমা করেন তাইত পরিবারে সুখ শান্তি।  
একত্রে বাস করার পক্ষে পরস্পরকে  
বিশ্বাস করাও একটা অত্যাশঙ্ককীয় গুণ।  
পুত্র কন্যা পিতামাতাকে পিতামাতা পুত্র  
কন্যাকে বিশ্বাস করেন, অর্থাৎ জানেন,  
আমার অহিত করিবেন না। যেখানে এই  
বিশ্বাস না থাকে সেখানে ঘোর অশান্তি  
অসুখ। কিন্তু ভৃত্যদের সামান্য দোষ  
ক্রটিও ফমা করিতে পারি না। তাহারা  
কি অধিক ফমার পাত্র নয়? কারণ  
তাহাদের জ্ঞান বিবেচনা কম। আর  
একটা কথা ভাবিয়া দেখা উচিত, অধি-  
কাংশ লোকেই আপনার সুখ্যাতি শুনিতে  
ভালবাসে। যদিও এমনও অনেক লোক  
আছেন, আপনার সুখ্যাতি শুনিতে চান  
না, কিন্তু অতি অল্প লোকেই আপনার  
নিন্দা প্রশান্ত মনে শুনিতে পারেন,  
লোকে দোষ দেখাইয়া দিলে ভালভাবে  
গ্রহণ করিয়া আপনাকে সংশোধন করিতে  
চেষ্টা করেন। দোষ প্রদর্শন করিলে যে  
লোককে সংশোধন করা যায় না, তাহা  
আমরা প্রতিদিন দেখিতেছি। গুণের  
উল্লেখ করিয়া, উৎসাহ আশা দিয়া, ক্রমশঃ  
সংশোধন করিতে হয়। অল্প বথায় ক্রোধ  
শূণ্য হয়ে দোষ দেখাইয়া দিতে হইবে,  
যাহাতে সে হিরভাবে আপনার দোষটা  
বুঝিতে পারে। অধিক তিরস্কার করিলে,  
দোষী আপনার দোষটা বুঝিতে পারে না,  
যে তিরস্কার করে তাহার উপর ক্রুদ্ধ হয়।  
আমরা যে অনেক সময় বলে থাকি, দোষ

করছে, আবার উন্টে রাগ, তার কারণ  
এই।

### সাধনপথের পরীক্ষা।

(পন্থা হইতে উদ্ধৃত)

বিস্তীর্ণ উপবন। সন্ধ্যা-সন্ধ্যায় ভগ-  
বান্ মরীচিমালী পশ্চিমগগনে ডুবু ডুবু  
হইয়াছেন। তিমির রাশি আস্তে আস্তে  
সেই বনরাজির বৃক্ষলতায় প্রবেশ লাভ  
করিতেছে। বিচিত্রবর্ণের বিহগকুলের  
কূজন বাসিয়া আসিতেছে। কোকিলের  
কুহুধ্বনি এবং বুলবুলের মধুর তান আর  
শ্রুতিগোচর হইতেছে না। বিজন বন  
গভীর নিস্তরভাব ধারণ করিয়াছে। কোন  
কোন পাখী স্বীয় সঙ্গিনীর আগমন প্রতী-  
ক্ষায় কাতরকণ্ঠে কুলায়ে বসিয়া অক্ষুট-  
ধ্বনিত্তে মাঝে মাঝে সেই নিস্তরভাব ভঙ্গ  
করিতেছিল।

সেই তান-তমাল-সুশোভিত মনোহর  
বনরাজির দালুদ্বেশে বহুদূরব্যাপী, অসংখ্য  
শাখা-প্রশাখা-সমন্বিত এক প্রকাণ্ড অশ্বখ  
বৃক্ষ উন্নত মস্তকে অতীতের সাক্ষি-স্বরূপ  
দণ্ডায়মান আছে; তাহার পাদদেশে  
পুণ্যপ্রেমের আধার ভগবান্ বৃদ্ধদেব  
যোগাসনে উপবিষ্ট আছেন। ধ্যান-স্তিমিত-  
লোচন, স্থির পদ্যাসন, জাহ্নুপ্রদেশে স্থাপিত  
হৃদয়, সমুন্নত শিরোগ্রীবা! মহাবোগীর  
মহাধ্যাননিমগ্ন শ্রীমূর্তি যেন নির্বাক-নিঃস্প  
প্রশান্ত মহাসাগরবৎ প্রতীয়মান হইতেছে।  
সেই বনবীথিকা মাঝে নিস্তরভাব এত  
গভীর ভাব ধারণ করিয়াছে যে, তাহাতে



প্রবেশলাভ করা মাত্র মনে এক অপূর্ণ ভক্তি রসের সঞ্চার হয়, কি এক গুহ্য আকস্মিক মঙ্গলের প্রত্যাশায় প্রাণ পূর্ণ হইয়া যায়। অধিক কি, যদি কোন অবিধাসী নাস্তিকও ঘটনাক্রমে তাহার পার্শ্ব দিয়া গমন করে, তবে তাহার এমন সাধ্য নাই যে, প্রগাঢ় ভক্তিভরে সেই প্রেমাধার মহাযোগীর পদপ্রান্তে প্রণাম না করিয়া স্থির থাকিতে পারে! পবিত্রতা ও মধুরতার অলস্ত অবতার! করুণার অনন্ত আকর! সেই সৌম্য মূর্ত্তি সন্দর্শনে অতি বড় পাষণ-হৃদয়ও দ্রবীভূত হয়, হিংস্র বহু পশুগণ যুগপৎ ভয় ও ভক্তিরসে অভিভূত হইয়া, তাহার পদপ্রান্তে আশ্রয় গ্রহণ করে।

তখন একটা কুরঙ্গী সেই মহাযোগীর পরিচ্ছদের ছায়ায় বসিয়া, তাহার নবজাত শাবককে স্তন্য পান করাইতেছিল। হঠাৎ কি যেন এক আকস্মিক শব্দ শুনিয়া সে চমকিয়া উঠিল। বহু দূরে অক্ষুট মন্দির শব্দ শ্রুতিগোচর হইল। ক্রমশঃ সেই শব্দ নিকটবর্ত্তী হইতে লাগিল। প্রথমতঃ অপষ্ট মনুষ্যকণ্ঠস্বর, তাহার পর দ্রুত-বিক্ষিপ্ত পদশব্দ কর্ণগোচর হইল, পরিশেষে ক্ষুদ্র একটা সৈন্যদল দৃষ্টিপথে পতিত হইল। বহুমূলা রত্নরাজি খচিত মনোহর বেশভূষাধারী রূপলাবণ্যময় এক সুন্দর যুবক সেই সৈন্যদলের অগ্রে অগ্রে আসিতছিলেন।

তাহার সঙ্গদিগকে অঙ্গুলি সঙ্কেতে নিরস্ত করিয়া, তিনি একা আস্তে আস্তে ভগবান্ বুদ্ধদেবের দিকে অগ্রসর হইতে

লাগিলেন। নিকটে আসিয়াই তিনি প্রগাঢ় ভক্তিভরে সেই শ্রীমূর্ত্তির পদপ্রান্তে নিপতিত হইলেন। কিয়ৎক্ষণ পরে যুবক গাত্রোত্থান করিয়া, অবনতমস্তকে অঞ্জলি বদ্ধ করিয়া অনতিদূরে নীরবে দণ্ডায়মান রহিলেন।

ভগবান্ বুদ্ধদেব পূর্ব্ববৎ নীরব নিস্তব্ধ। কিন্তু সেই যুবকের প্রতি তিনি যে দৃষ্টি নিষ্ফেপ করিলেন, তাহাতে করুণার আভ্যঙ্গ পঙ্কট পরিলক্ষিত হইল।

যুবক মস্তক উন্নত করিয়া মুহূর্ত্তাবে বলিতে লাগিলেন। ‘ভগবন্! আমি ভবদীয় শ্রীপাদপদ্মে প্রণাম করিতেছি, অহু-কম্পা বিতরণে এই অকিঞ্চনের অভিবাদন গ্রহণ করুন। আমি বহুদূর দেশ হইতে আসিয়াছি। আমি করুণ রাজার পুত্র, আমার নাম জেতা। আমি আমার পিতার রাজসিংহাসনের ভাবী উত্তরাধিকারী। আমি রূপা ভিখারী হইয়া আজ ভবদীয় সকাশে উপস্থিত হইয়াছি। ভগবন্! ভবদীয় যশের গৌরবকাহিনী আমার কর্ণ-গোচর হওয়ার পর হইতে আমি বিশ্রাম-শান্তিস্থখে একেবারে বঞ্চিত হইয়াছি। আমার পিতার অহুল ক্রোধের্যের প্রতি আমি আসক্তিশূন্য হইয়াছি। বন্ধুবর্গের অকৃত্রিম ভালবাসায়, প্রিয়তমা প্রণয়নীগণের সাদরসম্ভাষণে আমার মনে আর সুখ উপজাত হইতেছে না। আমি উন্নত আধ্যাত্মিক জীবনলাভে অভিলাষী হই-য়াছি। রূপাপূর্ব্বক আমাকে শিষ্যরূপে গ্রহণ করুন। আমি আপনার একান্ত ভক্ত, আমাকে নিরাশ করিবেন না।’

এই বলিয়া যুবক ভূমিতে পড়িয়া পুনঃ প্রণাম করিলেন।

ভগবান্ বুদ্ধদেব যুবরাজের প্রতি শান্ত মুহূ দৃষ্টি নিষ্ফেপ করিলেন, কিন্তু একটা কথাও বলিলেন না। তিনি প্রশান্তচিত্তে তুষীভাব অবলম্বন করিয়া রহিলেন।

যুবরাজ পুনরায় বলিতে লাগিলেন :—

‘ভগবন্! রূপা পূর্ব্বক আমার প্রশ্নের উত্তর দেওয়া কি সম্ভব বোধ করিতেছেন না? ভগবন্! আমি কি ভবদীয় শিষ্যরূপে গ্রাহ হওয়ার যোগ্য নহি? আমি কি এই গৌরব লাভে বঞ্চিত হইব?’

প্রভো! বাল্যকাল হইতে আমি অসংপথ পরিত্যাগ করিয়া সংপথে বিচরণ করিয়াছি, যথানিয়মে পুণ্যকার্য্য ও ধর্ম্ম-লোচনা করিয়াছি, সর্বদাই শাস্ত্রোক্ত বিধিবিধান অনুসরণ করিয়াছি, দেশাচার এবং নীতিধর্ম্ম কখনই লঙ্ঘন করি নাই, সাধানুসারে ধর্ম্মগ্রন্থাদি অধ্যয়ন করিয়াছি। ইহাতেও ভবদীয় রূপাকর্ষণে অসমর্থ হই-লাম? আপনার শিষ্য হওয়ার পক্ষে এই সকল কি প্রচুর নহে? আমি কি আপ-নার শিষ্য হইতে পারিব না?’

‘না,’ এইমাত্র উত্তর হইল।

‘ভগবন্! অবনত মস্তকে আমি আপনার আদেশ পালন করিব। এই মহৎ অধিকার লাভ করিতে হইলে আমাকে কি করিতে হইবে, তাহা অহুগ্রহ পূর্ব্বক বলিতে আজ্ঞা হউক।’

‘অহুসন্ধান কর, তবেই পাইবে।’

‘পাইব! কি পাইব?’ যুবরাজ

উৎকর্ষার সহিত জিজ্ঞাসা করিলেন। গৌতম বুদ্ধ এই কথার কোন উত্তর না দেওয়াতে যুবরাজ পুনরায় বলিতে লাগি-লেন :—

‘তাহাই হউক। আমি অহুসন্ধান করিব। বুঝিলাম, ইহাও এক পরীক্ষা। আপনি কি আমাকে পরীক্ষা করিতে-ছেন?’

‘হাঁ, বুঝত তাহাই।’

‘কখন পুনরায় এখানে আসিব?’

‘বর্ষা ঋতুর পর সপ্তচন্দ্রের অবসানে পুনরায় এখানে আসিও।’

জেতা মস্তকাবনত করিলেন। আর কথাটীমাত্র বায় না করিয়া, তিনি সাষ্টাঙ্গ দণ্ডবৎ প্রণাম করিলেন। এই অবস্থায় বহুক্ষণ থাকিয়া, পরে আস্তে আস্তে গাত্রোত্থান করিলেন এবং নিঃশব্দ-পদ-সঞ্চারে তথা হইতে প্রস্থান করিলেন। সঙ্গে সঙ্গে সেই ছোট সৈন্যদলও রজনীর অন্ধকারে মিশিয়া দৃষ্টি শক্তির বাহিরে গেল। তাহাদের পদধ্বনি ক্ষীণ হইতে ক্ষীণতর হইয়া যখন আর শ্রুতিগোচর হইল না, তখন সেই সরল-প্রাণা হরিনী উপাধান স্বরূপ বুদ্ধদেবের জাহ্নব উপর মস্তক রাখিয়া, তাহার শাবকের পার্শ্বে গাঢ় নিদ্রায় অভিভূত হইয়া পড়িল।

ভগবান্ বুদ্ধদেব পুনরায় গভীর ধ্যানে নিমগ্ন হইলেন।

\* \* \* \*

বর্ষা ঋতুর পর সপ্তচন্দ্রের (সপ্ত পূর্ণ-চন্দ্রের) অবসান হইয়াছে। সেই বন-



বীথিকার উপকণ্ঠে, সেই অশ্বখতরু-মূলে ভগবান্ বুদ্ধদেব যোগাসনে সমাসীন ।

সন্ধ্যা সমাগমে স্বর্ষ্যদেব অন্তিমিত হওয়াতে পশ্চিম গগন রক্তিমরাগে রঞ্জিত হইয়াছে । আসন্ন ঝঞ্জাবাতের দূত স্বরূপ বড় বড় কাল মেঘ আকাশের গায়ে ছুটা-ছুটি করিয়া বেড়াইতেছে । কষ্টকর উষ্ণ-বায়ু প্রবাহিত হইতেছে ।

সেই বিশাল বনভূমিতে কি এক অদ্ভুত পূর্ব বিবাদের ছায়া পতিত হইল । বহু পশুগণ আশ্রয় লাভের জন্ত উৎকণ্ঠিত-চিত্তে দৌড়িয়া আসিয়া সেই মঙ্গলাশয় মহাস্মার চতুর্দিক বেঠন করিয়া দাঁড়াইল । তরুশাখায় পাখীকুল নীড়ে বসিয়া আকুল প্রাণে কলরব করিয়া উঠিল । উপস্থিত বিপদের দিকে ক্রক্ষেপ না করিয়া এক বলিষ্ঠ চিত্তাবাঘ লেজ নাড়িয়া তাঁহার পদ-প্রান্তে পড়িয়া গড়াগড়ি দিয়া খেলা করিতে লাগিল ।

আকাশে ঘনঘটা আরম্ভ হইল । গভীর মেঘ গর্জনে বনভূমি প্রকম্পিত হইল । প্রবল বেগে ঝঞ্জাবাত বহিতে লাগিল । অশনি-সম্পাতের উচ্চ নিনাদে বনভূমি প্রতিধ্বনিত হইল । তাহাতে কাণ যেন ফাটিয়া যাইতে লাগিল । মুঘলধারায় জল পড়াতে বনভূমি প্রাবিত হইল । কিন্তু সেই অশ্বখ তরুটি কেবল অক্ষত রহিল । বড় তুফান অশনি প্রভৃতি কিছুই সেই বৃক্ষটিকে স্পর্শ মাত্র করিল না । একটীমাত্র জল ফোঁটাও ভগবান্ বুদ্ধদেবের দেহে পতিত হইল না ।

ঝঞ্জাবাতের তুমুল নিনাদে চারিদিক

মুখরিত । পশু পক্ষীর কোলাহল ধ্বনিতে বনভূমি কম্পিত । কিন্তু হইলে কি হয়, স্থির প্রতিজ্ঞের গতি কি এই সব নৈসর্গিক উৎপাতে রোধ করিতে পারে ? সন্ধ্যা-সমাগমে যুবরাজ জেতা আসিয়া মহাস্মার বুদ্ধদেবের চরণে প্রণাম করিলেন । পরে গাজ্রোথান করিয়া বলিতে লাগিলেন :—

“ভগবন্ ! আমি উৎকণ্ঠিত-চিত্তে এত-দিন যে সময়ের প্রতীক্ষা করিতেছিলাম, তাহা এখন উপস্থিত । দিনের পর রাত্রি, রাত্রির পর দিন পুনঃ আসিয়াছে, পুনঃ গিয়াছে । এইরূপ চক্রবৎ দিবারাতির পরিবর্তন ঘটনাছে । আমি যে শুভকণ্ঠের আশায় অধীর ছিলাম, তাহা এখন উপস্থিত হইয়াছে । ভগবন্ ! আপনি আমাকে যে পরীক্ষায় ফেলিয়াছিলেন, তাহা হইতে উত্তীর্ণ হইয়াছি বলিয়া আমি মনে করি । আমি এত কাল কঠোর বৈরাগ্য অবলম্বন পূর্বক উপবাসাদি দ্বারা সর্ববিধ ক্লমসাধন করিয়াছি । কামিনী কাঞ্চন-স্পৃহা সর্ব-তোভাবে পরিত্যাগ করিয়া রাজপ্রাসাদের নিভৃত কক্ষে ধ্যান নিরত থাকিয়া এতকাল সংযম অভ্যাস করিয়াছি । আপনি কি আমাকে শিষ্যরূপে গ্রহণ করিবেন না ?”

“না !” জলদ-গভীর স্বরে এই উত্তর হইল ।

এই নির্বাত উত্তর যুবরাজের অন্তঃ-করণে শেলসম বিদ্ধ হইল । তিনি মগ্ন যাতনায় কিংকর্ষবাবিমূঢ় হইয়া পড়িলেন । পরিধেয় বসনাঞ্চল চক্ষে দিয়া রোদন করিতে লাগিলেন, উষ্ণ অশ্রুপাতে তাঁহার বক্ষঃ ভাসিয়া যাইতে লাগিল । এইরূপ

শোকাভিভূত হইয়া তিনি বহুকণ নীবে দণ্ডায়মান রহিলেন ।

তৎপরে বাস্পাকুল-লোচনে, গদগদ-বচনে মুহূর্ত্তাবে তিনি পুনরায় জিজ্ঞাসা করলেন ।

“মহাস্মান্ ! অহুকম্পা-পুরঃসর এ দাসে প্রশ্নের প্রকৃত উত্তর প্রদান করিতে আজ্ঞা হউক । শরণাগত ভৃত্যকে একরূপভাবে প্রত্যাখ্যান করার কারণ কি ?

এই প্রশ্নে প্রভুর যোগাসন টলিল । যুবরাজ জেতাকে দেখিয়া সেই যুবা চিত্ত-বাঘ এতকাল ঘোঁ ঘোঁ করিতেছিল । ভগবান্ বুদ্ধদেব তাহার পিঠে হাত বুলাইয়া তাহাকে শান্ত করিলেন । বজ্রের নিখোঁষ থামিয়া গিয়াছে, প্রবল ঝড়ের প্রকোপ প্রশমিত হইয়াছে, পবনদেব কর্ণকুহর দ্বারা সেই মহাস্মার বাকস্বধা পান করিবার জন্তই যেন স্থিরভাব ধারণ করিয়াছেন ।

“বৎস ! বহির্জগতে যে সকল পরীক্ষা প্রচলিত আছে, লোক-সমাজ যাহাকে ধর্ম্মজীবনের পরীক্ষা বলিয়া সাধারণতঃ গ্রহণ করিয়া থাকে, তোমার জন্ত সে পরীক্ষা নহে । স্ত্রী পুত্র, বিষয় বিভব, আমোদ প্রমোদ পরিত্যাগ করিবার জন্ত তোমাকে বলি নাই, উপবাসাদি দ্বারা কঠোর ক্লমসাধন করিতেও তোমাকে আদেশ করি নাই । আমি যে পরীক্ষার কথা বলিতেছি, বিন্দুমাত্র আপত্তি না করিয়া অগ্নানবদনে নিজকে যে পরীক্ষায় ফেলিয়াছ, তাহা তোমার পূর্ব কস্মার্জিত, তাহা তোমার স্বীয় স্বভাবজাত । সেই

সকলের মধ্যে তুমি একটী পরীক্ষায়ও উত্তীর্ণ হইতে পার নাই । তুমি রাজ-ধানীতে প্রত্যাবর্ত্তন করিয়া ধর্ম্মপথে বিচরণ করিতে থাক, তুমি শিষ্য হওয়ার এখনও উপযুক্ত হও নাই ।”

এই কথায় যুবরাজ নিতান্ত অপ্রতিভ হইলেন । তাঁহার গণ্ডস্থল রক্তিমাকার ধারণ করিল । তিনি ব্যগ্রভাবে বলিলেন :—

“ভগবন্ ! যে সব পরীক্ষার কথা বলিলেন ও যাহাতে আমি উত্তীর্ণ হইতে পারি নাই, তাহা কি রূপা পূর্বক স্পষ্ট ও বিস্তারিতভাবে আমাকে বলিবেন ? ইহা প্রকাশে যদিও আমার লজ্জা শতগুণে বৃদ্ধি হইতে পারে বটে, তথাপি জ্ঞান-লোকলাভের জন্ত আমি তাহা জানিতে ব্যস্ত হইয়াছি ।

ভগবান্ বুদ্ধদেব বলিলেন, “যদি জ্ঞানিতে চাও ত মনোযোগপূর্বক শুন ।”

“তোমার প্রথম পরীক্ষা ছিল মিথ্যা-পবাদ সম্বন্ধে । বৎস ! তুমি জন, তোমাদেরই রাজধানীতে, তোমার পিতার বিচারালয়ে তোমার বিরুদ্ধে এক অমূলক মিথ্যা অভিযোগ উপস্থিত হইল । যে অপরাধ ভ্রমেও তোমার মনে স্থান পায় নাই, এমন অপরাধে তুমি অভিযুক্ত হইলে । কিন্তু ধীরভাবে সময়ের প্রতীক্ষা না করিয়া, এই অভিযোগ যে ভিত্তিহীন, কালে জনসাধারণ তাহা জানিতে পারিয়া গত সন্ধ্যা হওয়ার অপেক্ষা না করিয়া, অথবা তোমার উপর এই অভাবনীয় অপবাদ উঠাতে তুমি যে সমাজে লাঞ্চিত ও



অপদস্থ হইয়াছ, তাহাতে তোমার অবশুদেয় পূর্বক্ষণ পরিশোধ হইল বলিয়া মনে না করিয়া তুমি আত্মসমর্থনে ও স্বীয় নির্দোষিতা সপ্রমাণে বাতিবাস্ত হইলে। এমন কি, তাহার প্রতিশোধ লওয়ার জন্ত তুমি বন্ধপরিকর হইলে। ইহাই ছিল তোমার প্রথম পরীক্ষা। কিন্তু ইহাতে তুমি উত্তীর্ণ হইতে পার নাই।”

এই কথা শুনিয়া জেতার মুখ ম্লান হইল।

“অভিযোগ সত্য হইলে অবাধে তাহা সহ করিতে পারিতাম। আমি নিশ্চয় জানিতাম, আমি সম্পূর্ণ নির্দোষ।”

“সত্য বটে, যিনি সং ও ধার্মিক, তাহার পক্ষে আত্মসমর্থন ও নির্দোষিতা প্রমাণের প্রয়াস পাওয়া সম্ভব ও স্বাভাবিক। কিন্তু যে দুর্গম সাধনমার্গে প্রবেশ লাভের প্রয়াসী, যে আমার শিষ্য হওয়ার অভিল্যাসী তাহাকে আত্মসমর্থনে বাক্যাটমাত্র ব্যয় না করিয়া ধৈর্য্যসহ অগ্নান বদনে অবিচার অপবাদ সহ করিতে হইবে। যশো-গৌরব-প্রতিভাত উজ্জ্বল কিরীটই হউক বা নিন্দাবাদের ভারি বোঝাই হউক, তুল্যরূপে অব্যাকুল-চিত্তে তাহা বহন করিতে হইবে। স্তুতি নিন্দা, মানাপমানকে সমান জ্ঞান করিতে হইবে। এইরূপ করিলে সাধন পথের শিষ্যত্ব গ্রহণে অধিকার জন্মে।”

জেতা মস্তকাবনত করিলেন। ভগবান বুদ্ধদেব পুনরায় বলিতে লাগিলেন :—

“আত্মাহুঁরাগ তোমার দ্বিতীয় পরীক্ষার বিষয় ছিল। অত্যধিক ভালবাসা

সম্বন্ধে স্বার্থপরতাই তোমার অন্তরায় ও পতনের কারণ হইল। তোমার বন্ধু যচসকে তুমি প্রাণের অধিক ভালবাসিতে। ঘটনাক্রমে তোমার পিতার রাজধানীতে এক জন অভ্যাগত আসিয়া উপস্থিত হইল। তাহার কোন এক কার্যোদ্ধারের জন্ত যচসের দরকার হইল। সে ক্রমশঃ যচসের মন অধিকার করিয়া বসিল। তোমার ও যচসের স্নেহ প্রণয়বন্ধন ছিন্ন হওয়ার উপক্রম হইল। ধীর ভাবে তুমি তাহা সহ না করিয়া, তোমার হৃদয়-নিহিত প্রণয়রূপ আগাছা সমলে উৎপাটন না করিয়া, তুমি দারুণ ইর্ষানলে জলিয়া উঠিলে। তোমার ভালবাসা যচসের স্নেহের জন্ত না হইয়া তোমার স্বীয় সুখসাধন মানসে তাহাকে ভাল বাসিতে গিয়া ভল্লিকের প্রণয় পণ্ড করার জন্ত তুমি প্রাণপণ যত্ন করিতে লাগিলে। তোমার হৃদয়-কন্দর হইতে তাহার প্রতি অবিরত বিদেহ স্রোত প্রবাহিত হইতে লাগিল।

জেতা বলিলেন, “আমি বেশ জানি, যচসের প্রতি ভল্লিকের প্রণয় স্বার্থ প্রণোদিত। যচসকে সাবধান করা, ভল্লিকের শর জাল ছিন্ন করিয়া আমার বন্ধুকে আসন্ন বিপদ হইতে রক্ষা করা কি আমার উচিত ছিল না?”

“বৎস! তুমি কি মনে কর ভল্লিকের স্বার্থপ্রণোদিত ভালবাসা কালে নিঃস্বার্থ ও নিঃশূলভাব ধারণ করিতে পারিত না? সময়ে কি ইহা পবিত্র সরল প্রাণে পরিণত হইতে পারিত না? প্রণয় ভালবাসার

ভাব মনে পোষণ করিতে সং ও ধার্মিক লোকের কোন বাধা না থাকিতে পারে, তিনি আত্মমর্ধ্যদা, আত্মসম্মান বজায় রাখিতে যত্নপর হইতে পারেন, কিন্তু যিনি ছুরারোহ সাধনমার্গে পদার্পণ করিয়া আমার শিষ্যত্ব-লাভে প্রয়াসী, তাহার মন হইতে অশেষ ভালবাসার বন্ধন ছিন্ন করিতে হইবে, তাহার হৃদয় হইতে ঈর্ষা ও আত্মসন্ত্রিতার মূল নিঃশেষে উৎপাটন করিতে হইবে; এমন কি তাহার অহুরক্ত বন্ধু যদি বিশ্বাসঘাতকতা পূর্বক তাহার অনিষ্ট সাধনে তৎপর হয়, তাহাও তাহাকে অকাতরে সহ করিতে হইবে।”

“যুবরাজ! তোমার পিতার অতুল বিভব, অপরিমিত ভোগবিলাসের সামগ্রী, প্রচুর যশো-গৌরবের অভিমান ইত্যাদি কিছুই তোমাকে মুগ্ধ করিতে পারে নাই সত্য, কিন্তু ইহাতে তোমার বিশেষ কিছু কৃতিত্ব বা পৌরষ নাই। প্রকৃত ত্যাগ-স্বীকারের কালে, জলন্ত পরীক্ষার সময় তোমার সাহস ভগ্ন হইল! প্রকৃত ত্যাগের, প্রকৃত প্রেমের রুধিরসিক্ত বসন পরিধান করার সময় যখন উপস্থিত হইল, তখন তুমি ভয়াবজড়িতভাবে পশ্চাতে সরিয়া পড়িলে। এই ত্যাগের বশে, এই প্রেমের টানে অযাচিতভাবে সর্বস্ব বিসর্জন দিতে হয়, এমন কি, প্রাণ পর্য্যন্ত পণ করাতে হয়! কিন্তু কৈ বৎস! তুমি সেই পরীক্ষায় জয়লাভ করিতে পারিলে কৈ? নিয়তি বশে তোমার সমক্ষে সেই পরীক্ষা উপস্থিত হইল, কিও ভাগ্যদোষে তুমি তাহাতে পরাভূত হইলে।”

জেতা এই কথা শুনিয়া নিতান্ত অপ্রতিভের গ্রায় মস্তক নত করিলেন এবং ইতি কর্তব্যবিমূঢ় হইয়া নিঃশব্দভাবে দণ্ডায়মান রহিলেন। পরে মহাত্মার দিকে দৃষ্টিপাত-পূর্বক জিজ্ঞাসা করিলেন :—

“ভগবন্! স্পষ্ট করিয়া বলুন। তাহাতে আমি পুনঃ অপমান ও লজ্জার শ্রিয়মাণ হইতে পারি, ক্ষতি নাই, কিন্তু আপানি সহর আমার মনের ক্ষোভ দূর করুন। রজনীর গাঢ় অন্ধকার অপেক্ষা আমার হৃদয় গাঢ়তর অন্ধকারে আবৃত হইয়াছে। কৃপা বিতরণে তাহা দূর করুন।”

মহাত্মা বুদ্ধদেব বলিলেন :—

“রাজকুমার! প্রাণের অভাব বশতঃ তুমি তৃতীয় পরীক্ষায় উত্তীর্ণ হইতে পার নাই। নন্দা নামিকা তোমার জনৈক স্ত্রী একদা এক গুরুতর অপরাধ করায়, তুমি তাহাকে রাজবাটী হইতে তাড়াইয়া দিয়াছ। তাহার তখন বয়স বা অপরিপক্ব বুদ্ধির প্রতি দৃষ্টিপাত করিয়া তোমার মনে একটু দয়ার সঞ্চারণ হইয়া না।”

“ভগবন্! এ সম্বন্ধে আমি যাহা করিয়াছি, তাহার ব্যতিক্রম করা যায় কিরূপে? চঞ্চলস্বভাবা একটা কুলটা রমণীকে কাছে রাখিয়া আমার স্বীয় সম্ভ্রম ও রাজবাটীর মধ্যদা নষ্ট করা কি আমার পক্ষে সম্ভব হইত? এই কুকাজের প্রতি দৃষ্টিপাত না করিলে কি আমি সমাজের ও দেশের নিকট নীতিধর্ম ভঙ্গ দোষে দোষী হইতাম না? আমার পবিত্র কুলে কি কলঙ্ক আরোপ হইত না? ইহাতে কি



আমার আদর্শ পবিত্রতার মর্যাদা রক্ষা হইত ?”

“যুবরাজ। আমাকে কি একই কথার পুনরুক্তি করিতে হইবে? বিষয়ী লোক যদি সং এবং ধার্মিক বলিয়া সমাজে প্রতিষ্ঠা লাভ করিতে চায়, তবে তাহার নিজের অধিকার অক্ষুণ্ণ রাখিবার জন্ত স্ত্রী মর্যাদা রক্ষার জন্ত যত্নপরায়ণ হইতে পারে। সে বিচার করতে পারে, দণ্ড-বিধান করিতে পারে, তাহার নিকট হইতে দোষীকে তাড়াইয়া দিতে পারে। কিন্তু সাধু লোক বিচার করেন না, তিনি শুধু জানিয়া ক্ষমা করেন। ছিদ্রাশ্রয়ণ, দোষাত্মকসন্ধান করা অপেক্ষা কোন কারণে দোষ মার্জনা করার উপায় আছে কিনা তিনি তাহা খুঁজেন। সাগরবক্ষের বারি-বিন্দু সমূহ অপেক্ষা তাহার প্রশান্ত ও কোমল হৃদয়ে তাহার ভ্রাতা ভগ্নী, আত্মীয়স্বজনের প্রতি দয়া ও করুণাকণা অনেক অধিক।”

“বৎস! পবিত্রতা ধর্ম নহে। ইহা পাপ হইতে বিরত থাকা মাত্র। ইহাতে সাধুগণ বিশেষ কোন গুণপণা দেখেন না। পবিত্র জীবনও হয়ত সাধন পথে বাধা জন্মাইতে পারে, কারণ ইহা যদি দয়া ও করুণার রসে সিক্ত না হয়, তবে অনেক সময় ইহা লোককে অহঙ্কারী ও কঠিন-হৃদয় করিয়া তোলে। তখন ইহা পবিত্রতার ছায়াৰূপে পর্যাবসিত হয়। বৎস! ভ্রমণকালে কখনও কি সূর্যাস্তের সময় গিরিরাজ হিমালয়ের অতুল শৃঙ্গের প্রতি দৃষ্টিপাত করিয়াছ? ধবল তুষারা-

বৃত সেই গিরিশৃঙ্গের প্রতি দৃষ্টিপাত করিলে যেন সমস্তই প্রবল হিমে জড়সড় ও মৃতবৎ বলিয়া বোধ হয়। কিন্তু তাহাতে যখন পশ্চিমগগণের সান্দ্রারক্তি-মাতা প্রাতিফলিত হয় তখন সেই আলোক-সামাগ্র সৌন্দর্য্য সন্দর্শনে কি মন অনন্দ-রসে আপ্ত না হইয়া থাকিতে পারে? পবিত্রতাও এইরূপ। অন্তরে ভালবাসা ও করুণা না থাকিলে পবিত্রতা নিতান্ত নীরস ও ঠাণ্ডা তুষারবৎ প্রতীয়মান হয়। কিন্তু প্রেমমাথা পবিত্রতা অতি উপাদেয় দেবতলভ জিনিস। যে হৃদয়ে তাহা বিরাজিত, সেই হৃদয়ে অনন্ত পুণ্যস্রোতঃ নিত্য প্রবাহিত থাকে।”

জেতার নয়নরয় অশ্রুপূর্ণ হইল। তহস্তরে কথাটা মাত্র না কহিয়া তিনি ভূমিতে পড়িয়া প্রণাম করিলেন। অনেকক্ষণ এইরূপে থাকিয়া শেষে বাস্পাকুল লোচনে, রুদ্ধকণ্ঠে, গদ্ গদ্ স্বরে বলিতে লাগিলেন :—

“ভগবন্! আমাকে আর একবার অহুগ্রহ না করিলে আপনার সম্মুখ হইতে যাইতে পারিতেছি না। আমি পরীক্ষায় উত্তীর্ণ হওয়ার জন্ত আর এক বার চেষ্টা করিয়া দেখিব এবং পুনরায় আসিয়া আপনার বিচারপ্রার্থী হইব। আমার কর্তব্য আমি এখন বেশ বুঝিতে পারিতেছি।”

“সম্মত আছি” বলিয়া ভগবান বুদ্ধ-দেব স্নিতমুখে ধরাবসুষ্ঠিত যুবকের প্রতি রূপাদৃষ্টি করিলেন। আহা! তাহার সেই দৃষ্টিতে এত কোমলতা এবং হাস্তে

এত মধুরতা কুটিয়া উঠিল যে, তখন যেন তাহার ছটায় সমগ্র বনভূমি উদ্ভাসিত হইয়া উঠিল! তাহাতে বিহগকুল নিশাবসানে সুখময়ী উষার আগমন ভাবিয়া উল্লাসে কলরব ধ্বনিতে মাস্টলিক প্রভাত-সঙ্গীত আরম্ভ করিয়া দিল।

দীপরাজি প্রজ্বলিত হইল, তাহার আলোকে সেই ক্ষুদ্র সৈন্তদল পথ ধরিয়া আস্তে আস্তে চলতে চলতে রজনীর গভীর তিমিরে ডুবিয়া অদৃশ্য হইল। যুবরাজ মন্ত্রর গাততে তাহাদের অত্মসরণ করিলেন। উপবনের প্রান্তদেশে ছাড়াইতে না ছাড়াইতেই রজনী প্রভাত হইল। রাজধানী আশ্রমুখে প্রস্থান কারবার জন্য কয়েকগুলি তাহাদের প্রভুর জন্য উৎকণ্ঠিত চিত্তে অপেক্ষা করিতেছিল। ভগবান বুদ্ধদেব সেই প্রশান্ত বনবিধীকার, সেই প্রকাণ্ড অশ্বখ তরুমূলে পুনরায় গভীর ধ্যানে নিমগ্ন হইলেন।

\* \* \*  
কঞ্চর দেশে প্রত্যাগমন করা মাত্র জেতা, তাহার পিতার গুরুতর রাজ্যভার গ্রহণ করিতে বাধা হইলেন, কারণ কঞ্চররাজ হঠাৎ অহুগ্র হওয়াতে রাজ-কার্য্য পরিচালনে অসমর্থ হইলেন। বিবেক বুদ্ধর অধীনে স্বাক্ষর্য্য তিনি সূচরূপে শাসনদণ্ড পরিচালনা করিতে লাগিলেন। স্বায়ম্বন ও দয়াশীল শাসন-কর্তা বলিয়া যুবরাজের বশ আচরকাল মধ্যেই দেশ বিদেশে রাষ্ট্র হইয়া পাড়ল।

তিনি রাজ্যভার গ্রহণ করিয়াই সর্ব-প্রথমে ষচস্ ও তাহার বন্ধু ভল্লিককে

অজস্রভাবে মান সন্ত্রমে সন্মানিত করিলেন। তাহাদের বাসের জন্য পরস্পরে সংলগ্ন, মনোহর পুষ্পোদ্ভান ও স্বচ্ছ বারি-পূর্ণ সরোবর সমন্বিত রাজভবন তুল্য প্রকাণ্ড দুইটি বসতবাড়ী প্রদান করিলেন, তাহার পরিত্যক্ত স্ত্রী নন্দার অহুসন্ধান করাইয়া তাহাকে পুনঃ রাজ বাটীতে আনয়ন করিলেন। যুবরাজের এই কার্য্যে রাজধানীতে অত্যন্ত অসন্তোষের ভাব প্রকাশ পাইল। তাহার পিতার পুরাতন কর্মচারীগণ তাহাতে বোর প্রতিবাদ করিয়া তাহার চরিত্রে নানা দোষারোপ করিতে লাগিল। সকলেই যুবরাজের কার্য্যকলাপে অনায়াস প্রদর্শন করিতে লাগিল এবং প্রতিকূল আলোচনা স্রোত ক্রমশঃই খর হইতে খরতর হইতে লাগিল। প্রজাবর্গের মনোরাজ্য তিনি ছাড়া ও হিতকর সাধারণ মনুষ্যবিধান করিলেন এবং উৎসবের উদ্দেশ্যে জন্ত মন্ত্রিগণকে আদেশ করিলেন। চিত্র সঙ্ক-গণ তাহাতে নিতান্ত প্রতিহতাচরণ করিতে লাগিল এবং এই সকল সাধন কার্য্যে পারিত্যক্ত করা পুরে ফাটুক, দেবতা-চারী ও বখোচ্চাচারী বলিয়া তাহার প্রতি-স্তিত্তরে যুবরাজের অসমর্থ্য্য নিন্দা বটনা করিতে লাগিল।

এই সকল গুপ্ত আক্রমণে জেতা অচল অটল রাখিলেন। সুগন্ধ গোলাপের হুস্মানকে যেকোন আগ্রহ সহ সম্বন্ধন কারিয়া থাকেন ঠিক সেইরূপ, তাহার তাঁক্ষ কণ্টকের আঁচড়কেও তিনি সাগ্রহে গ্রহণ করিতে লাগিলেন, কিন্তু হইলো কি হয়?



যুবরাজের বিরুদ্ধে অবিলম্বেই ভীষণ ষড়-  
যন্ত্ররূপ এক প্রবল অগ্নি জ্বলিয়া উঠিল।  
যুবরাজের চরাকাজ্ঞী কনিষ্ঠ ভ্রাতা  
তঁাহাকে পদচ্যুত করিয়া তাহার স্থলে  
অভিযুক্ত হইবার প্রত্যাশায় গোপনে  
গোপনে যোগদান করিয়া সেই অগ্নিতে  
ইন্ধন প্রয়োগ ও স্নাতাহতি প্রদান করিতে  
লাগিল, রাজ্য মধ্যে প্রজাহিতকর নানা  
শুভানুষ্ঠানের প্রচলন করা সত্ত্বেও জেতা  
যথেষ্টাচারী, এবং তাহার কার্যে রাজ্য  
অচিরেই ধ্বংস প্রাপ্ত হইবে, এইরূপ চর-  
ভিসন্ধি মূলক এক মিথ্যা জনরব দেশময়  
রাষ্ট্র করা হইল। আরও প্রচার করা  
হইল যে, এক ভিক্ষু সন্ন্যাসীর নাম কঞ্চক  
দেশ পর্য্যন্ত পৌঁছিয়াছে, যুবরাজ মন্ত্রমুগ্ধের  
আশ্রমেই সন্ন্যাসীর বশীভূত হইয়া অক-  
ভাবে তাহার দ্বারা পরিচালিত হইতেছেন।  
এবং আবহমান কাল হইতে দেশে যে  
সকল আচার ব্যবহার, রীতিনীতি, আইন  
কানুন চলিয়া আসিতেছে, তাহা উঠাইয়া  
দিয়া তৎপরিবর্তে এক নূতন ধর্ম প্রবর্তন  
করিবার জন্ত তাহার প্রবল ইচ্ছা হই-  
য়াছে। একদা জেতা তাহার নিজের  
বিরুদ্ধে এক ষড়যন্ত্রের জনরব শুনিতে  
পাইলেন। এমন কি, তিনি ইহাও শুনি-  
লেন যে তাহার প্রাণ সংহারই এই  
ষড়যন্ত্রের মুখ্য উদ্দেশ্য। তিনি তাহাতে  
ভীত বা উদ্ভিগ্ন না হইয়া এ সম্বন্ধে তাহার  
কয়েকজন বিশ্বস্ত বন্ধুকে সতর্ক হইতে  
বলিলেন। সৌভাগ্যক্রমে সেই বন্ধুগণের  
বিশেষ উদ্যোগে সেই ষড়যন্ত্র শীঘ্রই  
প্রকাশ হইয়া পড়িল, এবং শাপিত কুপাণ

হস্তে যুবরাজকে হত্যা করিতে উত্তম সেই  
হত্যাকারী বৃত্ত হইল। তাহার নাম অরদ,  
সে জ্ঞাততে ক্ষত্রিয়। এইরূপে হঠাৎ ধরা  
পড়ায় ভয়ে ও ক্রোধে তাহার মুখমণ্ডল  
বিশুদ্ধ, এবং পাণ্ডুবর্ণ হইয়া গেল। এই  
অবস্থায়ই তাহাকে যুবরাজের সাক্ষাতে  
আনয়ন করা হইল অত্যধিক ধৈর্যাসহ-  
কারে যুবরাজ তাহাকে জিজ্ঞাসা করিলেন  
“অরদ! কেন তুমি আমাকে বধ করিতে  
কৃত-সংকল্প হইয়াছ?”

“আমি আপনাকে রাজ্যের শত্রু বলিয়া  
জ্ঞান করি, এইজন্ত আপনাকে বধ  
করিতে মনস্থ করিয়াছি। আপনি আমা-  
দের পুরুষ-পরম্পরা-গত আচার পদ্ধতির  
বিরোধী। আপনি দেশের সুপ্রথা ও  
সুনিয়মগুলি উঠাইয়া দিয়া তাহার পরি-  
বর্তে এমন কতকগুলি সংস্কারের প্রবর্তন  
করিতে চান, যাহা রাজ্যের ও প্রজাবর্গের  
সমূহ অমঙ্গলকর এবং অনিষ্টজনক বলিয়া  
আশঙ্কা করা যাইতেছে।”

“এই হত্যাকারী অন্ধবিধ্বাসী, তাই  
নিরপরাধী। এই ভাবিয়া জেতা তাহার  
প্রতি সতর্ক দৃষ্টিপাত করিলেন। তিনি  
তাঁহার ভৃত্যবর্গকে সম্বোধন করিয়া বলি-  
লেন, “দেখ এই ব্যক্তি আমাকে বধ  
করিবার জন্ত আক্রমণ করিয়াছিল সত্য,  
কিন্তু তাহার উদ্দেশ্য মহৎ। রক্ষিগণ!  
কে আছ, এখনই তাহার বন্ধন মুক্ত কর।

রক্ষিগণ বিশ্বাসান্বিত হইয়া তৎক্ষণাৎ  
সেই আদেশ পালন করিল।

“একা অরদকে আমার কাছে রাখিয়া  
তোমরা সকলে এখান হইতে প্রস্থান

কর,” জেতা দৃঢ়স্বরে এই আদেশ করিতে  
তাহার বন্ধু ও ভৃত্যবর্গ নিতান্ত অনিচ্ছা  
সত্ত্বেও তথা হইতে প্রস্থান করিতে বাধ্য  
হইল। কিন্তু যাইতে যাইতে তাহার  
ক্ষণে ক্ষণে ফিরিয়া চাহিতে লাগিল।  
রাজপুত্রের অসম সাহস দেখিয়া তাহার  
মন্বাসিত হইল। অরদ যুবরাজের সম্মুখে  
ঘোড়করে দণ্ডায়মান থাকিয়া স্পর্ধা সহ  
তাঁহার প্রতি দৃষ্টিপাত করিতে লাগিল।  
তাহার এই অবজ্ঞা সূচক ব্যবহারের প্রতি  
লক্ষ্য না করিয়া জেতা নিকটে গিয়া বাছ  
যুগল তাহার স্কন্ধে স্থাপন করিলেন, এবং  
তাহার চক্ষুর উপর স্বীয় স্থির দৃষ্টি অব-  
স্থাপিত করিলেন। সেই দৃষ্টিতে কোনরূপ  
ঘৃণা, দম্ব বা দয়ার ভাব প্রকাশ পাইল  
না। ইহা কেবল নিঃশব্দ ও সুদীর্ঘ প্রশ্ন  
ব্যঞ্জক স্থির দৃষ্টি। তাহার প্রভু কি বলেন  
নাই যে “সাধকের চক্ষু দোষাবেষণে নিবৃত্ত  
হওয়া কর্তব্য নহে। দোষাত্মকান করা  
অপেক্ষা দোষের হেতু কি, ও কোন  
কারণে তাহা মার্জনা করা যায় কিনা  
তিনি তাহারই অসম্মানে তৎপর হই-  
বেন।” জেতা গতজীবনের কার্যসম-  
স্কান করিতে লাগিলেন। তাহার  
তাঁহার মনে এক অস্বস্তি হইয়াছিল  
উদর হইল।

তিনি তাহাকে প্রত্যক্ষ করিয়াছিলেন  
ছেন, হঠাৎ যেন তাঁহার দেহাভ্যন্তরে  
মনোমধ্যে প্রবেশ করিয়াছিল।  
তাঁহার আভায় জেতার পদচ্যুত হইয়া  
সিত হইয়া উঠিল। তিনি চক্ষুচকিত  
অথ চক্ষুদ্বারা দেখিতে পাইয়া উপাহত

বিষয়ের গূঢ় রহস্য বুঝিতে পারিলেন।  
পূর্ব-স্মৃতি জাগিয়া উঠিল। এইরূপে  
রাজকুমার সেই যোদ্ধার গত জীবন অব-  
লোকন করিলেন। তাহাদের উভয়ের  
পূর্ব পূর্ব জীবনী কিরূপে একই কর্মসূত্রে  
গাঁথা, তাহা তিনি বুঝিতে পারিলেন।  
অবিহা ও অজ্ঞতার বিবিধ কারণ এবং  
তৎসম্ভূত নানা দোষ সেই সেই জীবনে  
দেখিতে পাইলেন। বাসনার ফল স্বরূপ  
কিরূপে মনে নব নব ভোগেশ্চার আবির্ভাব  
হইয়াছে ও তাহা হইতে কিরূপে বহুবিধ  
ক্লেশোৎপত্তি হইয়াছে, তাহাও তিনি  
অবগত হইলেন। তৎপরে হঠাৎ যেন  
অরদের মূর্তি তাহার হৃদয়-পট হইতে  
অমূর্তিত হইল। এবং জগতের মানবজাতি  
সমষ্টির চিত্র যেন তাহার স্থান অধিকার  
করিয়া বসিল। এই চিত্র কি ভয়াবহ!  
কি হৃদয় বিদারক! সমগ্র মানব-জাতির  
এ অপূর্ণ চিত্রে জেতা কি দেখিলেন?  
তিনি দেখিলেন, হতভাগ্য মানবজাতি  
অজ্ঞানানুকারে ভ্রুবিয়া আছে। তাহারা  
অবিহাবশে নানা কুকার্যে রত হইয়া  
অশেষ যন্ত্রণা ভোগ করিতেছে। অসংখ্য  
কর্মল মরনাদী স্বীয় স্বীয় পাপের ফল স্বরূপ  
বিবিধ ক্লেশে কিষ্ট হইয়া মর্মান্বভেদী আর্তি-  
মাদে গগন বিদীর্ণ করিতেছে। এই হৃদয়  
বিদারক দৃশ্য দেখিয়া জেতার মন দারুণ  
ধমকে অভিভূত হইয়া পড়িল।

তিনি এই আকস্মিক শোক-সম্মাপে  
সমস্ত প্রায় হইয়া গেলেন, এমন সময়  
হঠাৎ তাহার মনে করুণ রসের সঞ্চার  
হইল। পাপতাপগ্রস্ত সমগ্র মানবজাতিকে



আলিঙ্গন করিতে, তাহাদিগকে তাহার কম্পিত বক্ষে ধারণ করিতে তাহার প্রবল ইচ্ছা হইল। তাহাদের জন্ম আয়োৎসর্গ করিতে, নিজের পবিত্রতা পদানে তাহাদের পাপতাপ দূর করিতে, তাহাদিগকে পবিত্র করিতে, তাহাদের পেমবারা তাহাদিগকে সন্তোষ ও সঙ্গীভিত্ত করিতে, এমন কি, স্বীয় প্রাণপাত করিয়াও তাহাদিগকে উত্তমার্গে সোপানের একধাপ উপরে উঠাইবার জন্ম রাজকুমারের মনে একাগ্র আশ্রিত্য জন্মিল।

কিয়ৎক্ষণ পরে তিনি প্রকৃত্তিত হইলেন। তাহার স্বাভাবিক সংজ্ঞা পুনরায় ফিরিয়া আসিল। এতক্ষণ যেন তিনি গভীর নিদ্রায় অভিভূত হইয়া স্বপ্নরাজ্যে বিচরণ করিতেছিলেন, হঠাৎ জাগরিত হইলেন বলিয়া বোধ হইল। তাহার এই সব ভাবপরিবর্তন দেখিয়া সেই যোদ্ধা বিমূঢ়ের ত্রায় দণ্ডায়মান ছিল, তাহাকে সম্বোধন করিয়া জেতা গদগদ স্বরে বলিতে লাগিলেন :-

“ভ্রাতঃ!—কারণ, আমি তোমাকে ভ্রাতা ভিন্ন আর কিছু জানি না,—আমি তোমাকে ভ্রাতার ত্রায় স্নেহ করি, তাই বলি ভ্রাতঃ! এস, আমার বাহুবল্লের মধ্যে এস, আমি তোমাকে আলিঙ্গন করিয়া বক্ষে ধারণ করিব। তুমি আমার যশঃগৌরবের ভাগী হও, আমি তোমার কলঙ্কের ভাগী হইতেছি।”

রাজকুমার জেতা অরদের সঙ্গে একা অনেকক্ষণ নির্জনে থাকায় প্রহরিগণ অধৈর্য হইয়া উঠিল। তাহারা বিপদাশঙ্কা

করিয়া তথায় উপস্থিত হইয়া দেখে, অরদ রাজকুমারের সঙ্গের উপর মস্তক রাখিয়া অবিরল ধারায় অশ্রু বিসর্জন করিতেছে, আর রাজকুমারের মুখমণ্ডল হর্ষে প্রফুল্ল হইয়া উঠিয়াছে।

\* \* \* \*

দিবাকর কিরণ দীপ্ত সেই নির্জন বন-বিধীকার ভগবান বুদ্ধদেব গভীর ধ্যানে নিমগ্ন। তাহার সেই প্রিয় অশ্রু তরুর শীতল ছায়ার স্থির পদ্মাননে তিনি উপস্থিত আছেন, তিনি জানেন, কখনই যুবরাজের বাক্যের স্মরণ হইবে না। তাই, তিনি দারাদারি তাহার অপেক্ষা করিয়াছেন। প্রথমতঃ উষার ক্ষীণাগোক আশ্রয় আশ্রয় নয়ন পথে পতিত হইল। তৎপর সমস্ত বিশ্বরক্ষাশুক উদ্ভাসিত করিয়া প্রভাতের শুভাগমন হইল। নব সূর্য্যের রক্তমাভ কিরণজাল সম্পাতে তরুশাখা, লতা পাতা সমুদায় অতুলিত ও দর্শনিক আলোকিত হইল। প্রকৃতি-দেবী যেন কি এক অনির্দেয় আনন্দাঙ্কুর করত মৃদু মধুর হাসিতে বিশ্বরাজ্যকে উদ্ভাসিত করিয়া তুলিলেন। মস্তকোপরি অশ্রুতরুর শাখায় বসিয়া ছোট ছোট গক্ষীগণ মধুর স্বরে সেই মহাস্বার স্তুতি গান আরম্ভ করিল। সেই কোমলস্বভাবা স্নেহময়ী কুরঙ্গী তাহার ছোট শাবকটাকে বুদ্ধদেবের নিকটে লইয়া আসিল। তরফু এবং চিতাবাঘ সকল স্তম্ভদজ্ঞানে নির্ভয়ে সেই মহা পুরুষের অঙ্গ স্পর্শ করিয়া ভ্রাণ লইতে এবং পদলেহন করিতে লাগিল। বস্তুতঃ প্রকৃতির জাগরণের সঙ্গে সঙ্গে যেন

সেই বন বিধীকার প্রেমের বচা প্রবাহিত হইল।

এমন সময়ে অদূরে অল্প অল্প পদশব্দ শ্রুতিগোচর হইল। ভগবান বুদ্ধদেব চক্ষু উন্মীলন করিলেন। দেখিলেন জেতা সম্মুখে দণ্ডায়মান। এবার তিনি সঙ্গী-দিগকে ফেলিয়া একা ভিক্ষুকের বেশে আসিয়াছেন। তিনি গোতম বুদ্ধের সম্মুখে প্রগাঢ় ভক্তিভরে দণ্ডবৎ প্রণাম করিলেন। পথ ভ্রমণে পরিশ্রান্ত হওয়ার তিনি যখন অতি কষ্টে ভূমি হইতে উত্থান করিলেন, তখন ভগবান বুদ্ধদেব আশীর্বাদ করিবার জন্ম যুবরাজের দিকে হস্তদ্বয় প্রসারণ করিয়া দয়াপূর্ণ অতি কোমল স্বরে বলিলেন :-

“শিষ্য জেতা, এস বৎস! তোমার মঙ্গল হউক!”

সদগুরুর সঙ্গে আদর্শশিষ্যের সন্মিলন!

আহা! কি অপূর্ণ শোভা! কি মনোহর দৃশ্য! দেখিলে চক্ষু শীতল হয়, মনপ্রাণ নোহিত হয়!

জেতা ভগবান বুদ্ধদেবের পদ প্রান্তে বসিয়া একাগ্রমনে তন্ময়ভাবে তাহার শ্রীমুখ নিস্তৃত পবিত্র শব্দ—স্বধা পান করিতেছেন।

সুগন্ধাবাহী প্রাভাতিক মলয় সমীরণ মৃদু মৃদু বহিয়া তাহাদের ক্রমুগল চুষন করিতেছে! এমন সুশীতল ও সুমিষ্ট অনিল বৃষ্টি আর কখনও প্রবাহিত হয় নাই! ডালে বসিয়া সুকৃষ্টি পাখিকুল মধুর স্বরে কর্ণ কূহর পরিতৃপ্ত করিতেছে! এমন মনোহর গান-বৃষ্টি আর তাহার

কখনও গায় নাই! সেই সুরমা বনবিধী-কায় সুগভীর শাস্তি ও নিস্তরতা বিরাজ করিতেছে! হায়! এমন নিগূঢ়, শাস্তি, এমন গুরু গভীর নিস্তরতা বৃষ্টি আর কখনও সেই বনে অতুলিত হয় নাই! ও শাস্তি: ও শাস্তি: ও শাস্তি ॥

শ্রীসুদর্শন দাস

মহিলাদিগের রচনা।

মানব শক্তি।

একদা শ্রীকৃষ্ণ পাণ্ডবত্রয়কে জিজ্ঞাসা করিলেন মানবশক্তির মধ্যে শ্রেষ্ঠতম শক্তি কি! ভীম উত্তর করিলেন বলং বলং বাহুবলং, অর্জুন উত্তর করিলেন বলং বলং জনবলং, এবং সর্বশেষে যুধিষ্ঠির উত্তর করিলেন বলং বলং ধর্মবলম্।

মানব জাতির আদিম ইতিহাসে দেখা যায় যাহারা শারীরিক বলে বলীয়ান তাহারা হিংস জন্তুদিগকে পরাভব করিয়া এবং অস্ত্রের উপর প্রভুত্ব বিস্তার করিয়া শ্রেষ্ঠত্ব লাভ করিতেন। তৎকালে বাহুবলেরই প্রাধান্য ছিল। তৎপরে দ্বিতীয় অবস্থায় জনবল ও অস্ত্রবলই শ্রেষ্ঠত্ব লাভ করে। আলেকজান্ডার প্রভৃতি দিক-বিজয়ী রাজগণ জনবল ও অস্ত্রবলেই নানা-দেশ অধিকার করিয়া পৃথিবীতে প্রাধান্য লাভ করিয়াছিলেন। যতই জ্ঞানের বিকাশ হইতেছে ততই দেখা যাইতেছে জ্ঞান বলই প্রকৃত বল। অধুনা জ্ঞানবলে জনবল ও অস্ত্রবলও পরাভূত হইতেছে। বর্তমান যুগে বিজ্ঞানের নব নব কৌশল



প্রকাশিত হইয়া মানববুদ্ধির অপরিমিত পরিচয় পাওয়া যাইতেছে। কিন্তু এই বিজ্ঞান বল অপেক্ষাও ধর্মবল শ্রেষ্ঠ। ইহাই মনুষ্যের প্রকৃত বল। কারণ ধর্মবলের নিকট সকল শক্তিই পরাভব স্বীকার করিয়া থাকে। যেখানে ধর্ম সেখানেই লোক আকৃষ্ট হয়। মহাদেব যখন ধর্ম প্রচার আরম্ভ করিলেন তখন দলে দলে লোক তাহাতে আকৃষ্ট হইয়া ছিল। তাহার ত বাহুবল কিম্বা জনবল কিছুই ছিল না। সমস্ত দেশের লোক তাঁহার বিপক্ষ ইহায়াও কিছুই করিতে পারে নাই, যাহা ত্রায় যাহা ধর্ম, লোক তাহাতেই মুগ্ধ এবং আকৃষ্ট হইবেই হইবে। সুতরাং আমরা দেখিতেছি বাহুবল ও জনবল প্রভৃতি বল নয়, ধর্মবলই সর্বাপেক্ষা শ্রেষ্ঠ। অতএব মানববুদ্ধির যথার্থ পরিচয় জানিতে হইলে ধর্মরাজ্যের ইতিহাস পঠ করা আবশ্যিক। পৃথিবীতে ধর্মের জন্ম কত লোক কি আশ্চর্য্য মানসিক শক্তির পরিচয় দিয়াছেন তাহা ভাবিলে বিষয় জন্মে! ধর্ম বলের নিকট রাজ্য পাশব শক্তিও তুণ্য তুচ্ছ বলিয়া গণ্য হয়, এমনকি এই ধর্মবলে কত চরিত্র রমণী পৃথিবীতে অসাধারণ বিক্রম প্রকাশ করিয়া গিয়াছেন আজও তাঁহাদের নাম স্মরণের লিখিত রহিয়াছে।

অতএব আমরা যদি জীবনের পথ হইতেই এই ধর্ম বলের আশ্রয় লাভে সমর্থ হইতে পারি তবে সংসারে আর কিছুই ভয় ভাবনা থাকে না। ধর্মবলে বলীমান হইলে যথার্থ মনুষ্য লাভ করা

যায়। এই জন্মই ধর্মিক শ্রেষ্ঠ যুধিষ্ঠির বলিয়ছিলেন বলং বলং ধর্মবলম্।

প্রীতিলতা ঘোষ।

### প্রভাত।

সুশাকর অস্ত বায় রাজা সাড়ী দিয়ে গায়  
হাসিমুখে উষারানী উদিত হইল।  
কুমুদিনী নিশানাথে না হেরিয়ে মন খেদে  
বিষাদ মনেতে আহা মৌন হয়ে রহিল।  
শশধর অস্ত বায় দেখে দেব সবিভায়  
দশ দক্ষ বলসিয়া প্রকাশিত হইল।  
মরোজিনী প্রাণ কান্তে নিরখিয়া মহানন্দে  
প্রেমেতে মগন হয়ে চাহিয়া রহিল।  
পাইয়া প্রভাতি বায় পাখীরা পুলক কায়  
প্রেমানন্দে হরষেতে বিভূষণ গাহিছে।  
শুনিয়া বিভূর নাম বৃক্ষ হতে অবিরাম  
প্রেমেতে মগন হয়ে বারিবিন্দু পড়িছে।  
প্রভাতের আগমনে প্রকৃতি আনন্দ মনে  
মাতিয়ে বিভূর প্রেমে মগ্ন হয়ে রহিল।  
সুরভী মাখিয়ে গায়, বহিছে মৃদল বায়  
শীতল বাতাসে আহা মন প্রাণ মোচিল।  
শযাত্যাগী জীবসবে মনের আনন্দ এবে  
বিভূপদ স্মরি সবে নিজ কার্যে চলিল।  
ফুটিল কাননে ফুল মধু লোভে অলিকুল  
গুণ গুণ স্নরে আসি কাননেতে পড়িল।  
পেয়ে সুসময় হেন যত সাধু ভক্ত জন  
ভক্তি ভরে বিভূষণ গাহিতে লাগিল।  
ওরে রে অলস মন এ সময় কি কারণ  
মোহ নিদ্রা বশে হয় বহে অচেতন।  
দেখয়ে নয়ন মেলে জীবগণ কুতূহলে  
বিভূর প্রেমেতে আহা হইয়াছে মগন

ছাড়িয়া আলম্ব ভার মোহ নিদ্রা পরিহার  
করয়ে, দেখয়ে কবা শোভা মনোহর  
মোহন মাপুরীবেশে ধরা দেবী নবসাজে  
কিবা অপরূপ আহা সেজেছে সুন্দর  
নানা শোভা মনোহর মুনি মন মুগ্ধ কর  
যে স্নেহে এধরাতে তাঁহার চরণে  
করি নিদ্রা পরিহার কর তারে নমস্কার  
থাকে না গো কোন ভয় তাঁহার শরণে।  
শিলচর। শ্রীমতি সৌ—

### সংবাদ।

শ্রীযুক্ত ভাই গিরিশচন্দ্র সেন মহাশয় এফণ কোরগর নন্দলাল মল্লিকের বাগান বাড়ীতে বাস করিতেছেন। বাগানটী গঙ্গার উপরে স্থিত। প্রায় দুই মাস তিনি সেখানে থাকিয়া শরীর অনেক ভাল বোধ করিতেছেন। তিনি শয্যাগত অবস্থায় সেখানে গিয়াছিলেন, এফণ চলা ফেরা করিতে পারেন। সম্প্রতি তিনি ৩।৪ দিনের জন্ম কলিকাতা আসিয়াছিলেন। তাঁর কার্যসাহ নবীভূত হইয়াছে। এক জন সহকারী লোক পাইলে অনেক বিষয় বলিয়া দিয়া লিখাইতে পারেন। নিজের ক্রমাগত শিবার শক্তি নাই, পড়া শুনা করিবার শক্তি নাই।

মহিলার সম্পাদক শ্রীযুক্ত গিরিশচন্দ্র সেন মহাশয় হেঁৎসরের অধিক কাল যাবৎ পীড়িত। গত ছয় মাস যাবৎ পত্রিকা খানা নিয়মিত রূপে প্রকাশ হইতে পারে নাই। এফণ ভরসা করা যায় যে শ্রীযুক্ত ভাই ব্রজগোপাল নিয়োগী এবং তাঁহার

কচার তদ্বাবধানে কাগজ খানি নিয়মিত প্রকাশ হইবে।

কলিকাতাতে কিছু দিন হইল কতিপয় সম্ভ্রান্ত ভদ্র মহিলা “ভগ্নীসংগ” নামে একটি সমিতি স্থাপন করিয়াছেন। ছঃগী বালক বালিকা এবং স্ত্রীলোক দিগকে সাহায্য করা এই সভার উদ্দেশ্য।

প্রতি বৎসর লণ্ডন সহরে দুই লক্ষ টন বরফ খাওয়া এবং অশ্রান্ত কার্যে ব্যয়হত হয়।

স্থান ফ্রান্সিস সহরে অগ্নি লাগিয়া যে সমস্ত জিনিষ পুড়িয়া নষ্ট হয় তাহার মধ্যে এক খানি বহুমূল্যের কারপেট ছিল। সে খানির ওজন যত ছিল তত তোলা সোনা তাহার দাম ধরা হয়। উহার পোড়া ছাই হইতে এক হাজার পাউণ্ড মূল্যের সোনা পাওয়া গিয়াছিল।

লণ্ডন সহরে প্রতিদিন প্রাতে ৮ টা হইতে ৯ টা পর্যন্ত ১৬৪০০০ লোক ভিন্ন ভিন্ন কার্যের জন্ম বাহির হইতে আগমন করে এবং প্রতিদিন সন্ধ্যা ৬ টা হইলে ৭ টা পর্যন্ত ১৭৫০০০ লোক বাহিরে চলিয়া যায়।

হাওড়ার অধীন দক্ষিণ বাটরা গ্রামে ১০৪ বৎসর বয়সের একটি বৃদ্ধের মৃত্যু হইয়াছে। ইহার নাম পুণ্যাত্মা মধুসূদন দাস।

চিনদেশে একপ্রকার নশ্র আছে তাহার ১৮ অঙ্ক সেরের মূল্য দুই লক্ষ পাউণ্ড। অর্থাৎ ৩০ লক্ষ টাকা। অদ্ভুত বাবু আনা। এই নশ্রের ব্যবহারটা কিরূপ করিয়া হয় এবং ইহা কি কি



পদার্থে প্রস্তুত হয় পাঠিকাগণের বোধ হয় জানিবার ইচ্ছা হইতে পারে।

—

প্রেরিত।

পরিবারে ধর্ম প্রতিষ্ঠা।

চট্টগ্রাম ভগ্নিসমাজে পঠিত।

মানব সর্বদাই ধনসঞ্চয়ে বাস্তব, কিসে ধনাগম হইবে, কিসে ধন সঞ্চিত হইবে সর্বদা এই চিন্তা। প্রকৃত ধন বাহা, বাহার অভাবে ধন মান কিছুই সূখের না হইয়া বরং অশান্তি ও উদ্বেগের কারণ হয়, সেই ধর্মধন লাভ করিবার জ্ঞান, জীব ও পরিবারে তাহা প্রতিষ্ঠিত করিবার জ্ঞান অতি অল্প লোকেরই যত্ন ও চেষ্টা দেখা যায়। ধনাগম ও ধন সঞ্চয় করা যত আবশ্যিক সূখ ভোগের ব্যবস্থা করা যত প্রয়োজন, জীবনে ও পরিবারে ধর্ম প্রতিষ্ঠা করা তদপেক্ষা অধিক প্রয়োজন।

ধনের অভাবে মানুষ হীন হয় না বরং দরিদ্রতাই অনেক সময় মহত্ত্বের পথ দেখাইয়া দেয় কিন্তু সকল ধর্মের শ্রেষ্ঠ ধন যে ধর্মধন ইহা ব্যতীত মানব জীবন অত্যন্ত হীন হইয়া যায়।

পরিবারে ধর্ম প্রতিষ্ঠা করা পুরুষ ও রমণী উভয়েরই কর্তব্য। এ বিষয়ে পুরুষ অপেক্ষা রমণীর দায়িত্বই অনেক অধিক। কারণ গৃহে রমণীই কর্তা। সন্তানগণের প্রতি পিতার অপেক্ষা মাতার প্রভাবই অধিক দেখা যায়। মাতার শিক্ষা সন্তানের জীবনে সেরূপ কাজ করে, পিতা অথবা অপর কোন শিক্ষকের শিক্ষা সেরূপ কাজ করে না। যে পরিবারের জননী ধর্ম শীলা সেই পরিবারের সন্তানগণ ধর্মী-


রাগী না হইয়া পারে না অতএব প্রত্যেক জননীর জীবনে ধর্মকে সর্বোচ্চ স্থান দিয়া তাহাকে নিজ পরিবার মধ্যে সুদৃঢ় রূপে প্রতিষ্ঠিত করিতে প্রাণপণে চেষ্টা করা উচিত। বর্তমান সময়ে পাশ্চাত্য শিক্ষার প্রভাবে আমাদের দেশের পুরাতন ধর্মভাবের অনেক পরিবর্তন হইয়াছে। পূর্বে লোকে বাহা বিশ্বাস করিত এখন আর তাহা করে না, তৎকালে যে সমুদায় আচার অনুষ্ঠান ধর্ম বলিয়া পরিগণিত হইত, বর্তমান সময়ে তাহার অধিকাংশই কুসংস্কার বলিয়া উপেক্ষিত হইতেছে। পূর্বপুরুষগণের স্থায় আমরা আর সেই সকল কুসংস্কার লইয়া পরিতৃপ্ত থাকিতে পারিতোছ না। বর্তমান সময়ের বিধাসের উপযোগী ধর্ম পরিবারে প্রতিষ্ঠিত হওয়া উচিত।

সত্য ধর্ম প্রতিষ্ঠার জ্ঞান জ্ঞানালোচনার অত্যন্ত প্রয়োজন। অধ্যয়ন, চিন্তা ও আলোচনাই সত্য ও পবিত্র ধর্মলাভের উপায়। এই সকল উপায়ে ধর্মলাভ করিয়া তাহা সম্বন্ধে নিজ পরিবারের প্রতিষ্ঠা করা উচিত। পরিবারের কর্তা ও কর্ত্রীর ধর্ম দৃঢ় বিশ্বাস ও নিষ্ঠা থাকা আবশ্যিক। তাহাদের ঐকান্তিক যত্ন না থাকিলে পরিবারে ধর্ম প্রতিষ্ঠিত হইতে পারে না। সন্তানগণের সম্মুখে ধর্মকে সর্বোচ্চ স্থান দিলে তাহারাও ধর্মকে সর্বাপেক্ষা মূল্যবান জ্ঞান করিতে শিখে। পক্ষান্তরে ধর্মের প্রতি অস্বহেলা বা উদাসীনতা প্রকাশ করিলে সে গৃহে আর ধর্মের স্থান হয় না। যিনি গৃহকর্তা তাহার প্রধান কর্তব্য নিজ জীবনে এবং নিজ গৃহে সর্বাপেক্ষে ধর্মকে প্রতিষ্ঠিত করা। তাহার বিশ্বাসের বল, ভগবৎপ্রসিদ্ধি ধর্ম পালনে নিষ্ঠা ও পারিবারিক ধর্মালুষ্ঠানে দৃঢ়তার দ্বারাই পরিবাহিত সকলের জীবনে ধর্ম প্রতিষ্ঠিত হইবে।

শ্রী জ্ঞানবালা দত্ত।

১শ ভাগ।  
৭ম সংখ্যা।  
৮ম সংখ্যা।

মাঘ।  
ফাল্গুন।  
১৩১৬।



মঙ্গল সাহিত্য  
পুস্তকালয়  
রমনী নল  
ইব্রাহিম

সূচী।

বিষয়।	পৃষ্ঠা।
প্রার্থনা ... ..	১৩৭
পুত্রকন্টার শিক্ষা ... ..	১৪১
আলেকজান্ডার ও আফ্রিকার অসভ্য জমিদার	১০১
যক্ষা ... ..	১৪৩
ঈশ্বরে ভক্তি ও গীতি ... ..	১৪৭
সংসর্গ ... ১৪২	বীমা ... ১৫১
সুখী কে ... ১৫৩	আত্মবলিদান ... ১৫৬
গৃহকার্য ... ..	১৫৭
অঘোরনারীসমিতির জন্মদিনোপলক্ষে	... ১৬১
হালির ধূমকেতু ... ..	১৬৪
স্বর্গীয় সন্ন্যাসীর জীবনকথা ... ..	১৬৮
পিসাননগরীর আনন্দ প্রাসাদ ... ..	১৭২
স্বনীতিকলেজের বাৎসরিক বিবরণ ... ..	১৭৩
অমূল্যচন্দ্র মিত্রের দীক্ষায়। পুস্তকসমালোচনা	১৭৪

মাসিক  
পত্রিকা।

ডাকমাণ্ডুল সহ অগ্রিম বার্ষিক মূল্য ২ টাকা মাত্র।

DIFFERENT CONTRAST.



## যদি কেশের শোভা সম্পাদন করিতে চান

তাহা হইলে প্রতিদিন স্নানের সময় আমাদের "কুস্তলবুধ তৈল" ব্যবহার করুন। ইহা ব্যবহার করিলে কেশরাশি ভ্রমর কৃষ্ণবর্ণ ধারণ করে, এবং মাথায় মরামাস ও খুস্কী প্রভৃতি জন্মতে পারে না। রমণীগণ যদি কবরী রচনার সময় "কুস্তলবুধ" সহায়তা গ্রহণ করেন, তাহা হইলে আর তাঁহাকে অণুবিধ সুগন্ধি দ্রব্য ব্যবহার করিতে হয় না। এক কথায় "কুস্তলবুধ" কেশতৈল মধ্যে সর্বশ্রেষ্ঠ। মূল্য প্রতি শিশি এক টাকা। মায় ডাক মাণ্ডল ১১/০ তিন শিশি ২১০, ডজন ২২ টাকা।

## সুরসুন্দরী বটিকার তত্ত্ব রাখেন কি ?

আমাদের সুরসুন্দরী বটিকা সর্ববিধ স্ত্রীরোগে অর্থাৎ প্রদর, বাধক, রক্তের স্বল্পতা বা যজোমিক্য রক্তশূন্য প্রভৃতি আরাম হয়। অতি দুর্বল রোগীও ইহা সেবনে বিগতরোগ হইয়া হৃষ্টপুষ্টকায় হইতে পারেন। ষাঁহাদের গৃহে ঐ সব রোগে মহিলারা কষ্ট পাইতেছেন, তাঁহারা একবার আমাদের "সুরসুন্দরী বটিকা" ব্যবহার করিতে দেন। প্রতি কোটা ২২ ছই টাকা, ডাকমাণ্ডলসহ ২১০।

**ভৈষজ্যরত্নাবলী**—(ষষ্ঠ সংস্করণ) বাহির হইয়াছে। মণির মধ্যে যেমন কোস্তভ, জ্যোতিষ্কের মধ্যে—যেমন চন্দ্র, তেমন সমস্ত আয়ুর্বেদীয় চিকিৎসাগ্রন্থের মধ্যে "ভৈষজ্যরত্নাবলী"। ঋষিকল্প কবিরাজ বিনোদলাল সেন মহাশয়ের আজীবন-ব্যাপী পরিশ্রম গবেষণা—এই গ্রন্থ মধ্যে নিহিত। আয়ুর্বেদ শিক্ষার্থী ও চিকিৎসকগণের পক্ষে ইহা মহামূল্য উপাদেয়-গ্রন্থ। পুস্তকখানি হাজার পৃষ্ঠার উপর। পুরু কাগজে সুন্দর ছাপ। এই একখানি পুস্তক পড়িয়াই উৎকৃষ্ট কবিরাজ হওয়া যায়। ইহা আমাদের কার্যালয় ভিন্ন আর কোথাও পাওয়া যায় না। সাবধান! নকল লইয়া ঠকিবেন না। মূল্য ৬ ছয় টাকা। ভিঃ পিঃতে ছয় টাকা দশ আনা মাত্র।

ঋষিকল্প কবিরাজ বিনোদলাল সেন মহাশয়ের

## আদি-আয়ুর্বেদ ঔষধালয়।

১৪৬ ও ৩৬নং গোয়ার চিৎপুর রোড ফোজদারী বালাখানা, কলিকাতা।

টেলিগ্রাফিক ঠিকানা

প্রধান চিকিৎসক

ভীষকরাজ।

কবিরাজ শ্রীআশুতোষ সেন।

ও

কবিরাজ শ্রীপুলিনকৃষ্ণ সেন।

কলিকাতা

৫ নং রমানাথ মজুমদারের স্ট্রীট, "মঙ্গলগঞ্জ মিশন প্রেসে"

কে. পি. নাথ কর্তৃক ৩রা জ্যৈষ্ঠ ১৩১৭ সালে মুদ্রিত ও প্রকাশিত।

বঙ্গীয়-সাহিত্য-পরিষৎ



মাসিক পত্রিকা।

"যশস্বিনী পুজ্যন্তে বমন্তে তন্ন দিবতাঃ।"

১৫শ ভাগ ] মাস ও ফাল্গুন ১৩১৬, ১৯১০। [ ৭৮ সংখ্যা।

প্রার্থনা।

হে আনন্দময়ী জননী, তুমি মহুষ্য-গণকে গুহ ও সুর্য্যী করিতে সর্বক্ষণ তাহাদিগের মঙ্গল বিধান করিতেছ। তোমার মঙ্গল স্বরূপের স্পর্শ মুহূর্ত্তমাত্র অনুভব করিয়াও ইহা বুঝিতে পারি যে তুমি তোমার পুত্র কন্যাগণকে প্রেম পুণ্য আনন্দ শান্তিতে বদ্ধিত করিয়া তাহাদিগকে চিরসুখী করিবে। কিন্তু পৃথিবীতে আমাদের অবস্থা কিছুই উন্নত হইতেছে না দেখিয়া প্রাণে ক্রেশ হয় এবং কি হইলে এই পতিত নরজাতি পুণ্য শান্তি লাভ করতে পারে তাহার জ্ঞান প্রার্থনা উপস্থিত হয়। হে দেব, তোমার রূপায় আমরা ইহা বুঝিতে পারিতেছি যে পুণ্য শান্তি লাভ করা অর্থ আত্মার তোমাতে স্থিতি করা, তোমাকে লাভ করা। এ বিষয়ে ক্ষণে ক্ষণে বিন্দু বিন্দু করিয়া তোমার দিকে অগ্রসর হইতে হইবে এবং

সকল নরনারীর মন এদিকে বহুশীল না থাকিলে আমরা কখনও তোমার দিকে অগ্রসর হইতে পারিব না। বহু দিনের পরীক্ষায় ইহা বুঝিতে পারিতেছি যে যত দিন তোমার কন্যাগণ, গৃহকর্ত্তী গৃহিণীগণ এই পুণ্য শান্তি সংগ্রহে যত্নবতী না হইবেন ততদিন পরিবারে ও ব্যক্তিগত জীবনে পুণ্য শান্তি প্রতিষ্ঠিত হইবে না। এজ্ঞ তোমার শ্রীচরণে প্রার্থনা করি তুমি তোমার কন্যাগণকে বিশেষভাবে পুণ্য শান্তি সংগ্রহ করিতে নিযুক্ত কর। হে মঙ্গলময় দেবতা, তোমারই মঙ্গল নিয়মে গৃহকর্ত্তীগণ গৃহের সকল অভাবের ভাবনা ভাবেন এবং পরিবারস্থ প্রত্যেক ব্যক্তির বিশেষ বিশেষ অভাব দূর করেন; রূপাময়, তুমি রূপা করিয়া তাহাদিগের দায়িত্ববোধ বাড়াইয়া দেও, যে পরিবারস্থ ব্যক্তি সকলের কাহার কত প্রেম, পুণ্য, আনন্দ শান্তি প্রভৃতির অভাব তাহা বুঝিয়া যেন তাহারা সেই অভাব দূর করিতে যত্ন



করেন এবং তোমার চরণে প্রার্থনা করেন। হে মাতঃ, যাহাদিগকে মাতৃজাতি করিয়াছ, তাঁহারা যদি সকল সম্মানগণের প্রেম পুণ্যের অভাব দূর না করিবেন তবে আর কে করিবে? দেবতা, রূপা করিয়া তোমার কণ্ঠাগণকে নিত্য নিত্য সত্য, জ্ঞান, প্রেম, পুণ্য সংগ্রহ করিতে যত্নশীল কর। তোমার কণ্ঠাগণ তোমার হইলেই সকল পরিবার তোমার হইবে। তোমার সংসার প্রতিষ্ঠিত হইবে। তাই তব পাদপদ্মে প্রার্থনা করি যদি সমগ্র নর-জাতিকে স্বর্গের সুখ, শান্তি, আনন্দ দান করিবে তবে অগ্রে তোমার কণ্ঠাগণকে তাহার জন্ত ব্যাকুল কর। তোমার মঙ্গল ইচ্ছা তোমার সকল কণ্ঠার জীবনে পূর্ণ হউক।

### পুত্র কন্যার শিক্ষা।

কিরূপ প্রণালীতে বালক বালিকাদের শিক্ষা দেওয়া উচিত বর্তমান সময়ে তাহা একটি প্রধান আলোচ্য বিষয়। কিরূপ প্রণালী অবলম্বন করিলে, তাহাদের অন্তর্নিহিত সকল শক্তির বিকাশ হয়, ক্রমশঃ উন্নত হইতে উন্নততর আদর্শের দিকে অগ্রসর হইতে পারে, তাহা চিন্তা ও সাধনের বিষয়। বিশেষতঃ বালিকারা নানারূপ শিক্ষা পাইয়াও, যাহাতে স্বাভাবিক ভাবে বিকশিত হইতে পারে। বালিকারা বিদ্যালয়ে শিক্ষালাভ করিতেছে, কিন্তু তাহাদের কর্তব্য কর্মের বিষয়ে কোনও জ্ঞান লাভ করিতেছে না। এখন

যে সকল বালিকারা মাতৃহে প্রবেশ করিতেছে, কিম্বা যাহারা অনতিবিলম্বে মাতা হইয়া ক্ষুদ্র ক্ষুদ্র মানবাত্মা গঠনের ভার প্রাপ্ত হইবে, তাহাদিগকে যথেষ্ট জ্ঞান ও ক্রিয়াক্ষমতা দান করিয়া এই গুরুতর কার্যের জন্ত প্রস্তুত করিয়া দিতে হইবে। আমাদের দেশে বালিকা মাতার ক্রোড়ে শিশু, সমাজের নিতান্ত দুর্বস্থার পরিচয় দেয়। যার আপনার হিতাহিত জ্ঞান নাই, আপনার শরীর মনকে চালনা করিতে জানে না, সেইরূপ মাতার হস্তে সন্তানের শিক্ষা কিরূপ হইবে, সকলেই বুঝিতে পারেন। কিন্তু বঙ্গসমাজ হইতে ক্রমশঃ এই বালিকা মাতার সংখ্যা কমিয়া যাইতেছে, প্রায় সর্বত্রই অপেক্ষাকৃত অধিক বয়সে মাতৃপদে অভিষিক্ত হইতেছে। তথাপি অপেক্ষাকৃত অধিক বয়সেও সন্তান পালন সম্বন্ধে জ্ঞানের অভাবে বিশেষ সফল দৃষ্ট হইতেছে না। এ কথা সত্য যে অপেক্ষাকৃত অধিক বয়সে মাতা, অপেক্ষাকৃত সহজভাবে, ও সূচাররূপে সন্তান-পালন কার্য সম্পন্ন করেন, কিন্তু অজ্ঞানতার কুফল কোথায় যাইবে।

শিক্ষা দুই প্রকার। এই দুই প্রকারের শিক্ষা লাভ করিলে, মানব-জীবনের শিক্ষা সম্পূর্ণ হয়। প্রত্যেক মানুষের স্বাভাবিক সহজ জ্ঞান আছে, সেই সহজ জ্ঞানের অহুয়ানী চলিলে, অনেক বিষয় সুসম্পন্ন করিতে পারে। আমাদের মাতামহীদের কেবল এই সহজ জ্ঞান ছিল, সেই জ্ঞানেই সকল কর্তব্য সম্পন্ন করিয়াছেন। তাঁদের বাহিরের কোন শিক্ষা ছিল না। আজকাল

শিক্ষা দ্বারা জ্ঞান বৃদ্ধি করিতে হয়। সহজ জ্ঞান ও শিক্ষা যে জীবনে মিলিত হইয়া কাজ করে, তাহার পূর্ণ বিকাশ হয়। সহজ স্বাভাবিক জ্ঞান বিবেচনায় জলাঞ্জলি দিয়া যারা কেবল পুস্তকের বিদ্যা অহুসারে চলে, তাহারা ভ্রান্ত অববেচক। পুস্তকে কোনও জ্ঞান লাভ করিয়া যখন কার্যকালে পরীক্ষা বা সপ্রমাণ করি, তখনই পুস্তকের বিদ্যা ও সহজ জ্ঞানের মিলন ও পূর্ণ জ্ঞান লাভ হয়। এইরূপে পুস্তকের বিদ্যা আমাদের সহজ জ্ঞান ও অভিজ্ঞতাকে সুদূর করে। অভিজ্ঞতাও পুস্তকের জ্ঞানের অভাবে, অসম্পূর্ণ থাকে।

আমরা এমন কি দেখিতেছি, যে, কোনও ক্ষুদ্র ও বৃহৎ যে কাজেই হউক না কেন, যেমন কৃষি বাণিজ্য গোপালন, গৃহনির্মাণ, বঙ্গবয়ন সেই ব্যবসায় বা কার্যে প্রবৃত্ত হইবার পূর্বে কয়েক বৎসর শিক্ষকের নিকট হইতে উপদেশ পাইয়া ও হাতে কলমে অভ্যাস করিয়া যোগ্যতা লাভ করে। কিন্তু এই যে গুরুতর কার্য, সন্তানের শিক্ষা, এক একটি অগঠিত জীবকে সুন্দররূপে গড়িয়া তোলা, এই বিষয়ে কোনও বিশেষ শিক্ষা লাভ না করিয়া কোনও উপদেশ না পাইয়া এই কার্যে হস্তক্ষেপ করেন। ইউরোপ আমেরিকা প্রভৃতি সুসভ্য উন্নতিশীল দেশে এ বিষয়টি বিশেষরূপে আলোচনা হইতেছে। কত চিন্তাশীল লোক এই চিন্তায় জীবন অতিবাহিত করিতেছেন, কেহ বা একটি অগঠিত মনুষ্য শিশুকে লইয়া পরীক্ষা করিয়া দেখিতেছেন। শিশুর স্বভাব কি,

তার স্বভাবের মধ্যে কি নিহিত রহিয়াছে, কিসে শিশুর উন্নতির বাধা হয়, কিসে বিকশিত হইবার সাহায্য হয়, এ সকল, বিশেষরূপে লক্ষ্য করিতেছেন। যেমন বুনো গোলাপ হইতে যত্ন করিয়া সার দিয়া সুন্দর সুগন্ধ বৃহৎ পুষ্পবান গোলাপ রক্ষ প্রস্তুত করে, সেইরূপ অগঠিত ক্ষুদ্র আত্মাকে সুকোমল ব্যবহারে, সুশিক্ষার সারে সুন্দর মানব-জীবন প্রস্তুত করা যায়। কিছুদিন হইল, একটি প্রসিদ্ধ সাময়িক পত্রিকাতে একটি প্রবন্ধ পাঠ করিয়াছিলাম যে এক ব্যক্তি একটি অশিক্ষিত দরিদ্র পরিবার হইতে একটি শিশুকে আপনার নিকটে রাখিয়া পালন করিয়াছিলেন। তিনি যখন তাহাকে গ্রহণ করেন, তখন সে অত্যন্ত দুর্বল, রক্তহীন ছিল। অত্যাধিক দিনের মধ্যে তাহাকে সবল, সুস্থ করিলেন ও এরূপ ভাবে তাহাকে আপনি শিক্ষা দিলেন যে, অতি অল্প বয়সে নানা বিষয়ে সে শিক্ষা করিল, সাধারণতঃ শিশুরা অত অল্প বয়সে সেরূপ শিক্ষা করে না। ইহা কেবল শিক্ষা-প্রণালীর গুণ।

প্রায়ই দেখা যাইতেছে, পিতা মাতা ভাল হইলেও পুত্র কন্যা সেরূপ হইতেছে না, তাহার কারণ তাহারা জানেন না কিরূপে শিক্ষা দিতে হয়। এ বিষয়ে মাতার দায়িত্বই অধিক, মাতার নিকটেই সন্তান শিক্ষা লাভ করে। অধিক তিরস্কার, অতিরিক্ত শাসন কিম্বা তত্ত্বাবধানের অভাব কিছুই হিতকর নয়। মাতাকে পূর্ব হইতেই শিশু চরিত্র অধ্যয়ন করিতে



হইবে, কিরূপে তাহাকে কোনও বাধা না দিয়া কিন্তু চোখে চোখে রাখিয়া গড়িয়া তুলিতে হইবে। মাতা ত সন্তানের ভালই চান, কিন্তু জানেন না কি উপায়ে ভাল করা যায়। এমন অনেক মাতার কথা শোনা যায়, রুগ্ন সন্তানকে গোপনে গোপনে মুখপ্রিয় কুপথ্য দিয়া ভালবাসেন, কিন্তু বুঝিতে পারেন না, যে তাহার পরমশত্রুর কাজ করিতেছেন। ঠিক সেইরূপ, মাতা তাহার হিতকামনা করিয়া অতিরিক্ত শাসন বা অতিশয় প্রশ্রয় দিয়া তাহার অনিষ্ট সাধন করেন। বিখ্যাত চিন্তাশীল লেখক স্পেনসার শিক্ষা (Education) নামক পুস্তকে শিক্ষাপ্রণালীর নানা দোষ প্রদর্শন করিয়াছেন, তাহা সকল মাতারই পাঠ করা উচিত। এজন্য তাহা হইতে কিছু কিছু উদ্ধৃত করিয়া মহিলাতে দিব। আশা করি তাহা পাঠ করিয়া সকলেই সে বিষয়ে চিন্তা করিবেন সেবিষয়ে অধিক জ্ঞানলাভ করিতে উৎসুক হইবেন, এবং সর্বোপরি আপন আপন পুত্র কন্যাদের লইয়া সেই সকল প্রণালীর ফলাফল পরীক্ষা করিয়া দেখিবেন। এইরূপ চেষ্টা করাতে আপনার মনেও নানা আলোক পাইবেন, সেই আলোকের সাহায্যে আমরা সেই প্রণালীকে কার্যে পরিণত করিতে পারিব।

প্রথমতঃ শরীরকে সুস্থ রাখা দরকার। প্রচুর পুষ্টিকর খাদ্য চাই—পুষ্টিকর খাদ্য বিষয়ে আজকাল অনেকের দৃষ্টি পড়িয়াছে। যথার্থই এবিষয়ে বিশেষ মনোযোগ দেওয়া প্রয়োজন হইয়াছে, পুষ্টিকর

খাদ্যের অভাবে বাঙ্গালী জাতি দুর্বল, অস্বাস্থ্য হইতেছে। সকলেরই মানসিক পরিশ্রম করিতে হইতেছে অথচ পুষ্টিকর বিশুদ্ধ খাদ্য পাওয়া যাইতেছে না। শিশুদের প্রথমতঃ প্রধানতঃ পুষ্টিকর বিশুদ্ধ খাদ্যের প্রয়োজন দ্বিতীয়তঃ তাহাদের যথেষ্ট ক্রীড়া কৌতুকের দরকার। অনেক পিতামাতা সন্তানকে ক্রীড়া কৌতুক করিতে দেখিলেই তিরস্কার করিয়া পড়িতে বলেন, ইহা যে কতদূর ভুল ধারণা তাহা বলা যায় না। ক্রীড়া কৌতুক তাহাদের শরীর মনের পক্ষে নিতান্ত আবশ্যকীয় ও সেইজন্য অত্যন্ত স্বাভাবিক। তখন অঙ্গ-প্রত্যঙ্গ চালনা দ্বারা ও বক্ষ লতা, নদী পার্বত জীব জন্তু দেখিয়া নাড়িয়া শিথিলার সময়, পুস্তক পড়িয়া শিথিলার সময় নয়। আমাদের অধিকাংশ জ্ঞান, দেখিয়া শুনিয়া হয়। যাহারা এই প্রকৃতি পুস্তক ভাল করে পড়িতে পারে, তাহারা হিত জ্ঞানী। সেইজন্য শিশুদের গৃহে, আবদ্ধ করিয়া, পুস্তকগত বিদ্যা কণ্ঠস্থ করিতে বলা উচিত নয়। তাহাদিগকে বাহিরে বিপ্ল-প্রকৃতির মধ্যে ছাড়িয়া দিতে হইবে। বই পড়া তাহাও খেলিতে খেলিতে হইবে। কিণ্ডারগার্টেন অর্থ তাহাই। শিশু আনন্দ করিতে করিতে সহজে আপনি শিখিবে, প্রশ্রয় করিয়া তিরস্কার করিয়া শিখাইতে হয় না। এখন এবিষয়ে সকলকে শিখিতে হইবে, কিরূপে, শিশু শিক্ষা হওয়া দরকার। পাশ্চাত্যপ্রদেশে শিশুশিক্ষা প্রণালী আলোচনা করিতে মাতাদের সভা (mother's meetings) হয়। বঙ্গ-

মাতারাও এবিষয়ে আলোচনা করুন, পরস্পরের নিকট হইতে সাহায্য লউন। সেই প্রণালীতে শিক্ষা দিন, দেখিবেন বঙ্গসমাজে নূতন যুগ উপস্থিত হইয়াছে।

### মহাবীর আলেকজান্ডার ও আফ্রিকার অসভ্য জমিদার।

মহাবীর আলেকজান্ডার কোন সময় দিগ্বিজয় উপলক্ষ্যে আফ্রিকাদেশে গমন করিয়াছিলেন। এই যাত্রায় তিনি এরূপ একটা স্থানে উপস্থিত হইলেন, যেখানকার অধিবাসীরা সভ্যতার সহিত কোন সংস্বব রাখেন না। সামান্য কুর্সীরে বাস করে, যুদ্ধ কি পদার্থ তাহার কিছুই বোঝে না। গ্রামসমূহের অধিবাসিগণ পরস্পর ভ্রাতৃত্বাবে বাস করে। বিবাদ, বিসংবাদ, ছুরাশা ছুরাকাজ্জার নাম গন্ধ নাই। শান্তি সর্বদাই বিরাজমান। অধিবাসিগণ মহাবীরকে অভাগত দেখিয়া তাঁহার যথোচিত সম্বর্ধনা পূর্বক তাহাদের জমিদারের বাটীতে লইয়া গেল। জমিদার ও তদীয় প্রজাদিগের ঞায় সরল ও সাধুস্বভাব লোক ছিলেন। তিনি অতিথির উপযুক্ত সংকার করিলেন। তাঁহার প্রীত্যর্থ স্বর্ধন পাত্রেরে স্বর্ধন-নির্মিত ফল ও স্বর্ধন-নির্মিত গোধূম উপহার প্রদান করিলেন।

আলেকজান্ডার বিস্ময়ান্বিত হইয়া জমিদারকে জিজ্ঞাসা করিলেন, “আপনারা কি সোণার রুটী ও সোণার ফল আহার করিয়া থাকেন?”

জমিদার একটা প্রশ্ন করিয়া মহাবীরের

প্রশ্নের উত্তর করিলেন। তিনি জিজ্ঞাসা করিলেন, “আমার বিশ্বাস আপনাদের দেশে খাদ্যসামগ্রী প্রচুর পরিমাণে পাওয়া যায় তবে কি অভিপ্রায়ে আপনি এত কষ্ট স্বীকার করিয়া আমাদের এই অসভ্য দেশে আগমন করিয়াছেন?”

আলেকজান্ডার বলিলেন, “আমি বিলক্ষণ জানি যে আপনাদের দেশে প্রভূত পরিমাণ স্বর্ধন পাওয়া যায় কিন্তু আমি স্বর্ধনের লোভে এখানে আসি নাই। আমি আপনাদের সমাজের আচার ব্যবহার অবগত হইবার জন্য আসিয়াছি।”

জমিদার বলিলেন “আপনি বড় সাধু-লোক বেশ কথা বলিয়াছেন। যদি তাহাই আপনার অভিপ্রায় হয়, যতদিন ইচ্ছা আমাদের দেশে অবস্থান ও পরিভ্রমণ করুন।”

বীরচূড়ামণি আলেকজান্ডার ও অসভ্য জমিদার উভয়ের কথোপকথন হইতেছে এমন সময় জমিদারের দুইজন প্রজা বিচারার্থী হইয়া প্রভূ জমিদারের সমিধানে উপস্থিত হইল। জমিদার জিজ্ঞাসা করিলেন, “তোমাদের কি প্রয়োজন বল?” উভয় প্রজার মধ্যে যে ব্যক্তি বাদী সে বলিল “ধর্ম্মাবতার, আমি এই ব্যক্তির নিকট একখণ্ড ভূমি ক্রয় করিয়াছি সম্প্রতি ঐ ভূমির মধ্য দিয়া একটা পয়ঃপ্রণালী বাহির করিবার জন্ত খনন করিতে করিতে দেখিলাম, উহার মধ্যে একখণ্ড বহুমূল্য হীরক রহিয়াছে। এই বহুমূল্য দ্রব্য আমার নহে। আমি ইহার নিকট হইতে কেবল ভূমিই ক্রয় করিয়াছি এবং আমি



ভূমিই লইব, ভূমি বাতীত অল্প দ্রব্য লইব না। ভূমির নিম্নে এই গুপ্ত দ্রব্য পাইয়াছি। ইহা আমি লইতে পারি না। আমি ইহাকে এই জিনিষটী লইবার জন্ত অনুরোধ করাতে ইনি আমার অনুরোধ অগ্রাহ্য করিলেন। আমি এইজন্ত বিচার প্রার্থনায় আপনার নিকট উপস্থিত হইয়াছি। প্রতিবাদী উত্তর করিলেন। ধর্মাবতার, বাদীর যেমন ধর্মধর্ম জ্ঞান আছে আমারও তাহা কিঞ্চিৎ পরিমাণে আছে। আমি ইহাকে ভূমি বিক্রয় করিয়া মূল্য গ্রহণ করিয়াছি, আমার ধ্রুব জ্ঞান এই, যখন আমি ভূমি বিক্রয় করিয়া নিঃস্বত্ব হইয়াছি, তখন ভূমির নীচে যাহা কিছু আছে, উহা স্বল্প মূল্যই হউক আর বহু মূল্যই হউক উহাতে ক্রেতার সম্পূর্ণ অধিকার জন্মিয়াছে। আমি কোন মতেই এই দ্রব্য লইতে পারি না। জমীদার উভয়ের কি কর্তব্য উভয়কে স্পষ্ট করিয়া বুঝাইয়া দিলেন কিন্তু তথাপি উহারা পূর্ব কথাই বলিতে লাগিল। তখন জমীদার বাদীকে জিজ্ঞাসা করিলেন, তোমার না একটা বিবাহযোগ্য পুত্র আছে। বাদী বলিল হাঁ মহাশয়, আমার একটা পুত্র বিবাহযোগ্য হইয়াছে। জমীদার বলিলেন তবে এক কাজ কর। আমি জানি প্রতিবাদীর একটা বিবাহযোগ্য কন্যা আছে। তোমাদের এই পুত্র কন্যাকে পরস্পর পরিণয়-সূত্রে আবদ্ধ কর এবং এই বহুমূল্য নিধি নবদম্পতীর যৌতুক স্বরূপ হউক। আলেকজাণ্ডার বিচার দেখিয়া বিস্মিত ও স্তম্ভিত হইলেন। জমীদার আলেক-

জাণ্ডারকে বলিলেন “আমরা অসভ্যজাতি, আপনি বোধ হয় মনে করিতেছেন আমি অবিচার করিয়াছি।” আলেকজাণ্ডার বলিলেন—“অবিচার? না, কখনই না। কিন্তু আপনার বিচার প্রণালী দেখিয়া প্রকৃতই বিস্মিত হইয়াছি।”

জমীদার আলেকজাণ্ডারকে বলিলেন, “আপনাদের দেশে এইরূপ মোকদ্দমা উপস্থিত হইলে উহার নিষ্পত্তি কিরূপ হইয়া থাকে অল্পগ্রহ করিয়া বলুন।” আলেকজাণ্ডার দ্বিধা লজ্জিতভাবে বলিলেন “আমাদের দেশে এইরূপ বিচার উপস্থিত হইলে বাদী কিম্বা প্রতিবাদী উভয়ের কাহাকেও না দিয়া রাজা নিজে ঐ বহুমূল্য দ্রব্য রাজকোষে প্রেরণ করেন।” জমীদার বিস্মিত হইয়া জিজ্ঞাসা করিলেন, “রাজা কি নিজের ব্যবহারার্থ ঐ বহুমূল্য দ্রব্য গ্রহণ করেন?” জিজ্ঞাসা করি “আপনাদের দেশের আকাশে কি সূর্য্যোদয় হইয়া থাকে?” আলেকজাণ্ডার বলিলেন, “অবশ্যই সূর্য্যোদয় হইয়া থাকে।” জমীদার আবার জিজ্ঞাসা করিলেন, “আপনাদের দেশে বৃষ্টি হয় কি?” আলেকজাণ্ডার বলিলেন “বৃষ্টি হইবে না কেন, অবশ্যই প্রচুর পরিমাণে হইয়া থাকে।” জমীদার পুনশ্চ জিজ্ঞাসা করিলেন আপনাদের দেশে গরু বাছুর প্রভৃতি গৃহপালিত পশুাদি আছে? এবং উহারা তৃণশস্যাদি আহার করিয়া জীবনধারণ করিয়া থাকে? আলেকজাণ্ডার বলিলেন “অবশ্যই, গো মহিষাদি পশু তৃণশস্য প্রভৃতি খাইয়া বাঁচিয়া থাকে, এবং নানা জাতীয়

গৃহপালিত জীবের জন্ত আমাদের দেশ প্রসিদ্ধ।” জমীদার বলিলেন, “এখন আমি বুঝিলাম। নিশ্চয়ই ঐ সকল নিরীহ জীবের জন্তই পরম কারুণিক পরমেশ্বর আপনাদের দেশের আকাশে অত্যাধিক সূর্য্যকে দীপ্তিশালী রাখিয়াছেন এবং তাহাদের জন্তই তথায় মেঘ ও বৃষ্টি হইয়া থাকে।” আলেকজাণ্ডার অপ্রতিভ হইয়া অধোবদনে ক্ষণকাল বসিয়া তথা হইতে বিদায় গ্রহণ করিলেন।

—  
যক্ষ্মা ।

গত আগষ্ট মাসের “ইণ্ডিয়ান লেডিজ ম্যাগাজিন” Indian Ladies' Magazine) এ একজন লেখক যক্ষ্মা সম্বন্ধে এক প্রমোত্তরমালা লিখিয়াছেন। তিনি সমস্ত নেতাদিগের নিকটে, ধর্মোপদেষ্টাদের নিকটে, জনসভার সভ্যবৃন্দের নিকটে, অধ্যাপকবর্গের নিকটে তাঁহার বিনীত নিবেদনটি জানাইয়াছেন। তিনি বলেন “যক্ষ্মা স্পর্শাক্রামক রোগ অথচ সতর্ক হইলে অনায়াসে এই রোগের সম্ভাবনা দূর করা যায়। এ বিষয়ে অজ্ঞতাই এই রোগের বৃদ্ধির হেতু। সাবধান হইলে ছএক পুরুষে এই রোগকে দেশ হইতে অন্তর্হিত করা যাইতে পারে। বাহাদের উপর বালকবালিকাদের ভার আছে তাঁহারা চেষ্টা করিলে সহজেই এই বিষয়-গুলি তাহাদের বুঝাইয়া দিয়া এই রোগকে অপেক্ষাকৃত অনায়াসে দূরীকৃত করিতে পারেন। ধর্মনেতাগণ এদিকে দৃষ্টিক্ষেপ

করিলে অনেক জীবহিংসা নিবারিত হয়। অস্বাস্থ্য হইতে আত্মরক্ষা সম্ভব কিন্তু চক্ষুর অগোচর এ বিষ যদি আমরা বিকীর্ণ করি তবে সে হিংসার আর প্রতিকার নাই।”

১। যক্ষ্মা কিরূপ পীড়া? পীড়াটি সামাজিক অথচ সচরাচরই দেখা যায়, পৃথিবীর সর্বত্রই আছে। মনুষ্য পশু কেহই বাদ যায় না।

২। এই ব্যাধি কোথায় বেশী? নগরের যেখানে লোকের ঠাসাঠাসি, পথ সঙ্কীর্ণ, যেখানে বায়ুর ও আলোকের অভাব।

৩। পীড়ার কারণ (নিদান) কি? এক প্রকার জীবাণু। ইহাদের বংশবৃদ্ধি হইলে জীবশরীরের যে অংশে ইহারা আশ্রয় গ্রহণ করে সেই স্থানটি ধ্বংস প্রাপ্ত হইতে থাকে। অথচ এই জীবাণু চক্ষুর অগোচর, শুধু অণুবীক্ষণ দ্বারা দেখা যায়।

৪। এই জীবাণুর আক্রান্তি কতটুকু? এত ক্ষুদ্র যে এক বর্গ ইঞ্চিতে ৪০ কোটি জীবাণুর স্থান হয়।

৫। শরীরের কোন কোন অংশ স্বভাবতঃ ইহার দ্বারা আক্রান্ত হয়? সর্বাঙ্গের অধিক আক্রান্ত হয়; কিন্তু অস্তি, সন্ধি, গ্রীবাগ্রস্থি, মস্তিষ্কের আবরক বিলী, অস্ত্র ও অণ্ডাণ্ড স্থানও আক্রান্ত হইতে পারে।

৬। কোন স্থান আক্রান্ত হইলে রোগ সর্বাঙ্গের ভীষণ হয়? মস্তিষ্কের আবরক বিলীতে এই রোগ হইলে (Meningites) অনতিবিলম্বে মৃত্যু হয়।



৭। সাধারণতঃ কোথায় বেশী হয় ? শ্বাসযন্ত্রে । তখন ইহাকে ক্ষয়কাশ বা যক্ষ্মা কাশ বলে ।

৮। এই পীড়ার অপকারিতা কি ? দৈহিক যন্ত্রণা ও ক্ষয়ের তো খাটাই নাই ; তাহা ছাড়া পৃথিবীতে প্রায় ২০ লক্ষ লোক প্রতি বৎসর এই ব্যাধিতে মারা যায় ।

৯। ভারতবর্ষে এই রোগে মৃত্যু-সংখ্যা কিরূপ ? এক বোম্বাই বিভাগে গত ১৯০৬-৭ সালে এই রোগে ৬০ হাজার লোকের বেশী মারা গিয়াছে । মধ্য প্রদেশে ১৬ হাজার এবং সেখানে গত কয়েক বৎসরের মধ্যে মৃত্যু সংখ্যা প্রায় দ্বিগুণিত হইয়াছে । মাদ্রাজের অবস্থা আরও ভয়ানক । ১৯০২ সালে মৃত্যু সংখ্যা ছিল ৫ হাজার, ১৯০৬ সালে ২৩ হাজারের বেশী । পূর্ববঙ্গ ও আসামে ৫ বৎসরে মৃত্যুসংখ্যা চতুর্গুণ হইয়াছে । পশ্চিমবঙ্গে সেই সময়ের মধ্যেই ৫১০ হাজার হইতে প্রায় ১ ০০০ হইয়াছে, উত্তরপশ্চিম প্রদেশে ২০০০ ও পাঞ্জাবে ৫৭০০০ এই ব্যাধিতে মৃত্যুকবলিত ।

১০। সাধারণতঃ কত বয়সে এই রোগ দেখা দেয় ? সব বয়সেই এই ব্যাধি হইতে পারে তবে বেশীর ভাগ ১৫ বৎসর হইতে ৪০ বৎসরের মধ্যে ।

১১। ধনীদেব মধ্যে কি এই রোগ দেখা যায় না ? খুব দেখা যায় । ধনী দরিদ্র কাহারও নিস্তার নাই ।

১২। এই রোগ কি এক দেহ

হইতে অল্প দেহে সংক্রান্ত হয় ? হাঁ ইহা স্পর্শক্রামক ।

১৩। কিসে এই ব্যাধি অধিকতর বিস্তৃতি লাভ করে ? দূষিত বায়ু, ক্ষীণ সূর্যালোক বীজাণুর বৃদ্ধির সাহায্য করে ।

১৪। কোথা হইতে এই বিষ আসে ? এই বিষ উদ্ভিজ্জাতীয়, কাজেই বাহির হইতেই মনুষ্যদেহে আসে ।

১৫। কেমন করিয়া দেহে প্রবেশ করে ? নিশ্বাসের সঙ্গে শ্বাসযন্ত্রে এবং মুখ দিয়া পাকযন্ত্রে প্রবেশ করে ।

১৬। শ্বাস যন্ত্রে কেন ইহার আক্রমণ অধিক ? নিশ্বাসের সঙ্গে যে ধূলি যায় তাহাতে এ বিষ থাকে এবং এই জীবাণুর বৃদ্ধির পক্ষে মানুষের শ্বাসযন্ত্র একটি প্রকৃষ্ট ক্ষেত্র ।

১৭। বায়ুতে এই বিষ কোথা হইতে আসে ? আক্রান্ত ব্যক্তিগণের নিষ্ঠীবন (খুঁহ, গয়ার) শুক হইয়া গেলে সেই কণাগুলি ধূলির সঙ্গে মিশিয়া যায় ।

১৮। রোগাক্রান্তের নিষ্ঠীবনে কি বহু-সংখ্যক জীবাণু থাকে ? হাঁ । দেখা গিয়াছে একজনের নিষ্ঠীবন হইতে এক-দিনে ১০ লক্ষের অধিক জীবাণু বাহির হয় ।

১৯। এই নিষ্ঠীবন কিরূপে রোগ বিস্তার করে ? যদি শোধিত না হয় তবে জীবিত অণুগুলি ধূলির সঙ্গে বায়ুর মধ্যে থাকে । তখন নিশ্বাসের সঙ্গে বিষ দেহস্থ হয় অথবা মক্ষিকাদি এই বিষের দ্বারা খাওয়া দ্রব্যকে বিষাক্ত করে ।

২০। খাওয়া দ্বারা এ রোগ সঞ্চারিত

হইতে পারে ? পারে বৈকি । অনেক সময় রোগাক্রান্ত গরুর দুগ্ধ দ্বারা এই বিষ সঞ্চারিত হয় ।

২১। যদি যক্ষ্মা রোগী নিষ্ঠীবন ত্যাগ না করে বা তাহার নিষ্ঠীবন শোধন করা হয় তবে কি ভয়ের কারণ নাই ? কিছু না । অবশ্য কথা কহিবার কি হাসিবার কি কাশিবার সময় যেন অস্ত্রের মুখের উপর খুঁহ না ছিটিয়া যায় ।

২২। যাহাদের এই বিষের মধ্যে বাস তাহারা কি এই রোগকে এড়াইয়া চলিতে পারে ? পারে, তবে একজন হয়তো এই বিষকে খুব পরাভূত করিতে পারে অস্ত্রে তেমন পারে না । সুস্থ লোকের শ্বাসযন্ত্র কতক পরিমাণ এই বিষ ধ্বংস করিতে পারে ।

২৩। এই পরাভব করিবার শক্তি কি এক এক সময় ক্ষীণ হইয়া যায় ? হাঁ । রোগ-জীর্ণ উপবাস-শীর্ণ বাসন-ক্রিষ্ট অতি-শ্রান্ত শরীরে ও বাতাতপবর্জিত-স্থান-বাসে এই রোগের আক্রমণ কিছু অধিক হয় ।

২৪। সুরাপানে কেন যক্ষ্মা রোগের বৃদ্ধি হয় ? একেতো পান দোষে শরীরের দৌর্বল্য জন্মে, তদুপরি সুরার ফলে কুভোজন ও কুবাসস্থান । সবই রোগ-বৃদ্ধির অঙ্গুকুল ।

২৫। এই রোগ কি পুরুষানুক্রমিক ? ঠিক তাই নয় । তবে রোগাক্রান্তের সস্তানের এই রোগ-প্রবণতা থাকে এবং বিষের মধ্যে অবস্থান করে বলিয়া প্রায়ই রোগাক্রান্ত হয় ।

২৬। ইহাকে পারিবারিক রোগ কেন বলে ? পরিবারস্থ লোকের রোগ-প্রবণতা থাকে এবং অসাবধান রোগীরা বিষ চারিদিকে ছড়াইতে থাকে বলিয়া এক পরিবারের অনেকে এই ব্যাধিতে মারা যায় ।

২৭। এই রোগের কি কি প্রধান লক্ষণ ? বৈকালে জ্বর, দীর্ঘকাল-ব্যাপী কাশী, দৌর্বল্য, অগ্নিমান্দ্য, নিশা-ঘর্ম, রক্তনিষ্ঠীবন, স্বরভঙ্গ, হৃদ্বাথা ।

২৮। সব লক্ষণই কি সব ক্ষেত্রে থাকে ? না । কিন্তু প্রায়ই কয়েকটা লক্ষণ প্রত্যেক ক্ষেত্রেই থাকে ।

২৯। রোগাক্রান্ত হইয়াও কি কেহ ধরা না পড়িতে পারে ? হাঁ, রোগের প্রথম অবস্থায় ধরা না পড়িতে পারে ।

৩০। প্রথম লক্ষণগুলি কি ? অসাধ্য কাশী, অল্পায়াসে শ্রান্তি ও দৈহিক ক্ষয় ।

৩১। এই ব্যাধির নিশ্চিত প্রমাণ কি ? নিষ্ঠীবনে এই জীবাণু দেখা গেলে রোগ নিঃসংশয় ।

৩২। এই রোগের বৃদ্ধি কি ত্বরিত গতিতে হয় ? নাও হইতে পারে ।

৩৩। যক্ষ্মা রোগী কি কাজকর্ম করিতে পারে ? রোগের কোন্ অবস্থা এবং কোন্ জাতীয় কাজকর্ম ইহা না জানিয়া বলা যায় না ।

৩৪। এই ব্যাধি কি আরোগ্য হয় ? রোগের প্রথম অবস্থা হইলে আরোগ্য সম্ভব । চিকিৎসাও দিন দিন উন্নত হইতেছে ।



৩৬। বিনা চিকিৎসার আরোগ্য হয় কি? না।

৩৭। কোন বিশেষ ঔষধ আবিষ্কৃত হইয়াছে? এখন ত হয় নাই, ভবিষ্যতে হইতে পারে।

৩৮। এই ব্যাধিতে উৎকৃষ্ট চিকিৎসা কি? উন্মুক্ত আলোকে ও বায়ুতে বাস, যথেষ্ট বলকারী আহার, এবং চিকিৎসকের অধীনে বিশ্রাম।

৩৯। এই রোগের আরোগ্যশালা কিরূপ? যেখানে উপযুক্ত বৈদ্যের অধীনে রোগীরা উন্মুক্ত বায়ুতে বাস করে, সতর্ক হইয়া চলিতে ফিরিতে শেখে এবং অল্প দেহে রোগ সঞ্চার করে না।

৪০। এই রোগ এড়াইয়া চলিতে পারা যায় কোন উপায়ে? রোগীরা হইতে দূরে থাকিয়া এবং যাহা কিছু ক্ষয়কারী তাহা বর্জন করিয়া।

৪১। এই পীড়া দেশ হইতে একে-বারে লুপ্ত করিয়া দিবার কি কোন উপায় নাই? আছে। সাবধানে নিষ্কীর্ণ ত্যাগ করা এবং রোগ লোকের নিষ্কীর্ণ নিরীক্ষণ করা।

৪২। নিষ্কীর্ণ নিরীক্ষণ করার উপায় কি? দধি করা। নিষ্কীর্ণনাথের (Sputum cup) বা খবরের কাগজে কি জলপূর্ণ পিকদানীতে নিষ্কীর্ণ ত্যাগ করিবে এবং পরে তাহা অগ্নিতে দহন করিয়া ফেলিবে।

৪৩। রোগী যদি খুঁতু গিলিয়া ফেলে তবে কি কোন আশঙ্কার কারণ আছে? আছে। অল্পে কি পাকাশয়ে এই

ব্যাধির একটি নূতন ক্ষেত্রে জুটিতে পারে।

৪৪। কান্দীবার সময় রোগী কিরূপ সাবধান হইবে? সে সমস্ত কাগজ কি ছাকড়াতে মুখ ঢাকিবে এবং পরে তাহা দহন করিবে।

৪৫। আর কোন প্রকারে রোগী হইতে রোগ সঞ্চার হয়? যে সব বস্তু তাহার মুখে লাগে (যথা—চামচ পেয়লা, গ্লাস ইত্যাদি) তাহার দ্বারা।

৪৬। তজ্জন্তু কিরূপ সতর্ক-হওয়া উচিত? রোগীর নিজের জন্তু এক প্রস্থ বাসন থাকা উচিত এবং ব্যবহার করার পর সেগুলি সিন্ধু করা উচিত।

৪৭। রোগীকে কি চুম্বন করা বিপজ্জনক? হাঁ। রোগী ও যেন কাহাকেও চুম্বন না করে।

৪৮। রোগীর গৃহ সম্বন্ধে কি ব্যবস্থা করা উচিত? রোগীর দ্বার গবাক্ষ দিবারাত্রি খোলা থাকিবে। গৃহে কার্পেটাদি থাকিবে না। গৃহের সব পরদা সব বস্তাদি মধ্যে মধ্যে সিন্ধু করিতে হইবে। আর কেহ সেই ঘরে শয়ন করিবে না।

৪৯। ঘরের ধূলা কিরূপে ঝাড়িবে? ভিজা ঝাড়নে কি ঝাটাতো। ধূলি যেন না উড়ে।

৫০। মোটের উপর এই রোগের প্রতিষেধক কি কি? পরিষ্কৃতি, শরীর-নিষ্ঠা, মিতাচার, যথেষ্ট আলো বায়ু ও আহার।

৫১। যক্ষ্মা রোগীর কোথায় বাস প্রকৃষ্ট? গ্রামে ও বিশেষতঃ পর্বতে,

কারণ সেখানে ধূলা নাই। ধূলি-পথের পাশে বাস বিষবৎ।

৫২। রোগীর মৃত্যুর পর কি কি করা উচিত? ব্যবহৃত বস্তু ও গৃহ শোধিত করিবে। দ্রব্যাদি যথাসম্ভব পোড়াইয়া ফেলিবে।

৫৩। বিদ্যালয়ের বালকদের বিশেষ ভাবে কিরূপ সতর্ক হওয়া উচিত?

(ক) মেঝেতে বা দেওয়ালেতে নিষ্কীর্ণ ত্যাগ করিবে না।

(খ) সেটে নিষ্কীর্ণ ত্যাগ করিবে না।

(গ) আঙ্গুল চুষিবে না।

(ঘ) পেন্সিল কলম প্রভৃতি যা, তা, মুখে দিবে না।

(ঙ) একের উচ্ছিষ্ট অগ্রে খাইবে না বা একই দ্রব্য কামড়াকামড়ি করিয়া পরস্পরে খাইবে না।

(চ) অগ্নের মুখে দেওয়া দ্রব্য ব্যবহার করিবে না।

(ছ) আঠা লাগাইতে হইলে খাম প্রভৃতি চাটিবে না বা খুঁতু দিবে না। পৃথিবীতে জলের অভাব নাই।

(জ) হাঁচিতে বা কানীতে মুখের কাছে রক্ষা বা ছাকড়া ধরিবে।

(ঝ) সাবান ও জলে হাত না ধুইয়া খাইতে বসিবে না।

(ঞ) যথাসম্ভব হস্ত গাত্র পরিষ্কার রাখিবে।

### ঈশ্বরে ভক্তি ও প্রীতি ।

ভক্তি ও প্রীতি মানব জীবনের একটি বিশেষ ভাবপূর্ণ বস্তু। ভক্তি ও প্রীতি মানব জীবনকে সুমধুর সুখময় ভাবে পূর্ণ করিয়া থাকে।

পুষ্পহীন লতা যেমন শূন্য বোধ হয়। ভক্তি ও প্রীতিহীন জীবনও সেইরূপ মাধুর্যহীন বোধ হয়। ভক্তি ও প্রীতির সম্মিলনে মানব জীবন এক অপূর্ণ শ্রী ধারণ করিয়া থাকে। ভক্তি ও প্রীতি হীন জীবন চিরকাল যেন মাধুর্যহীন ও শুষ্ক হইয়া থাকে।

ঈশ্বরে ভক্তি ও প্রীতি যে জীবনে নাই সে জীবন বাস্তবিকই শাস্তিহীন শুষ্ক জীবন। কিন্তু যে জীবনে ঈশ্বরে ভক্তি ও প্রীতি সততই বিরাজমান থাকে, বাস্তবিকই সে জীবন বড় সুখী।

ভক্তবালক ধ্রুব ও প্রহ্লাদ রাজপুত্র হইয়াও একাকী ভীষণ বিপদ সঙ্কল বনে বনে ভ্রমণ করিয়া সকল দুঃখকষ্ট ভুলিয়া কেবল “পদ্মপলাশ লোচন হরি” কে ডাকিয়া যে সুখলাভ করিয়াছিলেন, রাজা হিরণ্যকশিপু ও উত্তানপাদ মহাপরাক্রান্ত সমৃদ্ধিশালী রাজা হইয়াও তত সুখলাভ করিতে পারেন নাই। ভক্ত বালক ধ্রুব ও প্রহ্লাদের ঈশ্বরে ভক্তি ও প্রীতি ভাবিলে অনেক সময় মনে হয় বাস্তবিক ভক্ত জীবনই সুখী জীবন। ভক্ত জীবনই ধন্য।

সরল শিশু ধ্রুব মনের আবেগে একটি ভীষণকায় শাদ্দুলকে জড়াইয়া ধরিয়া



বলিয়াছিলেন—“তুমি কি আমার পদ্ম-পলাশ লোচন হরি। মা বলিয়াছেন—“পদ্মপলাশ লোচন হরিকে ডাক, তিনিই তোমায় দুঃখ দূর করিবেন। তবে কি তুমিই আমার সেই পদ্মপলাশ লোচন হরি। তবে তুমিই কি আমার দুঃখ দূর করিতে আসিয়াছ”। কি সরল বিশ্বাস! এতদিন আহা! নিদ্রা পরিত্যাগ পূর্বক ভীষণ বিপদ সম্মুখ বনে বনে ভ্রমণ করিয়া কেবল বাঞ্ছিত ধন পদ্মপলাশ লোচন হরিকে এক মনে এক ধ্যানে ডাকিয়া-ছিলেন। কতদিন অনাহারে অনিদ্রায় পদ্মপলাশ লোচন হরির দর্শন না পাইয়াও ভক্তিশিষ্ট ঋণ নিরাশ হন নাই। তবুও ঈশ্বরবিশ্বাসী তক্ত সন্তান ঋণ এক মনে এক ধ্যানে ঈশ্বরকে ডাকিয়াছিলেন। ধন অপূর্ব বিশ্বাস !!

ভক্তিশিষ্ট ঋণ ও প্রহ্লাদ কত কষ্ট পাইয়াও ঈশ্বরকে ডাকিয়াছিলেন, কিন্তু আমরা দিনান্তেও ঈশ্বরকে একবার ভাল করিয়া ডাকিতে পারি না।

যে পরিবারে ঈশ্বরে ভক্তি প্রীতি নাই, বাস্তবিক সে পরিবার যেন মাধুর্য্য হীন পরিবার। সেই পরিবারে সর্বদাই অশান্তি বিরাজ করিয়া থাকে। যে পরিবারে ঈশ্বরে ভক্তি ও প্রীতি আছে। সে পরিবার যথার্থই সুখী পরিবার। সে পরিবারে সর্বদাই সুখশান্তি বিরাজ করিয়া থাকে।

গন্ধহীন পুষ্প যেমন অনাদরে শুকাইয়া যায়, উন্নত ভ্রমর যেমন গুণ্ গুণ্ রবে গন্ধহীন পুষ্পের গুণ্ গুণ্ করে না, শুষ্ক

ফুল গুলি অনাদরে শুকাইয়া নীরবে ঝরিয়া পড়ে। ঈশ্বরে ভক্তি ও প্রীতি বিহীন জীবনও সেইরূপ আনন্দবিহীন হইয়া থাকে। তাহার জীবনের মাধুর্য্য আর থাকে না। কেবল নীরবেই জীবন প্রদীপ নির্ঝাঁপ হয়। সেই জীবনের দ্বারা পৃথিবীর কোনও উপকার সাধিত হয় না। যে জীবনের দ্বারা পৃথিবীর কোন উপকার সাধিত হয় না, সে জীবন বাস্তবিক ব্যর্থ জীবন।

প্রকৃত জীবন কাহাকে বলে? যে জীবনে ঈশ্বরে ভক্তি ও প্রীতি সরলতা প্রফুল্লতা, নয়তা, দয়া, সৌজন্ম প্রভৃতি সূক্ষ্মরূপে পরিপূর্ণ সেই জীবনই প্রকৃত জীবন।

দেব হিংসা হীন জীবনই প্রকৃত জীবন। মৈত্রেয়ী, গার্গী, লীলাবতী, রাবেয়া এইরূপ আরও কত কত আৰ্য্য মনীষিগণ ঈশ্বরে ভক্তি ও প্রীতির জন্ম যেরূপ ব্যাকুল ভাবে ঈশ্বরকে ডাকিয়া তাঁহাদের পবিত্র জীবনের মাধুর্য্য দেখাইয়া যুগ যুগান্তরেও প্রাতঃস্মরণীয় হইয়া রহিয়াছেন। তাঁহাদের যদি এইরূপ ঈশ্বরে ভক্তি ও প্রীতি না থাকিত তবে তাঁহাদের জীবনে এমন কোনও মাধুর্য্য থাকিত না যাহাতে যুগ যুগান্তরেও তাঁহাদের পবিত্র নাম আমাদের মুখে ধ্বনিত হইত।

আবার নিতান্ত ঈশ্বর অবিশ্বাসী ও ঈশ্বরে ভক্তি ও প্রীতিহীন মানবের মনেও আশ্চর্য্য পরিবর্তন ঘটয়া থাকে। তাহারাও আবার ঈশ্বর বিশ্বাসী হয়। তাহারাও

আবার ঈশ্বরে ভক্তি ও প্রীতিপূর্ণ হইয়া থাকে।

রত্নাকর অতি ভীষণ দৃশ্য হইয়া এক দিন অতি শুভ-মুহূর্ত্তে ভগবান্ প্রেরিত যোগিদ্বয়ের দর্শন পাইয়া তাঁহাদের উপর ডাকাতি করিতে যাইয়া তাঁহাদের মুখ হইতে যাহা শুনিয়াছিলেন তাহা পরীক্ষা করিয়া যখন বুঝিলেন যোগিদ্বয়ের কথাই সত্য, তখন তাঁহার আশ্চর্য্য ভাবান্তর ঘটয়াছিল। দৃশ্য-হৃদয় গলিয়া গিয়াছিল। তারপর তাঁহার ঈশ্বর বিশ্বাস ও ঈশ্বরে ভক্তি ও প্রীতি এমন প্রবল ভাবে জাগিয়া উঠিয়াছিল যে, তাঁহার জঘন্য দস্যুবৃত্তির জন্ম মনে খুব অল্পতাপ হইতে লাগিল। এবং অচিরে যোগীদ্বয়ের নিকটে যাইয়া বলিলেন—“আমার উপায় করুন”। আমি কিরূপে পাপ হইতে মুক্ত হইব। তখন যোগিদ্বয় ঈশ্বরে ভক্তি ও প্রীতিপূর্ণ হইয়া তাঁহাকে ডাকিতে বলিয়াছিলেন। দৃশ্য রত্নাকর সেই অবধি জঘন্য দস্যুবৃত্তি পরিত্যাগ পূর্বক এক মনে এক ধ্যানে ঈশ্বরকে ডাকিতে লাগিলেন। রত্নাকর পরে ঈশ্বরে এত তন্ময় হন যে বল্মীক তাঁহাকে আচ্ছাদন করিলেও, তিনি তাহা অনুভব করিতে পারেন নাই। কেবল বাহু-জ্ঞান রহিত হইয়া ঈশ্বরকে ডাকিয়া-ছিলেন। কি আশ্চর্য্য পরিবর্তন !! সেই রত্নাকর দৃশ্যই একদিন অতি শুভ-মুহূর্ত্তে বাল্মীকী নাম প্রাপ্ত হইয়া জগতে অমর ও প্রাতঃস্মরণীয় হইয়া রহিয়াছেন। আজও গৃহে গৃহে তাঁহার পবিত্র নাম ধ্বনিত হইতেছে। সেই রত্নাকর দৃশ্যই একদিন

একজন ব্যাধকে একটা ক্রোধ মিথুনকে বধ করিতে দেখিয়া দুঃখে অভিভূত হইয়া ব্যাধকে এই বলিয়া শাপ দিয়াছিলেন যে;—

“মা নিষাদ প্রতিষ্ঠাং ত্রমগমঃ শাশ্বতী সমাঃ, যৎ ক্রোধমিথুনাং কামবধীঃ কামমোহিতঃ।”

বাস্তবিক ঈশ্বরের নামের কি মহিমা! আমরা অবোধ নরনারী, তাঁহার মহিমা বুঝা আমাদের সাধ্যাতীত।

আৰ্য্য-মনীষিগণের পবিত্র জীবনের মাধুর্য্য স্মরণ করিয়া তাঁহাদের পবিত্র পদাঙ্ক অনুসরণ করিয়া ভক্তজীবনের উপাদানে, আমাদের জীবনকে মাধুর্য্যময় করিয়া গঠন করিতে পারিলে তবেই আমরা ধন্য হইব। বাস্তবিক! তবেই আমরা সুখী জীবন লাভ করিতে পারিব।

বিধাতার অজস্র শুভ-আশীর্বাদ আমাদের মস্তকে বর্ষিত হউক। আমরাও পবিত্র হৃদয়ে তাঁহার পবিত্র চরণে আমাদের পবিত্র বাসনা জানাইয়া তাঁহারই শুভ-আশীর্বাদে নবীন উৎসাহে আমাদের কর্তব্য পালন করি।

শ্রী নিরুলাবাল! পাল।

সাধনাকুঞ্জ।

সংসর্গ।

মানবের প্রকৃত এই যে, মানব কখনও একা থাকিতে পারে না। কারণ একা কেহ কোনও কার্য্য করিতে পারে না। সুতরাং জীবনে একজন সহচর চাই। মানুষ চোরের সঙ্গে থাকিলে চোর



হয়, সাধুর সঙ্গে থাকিলে সাধু হয়। অস-  
তের সঙ্গে থাকিলে অসৎ হয়, সৎলোকের  
সঙ্গে থাকিলে সৎ হয়।

একটা শিশু জঙ্গলের নিকট কোনও  
কুটার হইতে বাঘ কর্তৃক অপহৃত হয়।  
সে বাঘিনী দ্বারা প্রতিপালিত হইয়াছিল।  
তাহাতে তাহার প্রকৃতি ঠিক বাঘের মত  
হইয়াছিল। সে ২ পায়ে হাঁটিতে শিখে  
নাই চারি পায়ে হাঁটিত। গো! মহিষাদির  
মাংস খাইত। একদিন একজন শিকারী  
বাঘ শিকার করিতে গিয়া সেই বাঘিনী-  
টাকে শিকার করে। তারপর তাহার  
বাচ্চাটাকে আনিয়া দেখে যে সেটা মানুষ।  
কিন্তু তাহার আচার ব্যবহার ঠিক বাঘের  
মত। এইরূপ, মানুষ জন্তুর সহিত  
থাকিলে জন্তুর প্রকৃতিও পায়। আবার  
এরূপও দেখা যায় যে, ধার্মিক সচ্চরিত্র  
লোকের সঙ্গে থাকিয়া মানুষ অতি সচ্চরিত্র  
ও দেবপ্রকৃতি প্রাপ্ত হয়।

সাধুনাং দর্শনং পুণ্যং তীর্থভূতা হি  
সাধবঃ। তীর্থ ফলতিকালেন সদাঃ সাধু  
সমাগমঃ ॥

জগাই মাধাই ঘোর পাপী ও মত্তপায়ী  
ছিল। লোকের প্রতি সর্বদা অত্যাচার  
করিত। মদ খাইয়া রাস্তায় পড়িয়া  
থাকিত। পাড়াপ্রতিবাসীকে সর্বদা উৎ-  
পীড়ন করিত। একদিন তাহার চৈতন্য-  
দেবকে রাস্তায় পাইয়া অকারণে অত্যন্ত  
প্রহার করে। কিন্তু চৈতন্যদেব তাহার  
প্রতিশোধ না লইয়া তাহাদিগকে আলিঙ্গন  
করিয়া বলেন যে তোমরা হরিভক্ত হও।  
তোমাদের পাপ বিমুক্ত হইবে ক্রমে তাহারা

হরিনাম জপ করিতে ও চৈতন্যের সংসর্গে  
হরিসঙ্কীর্তন করিতে করিতে এরূপ  
ধার্মিক হইয়া পড়িল যে লোকে তাহা-  
দিগকে পরম সাধু পুরুষ বলিয়া সম্মান  
করিত। পুস্তকও মানবের নিজীব সঙ্গী।  
সুপুস্তক পাঠে সাধু সঙ্গের ও কুপুস্তক  
পাঠে অসাধু সঙ্গের ফল নিশ্চয়ই পাওয়া  
যায়।

সংগ্ৰহ পাঠ করিবার কালে মনে হয়  
যেন গ্রন্থপ্রণেতার স্বয়ং পার্শ্বে উপবিষ্ট  
হইয়া উপদেশ প্রদান করিতেছেন।  
কুপুস্তক পড়া অপেক্ষা আজীবন নিরক্ষর  
হইয়া থাকা শতগুণে শ্রেষ্ঠ।

অতি শৈশব হইতেই মানুষের শিক্ষা  
আরম্ভ হয়। বাল্যে মানুষের চরিত্র যে  
ভাবে গঠিত হয় পরে তাহা পরিবর্তিত  
হইতে কদাচিৎ দেখা যায়। শিশুদিগকে  
অতি সাবধানে রাখা উচিত। কারণ  
তাহাদের মন অত্যন্ত কোমল এবং তাহা-  
দের ভালমন্দ বিচার করিবার শক্তি নাই।  
কাজেই তাহারা অসৎ সংসর্গে পড়িলে  
নষ্ট হইয়া যায়। মনুষ্যমাত্রেরই অসৎ  
বিষয় অনুকরণে যতদূর প্রবৃত্তি হয় সৎ  
বিষয়ে অনুকরণে তত প্রবৃত্তি হয় না।  
বাল্যে যাহারা অসৎ হয় তাহারা বয়ো-  
প্রাপ্ত হইলে কদাচিৎ সুখের মুখ দেখিতে  
পায়। সুতরাং বাল্যে যাহাতে চরিত্র  
অসৎ না হয় সেইরূপ চেষ্টা করা আমাদের  
সকলেরই কর্তব্য।

শ্রী বনলতা দাস।

### বীমা । \*

আজকাল আমাদের দেশেও অনেকে  
জীবনবীমা করিতেছেন, কিন্তু ইউরোপ ও  
আমেরিকার তুলনায় তাহার সংখ্যা  
নিতান্ত কম। পাশ্চাত্যপ্রদেশে ১০০:১৫০  
বৎসর পূর্বে জীবনবীমা যেরূপ ছিল,  
আমাদের দেশে এখন সেই রকম।  
সেখানে, জীবনবীমার বহুল বিস্তারে যুগা-  
ন্তর উপস্থিত হইয়াছে। সেখানে লোকে  
সব জিনিষই (Insure) বীমা করে।  
আমাদের এখানে যে সকল বীমা করা হয়,  
তাহা কেবল এইরূপ যে, কোনও লোকের  
মৃত্যুর পর তাহার পরিবার সেই অর্থ  
পাইবেন বা বৃদ্ধবয়সে সেই অর্থ পাইবেন।  
আমাদের দেশে বীমার বেশী প্রচলন হয়  
নাই, তাহার অনেক কারণ আছে।  
এদেশে মৃত্যু সংখ্যা বেশী মেজল্য বাৎসরিক  
ও ষাণ্মাসিক বা মাসিক দেয় টাকার হার  
বেশী, মৃত্যুসংখ্যা অধিক হইলে, অধিক  
লোকের টাকার সংস্থান করিতে হইবে।  
এদেশে লোকের জীবন গড়ে ৪০।৪৫  
ওদেশে ৫০।৬০, এই সকল কারণে এখানে  
মাসে মাসে অধিক অর্থ দিতে হয়। বীমার  
প্রচলন, সেই জাতির সভ্যতার পরিচয়  
দেয়। অসভ্যেরা কখনও বীমা করে না,  
সভ্যতা অনেকদূর অগ্রসর হইলে, তবে  
বীমা হয়। বীমা বা Insure করার  
অর্থ কি, ক্ষতি হইতে রক্ষা করা, ভবিষ্য-

তের জন্ত ব্যবস্থা করা, ভবিষ্যতে কি  
হইতে পারে, কি কি ক্ষতি হইতে পারে,  
তাহার জন্ত পূর্ব হইতে ব্যবস্থা করা।  
অসভ্যেরা কখনও বেঙ্গী দিনের কথা  
ভাবিতে পারে না, এমন কি গ্রীষ্মকালে,  
শীতকালের কথা ভাবিতে পারে না।  
মানুষ যত সভ্য হয় ততদূর ভবিষ্যতের  
কথা ভাবিয়া তাহার জন্ত ব্যবস্থা করিয়া  
রাখে। পূর্বেই বলিয়াছি, পাশ্চাত্যপ্রদেশে  
সব জিনিষই বীমা করা হয়। যত লোকের  
যত গরু ঘোড়া আছে সব Insure  
করা, যখনই কোন লোক গরু বা ঘোড়া  
ক্রয় করে, তখন হইতেই তারজন্ত মাসে  
মাসে কিছু দিতে আরম্ভ করে। যদি  
হঠাৎ ঘোড়া মারা গেল, ঘোড়ার অভাবে  
কাজকর্ম বন্ধ করতে হবে না, ক্ষতিগ্রস্তও  
হতে হবে না, Insure Companyর  
টাকা এনে, ঘোড়া ক্রয় করা হয়। আমা-  
দের এখানে, ডাক্তারদের প্রায়ই ঘোড়া  
মারা যায়, তাহাতে কাজকর্মের অসুবিধা  
হয়, ক্ষতিও হয়। গরুর বিষয়েও তাই  
গরীব কৃষকেরা অনেক কষ্টে একজোড়া  
গরু কিনে, চাষ আরম্ভ করিল, হঠাৎ  
একটা গরু মরে গেলে, তার কাজকর্ম  
বন্ধ উপার্জন বন্ধ, কিম্বা, তার হাতে  
এমন টাকা নাই, যে তখনই একটা গরু  
কেনে কিন্তু বীমাকরা থাকিলে, আর  
কোন ভাবনা নাই। তেমনি যত বাড়ী  
দোকান, সব বীমা করা থাকে, পুড়েগেলে,  
একেবারে সর্বস্বান্ত হতে হয় না।  
জাহাজও বীমাকরা আছে, জাহাজের বীমা  
না করলে, চলে না, কারণ তার বিপদ

\* ভিক্টোরিয়া মহিলাবিদ্যালয়ে গত  
৩১শে মার্চ শ্রীযুক্ত শরৎকুমার দত্ত মহা-  
শয়ের প্রদত্ত বক্তৃতা অবলম্বনে লিখিত।



বেশী । দোকানের সামনে যে বড় বড় দামী কাচ থাকে, তাহাও বীমাকরা । কারখানায় যতলোক প্রবেশ করে, তারা সকলে বীমা করিতে বাধ্য কারণ তাহাদের মধ্যে প্রায়ই দুর্ঘটনা হয়, হস্তপদে আঘাত পাইয়া তাহারা কিছুকালের জন্ত কর্ম করিতে অক্ষম হয় । যখনই তারা পীড়িত বা আহত হইয়া কার্য্য করিতে অক্ষম হয় তারা সেই সময়ে বীমা হইতে অর্থ সাহায্য পাইবে যাহাতে তাহারা বা তাহাদের পরিবারবর্গ অনাহারে কষ্ট না পায় । এই রকম বি চাকর সকলেই বীমা করে, অসুস্থ হইলে, অর্থ পায় । যে সকল ছাত্র বিদেশে আসিয়া ছাত্রাবাসে থাকে, তাদের প্রত্যেককে কিছু কিছু অর্থ মাসে দিতে হয় । কাহারও পীড়া হইলে, তাহার জন্ত চিকিৎসক ডাকা, ঔষধ পথ্যের ব্যবস্থা সব তাহা হইতে হয় । সেখানে সববিষয়েরই এই রকম বীমা করা থাকে । কন্যার বিবাহের জন্তও কন্যা জন্মগ্রহণ করিলেই বীমা করা হয়, কন্যার বিবাহের সময় অর্থ পাওয়া যায় । কিন্তু কন্যার মৃত্যু হইলে টাকা ফেরত পাওয়া যায় না ।

তার উপকারিতা কি ? প্রথমতঃ মানুষ নিশ্চিত হইতে পারে । নিশ্চিত হইলে, শরীর মনে কার্য্য পরিবার বেশী উৎসাহ উত্তম পাওয়া যায় । দ্বিতীয়, পরিবারের পিতা বা উপার্জনশীল ব্যক্তির মৃত্যু হইলে, সেই পরিবারকে অকুল-পাথারে ভাসিতে হয় না । পিতার হঠাৎ মৃত্যুতে পরিবারের কিরূপ দুর্দশা হয়, তাহা আমরা অনেক দেখিয়াছি । কত

ভদ্র পরিবার হঠাৎ ঘোর দরিদ্রতায় পড়িয়া তাহাদের ভদ্র হারাইয়াছে । পুত্র কন্যাগুলি, উপযুক্ত শিক্ষার ও পুষ্টি-কর আহারের অভাবে, নীচ প্রকৃতি হইয়াছে, ভিক্ষাবৃত্তি অবলম্বন করিয়াছে । যাহাদের পিতা জীবিত থাকিলে, তাহারা সুশিক্ষা পাইয়া অন্নবস্ত্রের চিন্তাশূন্য হইয়া, ভদ্রসমাজের মধ্যে গণ্য হইত । যদি জীবন বীমা করা থাকে, হঠাৎ মৃত্যু হইলেও, পরিবারবর্গকে অন্নবস্ত্রের জন্ত চিন্তা করিতে হয় না ।

কেহ হয়ত, অতি অল্পদিন বীমা কোম্পানীতে অর্থ দিয়া মারা গেলেন, তাহার পরিবার যে অর্থ পাইলেন, তাহা কোথা হইতে আসিল ? বীমা অফিস হইতে তাহা সংগ্রহ করা হইল, কিন্তু ঘরে ঘরে গিয়া ভিক্ষা করিতে হইল না । বীমার উৎপত্তি কিসে হইল, প্রথম কথা এই যে সকলেরই বিপদ হইতে পারে, রোগ হইতে পারে, আগুনে ঘর পুড়িয়া যাইতে পারে । সকলেরই যে বিপদ হবে, তা বলছি না, কিন্তু সবারই হবার সম্ভাবনা আছে, আমার তোমার সকলেরই হতে পারে, তাহার জন্ত পূর্ব হইতে একটা ব্যবস্থা করিয়া রাখা । সকলে মিলিয়া এক জায়গায়, অল্প কিছু করে অর্থ জমা করিলাম, যার যখন, বিপদ হইল, তাকে সাহায্য করা হইল । ইহাতে কত সুবিধা, প্রত্যেকেই মাসে মাসে অল্প অল্প করিয়া দিতে হইল, কিন্তু বিপদের সময় একেবারে যথেষ্ট অর্থ পাওয়া গেল । বেশী দিতেও হয় না ও ভবিষ্যতের

জন্ত নিশ্চিতও থাকিতে পারা যায় । আমাদের দেশের লোক বলবে কবে আমার বাড়ী পুড়বে, কি না পুড়বে, আমি আজ থেকে তার টাকা জমা দি । আমাদের মনের এই ভাব, আমি টাকা জমা দেব, আমার বাড়ী না পুড়লে, সেই টাকাত আমি পাব না অন্যের সাহায্যার্থ যাবে, তবে কেন দেব । কিন্তু ভাবিয়া দেখি না আমার যদি বাড়ী পুড়ে যায়, মাসে মাসে অল্প কিছু টাকা দিয়ে, তখন, একেবারে অনেক টাকা সাহায্য পাব । সেই টাকাটা সকলের নিকট হতে সংগৃহীত । সকলের জন্ত ভাবা হইল । কলিকাতায় সেদিন ভয়ানক আগুন লাগিয়াছিল তাহার অধিকাংশ দোকানই বীমা করা ছিল, যাদের করা ছিল না, তাদের একেবারে সর্বনাশ । বীমার অর্থ পাইবার কতকগুলি নিয়ম আছে, জেনে শুনে বিপদের মধ্যে যাবে না, যাইলে সাহায্য পাইবে না । আগুন নিয়ে খেলা করলে, বাড়ী পুড়ে গেলে টাকা পাবে না । যে রকম অবস্থায় যে রকম কাজ করিতে করিতে বীমা করিয়াছে, তার পরিবর্তন করিলে, তখন কোনও বিপদ হইলে, টাকা পাবে না । যেমন কোনও লোক নগরে বাস করিবার সময় বীমা করিয়াছিল, সে যদি নাবিক হয় সমুদ্রে যায় তার বিপদের সম্ভাবনা বেশী । সেখানে কোনও বিপদ ঘটিলে সাহায্য পাইবে না ।

### সুখী কে ?

১৮৬২ সনের একদিন গ্রীষ্মকালের মধ্যাহ্নে মনটা বড়ই উচাটন হইয়া উঠিল । ঘরে কোনরূপেই আর রহিতে পারিলাম না । সেই প্রথর সুর্য্যোভ্যাপের মধ্যেই একটা ছাতি হাতে লইয়া বাহির হইয়া পড়িলাম । সেই প্রথর কিরণ-সাগরের মধ্য দিয়া ছাতি মাথায় গলদ্বয় শরীরে নিকটই এক পাহাড়ের পাদদেশে আসিয়া উপস্থিত হইলাম । সেখানে এক বৃক্ষতলে দাঁড়াইয়া স্তম্ভ মারুত-হিল্লোলে কতকটা শান্তি দূর হইল । পাহাড়ের উপরের দিকে চাহিয়া দেখিলাম এক কাঠুরিয়া কাঠ কাটিতেছে । উহাকে দেখিয়াই আমার জ্ঞানের উন্মেষ হইতে লাগিল । একক্ষণ আমার মনঃকণ্ঠের কারণ কিছুই ঠিক করিতে পারি নাই । কাঠুরিয়াকে দেখিয়া মনে করিলাম ও বেশ সুখে আছে । অমনি ঠিক সিদ্ধান্তে উপনীত হইলাম—আমি যে পরিবার পরিজন ছাড়িয়া এই দূরদেশে আসিয়াছি সেই কণ্ঠেই আমার মন উচাটন হইয়াছে । বোঝা মাত্রই মনে অনেকটা শান্তি আসিল । কয়েক মাস পূর্বে আমি পরিবার পরিজন ছাড়িয়া এই ঘোরতর বিদেশে আসিয়া পড়িয়াছিলাম । বলিতে গেলে এই আমার একরূপ প্রথম বিদেশে প্রবাস । ইহার পূর্বে যেখানে ছিলাম সে স্থান বাড়ী না হইলেও বাড়ীর আতি নিকটে ছিল । কাঠুরিয়াকে দেখিয়া মনে হইল বাড়ী ঘর আত্মীয় পরিবার মনে পড়াতেই মনটা অসুখী হইয়াছিল । কিন্তু



এখন কারণটা বোঝাতে যেন একটা সাগর সাঁতারিয়া আসিয়া উঠিলাম মনে হইতে লাগিল ।

কাঠুরিয়াকে লক্ষ্য করিয়া পাহাড়ের পথে উঠিতে লাগিলাম । পাহাড়টি অতি অনুন্নত, বোধ হয় ১৫০ ফুটের অধিক উচ্চ হইবে না । উঠিতে উঠিতে অপ্রবাসীর সুখের কথা আলোচনা করিতে লাগিলাম । অমনি মহাভারতের সেই মহাবাক্য মনে হইল ;—

“অধ্বনী অপ্রবাসী চ স বারিচর যোদতে ।”

হৃদয়ের ঘাত-প্রতিঘাতে যুদ্ধান্তরকে মানব-প্রকৃতির দুঃখাভিজ্ঞ গুরু বলিয়া মনে করিতে লাগিলাম । মনে হইল বনবাস বা প্রবাস একই কথা । যুদ্ধান্তর বনবাসে যাইয়া আত্মীয় স্বজন হইতে বিচ্ছিন্ন হইয়া প্রবাসীর দুঃখটা বেশ বুঝিয়া ছিলেন । তাই প্রমোত্তরে বকরুপী ধর্মকে অপ্রবাসীর সুখশাস্তির কথাটা বলিতে ভুলেন নাই ।

চিন্তা করিতে করিতে পাহাড় আরো-গ্রহণ করিয়া আমি কাঠুরিয়ার নিকটস্থ হইলাম । আমাকে দেখিয়াই সে একটুকু চকিত হইয়া সেলাম করিল এবং কাঠ কাটিতে নিবৃত্ত হইল । আমিও সেলাম গ্রহণ করিয়া তাহার আপাদমস্তক চাহিয়া দেখিলাম, সর্বাঙ্গ বহিয়া ঘর্ম ঝরিতেছে । আমি প্রথমেই তাহার গলদ্বর্ষ পরিশ্রমের সঙ্গে সহানুভূতি প্রকাশ করিয়া কথা পাড়িলাম । আমার সহানুভূতি পাইয়া সে বড়ই আপ্যায়িত হইল এবং আমাকে একজন হিতাকাঙ্ক্ষী বলিয়া মনে করিল ।

কাঠুরিয়া বৃক্ষতলে আমার নিকটে আসিয়া দাঁড়াইল । এবং এই ভয়ানক রোদের মধ্যে কেন আমি আসিয়াছি জিজ্ঞাসা করিল । আমি তাহাকে সে কথার কি উত্তর দিয়াছিলাম মনে হয় না । কথা-প্রসঙ্গে তাহার বাড়ী যে পাহাড়েরই অতি নিকটে, এবং পরিবারে তাহার কে কে আছে জানিয়া লইলাম । পরিশেষে আমার অভিলষিত প্রশ্ন তাহাকে জিজ্ঞাসা করিলাম “তুমি তো তাহা হইলে বেশ সুখে আছ ?” সে অতি কষ্ট প্রকাশ করিয়া বিনীতভাবে বলিল “সারাদিন খাটিয়া কাঠ কাটি, বাজারে বিক্রয় করিয়া যাহা পাই তাহা দিয়া অতিকষ্টে সংসার চালাই । আমরা কেবল দুঃখ ভোগ করিতেই আসিয়াছি । আপনারাই সুখী আপনাদিগকে এই ছুপরবেলায় রোদ ভোগিতে হয় না । মাস গেলেই যথেষ্ট টাকা পান, সুখে সংসার চালাইয়া আরো কত টাকা আপনারা জমাইতেছেন । আমাদের পড়িয়া থাকিলেই উপোস করতে হয় । তাহার কথায় বুঝিলাম সে মনে করিতেছে তাহার মত দুঃখী জগতে আর কেহ নাই ।

তাহার কথা শুনিয়া রুষের প্রতাপাধিত জার হইতে পৃথিবীর অতি দুঃখী লোক পর্যন্ত রাসের পুতুলের মত আমার মনঃচক্ষুর সম্মুখে ঘুরিতে লাগল । আমি দেখিলাম পৃথিবীর মধ্যে সকলেই আপন অপেক্ষা অল্পকে সুখী ভাবে এবং দুঃখ কষ্টের ভারি বোঝাটা যেন ভগবান তাহারই মাথায় চাপাইয়া দিয়াছেন মনে করে । এইজন্ত আপনার অবস্থায় কেহই সুখী

হইতে পারে না, কেবল তাহা নয় অধিকাংশই আপনাকে হতভাগ্য মনে করিয়া জলিয়া পুড়িয়া মরে । ইহা আসক্তিরই প্রায়শ্চিত্ত ভগবানের বিশেষ দণ্ড । এই দণ্ড লোকে বুঝিয়াও পরিহার করিতে পারে না । কেবল সেই পারে যে নির্লিপ্ত হইতে ইচ্ছা করে ।

কাঠুরিয়াকে এই কথা গুলি নানারূপে বুঝাইতে চেষ্টা করিলাম । বহু লোকেও যে দুঃখী তাহাও তাহাকে বলিলাম । আমি যে পরিবার পরিজন ছাড়িয়া বিদেশে রহিয়াছি তাহাতে যে আমার কত কষ্ট তাহাকে তাহা বুঝাইতে চাহিলাম । কিন্তু সেটা যে একটা কষ্ট সে কিছুতেই তাহা বুঝিল না । অর্থ না থাকলেই যে ভয়ানক কষ্ট সে কেবল বার বার তাহাই বলিতে লাগিল । বড়লোকেরা বড় সুখী, তাহাদিগকে খাটিতে হয় না, বসিয়া বসিয়া ভাল খায় পরে, ভাল ঘর বাড়ীতে থাকে, কত সুখ ভোগ করে সে পুনঃ পুনঃ তাহাই বলিতে লাগিল । গরীবদের কত দুঃখ তাহা বর্ণনা করিতেও সে ছাড়িল না । কাঠুরিয়ার সঙ্গে অনেক কথা হইল । সে সকল কথা এখন অক্ষরে অক্ষরে মনে নাই ; স্মৃতিপট খুলিয়া দিলেও সে ঝাপসা চিত্র হইতে কথা উদ্ধার করা বিড়ম্বনা হইবে । তাই কাঠুরিয়ার কথা ছাড়িয়া, আমি তাহাকে কি বলিয়াছিলাম তাহারই মর্ম লিখিলাম ।

আমি তাহাকে বলিয়াছিলাম “তুমি যেমন আপনাকে দুঃখী মনে কর, আমিও সেইরূপ আমাকে দুঃখী মনে করি ।

রাজা হইতে গরীব পর্যন্ত সকলেই এইরূপ আপন আপন অবস্থায় দুঃখী ! প্রত্যেকেই মনে করে তাহার মত দুঃখী আর জগতে নাই । তোমার অবস্থায় তুমি সুখী হইলেই দেখিতে পাইবে, জগতের লোক তোমা অপেক্ষা কত দুঃখী ! তুমি যে এখন আপনাকে সুখী মনে করিতে পার না সে কেবল তোমার নানা প্রকার কল্পিত সুখেচ্ছা ও আসক্তিরই দণ্ড ভোগ করিতেছ বলিয়া । তোমার যখন দিব্য জ্ঞান হইবে, এই দণ্ডেরও অবসান হইবে ; তুমি তখন আপনি যে সুখী বুঝিতে পারিবে এবং অল্পকে দুঃখী দেখিয়া কত সহানুভূতি করিবে । ভগবানকে বিশ্বাস কর, তিনি তোমাকে যখন যে অবস্থায় রাখেন তাহাতেই সুখী হও । তাহা হইলেই “জগতের সকলেই সুখী আর তুমিই দুর্ভাগ্য” এই যে অজ্ঞানতা মোহ ইহা দূর হইবে ।

আমার কথা যে সে সব বুঝিল মনে হইল না । কিন্তু যাহা বুঝিল তাহাতেই তাহার অনেকটা শান্তি হইল । তাহার মুখের প্রশন্নতা দেখিয়া আমি তাহা বুঝিয়া লইলাম । কিন্তু তাহার সহিত কথা বার্তায় আমার দিব্য জ্ঞানের উন্মেষ হইল । তাহার অপেক্ষা আমার লাভ অনেক হইল । আমি কাঠুরিয়াকে বলিতে বলিতে নিজের কথা গুলির মর্ম নিজেই বেশ করিয়া বুঝিলাম । বুঝিলাম “আমি যে নিজেকে দুঃখী মনে করি ইহা আমার নিজেরই পাপের ফল বা প্রায়শ্চিত্ত । যে পর্যন্ত আমার আসক্তির



বন্ধন ছিন্ন না হইবে সে পর্য্যন্ত আমি আমার অবস্থায় সুখী হইতে পারিব না। অন্তকে সুখী দেখিব, নিজে কিছুতেই সুখী হইতে পারিব না। ভগবানে বিশ্বাস হইলে এবং আসক্তির মোহ দূর হইলেই আমি যখন যে অবস্থায় থাকি না কেন তাহাতেই সুখী হইতে পারিব এবং তখন অন্নের দুঃখের সহিত সহানুভূতি করিয়াও আমি কত আরাম পাইতে পারিব।”

কাঠুরিয়ার সহিত কথা সমাপ্ত হইল। অমনি সে স্থানের মোহন প্রকৃতি কথঞ্চিৎ প্রতিভাত হইল। আমাদের আলাপের সময়েই পর্ব্বতের শীতল বাতাস, বাউ-গাছের মধুর ধ্বনি, ছোট ছোট পাখীর স্তমিষ্ট কূজন আমাদের শ্রান্তি দূর করিতেছিল। এখন অবসর পাইয়া সে সকলের প্রতি মনোনিবেশ করিলাম, আর অমনি শারীরিক ও মানসিক কষ্ট তিরোহিত হইল। সেই গভীর নির্জন প্রদেশে মানবের উচ্চাটন মনের দুঃখ দূর করিতে ভগবান্ কত শান্তি ও কত আরাম করিয়াছেন!

এই কাঠুরিয়ার সহিত সাক্ষাৎ ও আলাপ আমার জীবনের একটা বিশেষ পরিচ্ছেদ। উহা আমি ভুলিতে পারি না। হুঃখী নরনারীদিগকে এই কথা বলিতে আমার কত আশা ও উৎসাহ হয়। মনে করি এই কাহিনী শুনিয়া যদি কেহ দিবাজ্ঞান লাভ করেন, অন্ততঃ হুঃখময় সুদীর্ঘ জীবনপথে একটুকু বিশ্রাম লাভ করিতে পারেন তবে সে সংবাদ আমার কত আনন্দের হইবে।

### আত্মবলিদান \* ।

কবি নিজামীর একটা পার্শ্বগানের  
অনুবাদ।

কবি নিজামী একদা কোনও হিন্দু দেবমন্দিরে প্রবেশ করিতেছিলেন। প্রবেশবারে উপস্থিত হইতেই ধূপের সঙ্গে সাক্ষাৎ হইল। ধূপ জিজ্ঞাসা করিল “নিজামী কোথায় যাচ্ছ ?” “মন্দিরে”, “কেন ?” “দেবতা দর্শনে”, “ছকুমপত্র পেয়েছ ?” “না”, “দক্ষিণা দিয়েছ ?” “না”, “তবে দেবতা দর্শন হবে না।” নিজামী জিজ্ঞাসা করিলেন “তোমার দেবতাদর্শন হয়েছে ?” “হাঁ” “কেমন করে দর্শন পেলে ?” “দক্ষিণা দিয়েছিলাম—অনুমতি পেয়েছি।” “ধূপ তুমি কি দক্ষিণা দিয়ে অনুমতি পেয়েছ ?” ধূপ “আমি নিজেকে আত্মপে নিষ্কপ করেছি, পুড়ে শেষ হয়ে যাচ্ছি। শীঘ্রই আমার অস্তিত্ব পর্য্যন্ত লোপ পাবে। কিন্তু আমার অবসানের সঙ্গে সঙ্গে সৌরভে সকলকে মুগ্ধ করছি, মন্দির আমোদিত করেছি—আগ্নি আনন্দিত করেছি—কিন্তু এই সকলই—আমার অস্তিত্বের বিনিময়ে।”

নিজামী চলিলেন পথে তীর্থসলিলের সঙ্গে সাক্ষাৎ হইল। তীর্থসলিলের সঙ্গে পূর্বোক্তরূপ প্রশ্নোত্তর হওয়ার পর তীর্থসলিল বলিল “আমার জন্ম পাহাড়ের

\* চট্টগ্রাম ভগ্নীসমাজে একটা মহিলা কর্তৃক বর্ণিত, তাঁহাকে একটা যুবক এই গল্পটা বলিয়াছেন।

দেশে; কিন্তু জন্মাবধিই আমি সাগরকে লক্ষ্য করিয়া সাগরের পানে ছুটেছি। আমার লক্ষ্য সাগর হইলেও অল্প সকলকে উপেক্ষা করি না, জন্মাবধি ছুই তটের সেবা করছি, ক্রমাগত পৃথিবীর মলিনতা ক্ষালন করছি, পৃথিবীর তাপ শান্তি করছি, যখন ছুই তট শেষ হয় তখন আমি সাগরের গর্ভে আত্ম-বিসর্জন করি। আমি বন্ধকূপের জল নই, আমি প্রসিদ্ধ গঙ্গার জল তাই আমি তীর্থসলিল।”

নিজামী চলিতে লাগিলেন। পথে চন্দনের সঙ্গে সাক্ষাৎ হইল। চন্দনের সঙ্গে পূর্বোক্তরূপ প্রশ্নোত্তর হইলে পর চন্দন বলিল “নিজামী, দেখছ না আমাকে ক্রমাগত ঘর্ষণ কচ্ছে ? এই ঘর্ষণে ক্রমেই আমি ক্ষীণ হয়ে যাচ্ছি এবং কোন্ দিন আমি একেবারে বিলুপ্ত হয়ে যাব। কিন্তু তাই বলে আমি অগ্নি উদ্দীর্ণ করি না, ক্রমাগত আমার অন্তর্নিহিত মেহরস সিঞ্চন করছি, বিলেপন দ্বারা সকলের তাপ বিমোচন এবং সৌরভ দ্বারা সকলকে বিমুগ্ধ করিতেছি।”

চতুর্থ দীপের সঙ্গে সাক্ষাৎ হইল। দীপ বলিল “আমায় জালিয়ে দেওয়া অবধি আমি আলো বিতরণ করছি, মন্দির প্রাঙ্গণ সব আলোকিত করছি। কিন্তু নিজামী আমার বুক বড় তাপ! বড় জ্বালা! এই তাপ টুকুই আমার—আমার বুকের তাপ আমার বুকই থাক, তা তোমাদের দিব না, তোমাদের শুধু আলো টুকু বিতরণ করে যাব।”

পঞ্চম ফুল। ফুল বলিল “আমায় আজ চরণ করে দেবতা চরণে উৎসর্গ করতে এনেছে। আমি জানি যে ডাকে আমি পৃথিবীতে জন্মেছি সেইরূপ ডাকেই আমাকে অবসর গ্রহণ করিতে হইবে। কিন্তু যতক্ষণ আছি আমার অন্তর্নিহিত সৌরভ টুকু নিঃশেষে দান করে যাচ্ছি।”

শেষে শব্দ বলিল “আমায় ভিতরে একটা জীব বাস করিত আমি সেই জীবটাকে ফেলে দিয়ে তার সমস্ত ক্রন্দ ফেলে দিয়ে আমার গর্ভটা শূন্য করে রেখেছি। আমি মৌনভাবে প্রতিমার পদপ্রান্তে পুরোহিতের প্রতীক্ষায় বসে আছি। যখন পুরোহিত আসবেন তখন তিনি আমায় চুষন করবেন, আমি ভগবানের জয় ঘোষণা করবো। নিজামী, এই শূন্যগর্ভে আর কারো স্থান নাই, কেবল তাঁরই জয় ঘোষণা হবে।”

তখন সকলে মিলিয়া নিজামীকে জিজ্ঞাসা করিল “নিজামী তুমি কি দক্ষিণা দিয়েছ যে তুমি দেবতা দর্শনে প্রয়াসী ?” নিজামী তখন যুক্ত করে বলিলেন “ভগবন্ দক্ষিণা যাহা দরকার হয় তুমি হরণ করে লও আমাকে দর্শন দাও।”

“আরে পাগল দক্ষিণা যাহা দরকার সে কিরে? আমরা দেখছি সনে, সব দিয়েছি, সব না দিলে কি দেবতা দর্শন হয়।”

### গৃহকার্য্য।

যতদিন সভ্যতার আবির্ভাব হয় নাই ততদিন নরনারীর মধ্যে কর্তব্য কর্মের



ভাগও হয় নাই। আদিম অবস্থাতে প্রত্যেক মানুষকে আপনার সকল কার্য্য করিতে হইত। অবশ্য তখনকার কার্য্য ক্ষুধা পিপাসার মিবুতিই প্রধান ছিল এবং সভ্য জগতের শক্ত প্রকার অভাব কেহ জানিত না। যখন হইতে পল্লিবীর বন্ধন, সমাজ বন্ধন আরম্ভ হইয়াছে তখন হইতেই কর্তব্য কর্ম্মের বিভাগ আরম্ভ হইয়াছে। সাধারণত অধিক বলসাধা বা অধিক বিপদপূর্ণ কার্য্য পুরুষের পক্ষে কর্তব্য, এবং অপেক্ষাকৃত অল্প বলসাধা অথচ প্রেম ও নিপুণতার কার্য্য নারীর পক্ষে কর্তব্য। এই স্বাভাবিক ব্যবস্থা লইয়া সমাজ চিরদিন চলিতেছে। ইহার ভিতরে দেশের ধনের ও জ্ঞানের অবস্থা অনুসারে ও সভ্যতার সাধারণ উন্নতির সঙ্গে সঙ্গে সূক্ষ্ম সূক্ষ্ম কর্তব্য বিভাগ হইয়া আসিতেছে। সাধারণত আমরা মনে করি বাহিরে পরিশ্রম করিয়া ব্যবসায় বাণিজ্য করিয়া বা অস্ত্রের ভারবহন করিয়া অর্থ উপার্জন করা পুরুষের কার্য্য এবং উপার্জিত অর্থ গৃহে আসিলে তাহা দ্বারা গৃহের যাবতীয় অভাব পূরণ করা নারীর কার্য্য। যুদ্ধের সময়ে শত্রুর সহিত সংগ্রাম করা পুরুষের কার্য্য, এজ্ঞ পুরুষ যতদিন দূরে থাকিবে নারী ততদিন গৃহের সকল কার্য্য করিবে ইহাই স্বাভাবিক। বর্তমানে আমরা কর্তব্য কর্ম্মের যেরূপ বিভাগ দেখিতে পাইব যে আমাদের শান্তিপূর্ণ দেশে যুদ্ধের সময়ের কোন কল্পনা আসিতে পারে না এবং পুরুষ ও নারীর মধ্যে কর্ম্ম বিভাগের

পরস্পরের গৃহীত স্থির নিয়মও দেখিতে পাওয়া যায় না। পূর্ব পূর্ব সময়ে যে সকল কর্তব্য কর্ম্ম সম্পাদন করিতে প্রায় সমস্ত সময় কঠিন পরিশ্রম করিতে হইত এখন তাহা সকল পরিশ্রমের সার অর্থ দ্বারাই নিরূহ হইতে পারে। পূর্বে গৃহের কোন ব্যক্তির কঠিন পীড়া হইলে গৃহিণীকে কঠিন পরিশ্রম করিয়া সেবা করিতে হইত, তাহার উপর হয়ত সমস্ত রাত্রি শয্যার পাশে বসিয়া কাটাইতে হইত কিন্তু এখন অর্থ থাকিলে আর সেরূপ কষ্ট স্বীকার করিবার প্রয়োজন নাই। উপযুক্ত বেতন দিয়া সেবিকা নার্স রাখিলেই চলিতে পারে। এইরূপ দৃষ্টান্ত অনেক দেওয়া যাইতে পারে। এখন অধিকাংশ কর্তব্য কর্ম্ম টাকা দ্বারা সাধিত হয়। টাকা আনয়ন করা যখন পুরুষের কর্তব্য তখন যে পরিমাণে পুরুষ অর্থ আনিতে পারিলেন সেই পরিমাণে তিনি আপনাকে ও তাঁহার নারীকে গৃহকার্য্য হইতে মুক্ত করিলেন। যদি উপযুক্ত অর্থ আগম হয় না বলিয়া নারীকে অধিক পরিমাণে গৃহকার্য্য করিতে হয় তবে তিনি সেই পরিমাণে নারীর নিকট অপরাধী এবং নিজেই গৃহকার্য্য করিতে বাধ্য। বর্তমানে এই নিয়মেই কার্য্য বিভাগ হইতেছে। পল্লীগ্রামের গরীব পরিবারে গৃহস্বামী ধান কিনিয়া মাথায় করিয়া আনিয়া বাড়ীতে ফেলিয়া আপনার কর্তব্য শেষ করিলেন গৃহিণী তাহার দ্বারা চাউল প্রস্তুত করিয়া ভাত রাঁধিয়া যথাসম্ভব উপকরণ সংগ্রহ করিয়া পরিবারের সকলকে খাওয়াইলেন।

গৃহিণী আপনার স্বাভাবিক কর্তব্য জানিয়া সমস্ত দিন এক মনে পরিশ্রম করিয়া সংসার চালাইলেন তাঁহার শরীর সুস্থ ও সবল থাকিল মনও নিরুদ্ধেগ। আমরা ক্রমে যত স্বচ্ছল ও উন্নত অবস্থায় পরিবারের দিকে দৃষ্টি করিব ততই দেখিতে পাইব যে ধান ক্রয় করার পরিবর্তে চাউল ক্রয় করা হইতেছে, গম ক্রয় না করিয়া আটা ক্রয় করা হইতেছে। আর একটুকু উন্নত অবস্থায় দেখা যায় যে গৃহিণী রন্ধন করাকে আর আপনার কর্তব্যের মধ্যে গণ্য করিতেছেন না, তবে চাউল, দাল, মাছ, তরকারী, মসলা আপনার হাতে ঠিক করিয়া দিতেছেন। এ অবস্থায় গৃহিণী হাতে রন্ধন না করিলেও মনে ও মুখে রন্ধন করেন। ইহার পর যে সকল অবস্থা উপস্থিত হয় তাহাতে পাচক ভৃত্যকে আহারীয় ভিন্ন ভিন্ন সামগ্রীর বিষয় আদেশ করা গৃহিণীর কর্তব্য। ইহার পর অবশ্য হোটেলে বসিয়া গৃহিণীর আদেশ মত আহার করা পরিবারের নিয়মও আছে। উন্নতির গতি এরূপ ভাবে দেখান হইল যে পাঠিকা হয়ত মনে করিতেছেন যে এ উন্নতির কথা কেবল ব্যঙ্গ করা হইতেছে। সভ্যতা আসিয়া, বিদ্যা ও ধন আসিয়া নারীগণকে একেবারে অকর্ম্মণ্য করিয়া ফেলিতেছে, তাহা প্রদর্শনই যেন এই আলোচনার উদ্দেশ্য, প্রকৃত পক্ষে তাহা নয়। যাহা সর্বদা দেখা যাইতেছে তাহাই বলা হইল এবং গৃহিণীগণ যখন যে কার্য্যে ব্যাপৃত থাকেন তখন সেই কার্য্যকেই আপনার জীবনের

কার্য্য বলিয়া গ্রহণ করেন। শারীরিক ও মানসিক পরিশ্রম সকল পুরুষ ও সকল নারীকেই করিতে হয়, কারণ শরীর ও মন লইয়া মানুষ, শরীর ও মনের নিত্য উপযুক্ত চালনা উন্নতির পক্ষে প্রয়োজন। যদি কোন নারী গৃহকার্য্যে এত বিব্রত থাকেন যে তাঁহার মন চিন্তা করিতে, অস্ত্রের সহিত আলাপ প্রসঙ্গ করিয়া, কিম্বা পড়াশুনা করিয়া একটু মনের উন্নতি করিবার কোন অবসর পায় না তাহা হইলে তাঁহার মন নিশ্চিন্ত শরীর সুস্থ থাকিতে পারে কিন্তু যে মন লইয়া মানুষের মনুষ্যত্ব তাহার উন্নতি না হওয়াতে অতি দুর্দশাতে পড়িয়া আছেন স্বীকার করিতে হইবে। এরূপ জীবনকে প্রার্থনীয় জীবন কখনও বলা যাইতে পারে না। অপর শ্রেণীর নারী যাহারা আপনাদিগের গৃহকার্য্যের সকল দায়িত্ব অর্থ দ্বারা সম্পন্ন করিতে চেষ্টা করেন তাহারা এক ভাবে অতি সঙ্গত কার্য্য করেন। কারণ বর্তমান সময়ে কোন মনুষ্য আপনার সকল প্রয়োজনীয় বস্তু আপনার হাতে প্রস্তুত বা সংগ্রহ করিতে পারে না। তাহাকে আত্মশক্তির দৃশ্যমান নিদর্শন মুদ্রা ব্যবহার করিতেই হইবে। যদি উচ্চতর বা মহত্তর কার্য্য সম্পাদন করিবার অভিপ্রায়ে নিম্নতর কার্য্য অনেক পরিমাণে অর্থদ্বারা লোক নিযুক্ত করিয়া করা হয় তাহাতে অর্থের উত্তম ব্যবহার করা হয়। যদি দূরদেশে লাহোরে কোন আত্মীয়ের পীড়ার সংবাদ পাইয়া চিকিৎসা ও শুশ্রূষা করিতে যাওয়া প্রয়োজন হয়, তখন পদব্রজে দূরদেশে



যাওয়া সম্ভব নহে, অর্থব্যয় করিয়া রেলের  
যাওয়াই অর্থের সদ্যব্যহার এবং গৃহের  
কোন আত্মীয়ের পীড়া হইলে অর্থদ্বারা  
রক্ষন আদি কার্যের জন্ত ভৃত্য রাখিয়া  
আপনার সমস্ত সময় আত্মীয়ের সেবা  
শুশ্রূষাতে ব্যয় করা অর্থের সদ্যব্যহার।  
কিন্তু নারী যখন বৃথা আমোদ বা আলস্বে  
সময় ক্ষেপ করিতে ইচ্ছা করিয়া আপনার  
সন্তান পালন ও পরিবারের আহ্বাদির  
ভার ভৃত্যের হস্তে ছাড়িয়া দেন তখন  
তঁাহার গৃহের সহিত কোন স্বাভাবিক  
যোগ থাকে না এবং শরীর ও মন একান্ত  
অসুস্থ ও অকর্মণ্য হইয়া পড়ে। কোন  
কোন পরিবারে যে ভয়ানক পাপ ও  
রোগের কথা শুনিতে পাওয়া যায় তাহা  
গৃহকার্য্য সম্বন্ধে অনিয়ম করাতেই প্রবেশ  
করিয়া থাকে। যদি অর্থব্যয় করিয়া  
শরীরকে অবসর দেওয়া হয় তাহা হইলে  
মনকে একরূপ ভাবে উচ্চ বিষয়ে নিযুক্ত  
রাখিতে হইবে যে মন পাপ বা কুসঙ্গ  
করিবার অবসর না পায়। এই সঙ্গে  
এ কথার স্মরণ রাখিতে হইবে যে  
শরীরকে সুস্থ রাখিতে হইলে ইহাকে  
অন্তত কতকক্ষণ পরিশ্রম করাইতে  
হইবে এ জন্ত নারীর পক্ষে গৃহকার্য্য  
সম্পর্কে এই নিয়ম জানিতে হইবে যে  
শরীরকে সুস্থ রাখিতে যতটা পরিশ্রম  
দরকার নারী গৃহকার্য্যে ততটা পরিশ্রম  
অবশ্যই করিবেন। ইহার পর যে  
পরিমাণে শরীরকে অবসর দিবেন সেই  
পরিমাণে মনকে উচ্চ চিন্তায় ও উচ্চ  
কার্য্যে নিযুক্ত রাখিবেন। মন ও জ্ঞানের

হীন অবস্থায় নারীগণ যেমন গৃহকার্য্যেই  
সমস্ত সময় ব্যয় করিয়া মানবাত্মার পক্ষে  
স্বাভাবিক মনের বিকাশ হইতে বঞ্চিত  
হইতেছেন তেমনই মনে ও বিদ্যায় উচ্চ  
অবস্থায় নারীগণ অর্থদ্বারা গৃহকার্য্য  
সম্পাদন করিয়া আপনারা শরীরকে  
রুগ্ন ও মনকে অসারতা ও পাপে ডুবাইতে-  
ছেন। এখন ভারত-মহিলাকে মধ্য পথ  
আশ্রয় করিতে হইবে।

### অঘোর নারী সমিতির জন্মদিনোপলক্ষে।

মঙ্গলময়ের রূপায় এই ক্ষুদ্র সমিতি  
ধীরে ধীরে ষষ্ঠ দশ বৎসরে পদার্পণ  
করিল। স্বর্গগতা দেবী অঘোরকামিনী  
রায় এই সমিতির স্থাপয়িতা। তাঁহার  
কোমল প্রাণ হৃৎখীর হৃৎখে হৃৎখিত  
হওয়াতে এবং সেই হৃৎখ নিবারণার্থে  
তিনি গুটি কয়েক ভগিনীকে লইয়া ১৮৯৪  
খৃষ্টাব্দে ৭ই আগষ্টে এই নারী সমিতির  
প্রথম অধিবেশন করেন। তাঁহারই  
চেষ্টা ও উৎসাহে ৪২ জন স্থানীয় মহিলা  
সমিতির সভ্য হইলেন। মাননীয়া স্বর্গীয়া  
মুক্তকেশী মজুমদার মহাশয়া সভাপতি  
হইলেন ও শ্রীমতী সরলাবালা রক্ষিত  
সম্পাদিকা হইলেন এবং স্বর্গীয়া শ্রীমতী  
সুসারবাসিনী তাঁহার সহকারী হইলেন।  
স্বর্গীয়া অঘোরকামিনী নিজে চাঁদা আদা-  
য়ের ভার গ্রহণ করেন। তিনি হিন্দু,  
খৃষ্টান, মুসলমানদিগের অন্তঃপুরে যাইয়া  
তাঁহাদের সভ্যশ্রেণী ভুক্ত করিতেন,

এই সময় হইতেই সমিতির প্রধান উদ্দেশ্য  
গুলিও ক্রমে ক্রমে স্থির হইয়া যায়।  
সমিতির প্রধান উদ্দেশ্য হইল জাতি ও  
চরিত্র নির্বিশেষে নারী ও শিশুগণের  
শরীর মন ও আত্মার মঙ্গল সাধন করা।  
অন্নদান, বস্ত্র দান, চিকিৎসা সেবা বিদ্যা-  
দান ও চরিত্রগঠন প্রভৃতি উপায় দ্বারা  
উপরোক্ত উদ্দেশ্য সাধিত হইবার প্রস্তাব  
স্থির হইল; এবং এই নিয়মালুসারে  
এখনও কোনও সভ্যের গোচরে কোনও  
আশ্রয়হীন অসুস্থ সাহায্যপ্রার্থী আসন্ন  
লোক আমিলে তিনি তাহা সমিতির নিকট  
জ্ঞাপন করিয়া থাকেন। যত প্রকার  
অভাবগ্রস্ত নারী এবং শিশু সভ্যদিগের  
সম্মুখে উপস্থিত হইলেন তাহাদের সকল  
প্রকার অভাব সমিতি পূর্ণ করিতে যথা-  
সাধ্য চেষ্টা করিয়া থাকেন।

একবার ফরিদপুরে ভয়ানক দুর্ভিক্ষ  
হয়, সমিতি যতদূর সম্ভব তাহাদের সাহায্য  
করিতে কুষ্ঠিত হন নাই। যদি কোনও  
হৃৎখী রোগী আসে, সমিতি হইতে সে  
ঔষধ পথ্য সকলি পায়। এই সকল  
রোগীর চিকিৎসার জন্ত এক জন উপযুক্ত  
চিকিৎসক আছেন। এই সমিতির প্রথম  
আরম্ভের পর প্রায় এক বৎসর কাল  
শ্রীমতী সরলাবালা রক্ষিত সম্পাদিকার  
কার্য্য করেন; তিনি কার্য্য বশতঃ অগ্রত  
চলিয়া যাওয়াতে শ্রীমতী নরেশনন্দিনী পাল  
সম্পাদিকার পদে নিযুক্ত হইলেন। তাঁহার  
সময়ে ১৭ই আগষ্ট স্বর্গীয়া অঘোর কামিনী  
১২ জন সভ্যের মতে Lady Elliot এবং  
Mr. & Mrs M. M. Ghosh এই তিন

জনকে রেল গাড়ীতে অত্যাচারিত রাজ-  
বালার প্রতিবিধানের জন্ত তিন খানি পত্র  
লেখেন। সমিতির চেষ্টায় ক্রমে ঝাঁকি-  
পুর ষ্টেশনে তৃতীয় শ্রেণীর আরোহীদিগের  
জন্ত ভিন্ন বিশ্রামের ঘর প্রস্তুত হয়।

আট নয় মাস কার্য্যের পর শ্রীমতী  
নরেশনন্দিনী পাল সম্পাদিকার পদ হইতে  
অবসর লইলেন এবং শ্রীমতী তরুলতা ঘোষ  
উক্ত স্থান অধিকার করেন।

এইরূপে দেবী অঘোর কামিনী এবং  
অগ্রত সভ্যদিগের অদম্য উৎসাহে সমিতির  
কার্য্য সুন্দররূপে চলিতে লাগিল; কিন্তু  
হুই বৎসর যাইতে না যাইতে ১৮৯৬  
খৃষ্টাব্দের ১৫ই জুন সমিতি অকালে মাতৃ-  
হারা হইল। সকলেই মনে করিলেন এই  
শিশু সমিতি বৃষ্টি আর রক্ষা পাইল না।  
কি করিয়া রক্ষা পাইবে? চারিদিকেই  
কেবল আঁধার, কেবল বিষ বাধা। কিন্তু  
সমিতির ভগ্নীগণ ইহাকে কোলে তুলিয়া  
লইলেন। মৃত্যুগ্রাসে পতিত হইতে  
দিলেন না। • ভগ্নীগণ স্বর্গীয়া অঘোর  
কামিনীর স্মৃতিচিহ্ন-স্বরূপ নারী-সমিতির  
পরিবর্তে অঘোর নারীসমিতি নাম দান  
করিলেন। এই সময়ে শ্রীমতী তরুলতা  
ঘোষ সম্পাদিকার পদ হইতে অবসর  
গ্রহণ করেন এবং শ্রীমতী হেমকুম্মর  
মল্লিক সম্পাদিকার পদে নিযুক্ত হন।

এই সমিতি কিন্তু ক্ষুদ্র গণ্ডীর মধ্যে  
আবদ্ধ নয়। যথাসাধ্য দূরে নিকটে  
অনাথা নিরাশ্রয় এবং অভাবগ্রস্তদিগের  
সাহায্য করিয়াছেন ও করিতেছেন।  
কেবল ঝাঁকিপুর নয়, ছাপরা, দানাপুর,



বারাকপুর, কলিকাতা, হাওড়া, সারাঘাট, বৈতন্যনাথ, লক্ষী, হায়দ্রাবাদ, পাঞ্জাব প্রভৃতি অনেক স্থানেই এই সমিতি অর্থাৎ সাহায্য করিয়াছেন। স্থানীয় দরিদ্রদিগের শীত নিবারণার্থ প্রতি বৎসর শীতকালে এই সমিতি হইতে শীতবস্ত্র চাদর বা কম্বল বিতরণ করা হইয়াছে ও হইতেছে।

১৯০১ খৃষ্টাব্দে ১লা সেপ্টেম্বর হঠাৎ ইহার সহকারী সম্পাদিকা শ্রীমতী স্মার-বাসিনী পরলোকগত হওয়াতে সমিতির কার্য প্রায় বৎসরব্যধি বন্ধ ছিল। কিন্তু সমিতির ভগ্নীগণ পুনরায় জাগরিত হইয়া ১৯০২ খৃষ্টাব্দে ২রা মার্চ সমিতির পুনরাধিবেশন করেন। এই সময়ে শ্রীমতী মহালক্ষ্মী চট্টোপাধ্যায় মহাশয়া সমিতির সভাপতি হইলেন; এবং শ্রীমতী প্রেমলতা রায় সহকারী সম্পাদিকার পদে নিযুক্ত হইলেন।

গত ১১ বৎসর ৭ মাস শ্রীমতী হেম-কুমুম মল্লিক সম্পাদিকার কার্য করিয়া ১৯০৮ খৃষ্টাব্দে জুলাই মাসে কার্য বশতঃ তাঁহাকে স্থানান্তরে বাইতে হয় বলিয়া সকল সভ্যের মতামতসারে শ্রীমতী মহালক্ষ্মী চট্টোপাধ্যায় হস্তে তিনি এ ভার অর্পণ করেন, এবং সূজাতা চট্টোপাধ্যায় সহকারী সম্পাদিকার পদে নিযুক্ত হইলেন।

আজ সমিতির জন্মদিনে ইহার কার্যের বিষয় সংক্ষেপে কিছু বর্ণিত হইল। এখন গত কয়েক বৎসরের বিবরণ কিছু বলিয়া শেষ করিবার ইচ্ছা। ১৯০৪ খৃষ্টাব্দে প্রায় এই সময়ে আসান-

সোল ষ্টেশনে একটি মহিলাকে একাকী পাইয়া চরিত্রহীন রেলওয়ে কোম্পানীর ভৃত্যগণ যে উৎপীড়ন করে এজন্ত ইষ্ট ইণ্ডিয়ান রেলওয়ে কোম্পানীর অধ্যক্ষকে ১১০ খরচ করিয়া তার দেওয়া হইয়াছিল। দুটি বম্জ ছেলের জন্ত কিছু কিছু সাহায্য কিছুদিন করা হইয়াছে। একটি স্থানীয় অনাথ পরিবারকে গত কয়েক বৎসরই ২ টাকা করিয়া সাহায্য করা হইয়াছে। হাওড়ার তিনটি বিধবা ৩ টাকা ও দুটি গরিব ছাত্রকে ২ টাকা। এই মাসিক ৫ টাকা করিয়া অনেক বৎসর ধরিয়া সাহায্য করা হইয়াছে। পাঞ্জাবের ভীষণ ভূমিকম্পে যে কত শত পরিবার অসহায় ও নিরাশ্রয় হইয়াছিল তাহাদের সেই কষ্ট কিছু পরিমাণেও দূর করিবার চেষ্টায় সমিতি হইতে ৫ টাকা ও সমিতির সভ্যগণের নিকট এবং আরও কয়েকটি ভদ্র হিন্দু মহিলাগণের নিকট হইতে আরও কিছু বিশেষ দান প্রাপ্ত হইয়া সর্বসমেত ২৪ টি টাকা সেখানে পাঠান হইয়াছিল। স্থানীয় রামমোহন রায় সেমিনারী স্কুলের একটা ছাত্রকে এক বৎসর মাসিক ১০ করিয়া সাহায্য করা হইয়াছে। সমিতির প্রথম বর্ষ হইতে আজ পর্যন্ত ক্রমান্বয়ে একটি ছাত্রের পর আর একটিকে পড়িবার সাহায্য করা হইতেছে। প্রথম ছাত্রটী সমিতির সাহায্যে Entrance পরীক্ষায় উত্তীর্ণ হইয়া রেলওয়ে কোম্পানীতে কার্য করিয়া এখন আপনার পরিবারবর্গকে প্রতিপালন করিতেছে। দ্বিতীয়টী Second Class হইতে সমিতির

সাহায্য পাইয়া এখন Entrance পরীক্ষায় উত্তীর্ণ হইয়া F A পড়িতেছে এবং এখনও তাহাকে সমিতির সাহায্য করিতে হয়। এ বৎসর এবং গত বৎসর হইতে দুইটি ছাত্র ২ টাকা এবং একটি গরিব অল্পবয়স্ক ছাত্রীর প্রথম মানের স্কুলের মাহিনা ১ দেওয়া হইয়াছে। উক্ত ছাত্রীটির পড়িবার সকল খরচের ভারই সমিতি বহন করিতেছেন এবং করিতেও হইবে। গত বৎসর কলিকাতায় একটি গরিব বালক Fee দেবার অভাবে Entrance পরীক্ষা দিতে পারিতেছিল না, এ উপলক্ষে সমিতি তাহাকে ২ টাকা সাহায্য করিয়াছেন। ১৯০৮ খৃষ্টাব্দে শীত কালে দরিদ্রদিগকে ৪০ টাকার কম্বল দান করা হইয়াছে। সমিতি Fund হইতে এজন্ত ২৫ টাকা লওয়া হয়, এবং আরও ২০ টাকার অভাব হওয়াতে সমিতির দয়ার্দ্র ভগ্নীগণ এ উপলক্ষে সে ১০ টাকা বিশেষ ভাবে দান করেন। গত বৎসর ৩০ জন এম্বাস্ত অক্ষম ও অকর্মণ্য লোক দিগকে ৩০ খানি শীতবস্ত্র দান করা হইয়াছে। সিদ্ধ দেশের পতিত আশ্রমের সাহায্যের জন্ত হায়দ্রাবাদে ৬ পাঠান হইয়াছে। কলিকাতায় শ্রীমতী হিরণ্ময়ী মুখোপাধ্যায়ের বিধবাশ্রমে ৫ এবং নৈশবিদ্যালয়ে ৬ টাকা সাহায্য করা হইয়াছে। এক্ষণে সমিতির সভ্য সংখ্যা ৩০ জন। মাসিক স্থানীয় আয় ৭ এবং মাসিক ব্যয় ৫ টাকা। ইহা ব্যতীত সমিতির আরও কিছু বাৎসরিক আয় আছে যাহা হইতে

উল্লিখিত এককালীন সাহায্যগুলি করা হইয়া থাকে।

সমিতির অধিবেশন প্রায়ই প্রত্যেক মাসের শেষ শনিবারে ডাক্তার শ্রীযুক্ত পরেশনাথ চট্টোপাধ্যায় মহাশয়ের বাটীতে হইয়া থাকে; এবং অন্ততঃ পাঁচ জন সভ্যের মত না লইয়া কোনও কার্য সমিতি করিতে পারেন না। কিন্তু বিশেষ প্রয়োজন হইলে সম্পাদিকা মহাশয়া স্বাধীন ভাবে ৫ টাকা পর্যন্ত খরচ করিতে পারেন।

দুর্বল অজ্ঞান নারী জাতি আমরা কিছু পারি না, জানি না বলিয়া কখনও চুপ করিয়া বসিয়া থাকিব না। আমরা জানি এ সমিতির কার্যক্ষেত্র কত বিস্তৃত, ইহার উদ্দেশ্য কত মহৎ, কিন্তু জানিয়াও আমাদের শক্তি বল, আমাদের অর্থ বল অতি সামান্য বলিয়া আমরা কখনও নিরস্ত হইব না, কখনও ভয় পাইব না। তথাপি আমরা আমাদের সকল ক্ষুদ্র শক্তিগুলিকে এক করিয়া যতটুকু সাধ্য জগতের দীন দুঃখী অসহায় নিরাশ্রয় বাহারা, তাহাদের দুঃখের দুঃখী হইয়া সহানুভূতি ও প্রাণের সমবেদনা জানাইয়া যৎকিঞ্চিৎ তাহাদের সাহায্য করিয়া আমাদের এ ক্ষুদ্র জীবনকে ধন্য ও কৃতার্থ করিব।

এ জন্ত সকলের আগে আমরা সর্বশক্তিমান বিধাতা, যিনি রূপা করিয়া তাঁহার কার্য এত বৎসর ধরিয়া করাইয়া লইলেন তাঁহারই নিকট আজ আবার বিশেষ ভাবে তাঁহারই রূপা ও সহায়তা



প্রার্থনা করি। তাহার পরে সকল ভগিনীগণের নিকটেও এই মহৎ কার্যের জ্ঞাত হইবার ও সহানুভূতি ও সাহায্য প্রার্থনা করি। যাহারা এ বিষয়ে বিশেষ উৎসাহী এবং ইহাতে নিয়মিত সাহায্য করিয়া থাকেন তাঁহাদের নিকট আমরা আমাদের কৃতজ্ঞতা জানাইতেছি।

শ্রী সূজাতা চট্টোপাধ্যায় ।

### হ্যালির ধূমকেতু ।

ধূমকেতু সচরাচর দেখিতে পাওয়া যায় না। গৃহে অতিথি আসিলে যেমন সকলে সমবাস্ত হইয়া তাঁহার সম্মান এবং সেবার জ্ঞাত চেষ্টা করেন সেই প্রকার আমাদেরও আকাশে এক অতিথি আগমন করিয়াছেন, তিনি কেবলমাত্র অতিথি নন, তিনি আবার পরিচিত অতিথি—প্রায় ৭৫ বৎসর পূর্বে একবার আসিয়াছিলেন এবং তাহার পূর্বে কতবার আসিয়াছিলেন। অতএব আমাদের ক্ষুদ্র শক্তির দ্বারা ইহার যত্ন করা এবং কুশল সংবাদ লওয়া আমাদের কর্তব্য।

ইহার সংবাদ লইবার পূর্বে ছই এক কথায় এই জাতির সম্বন্ধে কিছু জানিয়া লইলে উপকার হইবার সম্ভাবনা। ধূমকেতু বংশীয় যাহাদের আমরা পৃথিবী হইতে দেখিতে পাই প্রায় সকলেই সৌর-জগৎ ভুক্ত। ইহাদের মধ্যে পৃথিবী হইতে যাহাদের দেখা গিয়াছে তাহাদের মধ্যে অল্প সংখ্যাই বিনা যন্ত্র সাহায্যে দেখা গিয়াছে। সচরাচর ধূমকেতু বলিলে

আমরা যে গুলিকে বিনা যন্ত্রের সাহায্যে দেখিতে পাই সেই গুলিকেই বুঝি—তবে জ্যোতির্বিদগণ যন্ত্রের সাহায্যে অনেক ধূমকেতুর গ্রাণ বস্তু দেখিতে পান। ধূমকেতুগণের মধ্যে অনেকেই অল্প অল্প গ্রহ এবং পৃথিবীর গ্রাণ সূর্যের চারিদিকে ঘুরিতেছে কিন্তু ইহাদের কক্ষপথ গ্রহগণের কক্ষপথের গ্রাণ গোলাকার নহে। অনেক ধূমকেতুর কক্ষপথ বৃত্তবাসের আকারের গ্রাণ অর্থাৎ চেপ্টা। কক্ষপথে চলিতে চলিতে এক সময়ে সূর্যের নিকটবর্তী হয় এবং অল্প সময়ে সূর্য হইতে অনেক দূরে চলিয়া যায়, কোন কোন ধূমকেতু সূর্য হইতে দূরে যাইবার সময় সৌরজগতের অপর প্রান্তে কিম্বা কখন কখন সৌরজগৎ অতিক্রম করিয়াও চলিয়া যায়। ধূমকেতু যখন সূর্যের নিকটবর্তী হইতে থাকে তখনই পৃথিবী হইতে উহাকে দেখা সম্ভব হয়। ধূমকেতু যখন সূর্যের নিকটবর্তী হয় তখন একটা উজ্জ্বল নক্ষত্রের গ্রাণ দৃষ্ট হয় এবং উহার চারিদিকে একটা অপরিষ্কার আলোক পরিবেষ্টিত থাকে এবং এই পরিবেষ্টিত আলোকই অনেক দূর পর্যন্ত বিস্তৃত হইয়া ধূমকেতুর পুচ্ছ পরিণত হয়।

ধূমকেতু কোন্ কোন্ উপাদানে প্রস্তুত তাহা এখনও নির্দারিত হয় নাই, তবে এই সকল উপাদান এত লঘু এবং স্বচ্ছ যে তাহার তিতর দিয়া দূরবর্তী নক্ষত্র দেখিতে পাওয়া যায় এবং তাহাদের জ্যোতির হাস হয় না। ধূমকেতুর অবয়বের মধ্যে নিম্নোক্ত দুইটি বিশেষ দ্রষ্টব্য ;—(১) মুণ্ড—মস্ত-

কের নিকট একটা উজ্জ্বল নক্ষত্রের গ্রাণ এবং তাহার চারিদিকে অস্পষ্ট আলোক। এই নক্ষত্রের গ্রাণ যাহা দেখিতে পাওয়া যায় তাহা গোলাকার কিম্বা ডিমের গ্রাণ। ধূমকেতু সূর্যের নিকটবর্তী হইতে থাকিলেই মুণ্ড স্পষ্ট হইতে থাকে। (২) পুচ্ছ—ধূমকেতু যখন সূর্যের নিকটবর্তী হইতে থাকে তখন পুচ্ছ রেলের ইঞ্জিনের কিম্বা জাহাজের ধোঁয়ার গ্রাণ মনে হয়। কিন্তু ধূমকেতু যখন সূর্য হইতে দূরে গমন করিতে থাকে তখন পুচ্ছ অগ্রে থাকে কারণ ধূমকেতুর মুণ্ড সকল সময়েই সূর্যের দিকে থাকে। এই দেখিয়া কেহ কেহ বলেন যে পুচ্ছ একরূপ পদার্থ দ্বারা প্রস্তুত যে উহা সূর্য দ্বারা বিকর্ষিত হয়। সাধারণতঃ যে সকল ধূমকেতু বিনা যন্ত্রের সাহায্যে দেখিতে পাওয়া যায় তাহাদের মুণ্ডস্থিত নক্ষত্রের ব্যাস ২০০,০০০ মাইল হইতে ১২০০,০০০ মাইল পর্যন্ত দৃষ্ট হইয়াছে এবং পুচ্ছ দৈর্ঘ্য ১০০,০০০,০০০ মাইলের কম দেখিতে পাওয়া যায় না।

ধূমকেতু সম্বন্ধে একটা আশ্চর্যের বিষয় এই যে ইহা যত সূর্যের নিকটবর্তী হইতে থাকে তত আকারে ছোট হইয়া পড়ে। ইহার বিশেষ কোন কারণ নির্দারিত হয় নাই। মাধ্যাকর্ষণ শক্তির প্রভাবে সূর্যের নিকটে আসিয়া আরও বড় হইবার কথা। এবিষয়ে সার জন হার্শেল মহাশয়ের মত উল্লেখযোগ্য। তিনি বলিয়াছিলেন যে সম্ভবতঃ ধূমকেতুকে সূর্যের নিকটবর্তীকালে ছোট হইতে দেখা আমাদের দেখিবার ভ্রমমাত্র। কারণ যখন

ধূমকেতু সূর্যের নিকটবর্তী হইতে থাকে তখন সূর্যের তীব্র জ্যোতিতে ধূমকেতুর অনেক অংশই আর দেখিতে পাওয়া যায় না। আর এক আশ্চর্যের বিষয় এই যে, যদিও ধূমকেতুর অবয়ব এত বড়, কিন্তু উহা ওজনে অনেক কম, পৃথিবীর ওজনের লক্ষ ভাগের অপেক্ষা কম।

ধূমকেতুর জ্যোতি আংশিকভাবে সূর্যের প্রতিফলিত আলোক এবং আংশিকভাবে নিজের জ্যোতি প্রকাশ করে।

নির্দিষ্টকালে দেখা দেয় একরূপ ধূমকেতু আজ পর্যন্ত অনেক আবিষ্কৃত হইয়াছে কিন্তু তন্মধ্যে হ্যালির ধূমকেতু সর্বপ্রথম আবিষ্কৃত হয়। এই ধূমকেতু সূর্য হইতে বহু দূর দেশ পর্যন্ত ভ্রমণ করিয়া ৭৫ কিম্বা ৭৬ বৎসর পরে পুনরায় সূর্যের নিকটবর্তী হয়। সূর্যের নিকটবর্তী হইবার সময় ইহা পৃথিবীর কক্ষাভ্যন্তর দিয়া গমন করে। এই ৭৫ বৎসরে সূর্য হইতে ৩০ ত্রিশ কোটি মাইল দূরে চলিয়া যায়। ধূমকেতুকে চিনিতে হইলে কেবলমাত্র আকৃতি দ্বারা চেনা যায় না কক্ষপথের আকারের সাহায্য লইতে হয় কারণ প্রত্যেক ধূমকেতুর কক্ষপথের অবয়ব স্বতন্ত্র। কেপ্লার এবং এপিয়ান নামক দুই জন প্রধান জ্যোতির্বিদ ১৬০৭ খ্রীঃ এবং ১৫৩১ খ্রীঃ এর ধূমকেতুর কক্ষপথের অবয়ব স্থির করিয়া গিয়াছিলেন, হ্যালি ১৬৮২ খ্রীঃ এর ধূমকেতুর কক্ষপথের অবয়ব নিরূপণ করেন এবং দেখিতে পান যে তাহার আকার প্রায় কেপ্লার এবং এপিয়ান দ্বারা নির্দিষ্ট আকারের গ্রাণ। তিনি আরও দেখিতে



পান যে ১৪৫৬, ১৩০১, ১১৪৫ এবং ১০৬৬খ্রীঃ ধূমকেতু দৃষ্ট হইয়াছিল। তিনি দেখিয়া বঝিলেন যে এই কয়েক বৎসরে দৃষ্ট ধূমকেতু একই। এই সকল দেখিয়া এবং এই ধূমকেতু বৃহস্পতি গ্রহের নিকট-বর্তী হইয়া আগমনকালীন উহার গতি কিরূপ পরিবর্তিত হইতে পারে এই সকল গণনা করিয়া বলিয়াছিলেন যে এই ধূমকেতু পুনরায় ১৭৫৯খ্রীঃ এর প্রথম অংশে উদয় হইবে এবং লিখিয়া গিয়াছিলেন যে “এই ঘটনা যদি সত্য হয় তাহা হইলে সকল পৃথিবীর লোককে বলিতেই হইবে যে এই সকল বিষয় সর্বপ্রথম একজন ইংরাজের দ্বারা আবিষ্কৃত হইয়াছিল।” স্বজাতির নাম গৌরবান্বিত করিবার জ্ঞান এই মহাত্মার ইচ্ছা কি প্রশংসারোগ্য নহে? পরে দেখা গিয়াছিল যে সেই বৎসরের মার্চ মাসে উক্ত ধূমকেতু দৃষ্ট হয়, সেই সময় হইতে এই ধূমকেতু হ্যালির ধূমকেতু বলিয়া বিদিত হইয়াছে। অল্প অল্প পণ্ডিতগণ হ্যালির ধূমকেতুর পুনরাগমনের সময় নিরূপণ করিয়া ১৮৩৫খ্রীঃ স্থির বলিয়াছিলেন এবং যে সময় নির্ধারণ করেন তাহার দুই দিবসের মধ্যেই ধূমকেতু দৃষ্ট হইয়াছিল, তাহার পর আবার এইবার আগমন করিয়াছে।

পূর্বে বলা হইয়াছে যে হ্যালির ধূমকেতু ৭৫ বা ৭৬ বৎসর পরে প্রত্যাবর্তন করে কিন্তু এই ৭৫ বৎসরের মধ্যে কেবলমাত্র দুই তিন বৎসর মাত্র দূরবীক্ষণ যন্ত্র দ্বারা দৃষ্ট হয়, এই দুই তিন বৎসরের মধ্যেই ইহা বৃহস্পতি গ্রহের কক্ষের পর-

পারে চলিয়া যায়। বৃহস্পতির কক্ষের ভিতরে আসিলে উহাকে সন্ধ্যাকালীন কিম্বা উষাকালীন নক্ষত্রের ত্রায় দৃষ্ট হয়। প্রথমতঃ দূরবীক্ষণ যন্ত্রের সাহায্যে দেখিলে উহাকে ধূমকেতু বলিয়া বঝিতে পারা যায় এবং বিনা যন্ত্রের সাহায্যে পরে দেখিতে পাওয়া যায়।

আজকাল যে ধূমকেতু দৃষ্ট হইতেছে ইহা এই বৎসরে মার্চ মাসের মধ্যভাগ হইতে দূরবীক্ষণ যন্ত্রে দৃষ্ট হইয়াছিল। পরে সূর্যের নিকটবর্তী হওয়াতে সূর্যের সহিত উদয় এবং অস্ত হইত অতএব দূরবীক্ষণ দ্বারাও লক্ষ্য হইত না। এপ্রিল মাসের মধ্যভাগে উহা সূর্যের নিকটতম হইয়াছিল এবং এপ্রিল মাসের শেষভাগ হইতে খালি চোখে দেখা যাইতেছে, ১৯শে মে তারিখে এই ধূমকেতু সূর্য এবং পৃথিবীর মধ্যস্থানে আসিলে অতএব সূর্যের কিঞ্চিৎ অংশ ধূমকেতু দ্বারা ঢাকা পড়িবে, ইহাকে এক প্রকারের সূর্যগ্রহণ বলা যাইতে পারে কিন্তু ধূমকেতুর পৃষ্ঠতে বিশেষ কোন স্থূল পদার্থ নাই অতএব পৃষ্ঠ দ্বারা ধূমকেতু আচ্ছাদিত হইলেও খালি চোখে কিছুই দেখিতে পাওয়া যাইবে না। ধূমকেতুর মুণ্ডটাই স্থূল পদার্থে নিশ্চিত অতএব সূর্যের যে অংশ মুণ্ডদ্বারা আচ্ছাদিত হইবে সেই অংশে কিছু দেখিতে পাওয়া যাইবে কিন্তু তাহাতে সূর্যের স্নান হইবার সম্ভাবনা নাই, কেবলমাত্র ক্ষুদ্র একটা কৃষ্ণ বিষ সূর্যের উপর দিয়া চলিয়া যাইবে।

ধূমকেতুর মুণ্ড এবং পৃষ্ঠের গঠনোপাদান স্থির করিবার এই এক বিশেষ

সুযোগ আসিয়াছে। রশ্মিনির্বাচন যন্ত্রের সাহায্যেই ইহা প্রায় হইয়া থাকে, সচরাচর ধূমকেতুর মূহ আলোক বহু যন্ত্রে যন্ত্রের মধ্যে প্রবেশ করাইয়া সেই আলোকের বর্ণছত্রের পরীক্ষার দ্বারা গঠনোপাদান নির্ণয় করা হয়, এই সুযোগে যখন ধূমকেতুর পৃষ্ঠ এবং মুণ্ড সূর্যালোক অবরোধ করিবে তখন কতকগুলি আলোকরশ্মি উহার পৃষ্ঠ দ্বারা অপহৃত হইবে। সেই আলোকের বর্ণছত্র পরীক্ষা করিলেই কি উপাদানে পৃষ্ঠ নিশ্চিত তাহা বঝিতে পারা যাইবে।

১৯ শে মে এবং তাহার দুইদিন পূর্বে হইতেই পৃথিবীকে ধূমকেতুর পৃষ্ঠ ভেদ করিয়া যাইতে হইবে। এইরূপ ঘটনা পূর্বে ১৮৬১ খৃষ্টাব্দে ঘটিয়াছিল কিন্তু তাহাতে পৃথিবীর বিন্দুমাত্র ক্ষতি হয় নাই। অতএব এবারও আশা করা যাইতে পারা যায় যে বিশেষ কোন ক্ষতি হইবে না। তবে এই পর্যন্ত বলা যাইতে পারে যে পৃষ্ঠ লঘু বাষ্পীয় দ্রব্য দ্বারা গঠিত হইলেও তাহার অংশে অংশে উল্কাপিণ্ড থাকিবার সম্ভাবনা। অতএব উক্ত কতিপয় দিনে উল্কাপিণ্ড লক্ষিত হইতে পারে।

ধূমকেতুর বিষয় আর দুই একটি কথা বলিয়া এই প্রবন্ধ শেষ করা যাক। ধূমকেতুর সহিত পৃথিবীর সংঘর্ষণ হইবার সম্ভাবনা আছে কি না ইহার উত্তরে পণ্ডিতগণ বলেন যে, ধূমকেতু এত বেশী সংখ্যায় বর্তমান রহিয়াছে যে কোন দিন না কোন দিন একটীর সংঘর্ষণ হইবেই

হইবে। জনৈক জ্যোতির্বিদ গণনা করিয়া বলিয়াছেন, এই সংঘর্ষণের সম্ভাবনা দেড় কোটি বৎসরে একবার হইতে পারে। এই সংঘর্ষণের ফল কি হইবে তাহাও বলা সহজ নহে, কারণ উহা ধূমকেতুর ওজনের উপর নির্ভর করে এবং আপাততঃ এই সম্বন্ধে পণ্ডিতগণ বিশেষ কিছু অবগত নহেন। ধূমকেতু দ্বারা অল্প প্রকারেও পৃথিবীর ক্ষতি হইতে পারে, যথা—যদি কোন ধূমকেতু সূর্যের মধ্যে পতিত হয় তাহা হইলে এই সংঘর্ষণে সূর্যের উত্তাপ এত বৃদ্ধি হইতে পারে যে তাহাতে পৃথিবীর লোকদের ক্ষতি হইতে পারে।

ধূমকেতুর উৎপত্তি সম্বন্ধে জানিবার জ্ঞান কাহারও কাহারও কৌতুহল জন্মিতে পারে, এ বিষয়ে সঠিক সংবাদ দেওয়া হ্রস্ব, কারণ পণ্ডিতগণের মধ্যে অনেক মতভেদ আছে। কেহ কেহ বলেন ধূমকেতু সৌর জগৎ হইতেই সৃষ্ট, তাহার বলেন যে, কোন গ্রহ হইতে অধুৎপাতে কিংবা অল্প উপায়ে স্থূল পদার্থ সজোরে নিষ্কিপ্ত হইয়া সেই গ্রহের মাধ্যাকর্ষণ শক্তির সীমা অতিক্রম করিলেই ধূমকেতু হইতে পারে। কেহ কেহ বলেন যে, গ্রহ হইতে অত জোরে নিষ্কিপ্ত হইবার উপায় চিন্তা করা যাইতে পারে না, অতএব স্থূল পদার্থ সূর্য হইতে নিষ্কিপ্ত হইয়াছিল। এ বিষয়েও মতভেদ আছে। আবার কেহ কেহ বলেন যে, অল্প সূর্য হইতে নিষ্কিপ্ত পদার্থ আমাদের সৌর জগতের সীমার মধ্যে আসাতে এবং



সূর্যের আকর্ষণের জন্ত ধূমকেতুর ত্রায় কক্ষপথে ভ্রমণ করিতেছে।

জুথের সহিত লিখিতেছি যে এখনও ধূমকেতু সন্ধ্যাে অনেকের কুসংস্কার রহিয়া গিয়াছে। পুরাকালে শিক্ষিত ও অশিক্ষিত সকলেরই নানারূপ কুসংস্কার দোষ ছিল। কিছুকাল পূর্বে লোকে সূর্যাগ্রহণ কিংবা চন্দ্রগ্রহণকেও অমঙ্গলসূচক মনে করিতেন, আরও কিছুকাল পূর্বে বিদ্যাৎ ও মেঘগর্জনকেও অমঙ্গলসূচক মনে করিতেন; ক্রমে যেমন জ্ঞানের ও বিজ্ঞানের চর্চা হইতেছে তৎসহ এই কুসংস্কারও চলিয়া যাইতেছে। আমরা আশা করি পাঠিকাগণের মধ্যে এমন কেহই নাই যিনি বিদ্যাৎ কি মেঘগর্জনকে অমঙ্গলসূচক মনে করেন এবং প্রায় সকলেই সূর্যাগ্রহণ কিংবা চন্দ্রগ্রহণ কিরূপে ঘটয়া থাকে তাহা জ্ঞাত আছেন, অতএব তাঁহাদের মন হইতে রাত্রির গ্রাস ইত্যাদি কুসংস্কার লোপ পাইয়াছে। সেই প্রকার ধূমকেতুর আগমনও অমঙ্গলসূচক হইতে পারে না। আধুনিক পণ্ডিতগণ অনেক যত্নের সহিত আলোচনা করিয়া দেখিয়াছেন যে ধূমকেতু উদ্ভিত হইলে জল বায়ু সন্ধ্যাে এবং উদ্ভিদ বা জীব সন্ধ্যাে কোন পরিবর্তন ঘটে না, অতএব পূর্নকার কুসংস্কারের কোন স্থায়ী ভিত্তি থাকিতে পারে না। এবার আবার ঘটনাক্রমে এই সময়েই মহামাণ্ড ভারত-সম্রাটের শোচনীয় মৃত্যু সজ্বাটিত হওয়ায় কুসংস্কারসম্পন্ন লোকদিগের মনে পূর্ন সংস্কার দৃঢ়ীভূত হইবার সম্ভাবনা হইয়াছে, কিন্তু ইহা একান্তই “কাকতালীয়বৎ”—

অর্থাৎ যে সময় পক্ষ তাল পড়িবার উপক্রম হইয়াছিল ঠিক সেই সময়েই ঘটনাক্রমে একটা কাক তাহার উপর বসাতে লোকে ভাবিল কাকের ভারেই তালটা ভূতলে পতিত হইল। ধূমকেতুর উদয়ের সহিত সম্রাটের অকালমৃত্যুর কোনই সম্পর্ক নাই।

শ্রীআশুতোষ মুখোপাধ্যায়।

### স্বর্গীয় সম্রাটের জীবনকথা।

ভারতসম্রাট সপ্তম এডওয়ার্ড স্বর্গগতা মহারাণী ভিক্টোরিয়ার দ্বিতীয় সন্তান এবং জ্যেষ্ঠ পুত্র ছিলেন। লণ্ডনস্থিত বাকিংহাম রাজপ্রাসাদে ১৮৪১ খৃষ্টাব্দের ৯ই নবেম্বর তারিখে আলবার্ট জন্মগ্রহণ করেন। ১৮৪২ খৃষ্টাব্দের ২৫শে জানুয়ারী তারিখে তিনি আর্ক বিশপ্ অব্ ক্যান্টারবারী কর্তৃক খৃষ্টধর্মে দীক্ষিত হন এবং তাঁহার নামকরণ হয়। পিতার নামানুসারে ইঁহার নাম আলবার্ট রাখা হয়, আর ইংরাজ রাজবংশের ধারানুসারে এডওয়ার্ড নাম দেওয়া হয়। যুবরাজ আলবার্ট অকস্ফোর্ড ও কেমব্রিজে বিদ্যা চর্চা করেন, তৎপর ১৮৫৮ খৃষ্টাব্দের নবেম্বর মাসে ইঁহাকে সামরিক বিভাগে নিযুক্ত করা হয়। ১৮৬০ খৃষ্টাব্দে লর্ড রেন'ফু নাম ধারণ করিয়া মার্কিং যুক্তরাজ্যে ভ্রমণ করিতে যান। ১৮৬১ খৃষ্টাব্দের ১৩ই ডিসেম্বর ইনি পিতৃহীন হইয়া মুহম্মান ভাবে নির্জনে বাস করিতেম। কিছুদিন পরে প্যালেষ্টাইন প্রভৃতি খৃষ্টীয় পুণ্যপুত দেশ

সকল পরিভ্রমণ করেন। ১৮৬৩ খৃষ্টাব্দের ১০ই মার্চ ডেনমার্কের অলোকসামাগ্ণী রূপবতী রাজকুমারী আলেকজেন্দ্রার সহিত তাঁহার বিবাহ হয়। ১৮৬৪ খৃষ্টাব্দের ১৭ই জানুয়ারী তারিখে তাঁহার জ্যেষ্ঠ পুত্র যুবরাজ আলবার্ট ভিক্টর ও ১৮৬৫ খৃষ্টাব্দের ৩রা জুন তারিখে আমাদের বর্তমান সম্রাট জর্জ ফ্রেডারিক আরনেস্ট আলবার্ট জন্মগ্রহণ করেন। ইঁহার পর উপর্যুপরি তিনটা কন্যা হয়—প্রথম রাজকুমারী লুই, দ্বিতীয় রাজকুমারী মেয়ি এবং তৃতীয় রাজকুমারী মড জন্মগ্রহণ করেন।

১৮৭১ খৃষ্টাব্দের নবেম্বর মাসে এডওয়ার্ডের একবার কঠিন টাইফয়েড জ্বর হয়। খৃষ্টমাসের সময় তাঁহার এই উৎকট রোগ সারিয়া যায় এবং কিছুদিনেই তিনি সুস্থ হন।

সপ্তম এডওয়ার্ড বিবিধ গুণসম্পন্ন ছিলেন। তুরস্কভাষা ব্যতীত ইউরোপস্থ সকল দেশীয় ভাষা মাতৃভাষার ত্রায় সচ্ছন্দে বলিতে পারিতেন। এমনকি অনেক সময় তাঁহাকে বিদেশী বলিয়া বুঝিতে পারা যাইত না। তিনি যখন যে দেশে গমন করিতেন পাছে তাঁহার আচার ব্যবহারে কোন রূপ অসৌজ্জ্ব প্রকাশ পায় সে বিষয় তিনি খুব সতর্ক ছিলেন এবং পূর্ন হইতে সেই দেশের আচার ব্যবহার যথাসম্ভব জানিয়া লইতেন।

১৮৭৫ খৃষ্টাব্দের ১১ অক্টোবর তারিখে আলবার্ট এডওয়ার্ড বোম্বায়ে আসিয়া উপস্থিত হন। সে সময় লর্ড নর্থব্রুক ভারতের বড়লাট ছিলেন। যুবরাজ

ভারতের সকল প্রদেশ ও প্রধান প্রধান নগরী পরিভ্রমণ করেন।

কলিকাতা অবস্থানকালে যে দিন তাঁহার সম্মানে কলিকাতা সহর আলোকিত হয় সেই দিন যথারীতি গাড়ীতে যাইতে যাইতে হঠাৎ নামিয়া পড়েন এবং ভিড়ের মধ্যে মিশিয়া প্রফুল্লচিত্তে বেড়াইতে থাকেন। এদিকে স্যার বারট্রো ফ্লেবার ও সেনাপতি হেন্স তাঁহাকে খুঁজিয়া খুঁজিয়া কাতর হন। কিছুক্ষণ পরে আর একটা মোড়ে যাইয়া গাড়ীতে উঠেন। ১৮৭৫ খৃষ্টাব্দের এপ্রিল মাসে দেশে প্রত্যাবর্তন করেন।

১৮৯২ খৃষ্টাব্দের ১৪ই জানুয়ারী তারিখে এডওয়ার্ডের জ্যেষ্ঠ পুত্র রাজকুমার আলবার্ট ভিক্টর মৃত্যুমুখে পতিত হন। ইনিও মৃত্যুর কিছুদিন পূর্বে ভারতবর্ষে আসিয়াছিলেন। ১৯০১ খৃষ্টাব্দের ২২ জানুয়ারী তারিখে মহারাণী ভিক্টোরিয়ার মৃত্যুর পর আলবার্ট এডওয়ার্ড “সপ্তম এডওয়ার্ড” এই আখ্যা গ্রহণ করিয়া বৃটিশ সাম্রাজ্যের সম্রাট হন। সপ্তম এডওয়ার্ডের অভিষেকের দিন ১৯০২ খৃষ্টাব্দের ২৬শে জুন তারিখে স্থির হয় কিন্তু ২৩শে তারিখেই তাঁহার উৎকট অন্তঃক্ষাটক রোগ হয়। ঈশ্বরের রূপায় তিনি দুই সপ্তাহের মধ্যে এই উৎকট রোগ মুক্ত হন এবং ৯ই আগষ্ট তারিখে তাঁহার অভিষেক কার্য সম্পন্ন হয়। সেই অবধি আজ পর্য্যন্ত তাঁহার বিশেষ কোন রোগ হয় নাই। হঠাৎ গত ৬ই মে তারিখে সংবাদ আসে যে ভারতসম্রাট অতি স্নেহা



জন্ম হাঁপানিতে অত্যন্ত পীড়িত এবং অবস্থা আশঙ্কাজনক ।

“টাইম্‌স্” বলেন গত শুক্রবার পাতঃ-কালে সম্রাট শয্যাশায়ী হইয়া থাকিতে অস্বীকার করেন এবং লর্ড মর্লির সহিত রাজকার্য পরিচালন করেন । সম্রাট পীড়িত হইলেও তাঁহার দৃঢ়তা ও সাহস নষ্ট হয় নাই । তিনি সহজ ভাবেই কথোপকথন করিতেছিলেন ; কেবল কাসিবার সময় স্বরলব্ধ হইয়া কথা বন্ধ হইতেছিল । মধ্যাহ্নকালে কাসি অত্যন্ত প্রবল হয় ; অপরাহ্নকালে পুনরায় ভয়ঙ্কর কাসি উপস্থিত হয় । সন্ধ্যার সময় তাঁহার শ্বাসরোধ হওয়ার তিনি মুচ্ছিত হইয়া পড়েন ।

সন্ধ্যার সময় জানিতে পারা যায় যে অনবরত কাসিতে কাসিতে এবং শ্বাস প্রশ্বাসের কষ্ট নিবন্ধন সম্রাটের হৃদয় পীড়িত হইয়াছে এবং বাম পার্শ্বের যন্ত্রের কার্যে বাধাত উপস্থিত হইয়াছে । চিকিৎসকেরা অক্লিষ্ট প্রয়োগ করিয়াছিলেন কিন্তু পীড়ার উপশম হয় নাই ।

গত ৭ই মে প্রত্যুষে (বিলাতের রাত্রি ১১টা ৪৫ মিনিটের সময়ে) দেহত্যাগ করিয়াছেন । মৃত্যুকালে তাঁহার বয়ঃক্রম ৬৯ বৎসর পাঁচ মাস হইয়াছিল ।

চরিত্রের মহত্ত্ব ।—সপ্তম এডওয়ার্ড জগদ্ব্যাপী সাম্রাজ্যের অধীশ্বর হইলেও তিনি নিরহঙ্কৃত নিরভিমান, সদালাপী ও হাস্যমুখ ছিলেন । কোন মন্ত্রী আজ পর্যন্ত কখনও বলিতে পারেন নাই যে তিনি কোন সময়ে কাহারও প্রতি বির-

ক্তির ভাব প্রকাশ করিয়াছেন । রাজনীতি বিষয়ে তিনি অসাধারণ মনীষাসম্পন্ন রাজা ছিলেন । তাঁহার তুল্য নীতি চাতুরী অভিজ্ঞ দূরদর্শী রাজা ইউরোপে আর কেহ নাই বলিয়াই অনেকের বিশ্বাস । তিনি এক দিকে ইংলণ্ডের আভ্যন্তরিক শাসন বিষয়ক ব্যবস্থাগুলি সুসংযত রাখিতে পারিতেন, অন্যদিকে ইউরোপের রাজত্ব-বর্গের সহিত এমন ভাবে ব্যবহার করিতেন যে তাহার প্রভাবে ইংলণ্ডের প্রাধান্য ইউরোপের সর্বজনমান হইয়াছে ।

শান্তি স্থাপন ও সম্বন্ধ ।—সম্রাট সপ্তম এডওয়ার্ড অত্যন্ত শান্তিপ্রিয় ছিলেন । কলহ বিবাদ তিনি সহ্য করিতে পারিতেন না ।

সম্রাট সপ্তম এডওয়ার্ড সিংহাসনে আরোহণ করিবার পরই প্রথমে ব্যুর-দিগের সহিত সন্ধি স্থাপন করেন ; তৎপরে ফরাসী জাতির সহিত সদ্ভাব স্থাপিত হয় । তিনি ঐ সঙ্গে রুশিয়া ও তুরস্ককে বন্ধুভাবে পাইয়াছিলেন ।

অন্য দিকে ইউরোপের এক অষ্ট্রিয়া ব্যতীত সকল দেশের মুকুটধারী রাজাই সম্রাট সপ্তম এডওয়ার্ডের সহিত শোণিত-সংপৃক্ত । জার্মান সম্রাট তাঁহার ভাগিনেয়, রুশ সম্রাট তাঁহার ভগিনী রাজকুমারী এলিসের কন্যাকে বিবাহ করিয়াছেন, স্পেনের রাজাও সেইরূপ সম্বন্ধে সম্বন্ধ । ইটালির রাজাও তাঁহার জামাতৃস্থানীয় । ডেনমার্ক তাঁহার শ্বশুরালয়, ডেনমার্কের বর্তমান রাজা তাঁহার শ্যালক । এইরূপে সমগ্র ইউরোপকে সম্রাট সপ্তম এডওয়ার্ড যেন গাঁট ছড়ায় বাঁধিয়া রাখিয়াছেন ।

দানশীলতা—ভারতসম্রাট যথেষ্ট দান-শীল ছিলেন । তাঁহার বিস্তৃত সাম্রাজ্য মধ্যে যে কোন স্থানেই হউক অথবা অন্য যে কোন রাজ্যেই হউক, কোনরূপ দৈবদুর্ঘটনায় জনসাধারণ পীড়িত হইলে সম্রাট মহোদয় মুক্তহস্তে দুঃস্থ জনসাধারণের সাহায্যার্থ সহস্র সহস্র টাকা দান করিতেন । তাঁহার এইরূপ দানের সংখ্যা হয় না । জ্ঞান বিজ্ঞানের উন্নতি কল্পে যে সকল সভা সমিতি প্রতিষ্ঠিত হইত, সম্রাট বাহাতুর তাহাতেও যথেষ্ট অর্থ সাহায্য করিতেন । তিনি যে ঐরূপ কত সভা সমিতির পৃষ্ঠপোষক ছিলেন তাহার ইয়ত্তা নাই । যেমন সম্রাট তেমনই সম্রাটমহিষী । মহিষী আলাকজান্দা বিপ্লবের দুঃখ মোচনে সত্য সত্যই সম্রাটের সহধর্মিণী ছিলেন । ইংলণ্ডের শ্রমজীবীদিগের ছরবস্থার প্রতিকার কল্পে সম্রাট সপ্তম এডওয়ার্ড এবং তাঁহার মহিষী সর্বদাই যত্নবান ছিলেন ।

মাতৃভক্তি । ভারতসম্রাটের ন্যায় এমন মাতৃভক্ত মাতৃসেবক রাজপুত্র বোধ হয় ইদানীং ইউরোপে আর কেহ জন্মগ্রহণ করেন নাই । ইংলণ্ডে অবস্থানকালে তিনি প্রত্যহ একবার পুত্র পৌত্রদের সঙ্গে করিয়া মাতৃ সন্দর্শনে আসিতেন ; মাতার কোন প্রকার অসুখ হইলে অহর্নিশ মায়ের কাছে থাকিয়া মাতৃসেবা করিতেন । মৃত্যু মহারণী ভিক্টোরিয়ার দুইটি জুবিলির সকল উদ্‌যোগ আয়োজন তিনিই করিয়াছিলেন । তিনিই মাতার প্রতি-নিধিরূপে ইংলণ্ডের সকল সামাজিক ও

রাজনৈতিক কার্যে মাতার সহায়তা করিতেন । মাতার স্বর্গ গমনকালে প্রৌঢ়তার শেষ সীমায় উপস্থিত হইলেও তাঁহার দুই নয়ন দিয়া অনবরত শোকাশ্রু প্রবাহিত হইয়াছিল ।

এমন মনীষাসম্পন্ন সর্বদিক্‌প্রসারিণী-প্রতিভাবান্ সম্রাটের মহাপ্রস্থানে দুঃখ হয়, ব্যথা বোধ হয় । সে দুঃখের, সে ব্যথার সান্ত্বনা নাই । যখন মনে হয় এই তিন চারি দিন পূর্বে সম্রাট সপ্তম এডওয়ার্ড সুস্থ শরীরে বায়ানীট্‌জ হইতে ইংলণ্ডে প্রত্যাবর্তন করিতেছিলেন, ইংলণ্ডের রাজনৈতিক গোলোমোগ মিটাইবার জন্ম মন্ত্রীবর্গকে আহ্বান করিতে-ছিলেন, আর সেই সম্রাট চক্ৰবর্তী ঘণ্টা-ব্যাপী রোগের ভাড়াইয়া হঠাৎ কালকবলে কবলিত হইলেন, ইংলণ্ডের জ্ঞান বিজ্ঞান, চিকিৎসা বিদ্যা, ধর্ম্মের সর্বাঙ্গ চিকিৎসক-গণের অভিজ্ঞতা, ইংলণ্ডের ঐশ্বর্য্য ধনসম্পদ, কোন কিছুই তাঁহাকে ইহ-লোকে ধরিয় রাখিতে পারিল না, এত বড় জগৎ-শাস্তা সম্রাট জলবুদ্বুদের শ্রায় ক্ষণেকের মধ্যে কোথায় মিশাইয়া গেলেন --তখন বিশ্বাস, ভয়ে, শোকে, অকল্পিত বাতনায় মন, বুদ্ধি, চিত্ত যেন সংগুচ হইয়া যায় । জানি না, এ কেমন ভাগবতী লীলা যে, বৃটিশ সাম্রাজ্যের অধীশ্বরেরও যথাপদ্ধতি চিকিৎসার অবসর হয় না, দেখিতে দেখিতে তিনিও অনন্তে মিশাইয়া যান ।



### পিসাননগরীর আনত প্রাসাদ ।

পিসাননগরীর আনত প্রাসাদের (Leaning Tower) কথা অনেকেই অবগত আছেন। অনেকেরই বিশ্বাস যে কোনরূপ ঘটনা চক্রে এই প্রাসাদ এক দিকে হোলিয়া পড়িয়াছে। কিন্তু মিঃ গুডেয়ার সাহেব নানারূপ পরীক্ষা করিয়া স্থির করিয়াছেন যে ইহা আবহমান কাল এইরূপ অবস্থাতেই আছে এবং স্থপতিগণ সূক্ষ্মশীলে এই কার্য সমাধা করিয়াছিলেন। অতঃপর আমরা এই প্রাসাদ নির্মাণ বৃত্তান্ত সংক্ষেপে আমাদের পাঠকপাঠিকা-দিগকে উপহার দিব।

১১৭০ খৃষ্টাব্দে বোনানাস এই প্রাসাদ নির্মাণ আরম্ভ করেন। ১৬ বৎসরে চারিতলা প্রস্তুত হয়। ১২৩৩ খৃষ্টাব্দে বেনিনাটো পঞ্চমতলা, ১২৮৬ সনে উইলম্ভন ইন্সব্রাচ ষষ্ঠতলা এবং ১৩২০ সনে টমাসো ডি পিসা ইহার নির্মাণ কার্য শেষ করেন। প্রাসাদ নির্মাণ কালে যতই ইহা উচ্চে উঠিতেছিল ততই ইহাকে ঠাণ্ডের দিকে হেলাইয়া দেওয়া হইতেছিল।

গুডেয়ার সাহেব বলেন যে প্রাসাদের চক্রসিঁড়িটি (Spiral Staircase) যে দিকে প্রাসাদ হেলিয়া রহিয়াছে সেই দিকেই আয়তনে বড় করা হইয়াছে এবং সুবিধানুসারে ও প্রয়োজন বুঝিয়া এই সিঁড়ি ছোট বড় করা হইয়াছে। প্রাসাদের উত্তর ও দক্ষিণ দিকের মধ্যস্থলের প্রবেশদ্বার প্রস্থে ৩৮০ ফুট এবং উচ্চে ৭২৪ ফুট। উত্তর দিকে, মধ্যস্থলের উচ্চতা

৭৬৩ ফুট পরে ক্রমে ক্রমে উপরে হেলান দিকে ৮১২ ও নিম্নে ৯১৭ ফুট; এই স্থলের ছাদ গড়ে ৮৬৪ ফুট উচ্চ। সিঁড়ির পরবর্ত্তী বাকা "টার্নে" উহাকে কমাইয়া উত্তর দিকে ৭৮০ ফুট এবং হেলান দিকে পুনর্বার ৮৪৫ করা হইয়াছে। সিঁড়ি আবার যেমন ঘুরিয়া উত্তরে আসিয়াছে অমনি আবার তাহাকে কমাইয়া ২৭ ফুট করা হইয়াছে। চারিতলার পরে আর সিঁড়ি নাই।

গুডেয়ার সাহেব বলেন যে চারিতলা পর্যন্ত সিঁড়ি করায় ইহারই নির্মাণ কৌশলে এই হেলান প্রাসাদ স্থির রহিয়াছে। প্রথম তলার ছাদটিকেও নিজেদের প্রয়োজন সাধনোদ্দেশ্যে আনতির দিকে নীচু করা হইয়াছে। এই সমস্ত বিষয় পর্যালোচনা করিলে স্পষ্টই প্রতীয়মান হয় যে প্রাসাদটির নির্মাণ কৌশলেই ইহা আবহমান এই ভাবেই আছে। পঞ্চমতলা হইতে এরূপ কোন ব্যবস্থা নাই। কারণ সরূপ গুডেয়ার সাহেব বলেন যে পঞ্চমতলা নির্মাণ নিষ্পত্ত মিস্ত্রিগণ এতদিনেও প্রাসাদের কোন পরিবর্তন হইল না দেখিয়া আর কোন কৃত্রিম উপায় অবলম্বন করিল না।

প্রাসাদ নির্মাণের চারি শত বৎসর পরে কোন গ্রন্থকার লিখিয়া গিয়াছেন যে ভিত্তি বসিয়া যাওয়াতে প্রাসাদ হেলিয়া পড়িয়াছে। বস্তুতঃ তাহার বৃত্তান্ত স্বকপোল করিত। যাহাতে এই প্রাসাদ চিরকালই এই ভাবে থাকিয়া পৃথিবীর 'সপ্তম আশ্চর্য্যের' এক আশ্চর্য্য হইতে পারে সেই প্রণালীতেই ইহা নির্মিত।

### স্বনীতি কলেজের বাৎসরিক বিবরণ ইং ১৯১০ সাল।

শিক্ষা-প্রণালী।

বিগত বর্ষের বাৎসরিক বিবরণীতে শিক্ষা সম্বন্ধে নূতন প্রণালী প্রবর্তিত হওয়ার কথা উল্লিখিত হইয়াছে। এবার সেই প্রণালী অনুসারে শ্রেণী সংগঠিত হইয়া নিয়মিত ভাবে কার্য চলিয়া আসিতেছে।

পরীক্ষার ফল।

বিভাগীয় পরীক্ষা প্রণালী অনুসারে যে তিনটি ছাত্রী উচ্চপ্রাথমিক পরীক্ষার জন্ত প্রস্তুত হইতেছিল, বিগত অক্টোবর মাসের বিভাগীয় পরীক্ষায় খুব আশা প্রদরূপে উত্তীর্ণ হইয়াছে। এই তিনটি ছাত্রীর মধ্যে কুমারী খনা নাইটিঙ্গেল মজুমদার নামী জর্নৈক একাদশ বর্ষীয়া বালিকা সমুদায় পরীক্ষার্থী বালকদিগের সঙ্গে প্রতিযোগিতায় কোচবিহার কেন্দ্রের মধ্যে প্রথম স্থান গ্রহণ করিয়াছে। পাঠদর্শিতা-অনুসারে উত্তীর্ণ ছাত্রীদিগের নাম নিম্নে প্রদত্ত হইল।—

( প্রথমবিভাগ )

কুমারী খনা নাইটিঙ্গেল মজুমদার।

” চারুবালা সেন।

( দ্বিতীয় বিভাগ )

কুমারী সুভাষিনী রায়।

নূতন প্রণালী অনুসারে বিগত ডিসেম্বর মাসে গৃহীত Anglo vernacular

Lower Primary standard পরীক্ষায় নিম্নলিখিত বালিকাগণ পাঠদর্শিতানুসারে প্রথম ও দ্বিতীয় বিভাগে উত্তীর্ণ হইয়াছে :—

কুমারী বিদ্যুৎলতা দেবী প্রথম বিভাগ।

” লীলাবতী দেবী ”

” চারুবালা রায় ”

” বিভাবতী বসু ”

কুমারী গোকুলেশ্বরী রায় দ্বিতীয় বিভাগ।

ছাত্রী সংখ্যা।

বর্তমানে ছাত্রী সংখ্যা ১৪৫ জন অর্থাৎ পূর্ব বৎসর অপেক্ষা ২০ জন অধিক। গড় উপস্থিতি ১৯৫ অর্থাৎ পূর্ব বৎসর অপেক্ষা দৈনিক ২৫ জন অধিক। ইহা অত্যন্ত আশাজনক যে এই সকল ছাত্রীদিগের মধ্যে ১৮ জন মুসলমান অর্থাৎ পূর্ব বৎসর অপেক্ষা ৬ জন অধিক, ৩ জন ব্রাহ্ম, ৩ জন রাজগণ ও ২০ জন কোচবিহারের আদিম অধিবাসী, অর্থাৎ পূর্ব বৎসরের সমান।

শিল্প-বিভাগ।

উন্নত ও অধিক বয়স্ক মহিলাগণই এ বিভাগের ছাত্রী, বর্তমানে ইহাদের সংখ্যা ৩৩ জন। এ বিভাগ তিন শ্রেণীতে বিভক্ত। বিদ্যালয়ের নিয়মানুসারে ইহারা সৃষ্টি কার্য, পশম ও জরী প্রভৃতির কার্য শিক্ষা করিতেছেন। ইহাদের মধ্যে কেহ কেহ চিত্র বিদ্যা ও সম্ভবানুরূপ ইংরাজী ও বাঙ্গলা ভাষা শিক্ষা করিতেছেন এই সকল মহিলাদিগের মধ্যে ১২ জন মহিলা রাজগণ পরিবার হইতে ও একজন আদিম



কোচবিহার পরিবার হইতে শিক্ষার্থ আসিতেছেন।

শ্রীমতী স্মৃতি মজুমদার,  
প্রধান শিক্ষয়িত্রী।

### মহিলার রচনা।

( শ্রীমান্ অমলাচন্দ্র মিত্রের দীক্ষায় )  
করুন দেবতা আজি আশীষ প্রদান,  
তাঁরি বলে হও তুমি বীর বলিয়ান।  
তরুণ অরুণ ভাতি জীবনের সাথে,  
সমুজ্জ্বল হয় যেন নিয়তির পথে।  
নবীন জীবন যথা জর্ডনের তীরে,  
হয় যেন সেই দিন তোমারই তরে।  
শুনরে অমূল্য ধন সে অমূল্য বাণী।  
প্রসাদ পীয়ুষ আজি এনেছেন যিনি।  
শিক্ষা দীক্ষা যোগ ভক্তি যার শক্তি ভরা,  
চির তরে তাঁহারেই কর ধ্রুব তারা।  
হউক হৃদয় খানি প্রেম নিকেতন,  
যথায় হইবে সর্ব ধর্মের মিলন।  
গৃহে বা প্রবাসে থাক লক্ষ্মীয়া চেতনা,  
ফুলচিত্তে কর বাছা সত্য আরাধনা।  
বিশ্বাসে বিজয়ী হয়ে থাক শুদ্ধ মনে,  
পূর্ণ হউক তাঁর ইচ্ছা তোমার জীবনে।  
শ্রীমতী তরঙ্গিনী দেবী।

### পুস্তকসমালোচনা।

অমর বাণী—শ্রীযুক্ত বিনয়ভূষণ সর-  
কার কর্তৃক সংকলিত, মূল্য চারি আনা  
মাত্র। এই পুস্তিকা প্রকাশ করিয়া  
বিনয় বাবু পাঠক এবং পাঠিকাগণের

বিশেষ উপকার করিয়াছেন। ইহাতে  
মিলটন, সেক্সপিয়র, এমারসন প্রভৃতি  
মহাকবি ও চিন্তাশীল ব্যক্তিগণের মহা-  
বাক্য সকল হইতে কতকগুলি অমরবাণী  
সংকলন ও অনুবাদ করিয়া দেখাইয়া দিয়া-  
ছেন যে, ছাত্রগণ ও সাধারণ পাঠকগণ  
সর্বদা যে সকল পুস্তক পাঠ করিয়া উপ-  
কৃত হন তাহা হইতে আপনার অবস্থা ও  
আদর্শ অনুসারে বিশেষ বিশেষ বাণী  
সংগ্রহ করিয়া লিখিয়া রাখিলে যখন  
তখন একবার দৃষ্টি করিলেই এই মর্ত্য-  
ধামের উদ্ভেজনা ও অশান্তির অবস্থার  
মধ্যেও অমর-বাণী শুনিয়া প্রাণে শান্তি ও  
আনন্দ লাভ হইতে পারে। এইরূপ  
অমর-বাণী সংগ্রহ নিজে করিতে পারিলে  
বিশেষ উপকার হয়। ষাঁহাদের সেরূপ  
অবকাশ ও সুবিধা নাই তাঁহারা এইরূপ  
ক্ষুদ্র পুস্তক ২।৪ খানি সঙ্গে বা নিকটে  
রাখিলে অবসর মতে ২।১ মিনিটের মধ্যে  
মনকে জাগ্রত, প্রাণকে আশস্ত ও  
আত্মাকে জীবিত করিয়া লইতে পারেন।  
মহিলার পাঠকগণকে অমর-বাণী হইতে  
ছই চারি 'বাণী' উদ্ধৃত করিয়া উপহার  
দিতেছি, আশা করি তাঁহারা বিনয় বাবুর  
সংকলিত অমর-বাণী আদরে পাঠ করি-  
বেন এবং আপনারাও এক এক খানি  
অমর-বাণী সংগ্রহ প্রস্তুত করিয়া আপন  
আপন ব্যবহারের জন্ত রাখিবেন অথবা  
সাধারণের ব্যবহারের জন্ত প্রকাশ করি-  
বেন। এইরূপ অমর-বাণী বা মহাবাক্য  
সংগ্রহ করিয়া পাঠিকাগণকে উপহার দান  
করা মহিলারও অগ্রতর উদ্দেশ্য থাকিবে।

সন্তোষই মানুষের পরম বিত্ত।

ছুংখের ঔষধ। ছুংখীর আর অগ্র  
কোন ঔষধ নাই, তাহার একমাত্র ঔষধ  
আশা।

পাপ পুণ্যের প্রভাব। লোকে মনে  
করে বুঝি তাহারা কেবল প্রকাশ্য কার্য  
দ্বারা তাহাদের পাপ পুণ্য সমাজে সঞ্চারিত  
করিয়া থাকে, কিন্তু তাহারা ভুলিয়া  
যায় যে পাপ বা পুণ্য মানবের প্রত্যেক  
নিঃশ্বাস প্রশ্বাসের সহিত আপনার স্তূগন্ধ  
বা দুর্গন্ধ বিস্তার করিতেছে।

শক্তির ব্যবহার। দৈত্যের ঞ্চায়  
অমিত শক্তি থাকা বাঞ্ছনীয়। কিন্তু  
দৈত্যের ঞ্চায় সেই শক্তি ব্যবহার করা  
জঘন্য অত্যাচার মাত্র।

ছুংখের শিক্ষা। ছুংখের শিক্ষা মধুময়।  
ছুংখ-ফণী দেখিতে সুন্দর নহে—দংশনে  
বিষের জ্বালাও আছে। কিন্তু তাহা  
হইলেও ইহার মস্তকে ইহা একটি অমূল্য  
মণি বহন করে।

### সংবাদ।

১৯০৬৭ সালে জাপান হইতে  
১২০০০০ পাউণ্ড মূল্যের মানুষের কাল  
চুল বিদেশে প্রেরিত হইয়াছে। সভ্য  
দেশের পরচুলার জন্তই এ সব চুল বিশেষ  
প্রয়োজন।

বড়দিনের সময় বিলাতে একটা ভোজ  
দেওয়া হয় ৫০ জন মাত্র লোককে খাওয়ান  
হইয়াছিল। আশ্চর্যের বিষয় এই ভোজে  
২,৫০০ পাউণ্ড ব্যয় হইয়াছে। সাজান  
ব্যয় ১০০ পাউণ্ড, ৪২৯ পাউণ্ড ফুলের

দাম, ৭৮ পাউণ্ড ১৫ সিলিং বৈহ্যতালোকে,  
৩৬৭ পাউণ্ড ১০ সিলিং মদ, মেহু ছাপান  
খরচ ৫০ পাউণ্ড এবং ১২৫০ পাউণ্ড বাজে  
খরচ। পাঠিকাগণ সাবধান, একরূপ সর্ব-  
নেশে ভোজ দিতে যেন তোমাদের কখন  
প্রবৃত্তি না হয়। নিষ্কর্মী ধনী সন্তানগণ  
এইরূপেই উৎসর্গ গিয়া থাকে।

কলিকাতায় ট্রামওয়ে কোম্পানীর  
রিপোর্ট পাঠে জানা গেল গত বৎসরে  
২,৭৪,৮৮,৮৫০ জন লোক নিজ কলি-  
কাতায় এবং ১১৯৭৫৬১ জন হাবড়ার  
গাড়ীতে যাতায়াত করিয়াছেন। আয়  
১৭৪৪৩০ পাউণ্ড অর্থাৎ ২৬১৬৪৫০ টাকা  
ব্যয় ১০৭৬৭৭ পাউণ্ড অর্থাৎ ১৬১৫১৫৫  
টাকা। গড়ে দশ লক্ষ টাকার উপর  
লাভ। বেশ ব্যবসা।

'মহিলা'র পিতা এবং মহিলার  
পাঠিকাগণের চির-শুভাকাঙ্ক্ষী শ্রদ্ধেয়  
শ্রীযুক্ত গিরিশচন্দ্র সেন মহাশয়ের কুশল  
সংবাদ জানিতে অবশ্যই সকলে উৎসুক  
আছেন। আমরা আত্মাদের সহিত  
সকলকে জানাইতেছি যে তিনি এখনও  
কোমলগরের গঙ্গাতীরে দ্বাদশ মন্দিরের  
ঘাটের সংলগ্ন উত্তর পার্শ্বে নন্দলাল মল্লি-  
কের বাগান বাটীতে বাস করিতেছেন।  
তাঁহার শরীর সম্পূর্ণ রোগমুক্ত বা সবল হয়  
নাই তথাপি এখন কিছু লেখাপড়া করিতে  
পারিতেছেন। উপাসনা ধ্যানধারণাতে  
অনেক সময় ব্যয় করেন। কোন কোন  
ধর্মবন্ধু তাঁহার সহিত উপাসনা ও ধর্মপ্রসঙ্গ  
করিতে গমন করিয়া থাকেন তাহাতে  
উভয় পক্ষের বিশেষ আনন্দ ও উপকার



হয় । সেন মহাশয়ের ভাগিনেয় মাননীয় শ্রীযুক্ত কৃষ্ণগোবিন্দ গুপ্ত মহাশয় লণ্ডনস্থ ইণ্ডিয়া কাউন্সিলের সভ্যপদে নিযুক্ত আছেন । তিনি বৃদ্ধ মাতুলের সেবার জন্ত ও অবাধে ধর্ম সাধনের জন্ত তাঁহার সমস্ত ব্যয়ভার আগ্রহের সহিত বহন করিতেছেন । এখন আমাদের শ্রদ্ধেয় সেন মহাশয়ের জীবনের এক মহা দুঃখ আমাদের বাল্যিকৃত জীবনের ও সামাজিক জীবনের হীন অবস্থা । যদি ব্রাহ্মসমাজের নারীগণ জ্ঞান বিশ্বাস সেবা ভক্তি প্রভৃতিতে অগ্রসর হন যদি তিনি দেখিতে পান যে ভগবানের সংসার ঘরে ঘরে প্রতিষ্ঠিত হইতেছে তাহা হইলে তিনি অধিকতর নিশ্চিন্ত-মনে আশা ও উৎসাহের সহিত জীবনের অবশিষ্ট সময় ভগবানের কার্য্য এবং তাঁহার পূজা বন্দনা করিয়া পরম সুখে বাস করিতে পারেন ।


বিগত ২৩ শে এপ্রেল শনিবার পূর্কাল সাড়ে নয় ঘটিকার সময় কুচবিহারস্থ ল্যান্স ডাউন হলে সুনীতি কলেজের বার্ষিক পারিতোষিক বিতরণ সম্পন্ন হইয়া গিয়াছে । মাননীয় কুচবিহারাধিপতি স্বয়ং পারিতোষিক দান করিয়াছেন । এতদুপলক্ষে মাননীয় কুচবিহার ধীধরী, কনিষ্ঠা রাজকুমারী, স্টেট সুপারইনটেন-শেণ্ট মঃ ডেটিথ দেওয়ান রায় কালিকা দাস দত্ত বাহাছর, মহারাজা বাহাছরের পারসনাল আসিসট্যান্ট শ্রীযুক্ত বাবু প্রিয় নাথ ঘোষ এম এ, সেন জজ শ্রীযুক্ত বাবু নরেন্দ্রনাথ সেন এম এ বি এল, পুলিশ সুপারিণ্টেণ্ডেন্ট কুমার গজেন্দ্র নারায়ণ,

ব্যারিষ্টার কুমার গজেন্দ্র নারায়ণ সাহেব, মিঃ এন, সি সেন, জনৈক ইংরাজ মহিলা এবং কয়েকটি দেশীয় ভদ্র মহিলা উপস্থিত ছিলেন । কুমারী খনা নাইটিঙ্গেল মজুমদার নাম্নী যে বালিকা বিগত উচ্চ বাৎসরিক পরীক্ষার কুচবিহার কেন্দ্রের মধ্যে বালকদিগের সহিত প্রতিযোগিতায় প্রথম স্থান অধিকার করিয়াছে মহারাজ বাহাছর তাহাকে একটি স্বর্ণমেডেল প্রদান করিয়াছেন । সমুদয়ে প্রায় দেড়শত বালিকাকে পুরস্কার বিতরণ করা হইয়াছে ।

ধূমকেতু ।—এক পক্ষ কাল হইল হেলীর আবিষ্কৃত ধূমকেতু উষাকালের পূর্বে দৃষ্টিগোচর হইতেছে । আরও ১২ দিন এইরূপ সূর্যোদয়ের পূর্বে নয়নগোচর হইবে । ধূমকেতু আগামী শনিবার রাত্রি আড়াইটার পর উদিত হইবে । ১১ই মে রাত্রি ২টা ৪২ মিনিট, ১৪ মে ৩টা ১ মিনিট এবং ১৬ মে ৩টা ৩৭ মিনিটের সময় তাহার উদয় হইবে । ১৯ এ ধূমকেতু সূর্য্যকে অতিক্রম করিয়া তাহার পূর্বে দিকে যাইবে । ঐ দিন দিবাভাগে উহা সূর্য্য ও পৃথিবীর মধ্য দিয়া যাইবে । ২০ এ মে সন্ধ্যা ৭টার সময় ধূমকেতুকে পশ্চিমদিকে দেখা যাইবে । ২১ ঐ তারিখ রাত্রি ৭টা ৫০ মিনিট পর্য্যন্ত ধূমকেতু দৃষ্টিগোচর হইবে । মে মাসের শেষ দিনে সন্ধ্যা হইতে ছপ্রহর রাত্রি পর্য্যন্ত ধূমকেতু দেখা যাইবে ।

১৫শ ভাগ ।  
৯ম সংখ্যা ।


১৩১৬



শ্রীমান  
দুর্জয়  
মহল  
ইব্রাহিম

## সূচী ।

বিষয় ।	পৃষ্ঠা ।
প্রার্থনা ... ..	১৭৭
নবযুগ কন্যাদিগের একটি ভাবিবার বিষয়	১৭৮
কিরূপে শান্তি অক্ষুণ্ণ থাকে ... ..	১৮৪
হালিবার্টন পত্নীর জীবনের পরীক্ষা ...	১৮৮
দেবী অধোরকামিনীর পত্র ... ..	১৯৩
সম্রাট বিয়োগ ... ..	১৯৫
উচ্চ চিন্তা ... ..	১৯৭
মহিলাদিগের রচনা—কিরূপে সুখী পরিবার গঠন করা যায় ... ..	১৯৮
” ” উপদেশ ... ..	২০০
সংবাদ ... ..	২০০



ডাকমাণ্ডল সহ অগ্রিম বার্ষিক মূল্য ২ টাকা মাত্র ।



## বঙ্গমহিলার .

### প্রিয় অঙ্গরাগ কি তা জানেন ?

ইহা আমাদের মহাসুগন্ধি "কুস্তলরস তৈল"। কুস্তলের শোভা বুদ্ধির জগৎ ইহার সৃষ্টি। কেশরাশি কুঞ্চিত কোমল ও মসৃণ করিতে ইহা অদ্বিতীয়। ইহা মাথিলে দিন রাত মাথায় স্তগন্ধ থাকে—চিত্ত আনন্দে বিভোর হয়—কখনও চুল উঠিয়া যায় না বা মরামাস হয় না। বিবাহব্যাপারে ইহা সর্বশ্রেষ্ঠ-স্বদেশী-উপহার। মূল্য প্রতি শিশি এক টাকা। মায় ডাক মাণ্ডল ১১/০ তিন শিশি ২১০, ডজন ৯ টাকা।

## বঙ্গমহিলার

### রক্ষাকবচ কি তা জানেন ?

ইহা আমাদের ভারতবিখ্যাত অশোকারিষ্ট। স্ত্রীস্বভাবসুলভ ব্যাধি নির্দোষ ভাবে আরোগ্য করিতে ইহা অদ্বিতীয়। রোগ আরাম করিয়া কান্তি পুষ্টি লাভণ্য আনিতে ইহা অদ্বিতীয়। প্রদর, বাধক ও রক্তবিকার ঘটিত বোগে যোগিনীর কি শোচনীয় পরিণাম উপস্থিত হইতে পারে তাহা বুদ্ধিমান ব্যক্তিমাতেই জানেন। সময় থাকিতে আমাদের "অশোকারিষ্ট" সেবন করিতে দিন। ইহা মহিলাকুলের রক্ষাকবচ বলিলেও অত্যুক্তি হয় না। মূল্য প্রতি শিশি ১১০ দেড় টাকা। মায় ডাক মাণ্ডল ১৫/০ এক টাকা পনের আনা।

ঋষিকল্প কবিরাজ বিনোদলাল সেন মহাশয়ের

### আদি-আয়ুর্বেদ ঔষধালয়।

১৪৬ ও ৩৬নং লোয়ার চিৎপুর রোড, ফৌজদারী বালাখানা, কলিকাতা।

টেলিগ্রাফিক ঠিকানা

ভীষকরাজ।

প্রধান চিকিৎসক

কবিরাজ শ্রীআশুতোষ সেন।


ও

কবিরাজ শ্রীপুলিনকৃষ্ণ সেন।

কলিকাতা

৫ নং রমানাথ মজুমদারের স্ট্রীট, "মঙ্গলগঞ্জ মিশন প্রেসে"

কে. পি. নাথ কর্তৃক ২রা আষাঢ় ১৩১৭ সালে মুদ্রিত ও প্রকাশিত।



মাসিক পত্রিকা।

"যত্র নার্যস্য পূজ্যন্তে বসন্তে তত্র দেবতাঃ।"

১৫শ ভাগ]

চৈত্র ১৩১৬, এপ্রিল ১৯১০।

[ ৯ সংখ্যা।

### প্রার্থনা।

হে পতিতপাবন পুণ্যময় দেবতা, তোমার কন্যাগণকে তুমি পুণ্যস্বভাব দিয়া সজ্জিত করিয়াছ। মহুধ্য পরিবারের সৌন্দর্য্য বিশেষভাবে তোমার কন্যাগণের চরিত্রের প্রভাবের ভিতর দিয়া প্রকাশিত হয়। তোমার কন্যাগণ পুণ্যশীলা এবং পুণ্যেতেই আনন্দিত হন কিন্তু সমাজে পুণ্যের উপযুক্ত মাগ্ন হইতেছে না। পুণ্যই যে একমাত্র আশ্রয়, যে স্থানে পুণ্যের আদর নাই সে স্থান যে পাপ, হুঃখ ও মৃত্যু পূর্ণ ভীষণ স্থান এই সত্য তোমার পুত্রকন্যাগণের মনে দৃঢ়রূপে অঙ্কিত করিয়া দাও। হে শুদ্ধস্বরূপ দেবতা, তুমি যে কোন প্রকার অশুদ্ধতাকে প্রশ্রয় দেও না, তোমার নিকট কোন পাপ আসিতে পারে না একথা মানুষ বুঝিয়াও বুঝিতে পারে না। এ জগতই পৃথিবীর ছত্রবস্ত্রা ঘুচে না। হে আশ্চর্য্য-রহস্যময়

ঈশ্বর, আমাদের মঙ্গলের জগৎ তুমি নারী-হৃদয়ে প্রেমের কোমলতা ও পুণ্যের দৃঢ়তাকে আশ্চর্য্যভাবে মিলিত করিয়া রাখিয়াছ, তাঁহারা নিঃস্বার্থ প্রেমদ্বারা পৃথিবীকে, সমাজকে ও পরিবারকে বন্ধন করিয়া রাখিতেছেন কিন্তু তাঁহাদিগের পুণ্যের প্রভাব তেমন প্রকাশিত হইতেছে না। তোমার কন্যাগণ যেমন সকল অবস্থায় নিঃস্বার্থ প্রেমের বলে সকল সস্থ করিয়া পরিবারের ও সমাজের মঙ্গল বিধান করিতেছেন তেমন ভাবে তাঁহারা আপনারা পুণ্যে দৃঢ় থাকিয়া পরিবারের ও সমাজের সকল ব্যক্তিকে পুণ্যের অধীন থাকিতে বাধ্য করিতে পারিতেছেন না; তুমি তাঁহাদিগকে পুণ্যে দৃঢ় করিয়া দাও। পুণ্যহীন সৌন্দর্য্য, পুণ্যহীন প্রেম, পুণ্যহীন ধন, পুণ্যহীন বল সকলই যে হুঃখের হেতু, সকলের পরিণাম যে ঘোর অন্ধকারময় মৃত্যু; তাহা আমাদের সকলকে তুমি রূপা করিয়া উত্তমরূপে বুঝাইয়া দেও।



হে দেবতা, আমরা দেখিতেছি যে তুমি তোমার কন্যাগণকে পুণ্য স্বভাব দিয়া রচনা করিয়াছ, তাঁহারা তোমার নিকট খাঁটি হইয়া নিত্য পুণ্যে প্রতিষ্ঠিত থাকিলে এখনই সংসারে পরিবারে স্বর্গরাজ্য আসিবার পথ খুলিয়া যায়। হে পুণ্যময় পরম দেবতা, তুমি কৃপা করিয়া আমাদের সমাজের চক্ষু খুলিয়া দেও, দিবা আলোক আমাদের দান কর যে আমরা যেন আমাদের মাতা, ভগিনী, স্ত্রী, কন্যা প্রভৃতি নারীগণকে সমাজে ও পরিবারে উচ্চস্থান দান করিয়া তাঁহাদের পুণ্যের প্রভাবে শাসিত হইয়া তোমার ইচ্ছা অনুসারে সংসারে বিচরণ করিতে পারি। হে আমাদের পরিভ্রাতা, তুমি তোমার পুণ্যরাজ্য ধরাতলে প্রতিষ্ঠিত কর, তোমার কন্যাগণকে ব্রহ্ম-কন্যার উচ্চ অবস্থা দান কর যে তাঁহারা আপনাদের প্রেম পুণ্যের বলে পৃথিবীকে স্বর্গে পরিণত করিতে পারেন।

শান্তিঃ শান্তিঃ শান্তিঃ।

### নব্যযুগ কন্যাগণের একটি ভাবিবার বিষয়।

সকলেই জানেন ভারতের সামাজিক ক্ষেত্রে অধুনা একদল লোকের অভ্যুদয় হইয়াছে যাহাদের নামে—অন্য নামের অভাবে—পুনরুত্থানকারী দল বলিয়া অভিহিত করা হইয়া থাকে। ইহাদের যুগ এই—পূর্বে ভারতে যাহা কিছু ছিল সকলেই “ভাল” ছিল, এখন যাহা কিছু

হইতেছে সকলেই “মন্দ”। একদল একদেশ-দর্শিতাকে আমরা বিকৃতি ভিন্ন কিছুই বলিতে পারি না।

অতীত ও ভবিষ্যতের প্রতি মানুষের সাধারণতঃ একটা কুহেলিকাময়ী আসক্তি থাকে। ইংরাজী একটা কবিতায় আছে—

দূরত্বই দৃশ্যে করে মাধুর্য্য অর্পণ,  
সুদূর পর্বত শোভে সুনীল বরণ।

বাস্তবিকই দূরত্বই বোধ হয় অতীত ও ভবিষ্যতের মাধুর্য্যের কারণ। আমরা কবি সেক্ষিপিয়র একস্থলে বলিয়াছেন— “অতীত এবং ভবিষ্যত আমাদের নিকট চির মধুর, শুধু বর্তমানই তিক্ত বলিয়া মনে হয়।” টেনিসনও একস্থলে এই ভাব ব্যক্ত করিয়াছেন। তিনি সেই সঙ্গে বলিয়াছেন— অতীত এখন অতীত বলিয়াই আমাদের নিকট মধুর, নচেৎ তাহার মধ্যে তাহার নিজস্ব কোন মাধুর্য্য নাই :—

“অতীত মোহিনী চিত্র মোহিনী শোভাতে,  
অতীতে যখন মোরা ছিলাম বর্তমান।”  
জগতের সর্বত্রই এই ভাবই পরিলক্ষিত হয়—মানুষ বর্তমানকে তুচ্ছ অকিঞ্চিৎকর মনে করিয়া সুদূর অতীতে বা ছলক্ষ্য-ভবিষ্যতে “স্বর্গযুগ” বা সত্যযুগ বা Millennium কে স্থাপিত করে।

প্রাচীন যুগের লোকেরা অতীতেই সত্যযুগকে দর্শন করিয়াছেন—অধুনা বৈজ্ঞানিকগণ সত্যযুগকে অনাগত ভবিষ্যতের অস্পষ্ট উষালোকে মানসনেত্র দর্শন করিয়া মুগ্ধ হইতেছেন।

সে যাহাই হউক যাহারা মনে করেন সত্যযুগ অতীতেরই বস্তু বর্তমান কাল

শুধু হীনতা ও নীচতার পক্ষে নিমজ্জিত— আমাদের হৃদয় তাঁহাদের মতে সায় দিতে কিছুতেই সম্মত নহে। বরং হৃদয় কবি টেনিসনের সহিত এক বাক্যে বলে—

“এ বিশ্বের মধ্য দিয়া,  
আমার বিশ্বাস এই —  
ক্রমোন্নত অভিপ্রায় ছুটেছে মিয়ত ;  
তপনের গতি সহ  
মানবের চিত্ত সদা,

নব নব পূর্ণতায় হ’তেছে বিস্তৃত ॥

কিন্তু যদিও পুনরুত্থানকারী দলের সহিত আমাদের সহানুভূতি নাই, তথাপি আমরা এ কথা অকুণ্ঠিত চিত্তে স্বীকার করিব যে যে সকল লোক অতীতের মধ্যে কোন সৌন্দর্য্যই দর্শন করেন না এবং যাহারা সেই জগৎ অতীতের সহিত সকল সম্বন্ধ ছেদন করিয়া সমাজকে সম্পূর্ণ নূতন গড়িয়া তুলিতে চাহেন—তাঁহাদের কার্য্য নিঃসন্দেহ ব্যাধির লক্ষণ যুক্ত। চতুর ব্যবসায়ী কোন নূতন ব্যবসায় সফলতা লাভ করিবার জগৎ রিক্ত হস্তে ব্যবসায় আরম্ভ করেন না—তিনি যথেষ্ট পুঁজি লইয়া ব্যবসায় প্রতী হন। যাহার কোন পুঁজি পাটা নাই সে কি কখনও ব্যবসায় সফল মনোরথ হইতে পারে? সমাজ গড়িয়া তুলিবার ব্যবসায় যাহারা প্রতী তাঁহাদেরও এ ব্যবসায় যথেষ্ট পুঁজি লইয়া আরম্ভ করিতে হয়। এ ব্যবসায় পুঁজি কি? অতীতের অভিজ্ঞতাই ইহার পুঁজি। যাহাকে অতীত বলি সে কি বর্তমান ছাড়া নূতন কিছু! “বর্তমান”ই; কালে অতীত হয়। বর্তমানকে উপেক্ষা

করিয়া বর্তমানের উন্নতি প্রয়াস বাতুলতা মাত্র—সুতরাং অতীতের সহিত সকল সম্বন্ধ ছেদন করিয়া বর্তমানের উন্নতি বিধানের চেষ্টাও মনের বিকার মাত্র। ভিত্তি না থাকিলে কেহ শূন্যে প্রাসাদ নির্মাণ করিতে পারে না। অতীতের সব ভাল এ কথা বলাও যেমন অনিষ্টকর অতীতের কিছুই ভাল নহে—অতীত হইতে আমাদের কিছুই লাভ করিবার নাই—এ ধারণা তাহার অপেক্ষাও অধিক অনিষ্টজনক। জীবনসংগ্রামের জয় পরাজয়ের ইতিহাস অতীতের বক্ষে সঞ্চিত হইয়া আছে। অত্যাচারের অবশুস্তাবী পরিণাম, স্বার্থত্যাগের মধুময় ফল—অতীতের পত্রে পত্রে উজ্জ্বল অক্ষরে লিখিত হইয়া আছে। সে অভিজ্ঞতা-পুঁজি যিনি উপেক্ষা করিবেন—তিনি রিক্ত হস্তে ব্যবসাও ফাঁদিবেন—তাঁহার বিফলতা অনিবার্য্য।

মানুষের দুইটা পা আছে। মানুষ যখন চলে তখন সে কি করে? যিনি দুইটা পাকেই তুলিয়া চলিতে যাইবেন তাঁহার চলা কেমন সুন্দর হইবে তাহা আমরা কল্পনা করিয়া লইতে পারি। দুই পা তুলিয়া অগ্রসর হইতে যাত্ৰা—চলার ইতিহাস নহে। যিনি চলিতে চাহিবেন তিনি মাটির উপরে একটা পাকে দৃঢ়ভাবে স্থাপিত করিয়া তাহার উপর ভর দিয়া অগ্র পাটা বাড়াইবেন—ইহাই চলার ইতিহাস। মানবকে চলিতে হইলে পায়ের উপর ভর দিয়া দাঁড়াইবার দৃঢ় ভূমি চাই। মনুষ্য সমাজের চলার সম্বন্ধে “অতীত”ই



সেই দৃঢ় ভূমি। সেই ভূমির উপরে ভর দিয়া অগ্রসর হইতে হইবে। ভূমির উপর ভর দিয়া স্থিরভাবে দাঁড়াইয়া থাকিলে চলা হয় না—চলিবার জগু পা বাড়াইতে হয়। তেমনি শুধু অতীতের বস্তুগুলিকে নির্বিচারে মোহে বুকে আলিঙ্গন করিয়া স্থির থাকিলে সমাজ উন্নত হইবে না—বিশ্বের মধ্য দিয়া যে ক্রমোন্নত অভিপ্রায় ছুটিয়া বলিতেছে, যে অতিপ্রায়কে হৃদয়ে উপলব্ধি করিয়া আশা পূর্ণ অন্তরে সময়ের সহিত আমাদের অগ্রসর হইতে হইবে—তবেই সমাজের উন্নতি সম্ভবপর হয়। আবার অতীতকে এ কথাও সর্বদা স্মরণ রাখিতে হইবে যে পা বাড়াইতে হইলে স্থির ভূমির উপর ভর দিয়াই সে কার্য্য করিতে হয়—সুতরাং অতীতের অভিজ্ঞতাকে একেবারে পরিবর্জন করিয়া, অতীতের যাহা কল্যাণকর তাহাকে সম্মান না দেখাইয়া একেবারে নূতন করিয়া সমাজগড়িতে যাওয়াও বিড়ম্বনা।

গ্রহণ ও পরিবর্জনই জীবনের প্রধান লক্ষণ। জীবিত সমাজ গ্রহণও করিবে পরিবর্জনও করিবে। গ্রহণ না করিয়া কেবল পরিবর্জনে সমাজের চিরস্থায়ী কল্যাণ সম্ভবপর নহে।

টেনিসন একস্থলে বলিয়াছেন যে প্রত্যেক মানবশিশু যুগযুগান্তরে ধন সম্পদের উত্তরাধিকারী হইয়াই জন্মগ্রহণ করে। এক্ষণে যুগের দশম বর্ষীয় বালকও নিউটনের বিখ্যাত মাধ্যাকর্ষণের নিয়মের কথা জ্ঞাত আছে—যোগী নিউটন যোগ-

বলে যে অমূল্য রত্ন উপার্জন করিয়াছিলেন—তাহা এক্ষণে জগতের সাধারণ সম্পত্তি হইয়া গিয়াছে—মানবশিশু মানব বলিয়াই সেই সম্পদের উত্তরাধিকারী—কেহই তাহাকে সে অধিকার হইতে বঞ্চিত করিতে পারে না। যদি কেহ আপনাকে সে অধিকার হইতে বঞ্চিত করিয়া, সে অমূল্য সম্পদের উপকারিতা গ্রহণে অনিচ্ছুক হইয়া, নিজের উদ্ভাবনী শক্তি বলে আবার নূতন করিয়া সেই নিয়ম আবিষ্কার করিবার জগু প্রতীক্ষা করিতে থাকেন, তবে তিনি পাগল। এ ভাবে চলিতে গেলে সমাজকে বহুদিন শিশু অবস্থায় পড়িয়া থাকিতে হয়।

সুতরাং অতীতের অভিজ্ঞতার পূঁজি আমাদের সঞ্চয় করিতে হইবে। মন্দকে পরিবর্জন করিয়া ভাল যাহা প্রকাশিত হইয়াছে তাহাকে গ্রহণ করিতে হইবে। অতীতের জ্ঞানকে বর্তমানের পথ প্রদর্শক-রূপে স্বীকার করিতে হইবে।

ভারতের তামসযুগের অবসানে অধুনা সংস্কৃত জ্ঞানের আলোক উদয়াচলের শিখরে আবার দেখা দিয়াছে। ভারতের নারী সম্বন্ধে নবীন জ্ঞানের আলোকে নবঅভ্যুদয়ের দিকে অগ্রসর হইতেছে। ভারতের সুদিন সমাগত বলিয়া মনে হইল কারণ যেখানে নারীজাতি সমুন্নত হন—সেখানে বিধাতার আশীর্বাদ বর্ষিত না হইয়াই পারে না।

কিন্তু এই মাতৃজাতির দায়িত্ব অতি গুরু। তাহারা যদি শুধু শ্রোতে অঙ্গ ভাসাইয়া চলিয়া যান—যদি পরিবর্তনের

কূলবিপ্লাবী টানে পড়িয়া অতীতের পুণ্যআদর্শের কথা বিস্মৃত হইয়া পড়েন তবে শুভলক্ষ্যে উপনীত ও সুসুন্দর হইয়া উঠিবে।

কলিকাতায় বাসকালে আমি একটা বালিকা বিদ্যালয়ের পারিতোষিক বিতরণের ক্ষেত্রে উপস্থিত ছিলাম। সেখানে যখনই আমি ক্ষুদ্র বালিকাদিগের সুধাকণ্ঠের মধুময়ী আবৃত্তি শুনিয়াছি—যখনই জ্ঞানের দিব্য কিরণে উদ্ভাসিত মহিমাময়ী নারী মূর্তিগুলি দেবলোকের অপূর্ব শোভায় আমার নয়ন সন্মুখে ফুটিয়া উঠিয়াছে—তখনই আমার মস্তক আনন্দে ও কৃতজ্ঞতায় সেই মঙ্গলময় বিধাতার চরণে নত হইয়া পড়িয়াছে। আমার উচ্ছ্বাসিত চিত্ত সেই দেবীমূর্তিগুলিকে অভিবাদন করিয়া বলিয়াছে—এস কথা এস ভগিনি, এস জননি, দুঃখিনী ভারত-মাতা তোমাদেরই পথ চাহিয়া বসিয়া আছেন—তোমরা না হইলে আর অণু কেহই তাহাকে হীনতা পক্ষ হইতে টানিয়া তুলিতে পারিবেন না। আর সেই সঙ্গে আমি আপনাকে ইহাদের ভাই—পুত্র ভাবিয়া মহান গৌরবে নিজকে পরম ধন্য মনে করিয়াছি।

আমি অন্তরেব সহিত বিধাতার চরণে নিয়ত এই প্রার্থনা করি—আমার দেশের নারীসমাজ জ্ঞানে ও শিক্ষায় দিন দিন সমুন্নত হউন। আমি কবির সঙ্গে সম্পূর্ণ বিশ্বাস করি—“অজ্ঞানতা বিধাতার অভিশাপ, জ্ঞান সেই জ্যোতির্ময় পক্ষ যাহার উপর ভর দিয়া আমরা স্বর্গে উড়িয়া যাই।”

কিন্তু হে নবযুগ কল্যাণসমাজ, আমি আপনাদিগকে আপনাদিগের দায়িত্বের কথা স্মরণ রাখিতে বিশেষভাবে অনুরোধ করি। আপনারা জ্ঞান বিজ্ঞানের আলোকে কুসংস্কারকে জয় করিয়া উচ্চ লক্ষ্যের পথে চলিয়াছেন—বিধাতা আপনাদের এ সাধু উদ্দেশ্যের উপর আশীর্বাদ বর্ষণ করুন। আপনারা নগ্ন বর্করতাকে দূরে পরিহার করিয়া যে শীলতা ও সত্যতার সাধন অবলম্বন করিতেছেন, আপনাদের এ মহৎ সঙ্কল্প সিদ্ধিতে পরিণত হউক। কিন্তু একটা কথা—আপনারা অতীত ভারতের লুপ্ত প্রায় রত্ন-রাজির উদ্ধার বিষয়ে উদাসীন থাকিবেন না। ঘরের অমূল্য সম্পদকে হেলায় উপেক্ষা করিবেন না।

কল্পনাকৌতুকী কবি ও ঔপন্যাসিক-গণ কল্পনার রঙ্গীন চশমা পরিধান করিয়া পল্লীগ্রামের যে পরম রমণীয় মধুর মূর্তি দর্শন করিয়া থাকেন, আমরা সত্যের খাতিরে বলিতে বাধ্য যে সে ছবি এক্ষণে আমাদের চক্ষে পতিত হয় না। আমরা নিজে পল্লীগ্রামবাসী কবি-বর্ণিত পল্লীগ্রাম নিছক কল্পনার বস্তু, বাস্তব জগতে এখন তাহার অস্তিত্ব নাই। আমরা দেখিতে পাই দ্বেষ, হিংসা, অহুয়া, সঙ্কীর্ণতা ও কুসংস্কার পল্লীগ্রামে পূর্ণ মাত্রায় বিরাজিত। ভাইয়ে ভাইয়ে দ্বন্দ্ব, জাতিতে জাতিতে বিবাদ, পাড়ায় পাড়ায় বিদ্বেষ ইহা পল্লীগ্রামের নিত্য নৈমিত্তিক ঘটনা। সুতরাং কাল্পনিক পল্লীরমণীর রমণীয় ছবি আঁকিত করিয়া যাহারা আপনাদিগের প্রতি অযথা বিদ্বেষের ও অকুটিল বাণ নিক্ষেপ করেন



আমরা তাঁহাদের ব্যবহারে সবিশেষ লজ্জিত। আশা করি আপনারা তাঁহাদিগকে উদার হৃদয়ে ক্ষমা করিবেন। আপনারা আরো ক্ষমা করিবেন সেই সকল দীন-রূপা-পাত্রদিগকে যাহারা শিক্ষা ও সংস্কারের বিরুদ্ধে অশ্লীল ও বিকৃত রুচির পরিচয় দিয়া আপনাদিগকেই নীচত্বে সঙ্কুচিত করিয়া ফেলে।

পল্লীগামে মহত্বের প্রাসাদ এখন বিচূর্ণ হইয়া পড়িয়াছে, কিন্তু যে ধ্বংসাবশেষ এখনও ইতস্ততঃ বিক্ষিপ্ত দেখিতে পাওয়া যায়, তাহাতে বুঝিতে পারি যে এককালে পুণ্য আদর্শের উচ্চ অট্টালিকা সেখানে আকাশের দিকে মস্তক উন্নত করিয়া দণ্ডায়মান ছিল। আজ সেই সকল ধ্বংসাবশেষের দু' একটির কথা আপনাদের নিকট উল্লেখ করিব।

এখনও আমি যখন সहर হইতে আমার দীন জন্ম-পল্লীতে গিয়া উপস্থিত হই, তখন দেখি যে আমাদের পাড়ায় যেন মস্ত একটা অন্তরের শাড়া পড়িয়া যায়। আমার বামুন জেঠাইমা সংসারের শতকর্ম ফেলিয়া হাঁপাইতে হাঁপাইতে ছুটিয়া আসিয়া আমার কুশল প্রশ্ন জিজ্ঞাসা করেন। আমার কামার ভাইজী কত আগ্রহের সহিত জিজ্ঞাসা করে “কাকা ভাল আছ?” আমার নাপিত দিদি, আমার কুমোর মামী সবাই আমাকে ঘিরিয়া কথায় গল্পে আমাকে যেন অভিভূত করিয়া ফেলে। আপনারা বিশ্বাস করিবেন কি, সে সময়ে আমার হৃদয়ে যেন সুধার সমুদ্র উথলিয়া উঠে। কি একটা

অদৃশ্য কোমল স্নেহের ডোর প্রাণের সঙ্গে প্রাণ যেন গাঁথা পড়িয়া গেছে। এই সরল সুন্দর আত্মীয়তার পরিচয় অজ্ঞাতসারে আমার চক্ষের পাতাকে ভিজাইয়া আনে। আমি সহরেও অনেক স্বর্গীয় নারী-হৃদয়ের অপূর্ণ স্নেহসুধা লাভ করিয়া ধন্ত হইয়াছি। ইহাদের কথা আমি কিছু বলিব না। কিন্তু সাধারণতঃ অনেকস্থলে লক্ষ্য করিয়াছি, আদর আছে, যত্ন আছে, সেবা আছে, অভ্যর্থনা আছে কিন্তু যেন সেই সরল ব্যাকুল স্নিগ্ধ আন্তরিকতাটুকু নাই। হয়তো ভুল বুঝিয়াছি, সেরূপস্থলে আমি সর্বাস্তঃকরণে আপনাদের ক্ষমা ভিক্ষা করি। কিন্তু যদি আমার এই ধারণার মধ্যে কিছুমাত্রও সত্য থাকে, তবে আপনাদের তাহা বিশেষ করিয়া ভাবিবার বিষয়। পল্লীগাম হইতে এই বামুন জেঠাইমা ও কুমোর মামীর দল ক্রমশঃই লোপ পাইতেছে, অজ্ঞানতা ও কুশিক্ষা যেখানে দীর্ঘকাল ধরিয়া বিরাজ করে সেখানে স্বর্গীয় গুণ অধিকদিন তিষ্ঠিতে পারে না। নবযুগ কল্যাণ তাঁহাদের জ্যেষ্ঠাগণের এই অমূল্য ভূষণটিকে কি নষ্ট হইতে দিবেন, তাহারা কি ইহাকে আদরে আপনাদের কণ্ঠে ধারণ করিবেন না? আমি জানি তাঁহাদের হৃদয়ে কাঞ্চন আছে, তাহারা যেন এই মণিকে উহার সঙ্গে মিলাইয়া লইতে উদাসীন না থাকেন। যদি পরকে আপনার করিয়া প্রাণের মধ্যে টানিয়া লইতে হয় তবে এই আন্তরিকতারূপ চুষককে উপেক্ষা করিবেন না।

আর একটা দেবগুণ—সুকোমল বিন-

য়ের ভাব। কেমন একটা স্নোভন অবনত দীনতা, যাহা পদতলে লুপ্ত হইয়া সকলের উপর আপনার প্রভুত্ব বিস্তার করিয়া থাকে। অনেকে হয় তো বলিবেন অশিক্ষিতা, আত্মগৌরব-জ্ঞান-বঞ্চিতা স্ত্রীলোকেরা যেরূপ দীন অকিঞ্চনতার ভাব প্রকাশ করিবেন, সুশিক্ষিতা নারীজাতির উচ্চাধিকার বিষয়ে জাগ্রৎ-চেতনা রমণীগণও কি সেরূপ করিবেন? ইহার উত্তরে আমি বলিব, শিক্ষিতাগণ শুধু সেইরূপ করিবেন তাহা নহে, তাহা অপেক্ষা অনেক অধিক করিবেন। শিক্ষা যদি বিনয় না দেয়, তবে জাণি না আর কিসে তাহা দিতে পারে! তবে প্রকৃত শিক্ষা চাই, শিক্ষার বাহু-আড়ম্বরে কখনই এ বিনয় আসিবে না! Little learning is a dangerous thing বস্তুতঃই অল্প-বিদ্যা ভয়ঙ্করী। আমাকে যেন কেহ ভুল বুঝিবেন না, আমি বিনয় অর্থে নিজীব নিরাশয়ের, বা কপট সৌজত্বের ভাব বুঝিতেছি না। আমি বুঝিতেছি সেই গুণ যাহা দাস হইয়া প্রভু, যাহা ছোট হইয়া সর্বাপেক্ষা বড়। শিক্ষার সঙ্গে একটা ছুরিগমাতার অপবাদ থাকিয়া যাইতেছে, শিক্ষা যেন “সঙ্গীনের” ছায় খাড়া থাকিয়া সাধারণ লোকদিগকে দূরে খেদাইয়া রাখিতেছে। অথচ শিক্ষার ছায় সুকোমল বস্তু আর কি আছে? প্রাণ খুলিয়া বিশ্বাস করিবার এমন জিনিস আর কি আছে? শিক্ষা “সঙ্গীন” নহে শিক্ষা পরম সুহৃদের স্নিগ্ধ প্রেমছায়া। ইহা বিভীষিকার ছায় মানুষকে দূরে সরাইয়া

রাখিবে না কিন্তু মানুষ সংসারে শ্রান্ত ক্লান্ত হইয়া এই অক্ষয় বটমূলে বসিয়া প্রাণের ক্লান্তি দূর করিবে। সকল সদ-গুণের শ্রেষ্ঠ এই বিনয়—ইহা উপেক্ষা করিবার জিনিস নহে।

তাহার পর আর একটা গুণ—শ্রদ্ধা নিষ্ঠা সংযম। নাম ভিন্ন হটক কিন্তু বস্তু একই। পল্লীগামে এখনও নারীদিগের ব্রত ও নিয়ম পালনের জগু যে কঠোর সংযম ও স্বার্থত্যাগ পূজার আয়োজনের মধ্যে যে শুদ্ধাচার রক্ষার ঐকান্তিকী চেষ্টা দেখিতে পাওয়া যায় তাহা প্রকৃতই স্বর্গীয় বস্তু। অবশ্য এ গুলির ভিতর হইতে এখন প্রাণ চলিয়া যাইতেছে ও কেবল বাহু-আড়ম্বরই অবশিষ্ট থাকিয়া যাইতেছে—কিন্তু তথাপি এই ধ্বংসাবশেষ হইতেও আমরা পূর্ণ অট্টালিকার মহত্ব ও মাধুর্য্য হৃদয়ঙ্গম করিতে পারি। আর বাহু-আয়োজন যে একেবারে উড়াইবার জিনিস তাহাও মনে হয় না—“বাহির” হইতে ভিতর অনেক বিষয়ে সাহায্য লাভ করিয়া থাকে। তবে অল্পর শুদ্ধি চিত্তের নিষ্ঠা ও সংযমই যে চরম লক্ষ্য এ কথা কে অস্বীকার করিবে? প্রাণহীন বাহু-আড়ম্বর গুলিবে উপেক্ষা করিতে পারেন কিন্তু ইহাদের উপেক্ষা করিতে গিয়া যদি তাহার সঙ্গে ঐ অমূল্য মাণিকগুলি হারাইয়া ফেলি তাহা হইলে উহা গভীর পরিতাপের বিষয়। কুসংস্কার পরিত্যাগ করিতেই হইবে কিন্তু কুসংস্কারের বিভীষিকায় আকুল হইলে চলিবে না। আপনারা চিন্তাশীল বাগ্মী Burke এর সেই কথা



মনে রাখিবেন—There is superstition in avoiding superstition—

কুসংস্কার । বিভীষিকায় বাতিবাস্ত হইয়া “ঐ কুসংস্কার ঐ কুসংস্কার” কথকরিয়া বেড়ানও এক বিষম কুসংস্কার । কুসংস্কারকে কাঁটাইয়া ফেলিতে গিয়া ঘরের মণি মাণিক্য গুলিকেও তাহার সহিত কাঁটাইয়া ফেলিলে আমাদের পরম দুর্ভাগ্য ।

আজ আর এ বিষয়ে অধিক আলোচনা করিব না করিবার আবশ্যকতাও নাই । আপনাদের ভাবিবার জগৎ সামান্য ইঙ্গিত করাই আমার উদ্দেশ্য । আপনারা যদি এই পত্রিকায় এ বিষয়ে সবিস্তার আলোচনা করেন তাহা হইলে বিশেষ সুখী হইব । এ বিষয়ে যতই আলোচনা হয় ততই মঙ্গল । আমি পূর্বেই বলিয়াছি—পল্লীগামে এখন আর এ গুণগুলি অবিকৃত অবস্থায় নাই—শুণ্য আড়ম্বর প্রাণের সিংহাসন অধিকার করিয়া লইতেছে । অজ্ঞানতার বাহা অবশ্যস্তাবী ফল সেই ফল ফলিতে আরম্ভ করিয়াছে । এক্ষণে ঘরের এ রত্নগুলির যদি পুনরুদ্ধার করিতে হয় তবে এ বিষয়ে আপনাদিগকেই বিশেষভাবে অগ্রসর হইতে হইবে । আপনারা পোষাক পরিচ্ছদ, রীতি নীতি, সামাজিক আচার ব্যবহার বিষয়ে উন্নততর লক্ষের দিকে চলিয়াছেন—আপনারা শিক্ষার শুভ আলোক লাভ করিয়া ধন হইয়াছেন, আপনারাই ভারতীয় নারীর অপূর্ব দেবগুণ গুলির মাহাত্ম্য বুঝিবার প্রকৃত অধিকারিণী । উন্নততর রীতি নীতি

ও উচ্চতর আচার ব্যবহারে দেশ দিনদিন সমুন্নত হউক—কিন্তু এ সকলের বাহা প্রাণ বাহাকে আশ্রয় করিয়া এ সকলের মহিমা ও মাধুর্য্য সেই ধর্ম ও চরিত্র যেন সর্বপ্রথমে রক্ষিত হন । প্রাণহীন দেহে যেমন অলঙ্কারের সন্নিবেশ সর্বথা নিষ্ফল, ধর্মহীন সভ্যতা ও সংস্কার তেমনি একান্ত নিরর্থক । মন্দিরের শোভা সযত্নে সর্বপ্রথমে সাধিত হউক কিন্তু মন্দিরই যেন সর্বত্র হইয়া না উঠে—মন্দিরের অধিষ্ঠাত্রী দেবতাই যেন সকলের মূল লক্ষ্য হইয়া অস্তুর বাহির পূর্ণ করিয়া চিরদিন বিরাজিত থাকেন ।

### কিরূপে শান্তি অক্ষুণ্ণ থাকে ।

পাঠিকাগণ, আপনাদিগকে জিজ্ঞাসা করি, সমস্তদিন সংসারের নানা কর্তব্য কর্ম সম্পাদন করিতে করিতে একবারও কি অশান্তি বা বিরক্তি আসে নাই? সন্ধ্যা বেলা দিবসের কর্ম সমাপনান্তর যখন একটু অবকাশ পাই, তখন সমস্ত দিনের কর্মের আলোচনা ও বিচার করিতে বসিলে দেখি, কত ব্যস্ততা, অধীরতা, বিরক্তি ক্রোধ আসিয়াছে । অর্থাৎ কত বার মনের শান্তি হারাইয়াছি, আপনাকে দুঃখী ও দুর্ভাগ্য করিয়াছি ।

প্রাতঃকালে শয্যা হইতে গাত্রোথান করিয়া ভগবানের নিকটে প্রার্থনা করিলাম, সমস্ত দিনের কাজ কর্মের মধ্যে যেন মনের শান্তি, সমতা না হারাই; কিন্তু মধ্যাহ্নের পূর্বেই দেখি কতবার অশান্ত

হইয়াছি । সংসার বড় ভয়ানক স্থান, প্রাণে পদে পদে এত বাধা িন্ন, মুহূর্ত্তে মুহূর্ত্তে এত বিরক্তি, অশান্তির কারণ উপস্থিত হয় যে, ইহার মধ্য দিয়া শান্ত সন্তুষ্ট ও প্রফুল্ল মনে গমন করিতে পারেন, এমন ভাগ্যবান ব্যক্তি অতি অল্পই দেখিতে পাওয়া যায় । দিনের কর্মের মধ্যে এক এক সময় চারিদিক হইতে এত বিরক্তির কারণ উপস্থিত হয় যে, মনে হয় যেন সকলে মিলিয়া পরামর্শ করিয়া ধৈর্য্য পরীক্ষা করিতে আসিয়াছে; সে সময় যোগীরাও শান্তি রক্ষা করিতে পারেন না । পাঠিকা, এরকম পরীক্ষার সময় কি আপনার কাছে উপস্থিত হয় নাই? অবশ্যই হইয়াছে । গৃহিণী জননী যিনি, বাহার কত প্রকার কর্তব্য, দায়িত্ব তাঁহার নিকট প্রায়ই এ অবস্থা আসে । পাঠিকা, এই প্রকার একটি কার্যব্যস্ততার অবস্থা স্মরণ করিয়া দেখুন প্রাতঃকালে যখন আহারের আয়োজন করিতে ব্যস্ত, শিশু সন্তান ক্রন্দন করিতে আরম্ভ করিয়াছে, কেহবা অল্প চাহিতেছে, ভৃত্যকে ডাকিয়া পাওয়া যাইতেছে না, দূরস্থ কোনও আত্মীয়ের পীড়ার সংবাদ আসিল, কেহবা কোন মূল্যবান দ্রব্য হঠাৎ ভাঙ্গিয়া ফেলিল, এমন সময়ে হয়ত শিশুটি পড়িয়া গিয়া ভয়ানক আঘাত পাইল,—গৃহিণী, জননী ভাবিয়া দেখুন, এসময় স্থির শান্ত থাকা কাহার সাধ্য! তখন অধীর অশান্ত হইয়া আর একটি কিছু অত্যন্ত কাজ করিয়া বসেন, হয় সন্তানকে প্রহার, নয়ত ভৃত্যকে তিরস্কার করেন । নারীর জীবনে এরকম পরীক্ষার

অবস্থা প্রতিদিনই আসে । যিনি অধীর হইয়া পড়েন, তিনি দশ দিক অন্ধকার দেখেন । মানুষ বড় বড় বিপদ পরীক্ষা বরণ সহ্য করিতে পারে, কিন্তু সংসারে প্রতি মুহূর্ত্তে ক্ষুদ্র ক্ষুদ্র পরীক্ষার, অসুবিধায় ও ক্ষতিতে অধীর হইয়া পড়ে ।

পূর্বকালে অনেকে (এখনও কেহ কেহ) প্রলোভন ও পরীক্ষাপূর্ণ সংসার ত্যাগ করিয়া নির্জন্ম বনে গিয়া একাকী ধর্মসাধন করিতেন । ধর্মসাধনের পক্ষে আমাদের দেশের লোক বনগমনই প্রকৃষ্ট পথ মনে করিতেন । সেখানে গিয়া প্রলোভন পরীক্ষার হাত এড়াইয়া একান্ত মনে ভগবানে মনোভিনবেশ করিতেন । কিন্তু একরূপ ভাবে ধর্ম উপার্জন করার বা ধার্মিক হওয়ার অধিক মূল্য নাই । সংসারের পরীক্ষা প্রলোভনে মনের শান্তি চলিয়া যায় সেই জন্য সে সব ছাড়িয়া নিরাপদে ধর্ম সাধন করা হয় তাহার উপকারিতা কি? পুনরায় সংসারে আসিলেই যদি মনে অধীরতা বিরক্তি ক্রোধ হিংসা ঘেঁষ সাংসারিকতা আসে তবে তাহার মূল্য কি? রাগের কারণ উপস্থিত হয় নাই বলিয়া রাগ কর নাই, হিংসার উদ্বেক করে এমন কোনও ঘটনা ঘটে নাই বলিয়া হিংসা প্রবল হয় নাই তখন কি তোমাকে অক্রোধী বা অহিংসুক বলা যায়? অন্তরে সকল প্রকার প্রবৃত্তি রহিয়াছে যখন যে প্রবৃত্তির উপরে আঘাত পড়িতেছে, তখন সে আপনার অন্তর্নিহিত প্রবল পরাক্রম প্রকাশ করিতেছে । এখানে আর একটা বিষয়েরও উল্লেখ



করা যাইতে পারে। আমরা অন্যের দোষের বিচার করি, বলি, মানুষ আবার এরকম কাজ করিতে পারে? কিন্তু যদি বিচার করিয়া দেখি, সে কিরূপ অবস্থায় পড়িয়া, কিরূপ প্রলুব্ধ বা উত্তেজিত হইয়া সেরূপ কর্ম করিয়াছে, তখন তাহার সহিত সহানুভূতি হয়। আমি সে অবস্থায় পড়িলে, সেরূপ উত্তেজনা প্রলোভন উপস্থিত হইলে, কি করিতাম তার পরে যেন তাহার বিচার করি। আমি যে অমুক পাপ কার্য করি নাই তাহার কারণ সেরূপ কোন পরীক্ষা আমার নিকট উপস্থিত হয় নাই। আমি যে সেরূপ পাপ কর্ম কখনও করিতে পারি না তাহা কি বলিতে পারি? অথচ আপেক্ষা আপনাকে শ্রেষ্ঠ মনে করিবার কোনও কারণ নাই। যে কোনও যুদ্ধক্ষেত্রে গিয়া আপনার শৌর্য্য বীৰ্য্য প্রকাশ করে নাই সে কখনও যোদ্ধা হইতে পারে না, হইতে পারে সে বহুদিন হইতে যুদ্ধবিদ্যা অভ্যাস করিতেছে অনুকরণ করিতেছে, কিন্তু যে পর্য্যন্ত না ভীষণ যুদ্ধক্ষেত্রে আপনার সকল, শক্তি বুদ্ধি ব্যয় করিয়াছে, সে পর্য্যন্ত সে যোদ্ধা নয়। প্রতিদিনের কর্মক্ষেত্রে যুদ্ধক্ষেত্রে আপেক্ষা অধিক পরিষ্কার পূর্ণ। যুদ্ধক্ষেত্রে হইতে অনেকেই বিজয়ী হইয়া ফিরিয়া আসেন কিন্তু এক্ষেত্রে হইতে অতি অল্প লোকেই বিজয়ী হইয়া গমন করিতে পারেন। সংসারে যিনি জয়ী হন, তিনি যুদ্ধজয়ী আপেক্ষা অনেক গুণ শ্রেষ্ঠ। সংসার ত্যাগ করিয়া একাকী কখনও জীবনের বিকাশ বা উন্নতি হয় না।

ভগবান, ধৈর্য্য সহিষ্ণুতা ক্ষমা, উদারতা প্রভৃতি সকল গুণের বিকাশের জন্ত রাগ বিরক্তির কারণ পূর্ণ এই সংসারে রাখিয়াছেন। বর্তমান যুগের বিশেষ ধর্ম এই শান্তি, অবিকৃত চিত্তে, সুমিষ্টভাবে, সকলের প্রতি কর্তব্য করিতে হইবে।

চিত্রবিদ্যা শিখিতে হইলে, কেবল, সুন্দর সুন্দর চিত্র দেখিয়া প্রশংসা করিলেই হয় না, কিন্তু বহুদিন ধরিয়া বহুসংখ্যক পবিত্রম করিয়া, অভ্যাস করিতে হয়। এখানে প্রতিমূহুর্তে ধৈর্য্য সংযম আত্মত্যাগ শিক্ষা করিতে হয়; পরিবারে সমাজে থাকিয়া সকলের প্রতি কর্তব্য করিলে বহু শিক্ষা হয় সংসার, তাহাকে নানা পরীক্ষার আঘাতে মানুষ করিয়া দেয়, শত শত পুস্তক পড়িলেও এ সে শিক্ষা অতিজ্ঞতা হয় না। একাকী বাস করিলে, কোনও পরীক্ষাও নাই কোনও শিক্ষাও নাই। নব নব কর্তব্য দায়িত্ব অর্থ নব নব পরীক্ষায় পতিত হওয়া, নব নব পরীক্ষা অর্থ, নব নব শিক্ষা লাভ করা। আমরা নিতান্ত নির্বোধের ছায় ভাবি, সংসারে সবদিকে বেশ সুবিধা হবে, সব অনুকূল হবে, তবে আমি ধর্ম সাধন করিব, অক্রোধী সংযমী হব। যদি সবই অনুকূল স্বচ্ছল হয় তবে জড়প্রকৃতি পাইতে হয়, কোনও বিকাশ হয় না। যাহারা সুখস্বচ্ছন্দতা আরামের মধ্যে প্রতিপালিত হয় তাহারা অনেক সময়ে মনুষ্য নামের অযোগ্য হয় ও পরে নানা বিপদ দুঃখে পড়িয়া একেবারে গন্ধকার দেখে বা পরীক্ষা বিপদের আঘাতে ঠেকিয়া শিখিয়া মানুষ হয়। আবার ইহাও দেখিতে

পাই প্রতিকূল অবস্থার মধ্যে পরিবর্তিত হইয়া আত্মোন্নতি করিতে সমর্থ হয়। সবই অনুকূল স্বচ্ছল হবে, তবে আমি ভাল হব সেটা ভুল। বাধা বিঘ্ন অসুবিধা প্রতিকূলতা এসব ভগবানের স্বহস্তের দান, মানবের উন্নতির পরম সহায়। অল্পবুদ্ধি অদূরদর্শী আমরা, আমরা ভাবি রোগ শোক থাকিবে না সুস্থশরীর সুব্যবস্থা হইলে তখন ইহা করিব। বুঝি না, দুঃখ বিপদ বাধা বিঘ্ন আসিয়া কত শিক্ষা দিয়া যায়। তাই কবি বলিয়াছেন “আমি তাই চাই ভরিয়া পরাণ, দুঃখের সাথে দুঃখের ত্রাণ, তোমার হাতের বেদনার দান, এড়ায়ে চাই না মুকতি; দুঃখ হবে, মোর মাথার ভূষণ সাথে যদি দাও ভকতি।”

সমস্তদিন কি কি কারণে মনের শান্তি হারাই? আপনারা একবার চিন্তা করিয়া দেখুন, আপনাদের কি মনে হয়? ১। লোকে আমার কথা গুনিল না; আমার কথামত কাজ করিল না। ২। আমাকে সম্মান বা আদর যত্ন করিল না। ৩। আমার দোষ প্রদর্শন করিল বা অযথা অতিরিক্ত তিরস্কার করিল। ৪। অসুবিধায় পড়িতে হইল বা ক্ষতিগ্রস্ত হইতে হইল। কেহ যদি আমার কথা না শুনে আমার কথামত কাজ না করে; সেজন্ত মনে মনে রুষ্ট বিরক্ত হইয়া কি লাভ? অতি সামান্য সামান্য বিষয়েও আপনার ইচ্ছা বজায় রাখিতে মনে একটা জেদ হয় সহজে অন্যের ইচ্ছাতে, মত দি না, অন্যের ইচ্ছা মত চলিলাম, তাহাতে ক্ষতি কি, অনেক সময় দেখি ভালই হইয়াছে। কিন্তু

যদি আমার ইচ্ছা পূর্ণ হইল না বলিয়া কষ্ট পাই, নিজের মানও থাকে না, আর অন্যকেও অশান্তিতে ফেলি। আমার যাহা বলিবার বলিলাম, যাহা সাধ্য হয় করিলাম, যে বিষয়ে আমার কোনও হাত নাই সে বিষয়ে শান্ত হইতে হইবে। কেহ যদি সম্মান না দেয় সে বিষয়ে মনোযোগ দিবার দবকার কি, যতই মনে করিব, সে আমাকে মানিল না, ততই অশান্তি বোধ করব। যে দোষ প্রদর্শন করিল পরম উপকার করিল, ক্রুদ্ধ না হইয়া, সে দোষকে স্বীকার করিয়া সংশোধন করিতে হইবে। আর একটা উপায় অন্যের দোষ প্রদর্শন না করা। কাহারও জন্ত অসুবিধায় পড়িতে হইল, ক্ষতিগ্রস্ত হইতে হইল, তাহা ক্ষমা করিয়া সহ্য করিতে হইবে। একের দোষ দুর্বলতার জন্ত অথকে কষ্ট পাইতে হয়। আমার জন্তেও কত সময় অথকে অসুবিধা ভোগ করিতে হয়। ক্ষমা না করিলে শান্তি অসম্ভব। ক্ষমা ও ধৈর্য্য শান্তির সোপান। যিনি সকলকে ক্ষমা করিতে পারেন, তাঁর শান্তি কে হরণ করিবে? তুমি কাহারও কোন অনিষ্ট সাধন কর না; কাহাকেও আঘাত দাও না, কিন্তু লোকে তোমার অনিষ্ট সাধন করিতে পারে তোমাকে আঘাত দিতে পারে তখন যদি তোমার মনে প্রতিশোধের ইচ্ছা হয়, তাহা হইলে, তুমি তোমার শান্তি হারাইলে। অতএব দেখা যাইতেছে, মনের শান্তি সমতা প্রফুল্লতা অব্যাহত রাখিতে হইলে, কেবল যে আপনার চিত্তবৃত্তি সকলকে সুসংযত



করিতে হয় তাহা নয় কিন্তু অল্পের আচার  
অবিচার অযথা তিরস্কার কঠোর বাবদীর  
শান্তভাবে সহ্য করিয়া ক্ষমা করিতে হইবে ।  
অপরাধীর বিষয়ে উদাসীন হইলে কিম্বা  
কোন প্রকারে ক্ষমা করিলে মনে শান্তি  
থাকে না, কিন্তু যদি তৎপরিবর্তে মিষ্ট  
বাবদীর করিতে পারি, তাহার হিতাকাঙ্ক্ষী  
হইতে পারি তবেই শান্তি দেবী সেখানে  
তিষ্ঠিতে পারেন । আমি যদি বলি,  
আমিত চেষ্টা করি যাহাতে রাগ না হয়  
কিন্তু লোকে যে আমায় রাগায়, একথা  
বলিলে, নিষ্কৃতি কোথায় ? লোকে নানা  
কারণ উপস্থিত করিবে । আর আমি  
যদি উত্তরোত্তর অধিক ক্রোধী হইতে  
থাকি, তাহাতে আমারই ক্ষতি । যদি  
কেহ অগ্নিকে আঘাত দিবার জন্ত আপনার  
সমস্ত শরীর কণ্টক বিদ্ধ করে যে যে কেহ  
আমাকে আঘাত করিবে, সেই আহত  
হইবে । ইহাকে যেমন লোকে উদ্ভাদ  
বলিবে, সেই প্রকার ক্রোধীর প্রতি  
ক্রোধকরা কর্কশ বাক্যের পরিবর্তে কর্কশ  
বাক্য প্রয়োগ করা একই কথা । অল্পের  
মন্দ করিবার জন্ত আপনি মন্দ হওয়া ।  
মানুষের সুখ দুঃখ তাহার আপনার  
হাতে । সরল কোমল পরদুঃখে দুঃখী  
মিষ্ট প্রকৃতির লোক, সকলকে ভালবাসিয়া,  
সকলের হিত সাধন করিয়া, আপনিও  
সুখী হয় অগ্নিকেও সুখী করে । ভগবানে  
যাহার চিত্ত সর্বক্ষণ নিমগ্ন, সেই ব্যক্তিরই  
শান্তি চিরঅক্ষুণ্ণ থাকে ।

### হ্যালিবার্টন পত্নীর জীবনের পরীক্ষা । \*

ছায়া সত্যে পরিণত হইল ।

কিন্তু তথাপি এরূপ অপরিণত-বয়স্ক  
যুবককে গৃহে স্থান দিবার উচিত্য অনৌ-  
চিত্য সম্বন্ধে বিশেষরূপে বিবেচনা করিলেই  
ভাল হইত । মিষ্টার হ্যালিবার্টন টেট্  
পরিবারে আসিয়া বাস করিতে লাগিলেন ।  
তাহারা যতই তাহার সহিত পরিচিত  
হইতে লাগিলেন ততই তাহার প্রতি  
অধিক আকৃষ্ট হইতে লাগিলেন । জেনও  
আকৃষ্ট হইল ।

মিষ্টার হ্যালিবার্টনকে গৃহে স্থান দিলে  
তাহার ভাবীফল কি হইবে সেই বিষয়টী  
একটি ছায়ার আকারে মিঃ টেটের মনে  
উদিত হইয়াছিল, এবং সেই জন্মই তিনি  
তাঁহাকে পরিবারভুক্ত করিতে প্রথমে  
হৃদয়ে একটু দ্বিধাবোধ করিয়াছিলেন ।  
কিন্তু এই ক্ষণিকছায়া মুহূর্তের জন্মই

\* যিনি এই অনুবাদ কার্যে ব্রতী হইয়া-  
ছিলেন অগ্রাণু কর্তব্যের গুরুভার প্রযুক্ত  
তিনি এ কার্যে আর অগ্রসর হইতে  
অপারক । যিনি আরম্ভ করিয়াছিলেন  
তিনিই শেষ করিলে সুন্দর হইত ।  
কিন্তু যখন তিনি এ বিষয়ে অসমর্থ,  
তখন নিজের ক্রটি ও অক্ষমতা সত্ত্বেও  
এই কার্যভার আমি আনন্দের সহিত  
গ্রহণ করিলাম । যে পুস্তকের ইহা  
অনুবাদ, বঙ্গীয় নারীসমাজে সেরূপ পুস্ত-  
কের বহুল প্রচার একান্ত বাঞ্ছনীয় ।  
দেশের মঙ্গল আমার লক্ষ্য ; সুধী মণ্ডলী  
এই লক্ষ্য বিবেচনা করিয়া অনুবাদের  
সকল ক্রটি মার্জনা করিবেন ।

শ্রীবিনয় ভূষণ সরকার ।

তাঁহার মনের উপর কালিমা নিক্ষেপ  
করিয়াছিল—পরক্ষণেই সে ছায়া কোথায়  
বিলীন হইয়া গেল । যেখানে দুইটি মধুর  
স্বভাব-সম্পন্ন নবীন হৃদয় প্রতিদিন সম্মি-  
লিত হইবার সুযোগ প্রাপ্ত হয়, সেখানে  
সাধারণতঃ ফল এই দাঁড়ায় যে তাহাদের  
পরস্পরের মধ্যে একটা নিবিড় অহুরাগের  
ধ্বনন সৃষ্ট হয় । এই অহুরাগ পৃথিবীর  
যাবতীয় আকর্ষণ অপেক্ষা প্রবল এবং  
মধুর । এ ক্ষেত্রেও সেই ফলই ফলিয়াছিল ।

মিঃ হ্যালিবার্টনের টেট্ পরিবারে  
প্রথম আসিবার পর এক বৎসর অতি-  
বাহিত হইয়া গেল—জেন এবং হ্যালি-  
বার্টনের পক্ষে এই সময় যে কত শীঘ্র  
অতিবাহিত হইল তাহা কেবল তাহারাই  
বলিতে পারে । মিঃ হ্যালিবার্টন জেনকে  
এমন একটা কথাও বলেন নাই যাহা তিনি  
তাহার মাতা বা ভগ্নী মারগারেটকে  
বলিতে না পারিতেন । জেনও তাহার  
প্রতি কখনও এরূপ ভাবে দৃষ্টি-নিষ্ফেপ  
করে নাই যাহা দেখিয়া হ্যালিবার্টন বুঝিতে  
পারিতেন যে জেনের চক্ষে তিনি পৃথিবীর  
যাবতীয় আত্মীয়বর্গ হইতে পরমাত্মীয় ।  
কিন্তু তথাপি উভয়েই উভয়ের মনোগত-  
ভাব হৃদয়ঙ্গম করিতে পারিয়াছিল, এবং  
সেইজন্ত যখন এক বৎসর অতিবাহিত  
হইয়া গেল, তখন উহা তাহাদের পক্ষে  
এক মুহূর্ত বলিয়া বোধ হইতে লাগিল ।  
প্রেম যুগকে মুহূর্তে পরিণত করে ।

ডিসেম্বর মাসের একদিন সন্ধ্যার সময়  
জেন বাহিরের ঘরে দাঁড়াইয়া চা প্রস্তুত  
করিবার জন্ত অপেক্ষা করিতেছিল ।

সেই হ্যালিবার্টন যে দিন সর্বপ্রথম তাহা-  
দের বাড়ীতে আসেন সে দিন যেমন  
করিয়া জেন চা প্রস্তুত করিবার জন্ত  
অপেক্ষা করিতেছিল—আজও ঠিক সেই-  
রূপেই অপেক্ষা করিতেছিল । বাহিরের  
চিহ্ন ধরিয়া বিচার করিতে গেলে বলা  
যাইতে পারিত যেন তাহাদের প্রথম পরি-  
চয়ের পর এক ঘটনাও অতীত হয় নাই—  
ইহা যেন সেই দিনেরই সেই সন্ধ্যা ।  
আজি ঠিক তেমনি বাহিরে বৃষ্টি ও কর্দম  
এবং ভিতরে আলোক এবং উজ্জ্বলতা ।  
তেমনি করিয়া বাতিগুলি টেবিলের উপর  
দাঁড়াইয়াছিল—তেমনি করিয়া গৃহে অগ্নি  
প্রজ্জ্বলিত ছিল—এবং জেন একাকিনী  
সেখানে দাঁড়াইয়াছিল । গৃহিণী তাহার  
চিরসঙ্গী শিরঃপীড়া লইয়া উপরে শুইয়া-  
ছিলেন মার্গারেট তাহার কাছে ছিল অল্প  
দুইটি শালক তখনও গৃহে প্রত্যাগমন  
করে নাই ।

জেন চিন্তামগ্নভাবে দাঁড়াইয়াছিল,  
অগ্নির উজ্জ্বল আলোক তাহার মধুর মুখ-  
মণ্ডলের উপর দীপ্তি পাইতেছিল । শীতের  
সন্ধ্যার গোখুলি এবং রজনীর সম্মিলন  
মুহূর্তের এই নীরব গভীর শান্তি জেনের  
মনকে কি এক অবাঞ্ছিত মধুরভাবে আবিষ্ট  
করিয়া তুলিল ।

ঘড়িতে ৫টা বাজিয়া গেল । জেনের  
চিন্তাস্রোত থামিল না । সে ঘড়ির শব্দ  
কাণে শুনিল, কিন্তু উহা তাহার মনের  
উপর কোনই কার্য্য করিল না । ঘড়ির  
আওয়াজ গৃহের আকাশে মিলাইতে না  
মিলাইতে সম্মুখের দরজায় আঘাতের শব্দ